

21314

সূচী ।

প্রথম অধ্যায় ।

পঞ্জাব ।

পঞ্জাবের সাধারণ অবস্থা—আকগানিস্তানের সহিত সংঘর্ষ—মিরামীরের ঘটনা—একদৈ-
শীয়া সৈনিকদিগের নিরস্ত্রীকরণ—গোবিন্দগড়—কিরোজপুর—ফিলোর—পেশাবর—অভিন-
সৈনিকদলের সংগঠন—এতদৈশীয়া সৈনিকদলের নিরস্ত্রীকরণ—জলজর ... ১-৬৬

দ্বিতীয় অধ্যায় ।

দিল্লী ।

দিল্লী এবং তাহার পার্শ্ববর্তী স্থান—ইংরেজসৈন্তের সম্মিলন—সেনাপতি বার্ণার্ড—দিল্লী
অধিকারের প্রস্তাব—সিপাহীদিগের সহিত পুনঃপুনঃ যুদ্ধ—সেনাপতি বার্ণার্ডের মৃত্যু—সেনা-
পতি রীড—তাহার কর্মপরিত্যাগ—সেনাপতি উইলসন—ইংরেজ-শিবিরের অবস্থা—এতদৈ-
শীয়াদিগের প্রভুভক্তি—তাহাদের সহিত ইংরেজসৈন্তের ব্যবহার—দিল্লীর রাজপ্রাসাদ—যুদ্ধ
বাহাদুর শাহ ... ৬৬-১১১

তৃতীয় অধ্যায় ।

পেশাবর ।

পেশাবরপরিত্যাগের প্রস্তাব—বেহলুল ও জাঙ্গলকাট—সেনানায়ক মিকলসনের দিল্লীতে
গমন—মুজফ্ফরের যুদ্ধ ... ১১২-১৪৬

চতুর্থ অধ্যায় ।

বাঙ্গালা ও বিহার ।

প্রথম পরিচ্ছেদ ।

কলিকাতা ।

কলিকাতা—ইউরোপীয়দিগের আতঙ্ক ও উত্তেজনা—গবর্ণর-জেনারেলের উদ্বেগ—তাহার
প্রশান্তভাবে—ভিন্ন ভিন্ন স্থানে সৈনিকদলের প্রেরণ—বেচ্ছাপ্রাপ্ত সৈনিকদল—মুদ্রণব্যবস্থার

গর নিরাকরণ—কলিকাতার ইউরোপীয় ও ফিরিঙ্গি
সিপাহীর নবাবের অবরোধ—অস্ত্রব্যবহারসংক্রান্ত বিধি-
কার্ণে ইউরোপীয় সৈন্তের নিয়োগ ... ১৪৭-১৭

দ্বিতীয় পরিচ্ছেদ।

বিহার।

সিপাহী—পাটনার ঘটনা—দানাপুরের ঘটনা—আরা-
প্রতিপত্তি ও ক্রমতা—সিপাহীদিগের সহিত উাহার সন্ধি
হ—কাণ্ডেন ডানবার—বিন্সেন্ট আয়ার—আরার অধি-
কুমারসিংহের শাসিরামে যাত্রা—ভিন্ন ভিন্ন স্থানে উাহা-
উাহার যুদ্ধ—উাহার যুদ্ধকোশল—উাহার জগদীশপু-
জগদীশপু্রে ইংরেজসৈন্তের পরাজয়—কুমার সিংহের দেহ
... ১৭৭-২৬

তৃতীয় পরিচ্ছেদ।

বিহার ও উড়িষ্যার অন্যান্য স্থান।

ছাপরা—গয়া—কমিশনের টেলর সাহেবের পদচ্যুতি—
ড—চটগ্রাম—ঢাকা—ছুটিয়া নাগপুর—ভারতবাসীদিগে-
... ২৬৫-৩০:
... ৩০৩-৩১২



সিপাহীযুদ্ধের ইতিহাস ।

প্রথম অধ্যায় ।

পঞ্জাব ।

পঞ্জাবের সাধারণ অবস্থা—আফগানিস্তানের সহিত সংঘর্ষে সিমলায়ীর ঘটনা—এতদেশীয় সৈনিকদিগের নিরস্ত্রীকরণ—গোবিন্দগড়—ফিরোজপুর—ফিলোর—পেশাবর—অভিনব সৈনিকদলের সংগঠন—এতদেশীয় সৈনিকদলের নিরস্ত্রীকরণ—জলদার ।

বাংলা ও উত্তরপশ্চিম প্রদেশে যখন সিপাহীদিগের প্রবল উত্তেজনা পরিদৃষ্ট হয়, নগরের পর নগরে যখন ইউরোপীয়দিগের শোণিতস্রোত প্রবাহিত হইতে থাকে, তখন ভারতবর্ষের উত্তরপশ্চিম প্রান্তে পঞ্চসরিংবিধে বিস্তৃত ভূখণ্ডের বিষয়ও লড ক্যানিংয়ের চিন্তার বিষয়ীভূত হয় । আট বৎসরের অধিক কাল হইল, মহারাজ রণজিৎ সিংহের এই বিস্তৃত রাজ্য ব্রিটিশ কোম্পানির অধিকৃত হইয়াছিল । কিন্তু এই অধীনতায় পঞ্চনদের চিরপ্রসিদ্ধ শিখজাতির বীরত্ব ও সাহসের বিলয় হয় নাই । যাহারা এক সময়ে পঞ্জাবকেশরীর সৈনিকদলে প্রবিষ্ট হইয়া অসামান্য শূরত্বের পরিচয়

দিয়াছিল, তাহারা এখন নিরস্ত্রীকৃত হইয়াছিল। পঞ্জাবের অনেক স্থানে এইরূপ নিরস্ত্রীকৃত সৈনিক বাস করিতে ছিল। এদিকে বিভিন্ন সৈনিক নিবাসে বহুসংখ্য সিপাহীও ছিল*। উত্তেজনার সময়ে ইহাদের সহিত যদি শিখগণ সম্মিলিত হইত, তাহা হইলে বিপদ অনিবার্য হইবার সম্ভাবনা ছিল। ইউরোপের এক জন প্রধান দার্শনিক (মহামতি বেকন) লিখিয়াছেন, “প্রাচীর-বেষ্টিত নগর, অস্ত্রশস্ত্রপরিপূর্ণ অস্ত্রাগার, দ্রুতগতিশীল অশ্ব, যুদ্ধরথ, হস্তী, কামান, এগুলি সিংহচর্যাচ্ছাদিত মেঘের স্বরূপ, লোকে দৃঢ়তাসম্পন্ন ও যুদ্ধকুশল না হইলে ঐ সকলের কিছুতেই কিছু হয় না”। শিখগণ দৃঢ়তাসম্পন্ন ও সমর-কুশল ছিল। লর্ড হাডিঞ্জ ও লর্ড গফ্ ভারতসাম্রাজ্যের সর্বোৎকৃষ্ট সৈনিকদল-সহ যাহাদের স্বদেশীয়গণের সহিত সম্মুখযুদ্ধে যার পর নাই ক্ষতিগ্রস্ত হইয়াছিলেন, যাহাদের স্বদেশীয়গণ চিনিয়াবালাপ্রান্তরে উৎকৃষ্ট ব্রিটিশ সৈনিক দলকে মেঘপালের জায় তাড়িত করিয়াছিল, তাহারা কখনও দুর্বল বলিয়া উপেক্ষিত হইতে পারে না। গবর্নমেন্টও তাহাদের তেজস্বিতার বিষয় বিস্মৃত হয়েন নাই। যদিও তাহাদের দেশ ব্রিটিশকোম্পানির অধীন হইয়াছিল, তাহাদের দুর্গে ব্রিটিশ পতাকা উড্ডীন হইতেছিল, তাহাদের অস্ত্র-শস্ত্র হস্তচ্যুত হইয়া গিয়াছিল, তথাপি তাহারা তেজস্বিতায় বিসর্জন দেয় নাই। পূর্বতন গৌরবকাহিনী তাহাদের স্মৃতিপট হইতে অন্তর্ধান করে নাই। পূর্বতন স্বাধীনতাবের সুখলালসা তাহাদের হৃদয় হইতে অপসারিত হয় নাই। পরাধীনতায় আবদ্ধ, পরকীয় শাসনে পরিচালিত ও পরহস্তে নিগৃহীত হইলেও, তাহারা স্বাধীনতার উপাসক ছিল। নওশেরা ও চিনিয়াবালার কথা এখনও তাহাদিগকে শূরত্বপ্রকাশে সমুত্তেজিত করিতেছিল।

উপস্থিত সময়ে এই রূপ দৃঢ়তাসম্পন্ন সাহসী বীর পুরুষেরা স্বদেশের স্বাধীনতার জন্য পুনর্বীর ব্রিটিশ গবর্নমেন্টের বিরুদ্ধে অস্ত্রপরিগ্রহে অসমর্থ ছিল না। পঞ্জাব পরহস্তগত হওয়াতে তত্রত্য সর্দারদিগের অনেক ক্ষতি

* দ্বিতীয় শিখযুদ্ধের পর পঞ্জাবী সৈনিকশ্রেণীতে ২০ হাজার লোকের বেশি ছিল না ইহাদের মধ্যে দশ হাজার শিখ, সাত হাজার পঞ্জাবী মুসলমান, চারি হাজার পাহাড়ি রাজপুত, চারি হাজার হিন্দুস্থানী এবং এক হাজার গুর্খা ছিল।

হইয়াছিল। তাঁহাদের চিরন্তন স্বত্ব বিলুপ্ত হইয়াছিল। তাঁহাদের গৌরব-জনক পদমর্যাদারও বিলয় হইয়াছিল। তাঁহাদের অধিকৃত সম্পত্তি অনেকাংশে বিনষ্ট হইয়াছিল। তাঁহারা যদিও ব্রিটিশশাসনে প্রশান্তভাবে কালাতিপাত করিতেছিলেন, তথাপি তাঁহাদের স্বজাতিপ্ৰীতি ও স্বদেশভক্তি তিরোহিত হয় নাই। স্বদেশের জন্ত পুনর্ব্বার তাঁহাদের তেজস্বিতার বিকাশ হওয়া অসম্ভব ছিল না। কেবল পঞ্জাবেই এইরূপ আশঙ্কার কারণ বর্ত্তমান ছিল না। পঞ্জাবের উত্তর প্রান্তে আর এক যুদ্ধপ্রিয় জাতির বসতি ছিল। ইহারা বিদেশীয় রাজার বশীভূত ছিল না। ব্রিটিশ গবর্ণমেন্ট ইহাদিগকে কখনও উৎকোচ দিয়া, কখনও বা ভয় দেখাইয়া, শাস্তভাবে রাখিয়া ছিলেন। উচ্ছৃঙ্খলপ্রকৃতি আফগানেরা শিখদিগের সহিত সম্মিলিত হইলে গুরুতর বিপদের সম্ভাবনা ছিল। কিন্তু কাবুলের আমীর দোস্ত মহম্মদ ব্রিটিশ গবর্ণমেন্টের সহিত সন্ধিসূত্রে আবদ্ধ ছিলেন। তিনি কোম্পানির নিকটে রীতিমত অর্থ পাইতেন। অর্থের পরিবর্তে ইঙ্গরেজের বিরাগের উৎপাদন করা তাঁহার অভিপ্রেত ছিল না। এদিকে পঞ্জাবে কেবল এক জাতি বাস করিত না। হিন্দু, মুসলমান ও শিখ, এই তিন জাতি প্রধানতঃ পঞ্জাবে বাস করিত। শিখদিগের সহিত দিল্লীর মোগল ভূপতিগণের কোন সংস্রব ছিল না। তাহারা মোগলের অধিকারে সৌভাগ্যসম্পত্তির অধিকারী হয় নাই। মোগলের অল্পগ্রাহে আপনারা গৌরবান্বিত হয় নাই বা মোগলের সম্মানে আপনাদিগকে সম্মানিত বোধ করে নাই। মোগলের প্রতি তাহাদের সমবেদনার পরিচয় পাওয়া যায় না, স্তবরাং তাহারা দিল্লীর বৃদ্ধ মোগল ভূপতির উন্নতিতে আত্মসম্মতি হয় নাই, বা তাহার অবনতিতেও দুঃখ প্রকাশ করে নাই। পঞ্জাবের রাজধানী লাহোরে ৯০ হাজার লোকের বাস ছিল। ইহাদের অধিকাংশ মুসলমান ও শিখ। এই দুই জাতির মধ্যে তাদৃশ সম্ভাব ছিল না। পক্ষান্তরে শিখদিগের অনেকেই নিরস্ত্রীকৃত হইয়া ছিল। অনেকে অস্ত্রসঞ্চালনের পরিবর্তে হলচালনায় মনোনিবেশ করিয়াছিল। অনেকে আবার আপনাদের চিরব্যবহৃত অস্ত্রাদি গোপনীয় স্থানে লুক্কায়িত রাখিয়াছিল। পঞ্জাবকেশরীর দেহত্যাগের পর রাজ্যে যে গোপলযোগ ঘটিয়াছিল, তাহা ইহাতে নিষ্কণ্টকিত করিয়া, অনেকে ইঙ্গরেজের শাসনে

শান্তভাবে কৃষিকার্যে মনোনিবেশ করিয়াছিল। কৃষাজনোচিত নিরীহ ভাবের পরিবর্তে ইহার সহসা মুসলমানের সহিত উত্তেজনার পরিচয় দিতে ইচ্ছা করে নাই। পঞ্জাবকেশরীর পঞ্চনদ বীরত্বসম্পন্ন জাতির আবাসভূমি হইলেও সমবেদনা ও সৌহৃদ্যের অভাবপ্রযুক্ত এক সম্প্রদায় অল্প সম্প্রদায় হইতে পৃথক ছিল। এইরূপ পার্থক্য থাকাতে উপস্থিত সঙ্কটকালে পঞ্জাবের জায় বীরজননী ভূমিতে ব্রিটিশ গবর্ণমেন্টের পক্ষে অল্পকূল ঘটনার সূচনা হইয়াছিল।

উপস্থিত সময়ে এক দল ইউরোপীয় এবং এক দল সিপাহী সৈন্য লাহোরের দুর্গ রক্ষা করিতেছিল। লাহোরের ছয় মাইল দূরে মিয়ানীরনামক স্থানে সৈনিকনিবাস ছিল। এই সৈনিকনিবাসে তিন দল পদাতি, এক দল অশ্ব-রোহী সিপাহী এবং এক দল ইউরোপীয় পদাতি ও কতিপয় কামানরক্ষক সৈনিক পুরুষ অবস্থিত করিত। ইউরোপীয় সৈনিকের সংখ্যা অধিক ছিল না। মোটামুটি হিসাব করিলে এতি চারি জন সিপাহীর স্থলে এক জন করিয়া ইউরোপীয় সৈনিক পুরুষ ছিল। পঞ্জাবের প্রধান কমিশনার জার্ন জন লরেন্স এই সময়ে যাবলপিণ্ডিতে অবস্থিত করিতেছিলেন। স্মরণ্য বিচার-বিভাগের কমিশনার রবার্ট মন্টগোমারির প্রতি প্রধান কমিশনারের কার্যভার সমর্পিত ছিল।

১১ই মে মীরাতের সংবাদ লাহোরে উপস্থিত হয়। তৎপর দিন প্রাতঃকালে তাড়িত বার্তাবহ উহা অপেক্ষাও ভয়াবহ সংবাদ লাহোরস্থিত ইঙ্গরেজ রাজপুরুষদিগের গোচর করে। রবার্ট মন্টগোমারি প্রথম দিন মীরাতের সিপাহীদিগের অভ্যুত্থানের সংবাদ পাইয়া কর্তব্যাকর্তব্যবিচার করিতে না করিতেই দ্বিতীয় দিন দিল্লীর ভয়ঙ্কর ঘটনা জানিয়া স্তম্ভিত হয়েন। মীরাতের ইউরোপীয়গণের অনেকে নিহত ও অনেকে তাড়িত হইয়াছেন। মোগলের প্রসিদ্ধ রাজধানী উত্তেজিত সিপাহীদিগের হস্তগত হইয়াছে। তত্রত্য ইউরোপীয়গণ দলে দলে নিহত বা পলায়িত হইয়াছেন। উত্তেজিত লোকে বৃদ্ধ মোগল ভূপতিকে সমগ্র ভারতের সম্রাট বলিয়া সম্মানিত করিয়াছে। রবার্ট মন্টগোমারি ইহা স্পষ্ট বুঝিতে পারিলেন। কিন্তু এখন অল্পশোচনা বা বিশ্বয়প্রকাশের সময় ছিল না। পঞ্জাবে বহু-

সংখ্যক সিপাহী অবস্থিতি করিতেছে। পঞ্জাবের শিখ ও মুসলমানগণ আজন্ম বীরব্রতে দীক্ষিত রহিয়াছে। পঞ্জাবের অনতিদূরে উচ্ছৃঙ্খলপ্রকৃতি, জিগীষু আফগানগণ আপনাদের পার্শ্বত্যাগে দেশে শূরত্বপ্রকাশের অবসরপ্রতীক্ষা করিতেছে। রবার্ট মন্টগোমারি মুহূর্তকাল বিলম্ব না করিয়া ইহাদের মধ্যে আত্মপ্রাধাংশুস্থাপনে উদ্যত হইলেন। লাহোরের এক মাইল দূরে আনরকালিনামক স্থানে সিভিল স্টেশন ছিল। রবার্ট মন্টগোমারি এই স্থানে অপরাপর রাজপুরুষদিগের সহিত উপস্থিত বিষয়ে পরামর্শ করিতে লাগিলেন। তিনি প্রস্তাব করিলেন যে, সিপাহীরা গুলি, বারুদ ও বন্দুকের ক্যাপ রাখিতে পারিবে না। লাহোরের দুর্গে অতিরিক্ত ইউরোপীয় সৈন্য রাখা হইবে। এই প্রস্তাব সকলের অমুমোদিত হইল। রবার্ট মন্টগোমারি একজন সৈনিক পুরুষের সহিত মিয়ানমীরের সৈনিকনিবাসে ব্রিগেডিয়ার কর্বেটের নিকটে গমন করিলেন। কথিত আছে, এই সময়ে একটি ভয়াবহ ষড়যন্ত্রের বিষয় তাঁহাদের গোচর হয়।

লাহোরের দুর্গ নগরের প্রাচীরের মধ্যে ছিল। একদল ইউরোপীয় সৈনিক পুরুষ, একদল কামানরক্ষক পদাতি এবং মিয়ানমীরের সৈনিকনিবাসের ২৬সংখ্যক সিপাহীদলের কতিপয় সৈন্য এই দুর্গে অবস্থিতি করিতেছিল। নগরে শান্তিস্থাপন ও রাজকীয় ধনাগাররক্ষা করা ইহাদের উদ্দেশ্য ছিল। ২৬সংখ্যক দলের যে সকল সিপাহী মে মাসের প্রথমার্ধে দুর্গে পাহারা দিতে ছিল, ১৫ই মে তাহাদের পালা শেষ হয় এবং তাহাদের স্থলে মিয়ানমীরের ৪৯ সংখ্যক সিপাহীরা দুর্গরক্ষার ভার গ্রহণ করে। কথিত আছে, ষড়যন্ত্রকারিগণ এই সিদ্ধান্ত করিয়াছিল যে, যখন ৪৯ সংখ্যক দলের সিপাহীরা ২৬ সংখ্যক সিপাহীদিগকে অবসর দিবার জন্ত দুর্গে আসিবে, তখন এই উভয় দলের সমবেত সিপাহীদিগের সংখ্যা প্রায় ১,১০০ হইবে। ইহারা অবিলম্বে আফিসারদিগকে আক্রমণ ও দুর্গদ্বার অধিকার করিবে। দুর্গস্থিত ইউরোপীয় সৈনিকদিগের সংখ্যা অল্প হওয়াতে (ইহাদের সংখ্যা ১৫০ জনের অধিক ছিল না) ইহারা অনায়াসে তাহাদিগকে পরাজিত করিবে। অস্ত্রাগার ও ধনাগার অধিকার করা হইবে। অনন্তর নিকটবর্তী হাসপাতালের খালি বাড়ীতে আশ্রয় দেওয়া হইবে। মিয়ানমীরের

সিপাহীরা এই আশুন দেখিয়া বুঝিতে পারিবে যে, দুর্গস্থিত সিপাহীরা ইউরোপীয়দিগের বিরুদ্ধে সমুখিত হইয়াছে। স্মরণ্য তাহারাও অল্প পরিগ্রহ পূর্বক যুদ্ধে উদ্যত হইবে। কারাগারের দুই হাজার কয়েদীকে বিমুক্ত করা হইবে। এইরূপে সকলেই সমবেত হইয়া, ইউরোপীয়দিগকে সমূলে বিনষ্ট করিয়া ফেলিবে। কথিত আছে, মে মাসের প্রারম্ভে লাহোরের সিপাহীরা এইরূপ ষড়যন্ত্রে লিপ্ত হইয়াছিল। লাহোর ব্যতীত ফিরোজপুর, ফিলোর, জলন্ধর এবং অমৃতসরেও এই ষড়যন্ত্রের বিস্তার হইয়াছিল। প্রথমে দুই জন ইন্সপেক্টর এই রূপ ভয়ঙ্কর ষড়যন্ত্রের বিষয় প্রচার করেন *। কিন্তু মিয়ান্মীরের সৈনিকনিবাসের সমস্ত সিপাহীই যে, গোপনে উক্তরূপ পরামর্শ করিয়া ইউরোপীয়দিগের বিনাশসাধনে কৃতসঙ্কল্প হইয়াছিল, তৎসম্বন্ধে রাজপুরুষগণ কোন মতামত প্রকাশ করেন নাই। দুই এক জন অসম্ভব সিপাহী উক্ত রূপ কল্পনা করিতে পারে; উহা হইতে সর্বব্যাপী ষড়যন্ত্রের আবির্ভাব অসম্ভব নয়। কথিত আছে, কাপ্তেন লরেন্সনামক পুলিশ ও ঠগী বিভাগের কর্মধ্যক্ষ আপনার প্রধান মুন্সীকে লাহোরের সিপাহীদিগের মনোগত ভাব জানিবার জন্ত আদেশ দেন। এই মুন্সী অযোধ্যার একজন সম্ভ্রান্ত ব্রাহ্মণ। বিশ্বস্ত ও কর্মপটু বলিয়া, ইনি রাজপুরুষদিগের আদরলীয় ছিলেন। উক্ত মুন্সী অল্পসন্ধান করিয়া সিপাহীদিগের মধ্যে গভীর উত্তেজনার নিদর্শন দেখেন। ইনি এই অল্পসন্ধানের ফল সংক্ষেপে আপনার প্রভুর গোচর করেন; সংক্ষেপে রিচার্ড লরেন্সকে কহেন, “সাহেব! মিয়ান্মীরের সিপাহীরা গবর্নমেন্টের বিরোধী হইয়া উঠিয়াছে। সকলেই রাজদ্রোহিতায় পরিপূর্ণ। সকলেই বিপক্ষসাধনের স্বযোগপ্রতীক্ষা করিতেছে”†। এই বিশ্বস্ত মুন্সী এইরূপ সংক্ষিপ্ত ভাবে স্বীয় গবেষণার ফল প্রকাশ করেন। মিয়ান্মীরের সিপাহীরা কিরূপে এক সূত্রে গ্রথিত হইয়াছিল, কিরূপে সকলে গবর্নমেন্টের উচ্ছেদসাধনে মূঢ়প্রতিজ্ঞ হইয়া উঠিয়াছিল, তাহা তাহার কথায় কিছুই পরিষ্কৃত হয়

* *Martin, Indian Empire. Vol. II. p. 197*

† *Ibid. p. 197*

§ *Kaye, Sepoy War. Vol II. p. 427*

নাই। বোধ হয়, তিনিও ছই চারি জন সিপাহীর মনোগত ভাব বুঝিয়া দমগ্র সিপাহীদলকে সন্ধি, সমুত্তেজিত ও গবর্ণমেন্টের শক্ততাসাধনে কৃত-নিশ্চয় বলিয়া স্থির করিয়াছিলেন।

উপস্থিত বিষয়সম্বন্ধে প্রধান কমিশনরের মত গ্রহণ করা উচিত ছিল। কিন্তু লাহোর ও রাবলপিণ্ডির মধ্যে টেলিগ্রাফ বন্ধ হওয়াতে স্থান জন লরেন্সকে এই বিষয় যথাসময়ে জানাইবার সুবিধা হয় নাই। সুতরাং গুরুতর কার্য সম্পাদনের ভার রবার্ট মণ্টগোমারির প্রতি সমর্পিত হয়। মণ্টগোমারিও দাবিশেষ সম্বরণতাসহকারে এই গুরুতর কর্তব্যপালনে উদ্যত হইলেন।

রবার্ট মণ্টগোমারি এক জন সৈনিক কর্মচারি সহিত মিয়ানমীর সৈনিক নবাসের অধ্যক্ষ ব্রিগেডিয়ার কর্বেটের নিকটে উপস্থিত হইলেন। ব্রিগেডিয়ার যখন মীরাত ও দিল্লীর ঘটনা অবগত হইলেন, মণ্টগোমারির ভ্রাতা এক জন প্রধান রাজপুরুষ যখন তাহাকে অবশ্রুতাবী বিপদের নিবারণ ক্ষমত্ব সূচপায়নির্দ্ধারণ করিতে কহিলেন, তখন তিনি স্থির থাকিতে পারিলেন না। এখন পর্য্যন্তোচিত সমীক্ষাকারিতা ও উদ্যমশীলতার পরিচয় দিবার সময় উপস্থিত হইল। ব্রিগেডিয়ার সিপাহীদিগকে একবারে অস্ত্রশূন্য না করিয়া তাহাদিগকে মণ্টগোমারির প্রস্তাব অনুসারে গোলা, গুলি, বারুদ প্রভৃতি না দেওয়াই সম্ভব বলিয়া মনে করিলেন। এই সময়ে দিবা অবসানপ্রায় হইয়াছিল। দিনমণি মধ্য গগন হইতে আপনার প্রথর রশ্মিজাল সংযত করিয়া, ক্রমশঃ অন্তাচলের নিকটবর্তী হইতেছিলেন; সুতরাং সে দিন উক্ত সমস্ত অনুসারে কার্য করা হইল না। এদিকে ব্রিগেডিয়ার কর্বেট উপস্থিত বিষয়ে পুনর্বিচার করিতে লাগিলেন। যুগপৎ আশঙ্কা ও সন্দেহের তরঙ্গে তাঁহার হৃদয় আন্দোলিত হইতে লাগিল। সিপাহীদিগকে গুলিবারুদ না দিলেই যে, উপস্থিত বিপদ দূর হইবে, তদ্বিষয়ে তিনি সন্দেহ করিতে লাগিলেন। অবশেষে তাঁহার সিদ্ধান্ত হইল যে, নিরস্ত্রীকরণই বিপত্তিনিবারণের এক মাত্র উপায়। ব্রিগেডিয়ারের প্রস্তাব মণ্টগোমারির অনুমোদিত হইল। সুতরাং রাজপুরুষগণ সিপাহীদিগকে গুলি বারুদে বঞ্চিত না করিয়া এতদ্বারা গুলি বারুদে সর্বপ্রকার সামরিক চিহ্ন হইতে বিচ্ছিন্ন করিতে উদ্যত

এই কার্য্য নিরতিশয় দুর্লভ ও নানারূপ আশঙ্কাজনক ছিল। যে সকল সিপাহীকে নিরস্ত্র করিবার প্রস্তাব হইয়াছিল, তাহারা বীরত্বে বা সামরিক কৌশলে অপ্রসিদ্ধ ছিলনা। ইহাদের এক দল অর্থাৎ ১৬শ সংখ্যক পদাতিক, অসামান্য বীরত্বগুণে বীরেন্দ্রসমাজের বরণীয় হইয়াছিল। কান্দাহার ও গজনির যুদ্ধে ইহাদের সাহস ও পরাক্রম দেখিয়া সেনাপতি নটু সাতিশয় সন্তোষ প্রকাশ করিয়াছিলেন। ইহারা পঞ্চনদের প্রশস্ত ক্ষেত্রে, মুদকি ফিরোজসহর ও সোত্রাঁওর চিরপ্রসিদ্ধ রণস্থলে বিদেশীয় প্রভুর পক্ষসমর্থন জ্ঞাত স্বদেশীয় শিখদিগের বিরুদ্ধে অস্ত্রসঞ্চালন করিয়াছিল এবং শ্রীরঙ্গপত্তনে ইঙ্গরে ও আদেশে স্বদেশীয় রাজার ক্ষমতানিশে অসামান্য সাহসের পরিচয় দিয়া ইউ-ইহাদের প্রভুভক্তি, ইহাদের বিশ্বস্ততা, ইহাদের পরাক্রম এইরূপ প্রশংসনীয় গুণত্রীতির উদ্দীপক ছিল। ইহারা এইরূপ বিশ্বস্ততা, প্রভুভক্তি ও পরাক্রমের জ্ঞাত সমুচিত পারিতোষিকলাভেও বঞ্চিত হয় নাই। এই পারিতোষিক স্বরূপ সমুজ্জ্বল তারকা এবং মহীশূরের মুসলমান ভূপতির রাজকীয় চিহ্নরূপ ব্যাঘ্রলাঙ্ঘিত পদকে ইহাদের বক্ষোদেশে শোভিত থাকিত। এইরূপ রণনিপুণ বিশ্বস্ত সৈনিক দলের নিরস্ত্রীকরণ অবশ্য অসংসাহসের কার্য্য ছিল। নিরস্ত্রীকরণের প্রস্তাব সাধারণের গোচর হইলে বা কর্তৃপক্ষ ঐ প্রস্তাব অমুসারে কার্য্য করিতে বিলম্ব করিলে বিপদ অনিবার্য্য হইয়া উঠিবার সম্ভাবনা ছিল। কিন্তু রবার্ট মণ্টগোমারি বা ব্রিগেডিয়ার কর্বেট নিরস্ত্র হইলেন না। তাহারা স্বয়ং মাত্র ইউরোপীয় সৈনিক লইয়া সমগ্র সিপাহীদলকে সৈনিক শ্রেণী হইতে নিকাশিত করিতে উদ্যত হইলেন। অবিলম্বে পরদিন (১৩ই মে) প্রাতঃকালে কাওয়াজের ক্ষেত্রে সমগ্র সৈনিক পুরুষ দিগকে সমবেত হইতে আদেশ দেওয়া হইল। নিরস্ত্রীকরণের বিষয় ঘৃণাক্ষরেও কাহারও নিকটে প্রকাশিত না হয়, তদ্বিষয়ে মণ্টগোমারি ও কর্বেট, উভয়েই বিশেষ সাবধান হইলেন। তাহাদের মুখমণ্ডলে আশঙ্কাজ্ঞাপক কোনরূপ চিহ্ন রহিল না। ছুশ্চিন্তার কোনরূপ আবেশ দেখা গেল না। তাঁহাদিগকে চিন্তিত দেখিলে পাছে লাহোরের ইউরোপীয়গণ শঙ্কিত হয়, সাধারণে উৎসাহিত হইয়া পাছে তাঁহাদিগকে অধিকতর বিপদাপন্ন করিয়া তুলে, এই জ্ঞাত তাহারা সর্বপ্রকার ছুশ্চিন্তার বিসর্জন দিয়া, সর্বব্যাপী সজ্ঞাসে ওদাস্ত দেখাইয়া, প্রকাশভাবে প্রশান্তি ও প্রশম

বের পরিচয় দিতে লাগিলেন । বাহিরে সাধারণের সন্দেহের উদ্দীপক কোন
কই রহিলনা । এই দিন (১২ই মে) রাত্রিকালে সৈনিকনিবাসে সাহেব ও
বিদিগের নাচ হইবার কথা ছিল । ইউরোপীয় সৈনিক পুরুষগণ প্রফুল্ল-
ভাবে নাচের স্থলে গমন করিলেন । ইউরোপীয় কুলকামিনীগণ বিবিধ বেশ-
বায় সজ্জিত হইয়া, প্রশান্তভাবে নৃত্যমৈপুণ্যের পরিচয় দিতে উদ্যত হইলেন ।
সৈনিকনিবাসের নাচঘর আলোকমালায় শোভিত হইল । সেই আলোক-
শিতে বিচিত্রবেশধারিণী, নৃত্যনিপুণা কামিনীর সৌন্দর্য্যতরঙ্গ খেলিয়া
বড়াইতে লাগিল । ইউরোপীয় পুরুষগণ ও নারীগণ সমভাবে এইরূপ আমোদের
ঈপভোগ করিলেন । কাহারও প্রসন্ন মুখমণ্ডলে সে সময়ে বিষন্নতাজনিত
চলিমার সঞ্চার দেখা গেল না । কাহারও হৃদয় সন্দেহের তরঙ্গে আন্দোলিত
হইল না । কেহ গভীর আশঙ্কায় উদ্ভ্রান্ত হইয়া প্রতিক্ষুভে মহাপ্রলয়ের
বৈভীষিকায় বিচলিত হইলেন না । সেই নিদাঘের নিশীথে সকলেই উল্লাসে
উৎফুল্ল ও সকলেই উৎসবে উন্মত্ত হইয়া নৃত্যরঙ্গে সময়যাপন করিলেন ।
সৈনিকনিবাসের চারি দিকে যে সকল সিপাহী শাস্ত্রী ছিল, তাহারা ইঙ্গরেজ
দিগের এই রূপ উৎফুল্ল ভাব দেখিয়া কোন বিষয়ে সন্দেহান হইল না ।
ইঙ্গরেজদিগকে এইরূপ নিশ্চিন্তমনে আমোদে মত্ত দেখিয়াও, তাহারা এই
মুযোগে সৈনিকনিবাস অধিকার, ধনাগার আক্রমণ বা নিরস্ত্র ইউরোপীয়-
দিগকে বিনষ্ট করিতে উদ্যত হইল না । যদি মিয়ানীরের সিপাহীগণ
ইঙ্গরেজদিগের বিনাশের জন্ত যড়যন্ত্র করিত, তাহা হইলে তাহারা কখনও এই
মুযোগ পরিত্যাগ করিত না । তাহাদের বৈরনির্যাতনস্পৃহা এ সময়ে অবশ্যই
বলবতী হইত । তাহারা এ সময়ে ইঙ্গরেজদিগকে এই রূপ নিশ্চিন্ত ও নিরস্ত্র
দেখিয়া অস্ত্রপরিগ্রহ পূর্বক নিঃসন্দেহ তাহাদের বিরুদ্ধে সমুখিত হইত ।

১২ই মের রাত্রি মিরদেগে অতিবাহিত হইল । ইউরোপীয় কুলকামিনী
পুরুষদিগের নৃত্যরঙ্গে কোন ব্যাঘাত ঘটিল না । সিপাহীদিগের শাস্তি-
ধেরও কোন বিঘ্ন উপস্থিত হইল না । সিপাহীরা প্রশান্তভাবে প্রশস্ত
সৈনিকনিবাসে আপনাদের কর্তব্যকর্মে ব্যাপ্ত রহিল । ইউরোপীয়গণ
উৎফুল্লহৃদয়ে আলোকমালায় সমুজ্জ্বল, সুরমা গৃহে নৃত্যপরাগণা কামিনীদিগের
সৌন্দর্য্যসাগরে ভাসমান হইতে লাগিলেন । ক্রমে উষার অনতিগাঢ় অন্ধকার

তিরোহিত হইল। মিয়ান্মীরের প্রশস্ত ক্ষেত্র বালতপনের কারণে উদ্ভাসিত হইয়া উঠিল। ব্রিগেডিয়ারের আদেশে ইউরোপীয় সৈনিকদল ও সিপাহীগণ কাওয়াজের ক্ষেত্রে সমবেত হইল। মণ্টগোমারিপ্রভৃতি রাজপুরুষগণ আনন্দকালি হইতে অধারোহণে ঐ স্থানে উপস্থিত হইলেন। প্রত্যেক সৈনিক পুরুষই অধিনায়কের আদেশানুসারে কার্য্য করিতে লাগিল। এই সকল সৈনিকদল সর্ব্বপ্রথম এক শ্রেণীতে দণ্ডায়মান হইল। দক্ষিণে কামানসহ কামানরক্ষকগণ এবং ৮১সংখ্যক দলের প্রায় আড়াই শত ইউরোপীয় সৈনিক অবস্থিতি করিতে লাগিল। বামে এতদ্দেশীয় অধারোহিগণ সন্নিবেশিত হইল। মধ্যভাগে সিপাহীগণ অস্ত্রশস্ত্রে সজ্জিত হইয়া দণ্ডায়মান রহিল। এই শ্রেণীবদ্ধ সৈনিকদলে ইউরোপীয়দিগের সংখ্যা অতি অল্পই ছিল। প্রত্যেক সৈনিকদলের সম্মুখে বারাকপুরের ৩৪সংখ্যক সিপাহীদিগের নিরস্ত্রীকরণের আদেশলিপি পাঠিত হইল। ইহার পর প্রবানতঃ যে উদ্দেশ্যে সিপাহীদিগকে প্রাতঃকালের কাওয়াজের প্রশস্তক্ষেত্রে সমবেত করা হইয়াছে, সেই উদ্দেশ্যসিদ্ধির জন্ত সর্ব্বিশেষ 'কৌশলসহকারে কার্য্যারম্ভ হইল। এতদ্দেশীয় সৈনিকদলকে সম্মুখভাগ হইতে পশ্চাভাগে যাইতে আদেশ দেওয়া হইল। এদিকে ৮১সংখ্যক দলের ইউরোপীয় সৈনিকগণ আপনাদের পূর্ব্বতন স্থান পরিত্যাগ করিয়া অধারোহীদিগের সম্মুখে গিয়া দাঁড়াইল। কেবল কামানরক্ষকগণ কামানসহ সিপাহীদিগের পশ্চাভাগে রহিল। তাহারা এই স্থানে থাকিয়া কামান ভরিতে লাগিল। পশ্চাভাগে থাকিতে সিপাহীরা উহা দেখিতে পাইল না। অনন্তর ২৬সংখ্যক সিপাহীদলের লেফটেনেন্ট মোকাট্টানামক একজন সৈনিক পুরুষ ব্রিগেডিয়ারের আদেশে সিপাহীদিগের সম্মুখীন হইয়া এইভাবে হিন্দুস্থানী ভাষায় বলিতে লাগিলেনঃ—“এক্ষণে অত্যাচারী সৈনিকদলে বিদ্রোহভাব পরিলক্ষিত হইতেছে। এতদ্বারা অনেক উৎকৃষ্ট সৈনিকপুরুষের সর্ব্বনাশ ঘটবার সূত্রপাত হইয়াছে। মিয়ান্মীরের সৈনিকদল গবর্ণমেন্টের কার্য্য সূত্রনিয়মে সম্পন্ন করিয়াছে। এই সৈনিকদল যাহাতে বিদ্রোহভাবে পরিচালিত না হয়, তজ্জন্ত তাহাদিগকে অস্ত্রশস্ত্র হইতে বিচ্যুতকরাই স্থির হইয়াছে। এই হেতু সমগ্র সৈনিকদলকে আদেশ দেওয়া যাইতেছে যে, তাহারা আপনাদের সমস্ত অস্ত্র এক স্থানে স্তূপাকার ককক।”

লেফটেনেন্ট মোকাট্টা যখন গন্তীরস্বরে এইরূপ বক্তৃতা করিতেছিলেন, তখন ৮১সংখ্যক ইউরোপীয় সৈনিকগণ ছই দলে বিভক্ত হইয়া কামানের উভয় পার্শ্বে গিয়া দণ্ডায়মান হইয়াছিল। অনন্তর যখন সিপাহীদিগকে তাহাদের অস্ত্রসকল এক স্থানে রাখিবার আদেশ দেওয়া হইল, তখন তাহারা আপনাদের সমক্ষে গোলাভরা কামান দেখিতে পাইল। কামানরক্ষকগণ প্রজ্বলিত বস্তিকা হস্তে করিয়া কামানের পার্শ্বে দণ্ডায়মান ছিল। এদিকে ৮১সংখ্যক সৈনিকদিগকে বন্দুক ভরিবার আদেশ দেওয়া হইল। সিপাহীরা তখন অধিনায়কের আদেশপালনে অসম্মত হইল না। ১৬সংখ্যক দলের সিপাহীগণ প্রথমে অস্ত্রপরিচ্যাগে দোলায়মানচিত্ত হইয়াছিল। শেষে তাহারাও কোনরূপ বিরুদ্ধ ভাবের পরিচয় দিল না। সকল সিপাহী ধীরে ধীরে একে একে আপনাদের অস্ত্রসমূহ পরিচ্যাগ করিয়া এক স্থানে রাখিল। অশ্বারোহীরা তরবারিসহ কোমরবন্ধ খুলিয়া দিল। এইরূপে বিনা গোলযোগে ছয় শত ইউরোপীয় সৈনিক পুরুষের সম্মুখে ২৫০০ সৈনিক পুরুষ নিরস্ত্রীকৃত হইল। যাহারা এক সময়ে ব্রিটিশ বীরপুরুষদিগের পার্শ্বে থাকিয়া অসামান্য বীরত্বের সহিত বিশ্বস্ততা ও প্রভুভক্তির একশেষ দেখাইয়াছিল, তাহারা এইরূপে চিরপবিত্র বীরব্রত হইতে স্থলিত হইল। ৮১সংখ্যক সৈনিক দল অগ্রসর হইয়া সিপাহীদিগের পরিত্যক্ত অস্ত্রসমূহ অধিকার করিল। এই সকল অস্ত্র লইয়া যাইবার জন্ত অনেকগুলি গরুর গাড়ি সংগৃহীত হইয়াছিল। এক্ষণে গাড়িবোঝাই অস্ত্র সৈনিকনিবাসে লইয়া যাওয়া হইল। এদিকে নিরস্ত্র সিপাহীরা শান্তভাবে আপনাদের আবাসগৃহে গমন করিল।

মিয়ান্মীরের প্রশস্ত ক্ষেত্রে নিরাপদে ও নিরঙ্কুশে নিরস্ত্রীকরণের কার্য সম্পন্ন হইল। কিন্তু এখনও ২৬সংখ্যক দলের সশস্ত্র সিপাহীগণ লাহোরের দুর্গে অবস্থিত করিতেছিল। ১৫ই পর্য্যন্ত ইহাদের পাহারার দিন ছিল। কিন্তু ১৪ই মে প্রাতঃকালে ৮১সংখ্যক দলের কতিপয় ইউরোপীয় সৈনিক পুরুষ সহসা দুর্গে উপস্থিত হইল। ইহাদের অধ্যক্ষ কর্ণেল শ্মিথ দুর্গে উপস্থিত হইয়া সিপাহীদিগের নিরস্ত্রীকরণের বন্দোবস্ত করিলেন। অবিলম্বে তাস্ত্র-দিগকে অস্ত্র পরিচ্যাগ করিতে আদেশ দেওয়া হইল। দুর্গস্থিত সিপাহীরা সহসা আপনাদের সম্মুখে সশস্ত্র ইউরোপীয় সৈন্য দেখিয়া ত্তিত্ত হইয়াছিল।

তাহারা অশ্বিনায়কের আদেশের বিরুদ্ধাচরণে উদ্যত হইল না। সহসা নিরস্ত্রীকরণের প্রস্তাবে তাহাদের মর্মান্তিক কষ্ট হইল বটে, কিন্তু তাহারা অস্ত্রপরিত্যাগসময়ে কোনরূপ উত্তেজনার পরিচয় দিল না। হুর্গস্থিত ২৬সংখ্যক সিপাহীদল ধীরভাবে অস্ত্রপরিত্যাগ করিয়া মিস্রামীরের আবাসগৃহে চলিয়া গেল। এদিকে ইউরোপীয় মহিলাগণ ও বালকবালিকাদিগের রক্ষার স্বেচ্ছাবস্ত হইল। হিন্দুস্থানীদিগের পরিবর্তে পুলিশবিভাগের পঞ্জাবিগণ পাহারা দিতে লাগিল। ভিন্ন ভিন্ন ষ্টেশনের অর্থ সংগৃহীত ও অপেক্ষাকৃত নিরাপদ স্থানে রক্ষিত হইল। যে সকল পত্র সিপাহীদিগের নামে ডাকঘরে পৌঁছিতে লাগিল, মণ্টগোমারির আদেশে তৎসমুদয় বিলি করা বন্ধ হইল। বিভিন্ন স্থানে দূত-সমূহ প্রেরিত হইল। স্থানান্তরপ্রবাসী ইউরোপীয়গণ ইহাদের নিকটে সমুত্তেজিত সিপাহীদিগের সমুখানবর্তী শুনিয়া আশ্চর্যরক্ষার যথোচিত উপায় অবলম্বন করিতে লাগিলেন। সেনাপতি ওয়েলেসলি যখন ১৮৫৩ খ্রীঃ অক্টোবর-মাসে ব্রিটিশ কোম্পানির প্রাধান্ত বন্ধমূল করিতে উদ্যত হয়েন, ভারতবর্ষের বিভিন্ন ভূপতিদিগের প্রভুশক্তির বিলোপসাধন যখন তাঁহার একমাত্র লক্ষ্য হয়, তখন তিনি অধীন কর্মচারীদিগকে এই উপদেশ দিয়াছিলেন যে, কোন বিষয়েই যেন আশঙ্কার ও উত্তেজনার লক্ষণ প্রদর্শিত না হয়। সকল কর্মচারীই যেন সর্বদা কর্তব্যসম্পাদনে প্রস্তুত থাকেন, এবং যতপ্রকার উপায়েই হউক আবশ্যক সংবাদসংগ্রহ করেন।” রবট মণ্টগোমারি এইরূপ উপদেশের অমুবর্তী হইয়া বিভিন্নস্থানের কর্মচারীদিগকে ধীরভাবে কার্য করিতে আদেশ দিলেন। তিনি বাহিরে কোন রূপ উত্তেজনার লক্ষণ দেখাইলেন না। সর্বজনসমক্ষে গভীর আশঙ্কা প্রকাশ করিলেন না বা সম্মুখে অভিভূত হইয়া আপনাদের নিস্তেজ ভাবের পরিচয় দিলেন না। তাঁহার ধীরতা পূর্ববৎ অটল রহিল। তিনি সৈনিক বিভাগের কর্তৃপক্ষের সহিত পরামর্শ করিয়া পঞ্জাবে শান্তিস্থাপনে তৎপর হইলেন।

মণ্টগোমারি কেবল লাহোররক্ষার বন্দোবস্ত করিয়া নিরস্ত হইলেন না। তিনি অত্যাশ্রয় স্থান নিরাপদ করিতেও সচেষ্ট হইলেন। মীরাতে বহুসংখ্যক ইউরোপীয় অঝারোহী, পদাতি ও কামানরক্ষক সৈনিক প্রকৃষ থাকাতেও তত্রত্য কর্তৃপক্ষ তাহাদিগকে স্থানান্তরে বিপদের নিবারণ

জন্তু পাঠান নাই। তাঁহারা কেবল মীরাটরক্ষার জন্তই বাস্ত ছিলেন। কিন্তু মিয়ান্মীরে উহা অপেক্ষাও অল্পসংখ্যক ইউরোপীয় সৈন্ত ছিল। এই সৈনিক বলের সাহায্যে সিপাহীগণ নিরস্ত্রীকৃত হয়। কর্তৃপক্ষ এই ক্ষুদ্র সৈনিক দলের কিয়দংশ লাহোরের দুর্গে পাঠাইয়া দেন। উহার একাংশ আবার অল্প স্থানের বিপত্তিনিবারণে প্রেরিত হয়।

লাহোরের প্রায় ৩০ মাইল দূরে অমৃতসর নগরে গোবিন্দগড় নামক দুর্গ অবস্থিত। অমৃতসর শিখসমাজের অতি পবিত্র স্থান বলিয়া প্রসিদ্ধ। এই স্থানের পবিত্র স্বর্ণমন্দিরে শিখগুরুগণ প্রশান্তভাবে ধর্মশাস্ত্রের আলোচনা করিয়া থাকেন। গুরু গোবিন্দের বীরত্বময়ী পবিত্র কথা এই স্থানে নিরন্তর উদঘোষিত হইয়া শিখদিগের হৃদয়ে অপূর্ব তেজস্বিতার সঞ্চার করে। সমগ্র পঞ্জাবে অমৃতসরের ছায় আর কোন স্থানে শিখদিগের ধর্ম্মাশীলনের প্রাধান্য নাই। সমগ্র পঞ্জাবে আর কোন স্থান অমৃতসরের ছায় অতীত গৌরবের নিদর্শনজ্ঞাপক নয়। তেগবাহাদুর স্বধর্ম্মরক্ষার জন্ত যে রূপ বীরভাবে প্রতাপান্বিত মোগল সম্রাট আওরঙ্গজেবের সমক্ষে আপনার মাথা দিয়াছিলেন, গুরুগোবিন্দ তরুণ বয়সে ভোগাভিলাষে বিসর্জন দিয়া স্বদেশের স্বাধীনতা রক্ষার জন্ত যে রূপ মহাপ্রাণতার পরিচয় দিয়াছিলেন, পঞ্জাব-কেশরী রণজিৎ সিংহ যে রূপ পরাক্রমের সহিত আপনার আধিপত্য বন্ধমূল রাখিয়া উত্তরে পার্শ্ব প্রদেশবাসী রণহুর্দ্দ আফগানগণ এবং দক্ষিণে বীরস্ব-গৌরবসম্পন্ন ও সভ্যতাভিমानी ব্রিটিশজাতিকে বিস্ময়ে স্তম্ভিত করিয়াছিলেন, তাহা এই স্থানে পদার্পণ করিলে স্মৃতিপথে জাগরুক হয়। এই স্থানের সরোবর-বেষ্টিত স্বর্ণমন্দিরে সমাগত হইয়া শিখগণ ধর্ম্মোপদেশে যে রূপ তৃপ্তি-লাভ করে, সেই রূপ অতীত গৌরবের কথাতেও জাতীয়ভাবসম্পন্ন হইয়া থাকে। ফলতঃ, শিখদিগের মধ্যে ধর্ম্মচর্চার পবিত্রতায়, জাতীয় ভাবের উদ্দীপনায় পঞ্জাবের আর কোন নগর অমৃতসরের প্রতিদ্বন্দ্বী হইতে পারে না। শিখগণ অমৃতসরের ছায় আর কোন নগরের উপর সমধিক শ্রদ্ধাপ্রদর্শনে অগ্রসর হয় না। এই স্থানের দুর্গ গোবিন্দগড় গুরু গোবিন্দের পবিত্র নামানুসারে প্রসিদ্ধিলাভ করিয়াছিল। চিরপ্রসিদ্ধ কহিনুর হীরক ব্রিটিশাধিকারের পূর্বে এই দুর্গে সংরক্ষিত ছিল। উহার

সহিত গোবিন্দসিংহের নামের সংযোগ থাকাতো উহা শিখদিগের মধ্যে জাতীয় ভাবের উদ্দীপক ছিল। স্মৃতরাং পঞ্জাবের অস্ত্রাস্ত্র স্থান অপেক্ষা এই স্থানের শিখদিগের ব্রিটিশ গবর্ণমেন্টের বিরুদ্ধে অস্ত্রধারণ করিবার অধিকতর সম্ভাবনা ছিল। রবট মণ্টগোমরি একত্ৰ সৰ্বপ্রথম গোবিন্দ-গড়রক্ষায় কৃতসঙ্কল্প হইয়াছিলেন। দিল্লী হইতে টেলিগ্রাফ পাইয়াই তিনি ১২ মে প্রাতঃকালে অমৃতসরের ডেপুটি কমিশনর কুপার সাহেবকে লিখিয়াছিলেন, “উপস্থিত বিষয়ে এখন হইতেই সাবধান হওয়া উচিত। যাহাতে সিপাহীরা সম্ভ্রান্ত হয়, তাহা করা কর্তব্য নহে। গোবিন্দগড়-রক্ষার ভার যে সকল সিপাহীর প্রতি সমর্পিত আছে, তাহাদের উপর তীক্ষ্ণ দৃষ্টি রাখা বিধেয়। জলকরে কি ঘটতেছে, তাহার সন্ধান লওয়া উচিত।” পূর্বে উক্ত হইয়াছে যে, ঊনবিংশ শতাব্দীর প্রারম্ভে সেনাপতি ওয়েলেসলি দক্ষিণাপথে শাস্তিস্থাপনের জন্ত যে নীতি অবলম্বন করিয়া-ছিলেন, ঊনবিংশ শতাব্দীর শেষার্ধ্বে রবট মণ্টগোমারিও সেই নীতি অনুসারে কার্য্য করিতে উদ্যত হইলেন। তাঁহার উপদেশের বশবর্তী হইয়া, অমৃতসরের ডেপুটি কমিশনর কোনরূপ চাঞ্চল্য বা সম্ভ্রাসের চিহ্ন না দেখাইয়া ধীরভাবে কর্তব্যসম্পাদনে মনোনিবেশ করেন।

গোবিন্দগড়ে সিপাহীদিগের সংখ্যাই অধিক ছিল। এতদ্ব্যতীত কতিপয় ইউরোপীয় কামানরক্ষক সৈনিক পুরুষ অবস্থিতি করিতেছিল। সহসা অমৃতসরে জনরব উঠিল যে, লাহোরের নিরস্ত্রীকৃত সিপাহীগণ গোবিন্দগড় অধিকারের জন্ত দলে দলে আসিতেছে। এই জনরবে কুপার সাহেব কতিপয় বিশ্বস্ত শিখ ও অস্বারোহী সৈনিক পুরুষের সহিত ভ্রগর্দ্বারের অপর পার্শ্বে অবস্থিতি করিতে লাগিলেন। এদিকে তাঁহার সহকারী কমিশনর মাক্‌নাটন সাহেব নিকটবর্তী পল্লীবাসীদিগকে সমবেত করিয়া লাহোরের পথে রাখিলেন। উপস্থিত সময়ে পঞ্জাবে প্রচুর শস্ত জন্মিয়াছিল। শস্তসম্পত্তিলাভে কৃষকগণ সম্ভ্রাসসহকারে কালাতিপাত করিতেছিল। কোন রূপ বিপ্লবে এই সম্পত্তি বিনষ্ট হয়, ইহা তাহাদের ইচ্ছা ছিল না। প্রধানতঃ জ্ঞাতিগণ এই কৃষকশ্রেণীর অন্তর্গত ছিল। ইহারা সিপাহীদিগের সমুখানে অস্ত্রাগপ্রকাশ করে নাই। ভয়াবহ বিপ্লবে জনসাধারণ উচ্ছৃঙ্খল ও বিধি

বহির্ভূত পথ অবলম্বন করিলে, আপনাদের শাস্তিময় ও শস্ত্রসম্পত্তিপূর্ণ আবাসপন্নীতে অশান্তির প্রাচুর্য্য হইবে ভাবিয়া, ইহারা সিপাহীদিগের সহিত কোনরূপ উত্তেজনার পরিচয় দেয় নাই। স্তত্রাং মাক্নাটম যখন ইহাদিগকে শাস্তিরক্ষার জন্ত আহ্বান করিলেন, তখন ইহারা অবিলম্বে দলে দলে তাঁহারা অমুভর্ত্তী হইল। ইহাদের হস্তে সঙ্গীনযুক্ত বন্দুক বা তরবারি ছিল না; ইহাদের দেহও সামরিক পরিচ্ছদে সমাবৃত ছিল না। আপনাদের অবলম্বিত কার্য্যের উপযোগী অস্ত্রাদি ইহাদের অধিতীয় সম্বল ছিল। ইহারা এই সকল অপূর্ণ অস্ত্র লইয়া সহকারী কমিশনরের সহিত লাহোরের পথে উপস্থিত হইল। মাক্নাটন সাহেব ইহাদের সাহায্যে সিপাহীদিগের আগমনপথ অবরুদ্ধ করিয়া রহিলেন। নিশীথকালে লাহোরের সিপাহীরা আসিতেছে বলিয়া কোলাহল হইল। মাক্নাটন সাহেব বহুসংখ্যক গরুর গাড়ি স্ত্রুপাকারে সজ্জিত করিয়া তৎসমুদয়ের দ্বারা পথ নিরুদ্ধ করিলেন। এই অপূর্ণ প্রাচীরের পশ্চাৎ তাহার অপূর্ণ সৈনিক দল—স্মৃদৃঢ়কলেবর, শক্তিসম্পন্ন জাঠ কৃষাগগণ কৃষিক্ষেত্রের অস্ত্রাদিতে সজ্জিত হইয়া অবস্থিতি করিতে লাগিল। সহকারী কমিশনর লাহোরের সৈনিকসাগরের প্রবল তরঙ্গের গতিরোধ জন্ত এই উপায় অবলম্বন করিলেন। কিয়ৎক্ষণ এই ভাবে অতিবাহিত হইল। বহুক্ষণ সজ্জীকৃত গোয়ানের পশ্চাৎ জাঠকৃষকগণ সিপাহীদিগের প্রতীক্ষায় রহিল। কিন্তু অমৃতসরের ব্রিটিশ রাজপুরুষদিগের সৌভাগ্যক্রমে সিপাহীরা উপস্থিত হইল না। তাহাদের পরিবর্তে সাহায্যকারী মিত্রগণ সহকারী কমিশনরের সমীপবর্ত্তী হইল। লাহোর হইতে ৮১সংখ্যক ইউরোপীয় সৈনিকদলের একাংশ গোবিন্দগড়রক্ষার জন্ত প্রেরিত হইয়াছিল। ইহারা এখন দ্রুতগতিতে মাক্নাটন সাহেবের সম্মুখীন হইল। ইহাদের আগমনে অমৃতসরের রাজপুরুষেরা আশঙ্ক হইলেন। ইহারা সূর্য্যোদয়ের প্রাকালে গোবিন্দগড়ে প্রবেশ করিল। শিখদিগের পবিত্র স্থানের দ্বর্গে এই রূপে ব্রিটিশ কোম্পানির প্রাধান্য অক্ষুণ্ণ রহিল।

লাহোর ও অমৃতসর রক্ষার এই রূপ বন্দোবস্ত হইল। এই দুই স্থান ব্যতীত পঞ্জাবে আরও কয়েক স্থানের সৈনিকনিবাসে বহুসংখ্যক সিপাহী

অবস্থিতি করিতেছিল। ইহার মধ্যে ফিরোজপুর ও ফিলোরে গোলাগুলি প্রভৃতি যুদ্ধের অনেক সরঞ্জাম ছিল। এই উভয় স্থানে ইউরোপীয় সৈনিক পুরুষদিগের অপেক্ষা সিপাহীদিগের সংখ্যা অধিক ছিল। উভয় স্থানের সিপাহীদিগের উপরি কর্তৃপক্ষের গুরুতর সন্দেহ জন্মিয়াছিল। উভয় স্থানের ইউরোপীয়গণ প্রতি মুহূর্তে অবশ্যস্তাবী বিপ্লবের বিভীষিকায় বিচলিত হইয়াছিলেন।

উপস্থিত সময়ে ফিরোজপুরে ৫১সংখ্যক ইউরোপীয় সৈনিকদল, ১০সংখ্যক এতদেশীয় অশ্বারোহী ও ৫৭সংখ্যক এতদেশীয় পদাতি সৈনিকদল অবস্থিতি করিতেছিল। এতদ্ব্যতীত কতিপয় কামান ও কামানরক্ষক পদাতি ছিল। এই সময়ে ফিরোজপুরে উদ্ধতন রাজকর্মচারিগণ কেহ কেহ স্থানান্তরিত হইয়াছিলেন, কেহ বা অভিনব কর্মচারীর হস্তে আপনার কার্যভার সমর্পণ করিয়া অবসরগ্রহণের আয়োজন করিতেছিলেন। ব্রিগেডিয়ার জেনেস সৈনিকনিবাসের অধ্যক্ষ ছিলেন। ইনি ১১ই মে মুলতান হইতে যাইয়া ফিরোজপুরের সৈনিকনিবাসের কার্যে নিয়োজিত হইলেন। স্বাস্থ্যভঙ্গ হওয়াতে ডেপুটি কমিশনের মেজর মার্সডেন স্বদেশে গমনে উদ্যত হইলেন। তাঁহার স্থলে কোর্টল্যান্ড নামক একজন সৈনিকপুরুষ নিয়োজিত হইলেন। রাজকীয় কর্মচারিগণের এইরূপ পদপরিবর্তনের সময়ে ফিরোজপুরের সিপাহীদিগের মধ্যে গোলযোগের সূত্রপাত হয়।

১২ই মে রাত্রিকালে একজন বার্তাবহ মীরাট ও দিল্লীর ভয়াবহ সংবাদ লইয়া লাহোর হইতে ফিরোজপুরে উপস্থিত হয়। ব্রিগেডিয়ার জেনেস এই সূত্রে অবগত হইলেন যে, ১২ই মে লাহোরের সিপাহীদিগকে নিরস্ত্র করিবার দিন অবধারিত হইয়াছে। ১২ই মে প্রাতঃকালে ফিরোজপুরের সমগ্র সৈনিকদল ব্রিগেডিয়ারের আদেশে কাওয়াজের প্রশস্ত ক্ষেত্রে সমবেত হয়। কাওয়াজের সময়ে সিপাহীদিগের ভাবভঙ্গী অবগত হওয়া তাঁহার অভিপ্রেত ছিল। কথিত আছে, ব্রিগেডিয়ার কাওয়াজের প্রশস্ত ক্ষেত্রে সশস্ত্র সিপাহীদিগের মুখভঙ্গী দেখিয়া আশস্ত হইতে পারেন নাই। যাহা হউক, ঐ দিন মধ্যাহ্নকালে আর একজন বার্তাবহ মীরাটের টেলিগ্রাফ লইয়া উপস্থিত হইল। দ্বিতীয় সংবাদবাহকের উপস্থিতিতে ব্রিগেডিয়ার স্থির থাকিতে পারিলেন না। তিনি

সৈনিক বিভাগের কর্মচারীগণের সহিত উপস্থিত বিষয়ে পরামর্শ করিতে প্রবৃত্ত হইলেন। সিপাহীদিগের উপর তাঁহার তাদৃশ বিশ্বাস ছিলনা। সুতরাং তিনি অবিলম্বে সমগ্র সিপাহীদলকে নিরস্ত্র করিবার প্রস্তাব করিলেন। কিন্তু এই প্রস্তাব সিপাহীদিগের অধিনায়কগণের মনোনীত হইল না। তাঁহারা এ বিষয়ে ঘোরতর প্রতিবাদ করিতে লাগিলেন। ব্রিগেডিয়ার সৈন্য নূতন লোক ছিলেন, তিনি সৈনিক বিভাগের অধিনায়কদিগের প্রতিবাদের বিরুদ্ধে কার্য্য করিতে সাহসী হইলেন না। অবশেষে স্থির হইল যে, অপরাহ্ন-কালে সিপাহীদিগের উভয় দলকে পৃথক স্থানে পৃথক ভাবে রাখা হইবে। পর দিন প্রাতঃকালে এই উভয় স্থানে উভয় দলকে পৃথক ভাবে অস্ত্রশস্ত্র হইতে বিচ্যুত করা যাইবে।

ফিরোজপুরের অস্ত্রাগারে অনেক বারুদ ও গুলিগোলা ছিল। সর্ব্বাঙ্গে অস্ত্রাগাররক্ষার বন্দোবস্ত হইল। ৫৭সংখ্যক সিপাহীদলের কতিপয় সৈনিক পুরুষ অস্ত্রাগাররক্ষার নিয়োজিত ছিল। এখন ৬১সংখ্যক ইউরোপীয় সৈনিক দলের এক শত জন সৈনিক অস্ত্রাগারের সম্মুখে সন্নিবেশিত হইল। বিপদের সময়ে ইউরোপীয় কুলনারী ও বালকবালিকাদিগকে ঐ প্রাচীরবেষ্টিত স্থানে বা ইউরোপীয়দিগের সৈনিকনিবাসে আশ্রয় গ্রহণ করিবার জন্য গের্দপনে সংবাদ দেওয়া হইল। এইরূপ বন্দোবস্ত করিয়া, সৈনিক বিভাগের কর্তৃপক্ষ পর দিন সিপাহীদিগকে পৃথক স্থানে পৃথক ভাবে নিরস্ত্র করিবার ইচ্ছা করিয়া-ছিলেন। কিন্তু তাঁহাদের ইচ্ছা ফলবতী হইল না। বেলা পাঁচটার সময় উক্ত দুই দল সিপাহী, পৃথকরূপে কাওয়াজের ক্ষেত্রে সমবেত হইল। ৫৭সংখ্যক দল অধিনায়কের আদেশে নির্দিষ্ট স্থানে উপস্থিত হইল। ৪৫সংখ্যক দল সদর বাজার দিয়া যাত্রা করিল। বাজারে উপস্থিত হইলে তাহাদের অনেকের ভাবান্তর উপস্থিত হইল। তাহারা পূর্বেই কর্তৃপক্ষের আচরণে সন্দিগ্ধ হইয়াছিল। বাজারের লোকের মুখে নানা কথা শুনিয়া, তাহারা পূর্বা-পেক্ষা অধিকতর সন্দিগ্ধ হইয়া উঠিল। উপস্থিত সময়ে একটি সামান্য কথাতই মনোগত ভাব বিকৃত হইবার সম্ভাবনা ছিল। একটি সামান্য ভুলকারেই অগ্নি প্রজ্জ্বলিত হইয়া উঠিতে পারিত। সিপাহীরা একেই সন্দিগ্ধ, উত্তেজিত ও বিরক্ত ছিল। ইহার পর যখন তাহারা বাজার দিয়া যাইবার সময়ে অদূরে ইউরোপীয়

সৈন্য ও কামানরক্ষকদিগকে অস্ত্রাগারের নিকটে সমবেত হইতে দেখিল, তখন তাহারা স্থির থাকিতে পারিল না। তাহাদের অনেকে বিষাক্ত-ধাতকতার সূত্রপাত হইয়াছে বলিয়া চীৎকার করিয়া উঠিল এবং আপনাদের বন্দুক গুলিগুণ করিয়া অস্ত্রাগারের অভিমুখে ধাবিত হইল। কিন্তু সকলে তাহাদের অমুবর্তী হইল না। তাহাদের দলের অবশিষ্ট সিপাহীরা নির্দিষ্ট স্থানে চলিয়া গেল।

অস্ত্রাগারের বহির্ভাগ তাদৃশ সুরক্ষিত ছিল না। উহার পরিখা বিশুদ্ধ ছিল। সূত্রাং উত্তেজিত সিপাহীরা সহজে পরিখা উত্তীর্ণ হইল, প্রাচীরে উঠিল এবং উহার অন্তর্ভাগে প্রবেশ করিল। কিন্তু যে গৃহে অস্ত্রাদি থাকিত, তাহা ছয় ফিট উচ্চ প্রাচীরে পরিবেষ্টিত ছিল। ৬১সংখ্যক ইউরোপীয় সৈনিকদল উহার প্রবেশপথ রক্ষা করিতেছিল। উত্তেজিত সিপাহীরা এই সৈনিকদলকে আক্রমণ করিল। এই আক্রমণে ইউরোপীয় সৈন্যের অধ্যক্ষ আহত হইলেন। কিন্তু শেষে সিপাহীরা তাড়িত হইল। ৫৭সংখ্যক দলের যে সকল সিপাহী অস্ত্রাগারে ছিল, তাহারা নিরস্ত্রীকৃত হইল। এইরূপে অস্ত্রাগার উত্তেজিত সিপাহীদিগের হস্তচ্যুত হইল। এদিকে ৬১সংখ্যক সৈনিকদলের আরও কতিপয় সৈনিক পুরুষ অস্ত্রাগাররক্ষার জন্ত উপস্থিত হইল। ফিরোজপুরের প্রসিদ্ধ অস্ত্রাগার ইউরোপীয় সৈনিকে এইরূপে সুরক্ষিত ও সিপাহীদিগের আকস্মিক আক্রমণ হইতে এইরূপে বিমুক্ত রহিল।

অস্ত্রাগার রাজপুরুষদিগের হস্তগত ও ইউরোপীয় সৈনিক পুরুষে সুরক্ষিত হইল বটে, কিন্তু সৈনিকনিবাসের শৃঙ্খলা রক্ষা করা সুসাধ্য হইল না। অল্প-সংখ্যক ইউরোপীয় সৈন্য দ্বারা একবারে দুই দিক রক্ষা করিবারও সুবিধা ছিল না। সূত্রাং অবিলম্বে বাজারে ও সৈনিকনিবাসে নানা গোলযোগ উপস্থিত হইল। উত্তেজিত জনসাধারণ বাজারে লুণ্ঠরাজ্য করিতে লাগিল, সৈনিকনিবাসে ইউরোপীয় আফিসরদিগের বাঙ্গলা, ডোজনগৃহ, উপাসনামন্দির প্রভৃতি বিলুপ্তিত ও ভস্মীভূত হইতে লাগিল। রাত্রিকালে উত্তেজিত লোকের ভয়াবহ কোলাহল এবং গগনব্যাপী ধুমস্তূপ ও প্রজ্জ্বলিত বহুশিখা ব্যতীত আর কিছুই শ্রুতিগোচর বা দৃষ্টিগোচর হইল না। এই বিশৃঙ্খলা ও অশান্তির মধ্যে—সর্বধ্বংসকর তম্বানক বিপ্লবের সময়ে ইজরাজ আফিসরদিগের

পরিবারবর্গ নিরাপদে ইউরোপীয় সৈনিকনিবাসে ছিল। উত্তেজিত জনসাধারণ বা সিপাহীগণ তাহাদের কোনরূপ অনিষ্টসাধনে উদ্যত হয় নাই।

এ পর্য্যন্ত ৫৭গণিত দলের সিপাহীরা আপনাদের সন্নিবেশস্থলে স্থির ভাবে ছিল। তাহাদের কেহ ৪৫সংখ্যক দলের উত্তেজিত সিপাহীদিগের সহিত সন্মিলিত হয় নাই। যখন রাত্রি প্রভাত হইল, তরুণ তপনের করজালে যখন ফিরোজপুরের ক্ষেত্র উদ্ভাসিত হইয়া উঠিল, তখন দেখা গেল যে, তাহাদের দলের অতি অল্পসংখ্যক লোকই স্থানান্তরে গিয়াছিল। ব্রিগেডিয়ার জনেস এই জন্ত এই দলের সিপাহীদিগকে কহিলেন যে, যদি তাহারা ইউরোপীয় সৈনিকনিবাসের সম্মুখে ধীরভাবে অস্ত্র পরিত্যাগ করে, তাহা হইলে তিনি তাহাদিগকে রাজভক্ত বলিয়া স্বীকার করিতে প্রস্তুত আছেন। ব্রিগেডিয়ারের এই কথায় উক্তদলের একাংশ অস্ত্রপরিত্যাগ জন্ত নির্দিষ্ট স্থানে যাত্রা করিল। অপরোক্ত তাহাদের অল্পগমনে প্রস্তুত হইল। কিন্তু এই সময়ে ৬১সংখ্যক দলের ইউরোপীয় সৈনিকেরা ৪৫সংখ্যক দলের কতিপয় সিপাহীর বিরুদ্ধে অগ্রসর হওয়াতে ৫৭সংখ্যক দলের সিপাহীরা ভাবিল যে, তাহারাও অবিলম্বে আক্রান্ত হইবে। সুতরাং তাহারা স্থির থাকিতে না পারিয়া ইতস্ততঃ ধাবিত হইল। তাহাদের অধিনায়কেরা তাহাদিগকে স্থিরভাবে রাখিবার চেষ্টা করিলেন। তাহাদের চেষ্টা অনেকাংশে সফল হইল। ৫৭সংখ্যক দলের সিপাহীরা ক্রমে একস্থানে সমবেত হইল এবং ধীরভাবে ইউরোপীয় সৈনিকনিবাসে যাইয়া অস্ত্র পরিত্যাগ করিল। এদিকে ৪৫সংখ্যক দলের সিপাহীরা ইঞ্জ-রেজ রাজপুরুষদিগের বশীভূত হইল না। তাহারা পূর্বের ভায় অধীরভাবে ইতস্ততঃ ঘুরিয়া বেড়াইতে লাগিল। ব্রিগেডিয়ার এজন্ত তাহাদের অজ্ঞাগার বিনষ্ট করিবার প্রস্তাব করিলেন। অবিলম্বে প্রস্তাব কার্য্যে পরিণত হইল। দূরাগত বজ্রনির্ঘোষের ভায় ভয়ঙ্কর শব্দ দুই বার ফিরোজপুরবাসীদিগের শ্রুতি-প্রবিষ্ট হইল। মুহূর্ত্তমধ্যে ৪৫সংখ্যক সিপাহীদলের অস্ত্ররক্ষাগৃহের গোলাগুলি বারুদ প্রভৃতি ভস্মস্তুপে পরিণত হইল।

৫৭সংখ্যক দলের সিপাহীগণ যখন নিরস্ত্রীকৃত হইল, গোলাগুলি প্রভৃতির সহিত অজ্ঞাগার যখন বিধ্বস্ত হইয়া গেল, ১০সংখ্যক দলের অধারোহী সৈনিকগণ যখন তাহাদের অধিনায়কগণের অমুরক্ত রহিল, তখন ৪৫সংখ্যক দলের

সিপাহীদিগের সমস্ত আশা নির্মূল হইল। তাহার। এখন আপনাদের সামগ্রিক পরিচ্ছন্ন ও অস্ত্রশস্ত্র লইয়া দিল্লীর দিকে ধাবিত হইল। কিন্তু ৬১সংখ্যক দলের ইউরোপীয় সৈনিকগণ তাহাদের অহুসরণে নিরস্ত থাকিল না। এই দলের সৈনিক পুরুষগণ কামান লইয়া, তাহাদের পশ্চাৎধাবিত হইল। এদিকে ১০সংখ্যক অখারোহিদলও অহুসরণকারী সৈনিকগণের সহায়তা করিতে লাগিল। এই সকল সৈন্ত ফিরোজপুর হইতে ১২ মাইল পর্যন্ত গমন করিল। এইরূপে তাড়িত হইয়া ৪৫সংখ্যক দলের সিপাহীগণের অনেকে, ক্ষুদ্র পল্লীতে বা জনশূন্য জঙ্গলে আত্মগোপন করিল। অনেকে অহুসরণকারী সৈন্তকর্তৃক ধৃত হইল, অনেকে পল্লীবাসীদিগের হস্তগত ও রাজপুরুষগণের সমক্ষে সমানীত হইল, অনেকে অহুসরণকারী সৈন্ত ও প্রভুতক পল্লীবাসীদিগের হস্ত হইতে মুক্তিলাভ করিয়া, দিল্লীতে গিয়া, উত্তেজিত সিপাহীদিগের সহিত মিশিল।

এইরূপে ফিরোজপুরে সিপাহীদিগের উত্তেজনা তিরোহিত হইল, ফিরোজপুরের প্রসিদ্ধ অস্ত্রাগার এইরূপে ব্রিটিশ রাজপুরুষদিগের অধীন রহিল। কিন্তু লাহোরের ঘটনার সহিত তুলনা করিলে ফিরোজপুরের ঘটনা ইঙ্গরেজদিগের পক্ষে তাদৃশ গৌরবকর বা লাভজনক বলিয়া পরিগণিত হইবে না। ফিরোজপুরের অস্ত্রাগারে ইঙ্গরেজদিগের আধিপত্য অক্ষুণ্ণ রহিয়াছিল বটে, কিন্তু উহার বাজার বিলুপ্তিত হইয়াছিল। ইউরোপীয় আফিসরদিগের বাক্সা ভাঙ্গা হইয়াছিল। ৪৫সংখ্যক সিপাহীদলের অস্ত্ররক্ষাগৃহের গোলাগুলি প্রভৃতি বিনষ্ট হইয়া গিয়াছিল। ভয়াবহ বিপ্লবের অনেক চিহ্ন ফিরোজপুরের অনেক স্থানে পরিষ্কৃত হইয়াছিল। যাহা হউক, ফিরোজপুরের প্রসিদ্ধ অস্ত্রাগার হস্তগত থাকতে গবর্ণমেন্টের পক্ষে পরিশেষে সাবশেষ সুবিধা হইয়াছিল। যদি অস্ত্রাগার ব্রিটিশ গবর্ণমেন্টের অধিকারভ্রষ্ট হইত, উহার রাশীকৃত গোলাগুলি বাক্স প্রভৃতি যদি উত্তেজিত সিপাহীদিগের অধিকারে থাকিত, তাহা হইলে দিল্লীতে পুনর্বার আধিপত্যস্থাপন ব্রিটিশ গবর্ণমেন্টের চূড়ান্ত হইয়া উঠিত।

ফিরোজপুরের স্থায় ফিলোরনামক স্থানেও একটি প্রসিদ্ধ সৈনিকনিবাস ছিল। ক্ষুদ্রাং ফিরোজপুরের স্থায় ফিলোর রক্ষা করাও ইঙ্গরেজ রাজপুরুষদিগের প্রধান চিন্তনীয় বিষয় হইয়াছিল। ফিলোরের দুর্গ জলদ্বর ও লুপ্তানার

মধ্যভাগে এবং দিল্লীতে ঘাইবার রাজপণের পার্শ্বে অবস্থিত ছিল। দুর্গের অস্ত্রাগার গোলাগুলিবারুদ প্রভৃতিতে পরিপূর্ণ ছিল। দুর্গের অনতিদূরে সৈনিকনিবাসে তৃতীয় পদাতিদল অবস্থিতি করিতেছিল। ২৪ মাইল দূরে জলদ্রব টেসনে ৮সংখ্যক ইউরোপীয় সৈনিকদল, এক দল এন্ডেঙ্গীয় অধারোহী এবং ৩৬সংখ্যক ও ৬১সংখ্যক দলের সিপাহীগণ ছিল। শেষোক্ত দুই দল সিপাহীর বিধস্ততার উপর কর্তৃপক্ষের সন্দেহ জন্মিয়াছিল। কিন্তু তখন তাহাদের এই অবিস্ততার বিষয় সপ্রমাণ করিতে কেহই উদ্যোগী হইলেন নাই।

১১ই মে দিল্লী ও মীরাটের ঘটনার সংবাদ টেলিগ্রাফে জলদ্রব হইতে লাহোর যায়। সংবাদ অস্পষ্ট ছিল। উহা অতিরঞ্জিত হওয়া অসম্ভব ছিল না। সুতরাং সংবাদপ্রাপ্তি মাত্র সেই দিন কর্তৃবানির্ধারণের আয়োজন হয় নাই। তৎপর দিন সমুদয় সন্দেহভঞ্জন হয়। অতিরঞ্জনের সম্ভাবনা অন্তর্হিত হয়। ঘটনার সত্যতাসম্বন্ধে সন্দেহ দূর হইয়া যায়। সৈনিকনিবাসের অধ্যক্ষ প্রধান কর্মচারিগণের সহিত পরামর্শ করেন।

ফিলোরের দুর্গে ইঞ্জরেজ সৈন্য রাখাই সিদ্ধান্ত হয়। রাত্রিকালে সিপাহীদিগের অজ্ঞাতসারে এক দল ব্রিটিশ সৈন্য ফিলোরে যাত্রা করে। এদিকে অজ্ঞাত বিষয়েও সাবধানতাসহকারে কার্য্য হইতে থাকে। ইউরোপীয় বালকবালিকা ও মহিলাদিগকে অপেক্ষাকৃত নিরাপদ স্থানে রাখা হয়। কামান সকল যথাস্থানে সজ্জিত হয়। সৈনিকনিবাসের প্রত্যেক আকিসর অবশুস্তাবী আক্রমণের নিবারণ জন্য প্রস্তুত হইয়া থাকেন। ইহারা প্রতি-মুহূর্ত্তে ভরাবহ কিংবের আশঙ্কার বিচলিত হইতেছিলেন। প্রতি মুহূর্ত্তে আপনাদিগকে বিপত্তিভালে পরিবেষ্টিত বলিয়া মনে করিতেছিলেন। অদূরে কোনরূপ কোলাহল শ্রুতিগোচর হইলে, কেহ কোন কার্য্যাজ্ঞা-রোধে কোন স্থানে দ্রুতবেগে গমন করিলে ইহারা ভাবিতে লাগিলেন যে, ভয়ঙ্কর সময় উপস্থিত হইয়াছে; উত্তেজিত সিপাহীরা তাহাদের বিরুদ্ধে অগ্রসর হইতেছে, তাহাদের কুলকামিনী ও শিশুসন্তানগণের জীবন লক্ষ্যপন্ন হইয়া উঠিয়াছে। ইহারা দিবারাত্র এইরূপ আশঙ্কাগ্রস্ত হইয়া কালান্তিপাত করিতে লাগিলেন। সজ্জিত কামানের পার্শ্বে প্রস্তুতসমূহ তুপাকারে রাখা

হইয়াছিল। যদি অধারোহী সৈনিকেরা কামান অধিকার করিতে অগ্রসর হয়, তাহা হইলে ঐ সকল প্রস্তর তাহাদের প্রতি নিক্ষেপ করা হইবে বলিয়া স্থির হইয়াছিল। যাহা হউক, জলদ্বারে কোনরূপ গোলযোগের আবির্ভাব হইল না। সিপাহীরা সহসা উন্মত্ত হইয়া ভয়াবহ কাণ্ডের অবতরণা করিল না। আকিসরদিগের গভীর আশঙ্কা ক্রমে অন্তর্হিত হইল।

এদিকে ফিলোরে ইক্সরেজ সেনানায়ক আত্মরক্ষার যথোচিত উপায় অবলম্বন করেন। টেলিগ্রাফের জনৈক কর্মচারীর উদ্যোগে অবিলম্বে দুর্গমধ্যে টেলিগ্রাফ স্থাপিত হয়। ঐ কর্মচারী টেলিগ্রাফের সাহায্যে জলদ্বার হইতে লংবাৎসংগ্রহ করিতে থাকেন। কিছুক্ষণ পরে জলদ্বারে ব্রিটিশ সৈনিকপুরুষদিগের আগমনবার্তা ফিলোরের প্রধান সৈনিকপুরুষের গোচর হয়। দুর্গাধ্যক্ষ আশ্বস্তহৃদয়ে সাহায্যকারী সৈনিকদিগের আগমনপ্রতীক্ষা করিতে লাগিলেন। এদিকে দুর্গে যে সকল ইউরোপীয় সৈনিক পুরুষ ছিল, তাহাদিগকে রাজিকালে সম্ভ্রান্ত থাকিতে বলা হইল। স্বল্পমাত্র ইক্সরেজ সৈনিক এই আদেশে সাহসসহকারে দুর্গরক্ষায় প্রস্তুত হইতে লাগিল। সূর্য্য অন্তাচলে গমন করিল। দুর্গদ্বার নিরুদ্ধ হইল। ইউরোপীয় সৈনিকেরা অন্ত্রশস্ত্রে সম্ভ্রান্ত হইয়া পর্যায়ক্রমে দ্বারদেশে পাহারা দিতে লাগিল। কেহ কেহ দুর্গ-প্রাঙ্গণে উঠিয়া অদূরবর্তী সৈনিকনিবাসে সিপাহীদিগের গতিবিধি পর্য্যবেক্ষণ করিতে লাগিল। কিন্তু সৌভাগ্যক্রমে সৈনিকনিবাস শান্তিপূর্ণ রহিল। দুর্গেরও প্রশান্তভাব অব্যাহত থাকিল। সিপাহীরা উত্তেজনার পরিচয় দিল না। বিপ্লবেরও সূচনা দেখা গেল না। নিরুদ্ধেগে রাজি অতিবাহিত হইল। নিরুদ্ধেগে সুখময়ী উবা অরুণরঞ্জিত হইয়া হাসিতে হাসিতে দেখা দিল। উবাভাগে সাহায্যকারী সৈনিকদল সমাগত হইল। ফিলোরের ইউরোপীয়গণ ইহাদের উপস্থিতিতে উল্লাসপ্রকাশ করিতে লাগিলেন। মুহূর্ত্তমধ্যে দুর্গদ্বার উদঘাটিত হইল, মুহূর্ত্তমধ্যে জলদ্বারের দেড় শত সৈনিক পুরুষ দুর্গে প্রবেশ পূর্ব্বক উহার রক্ষার ভার গ্রহণ করিল। ফিলোরের অন্ত্রপূর্ণ প্রসিদ্ধ দুর্গ ব্রিটিশ সৈনিকপুরুষদিগের অধিকারে রহিল। কর্তৃপক্ষ জলদ্বারের সিপাহীদিগকে নিরস্ত্র করিতে উদ্যত হয়েন নাহি। জলদ্বারের নিকটে অনেকগুলি সৈনিকনিবাস ছিল। যদি জলদ্বারের সিপাহীরা নিরস্ত্রীকৃত হইত, তাহা হইলে

হসিয়ারপুর, কালারা, নূরপুর ও ফিলোরের সিপাহীগণ তাহাদের নিরস্ত্রীকৃত সহযোগীদের সাহায্যার্থে ব্রিটিশ সৈনিকদিগের বিরুদ্ধে সমুদ্বিত হইত। কর্তৃপক্ষ এইরূপ আশঙ্কা করিয়া নিরস্ত্রীকরণে উদ্যত হয়েন নাই। বাহা হউক, এক জন তরুণবয়স্ক শিখ ভূপতি উপস্থিত সঙ্কটকালে জলন্ধরে ইঞ্জরেজ রাজপুরুষের সবিশেষ সহায়তা করেন। জলন্ধর এবং বিপাশা নদীর মধ্যবর্তী কপূরতলা রাজ্যের অধিপতি রণধীর সিংহের সাহায্য না পাইলে ইঞ্জরেজদিগকে উপস্থিত সময়ে সান্ত্বনয় বিব্রত হইতে হইত। ১৮৪৬ অব্দে জলন্ধরের দোআব অধিকার কালে ব্রিটিশ কোম্পানি কপূরতলা রাজ্যের কিয়দংশ গ্রহণ করেন। রণধীর সিংহ ১৮৫৩ অব্দে কপূরতলার অধিপতি হইলেন। উপস্থিত সময় ইহার বয়স ২৬ বৎসরের অধিক ছিল না। এই তরুণ বয়সেই ইহার অসামান্য কর্তব্যবুদ্ধি, অবিচলিত ধীরতা ও মহীয়সী সহিষ্ণুতা ছিল। ব্রিটিশ কোম্পানি ইহার রাজ্যের একাংশ গ্রহণ করিলেও ইনি বিপন্ন ইঞ্জরেজদিগের সাহায্য করিতে বিমুখ হয়েন নাই। অসামান্য দয়া ও বলবতী পরোপকারপ্রবৃত্তি ইহাকে এইরূপ মহত্তর কার্যসাধনে প্রবর্তিত করিয়াছিল। জলন্ধরের ইঞ্জরেজ রাজপুরুষ যখন মহারাজ রণধীরের সাহায্যপ্রার্থী হইয়া কপূরতলার দূত প্রেরণ করেন, তখন রণধীর সিংহ আপনাদের পবিত্র তীর্থ হরিবারে গিয়াছিলেন। তীর্থস্থান হইতে প্রত্যাগমন কালে তিনি ১১ই মে ফিলোরে উপনীত হইলেন। এই সময় তাঁহার মন্ত্রীও উপস্থিত হইয়া ইঞ্জরেজ রাজপুরুষদিগের সাহায্যপ্রার্থনার বিষয় তাঁহার গোচর করেন। মহারাজ রণধীর সিংহ অবিলম্বে জলন্ধরে উপনীত হইলেন। তাঁহার সমস্ত অল্পচর ইঞ্জরেজ রাজপুরুষদিগের কার্যসাধনে নিয়োজিত হয়। এতদ্ব্যতীত তিনি আপনার পাঁচ শত সৈনিকপুরুষ ও দুইটি কামান জলন্ধরের ডেপুটি কমিশনরের হস্তে সমর্পণ করেন। কামান দুইটি সিপাহীদিগের আক্রমণনিবারণার্থে যথাস্থানে সন্নিবেশিত হয়। সৈনিক পুরুষগণ কারাগার ও অন্যান্য স্থান রক্ষার ভার গ্রহণ করেন। ভারতবর্ষের বিভিন্ন প্রদেশের অধিপতিগণ উপস্থিত সময়ে এই রূপে ব্রিটিশ গবর্ণমেন্টের সাহায্য করিয়াছিলেন। ভয়াবহ বিপ্লবসাগরের প্রচণ্ড তরঙ্গাভিঘাতে যখন সমগ্র ভারতবর্ষ প্রভিমুহুর্তে কম্পিত হইতেছিল, ব্রিটিশ শাসনের স্বদৃঢ় ভিত্তি যখন এই আঘাতে বিচূর্ণিত-প্রায় বলিয়া অনুমিত হইয়াছিল, তখন এই ভূপতিগণই অটলভাবে সেই ভরসার

গভিরোধে দণ্ডায়মান হইয়াছিলেন। তরুণবয়স্ক মহারাজ রণধীর সিংহ বিপদের সময়ে গবর্ণমেন্টকে সাহায্যদানে বিশ্বস্ত করেন নাই। দর্যাধর্মের তাঁহার প্রকৃতি এইরূপ উন্নত হইয়াছিল। অসামান্য মহাহুতাবতার তাঁহার কার্য এইরূপ পবিত্রভাবে গৌরবান্বিত হইয়া উঠিয়াছিল।

কিন্তু সুবিস্তৃত পঞ্চনদের প্রান্তভাগে আর একটি স্থান ছিল। ঐ স্থানে বহুসংখ্য সিপাহীসৈন্য অবস্থিতি করিতেছিল। সৈনিকনিবাসের সুদৃঢ় দুর্গে, সুসজ্জিত যুদ্ধোপকরণে, ঐ স্থান সৈনিক পুরুষদিগের মধ্যে সবিশেষ প্রসিদ্ধিলাভ করিয়াছিল। উহা পূর্বে যুদ্ধপ্রিয় আফগানদিগের অধিকৃত ছিল। নওশেরার নিকটবর্তী খেরাইনামক স্থানের মহাযুদ্ধে পঞ্জাবকেশরীর অন্ত্যুত রণকৌশলে, সর্বোপরি ফুলাসিংহের অসামান্য পরাক্রমে আফগানদিগের পরাজয়ের সহিত ঐ স্থানে শিখদিগের বিজয়পতাকা উড্ডীন হয়। শেষে শিখদিগের অধঃপতনের সহিত পঞ্জাব ব্রিটিশ কোম্পানির অধিকাবভুক্ত হয়। ঐ স্থানও পঞ্জাবের সহিত কোম্পানির অধিকৃত ও সৈনিকনিবাসে সুরক্ষিত হইয়া উঠে। আফগানেরা যে স্থান রক্ষার জন্য এক সময়ে মহারাজ রণজিৎ সিংহের বৃহত্তম অগ্রসর হইয়াছিল; ফুলাসিংহের অসাধারণ শক্তিতে নিপীড়িত হইয়া, তাহার যেখানে অকাতরভাবে অনন্তনিদ্রায় অভিভূত হইয়াছিল এবং ফুলাসিংহ স্বয়ং যে স্থানের অধিকারে বীরত্বের একশেষ দেখাইয়া আত্মবিসর্জন করিয়াছিলেন, আফগানিস্তানের লোকে সে স্থানের বিষয় বিশ্বতিসাগরে বিসর্জন দেয় নাই। দুই বৎসর অতীত হইয়াছিল, পঞ্জাবকেশরীর পঞ্চনদ নূতন রাজশক্তির সন্ধারে নূতনত্ব পরিণত হইয়াছিল। মহারাজ রণজিৎ সিংহের রত্নরাশি স্থানান্তরিত হইয়াছিল। কিন্তু ঐ স্থানের পূর্বতন কাহিনী আফগানবাসীদিগের স্মৃতিপট হইতে লুপ্তহীত হয় নাই। আফগানিস্তানে বহুবিধ পরিবর্তন ঘটিলেও এবং রণজিৎ সিংহের রাজ্য ব্রিটিশ-সিংহের পদানত হইলেও পঞ্জাবের প্রান্তবর্তী পেশাবর পরলোকগত আফগানদিগের অসামান্য আত্মত্যাগ ও বীরত্বকীর্তির নিদর্শনস্বরূপ।

পেশাবর নগর সিদ্ধনদ হইতে চল্লিশ মাইল এবং খাইবর গিরিসঙ্কট হইতে দশ মাইল অন্তরে অবস্থিত। এই নগর ভারতসাম্রাজ্যের অন্তর্গত হইলেও ইহাতে আফগানিস্তানের অনেক সাদৃশ্য প্রবি্যাক্ত হয়। আফগানিস্তানের নগরের জায় এই নগরের রাজপথসমূহ বৃক্ষশ্রেণীতে সুশোভিত। যেদামা,

অঙ্গুর, কিসমিস প্রভৃতি আফগানিস্তানের বহুবিধ ফল এই নগরেও পর্যাপ্ত-
 পরিমাণে বিক্রীত হয়। আফগানিস্তানের অবলাকুলের স্থায় এই নগরবাসিনী
 রমণীদিগের মধ্যেও অবরোধপ্রথা পরিদৃষ্ট হইয়া থাকে। সর্বোপরি আফগান-
 দিগের সহিত এই নগরের অধিবাসিবর্গের আকৃষ্টগত সাদৃশ্য লক্ষিত হয়।
 সংক্ষেপে, নগরের বাহ্যদৃশ্য এবং নগরবাসিনীদিগের আচার ব্যবহার ও আকার
 প্রকার দেখিলে স্পষ্ট বোধ হয়, পেশাবর এক সময়ে আফগানরাজ্যের অন্তর্গত
 ও আফগানজাতির প্রাধান্যের পরিচায়ক ছিল। পেশাবরের সৈনিকনিবাস
 ভারতবর্ষের অত্যন্ত সৈনিকনিবাসের অমুরূপ ছিল। উহার কাওয়াজের
 ক্ষেত্রে ছয় হাজার সৈনিকগুরুত্বের সমাবেশ হইত। ভারতের অত্যন্ত সৈনিক-
 নিবাসের স্থায় পেশাবরের সৈনিকনিবাসে প্রাচীরবেষ্টিত গৃহ ছিল। পথ
 সকল শ্রেণীবদ্ধ সরল রেখার স্থায় ছিল। ইউরোপীয় আফিসরদিগের জন্ত
 লোহিতবর্ণ বারিক ছিল, এবং সিপাহীদিগের জন্ত মুৎপ্রাচীরে পরিবেষ্টিত
 তৃণাচ্ছাদিত গৃহ ছিল। এই নগরে আগ্রার স্থায় বহুসংখ্যক ধর্মোন্মত্ত মুসলমান
 বাস করিত। প্রশস্ত বাজার উচ্ছ্রালপ্রকৃতি লোকে পরিপূর্ণ ছিল।
 পেশাবারবিভাগে ২,৫০০ ইউরোপীয় সৈন্ত এবং ১০,০০০ সিপাহী শাস্ত্রিরক্ষায়
 নিয়োজিত ছিল।

পেশাবর অত্যন্ত বিভাগের স্থায় সুরক্ষিত হইলেও অধিকতর বিপত্তিপূর্ণ
 ছিল। এ স্থানের সমগ্র সিপাহী সৈন্ত উত্তেজিত হইলে ঘরমাত্র ইউরোপীয়
 সৈন্ত তাহাদের গতিরোধে সমর্থ হইত না। এতদ্ব্যতীত সীমান্তভাগে দুর্ব্ব ও
 লুণ্ঠনপ্রিয় পার্শ্ব জাতিসমূহের আবাস ছিল। আফ্রিদি, ইউসফজি
 প্রভৃতি পার্শ্বজাতি ধর্মোন্মাদে এবং বিলুপ্তনের অভিপ্রায়ে, উত্তেজিত
 সিপাহীদিগের স্থায় গবর্নমেন্টের বিরুদ্ধাচরণে অগ্রসর হইত। ভীষণ
 বিপ্লবনাগরের এইরূপ ছুটি প্রবল তরঙ্গ যদি দুই দিক হইতে ইঙ্গরেজের বিরুদ্ধে
 ধাবিত হইত, তাহা হইলে হয় ত ইঙ্গরেজ উহার গতি নিরুদ্ধ করিতে ব্যতিব্যস্ত
 হইয়া পড়িতেন।

এই সকল উচ্ছ্রাল পার্শ্ব জাতির আক্রমণ ব্যতীত ব্রিটিশ গবর্নমেন্টের
 আরও একটি আশঙ্কার বিষয় ছিল। গিরিসঙ্কটের বহির্ভাগে কাবুল এবং
 কান্দাহারে আফগানেরা বাস করিতেছিল। আফগানিস্তানের আমীর দোস্ত

মহম্মদ খাঁ যদিও ইঙ্গরেজদিগের সহিত অর্থের বিনিময়ে বন্ধুত্বপাশে আবদ্ধ ছিলেন, তথাপি পেশাবরঘটিত পূর্ব বিবরণ তাঁহার স্মৃতিপটে জাগরুক ছিল। শিখদিগের পরাক্রমে পেশাবর কিরূপে তাঁহার রাজ্য হইতে স্থলিত হইয়াছিল, এই চিরাভীষ্ট উপত্যকার জন্ত তাঁহার স্বদেশীয়গণ কিরূপ বীরত্বপ্রকাশ পূর্বক বীরশয্যায় শয়ন করিয়াছিল, নওশেরার নিকটবর্তী সমরাজ্যে নরশোণিতপ্রবাহের সহিত রণজিৎ সিংহের বিজয়পতাকা কিরূপে পেশাবরে উদ্ভীন হইয়াছিল, তাহার আমূল বৃত্তান্ত দোস্ত মহম্মদ ভুলিয়া যান নাই। স্বাধিকৃত জনপদ পরহস্তগত হওয়াতে দোস্ত মহম্মদের হৃদয়ে আঘাত লাগিয়াছিল। যদিও পেশাবর পঞ্জাবের সহিত ব্রিটিশকোম্পানির অধিকারভুক্ত হইয়াছিল, ব্রিটিশ কোম্পানি যদিও দোস্ত মহম্মদকে অর্থ দ্বারা পরিতোষিত করিয়াছিলেন, তথাপি দোস্ত মহম্মদ পেশাবরের পুনরুদ্ধারের চেষ্টায় বিসর্জন দেন নাই। যে অনুতাপানলে তাঁহার হৃদয় দগ্ধ হইতেছিল, সেই অনুতাপের উত্তেজনায়, তিনি অভীষ্ট জনপদের উদ্ধারে অগ্রসর হইতে পারিতেন। পেশাবরের অধিকার জন্ত আর্মীরের এইরূপ চেষ্টা বিপত্তিময় ও অপরিণামদর্শিতামূলক বলিয়া পরিগণিত হইতে পারে। কিন্তু যখন ভারতবর্ষের প্রধান প্রধান নগরে শাসনশৃঙ্খলা বিপ্লবের সজ্জাতে বিপর্য্যস্ত হইতেছিল, যাহারা এক সময়ে ব্রিটিশ কোম্পানির সাম্রাজ্যরক্ষার প্রধান অবলম্বনস্বরূপ ছিল, তাহারা যখন সহসা অঙ্গপরিগ্রহ পূর্বক কোম্পানির বিরুদ্ধে সমুথিত হইয়া, তদীয় সাম্রাজ্যের ভিত্তি বিচলিত করিয়া তুলিয়াছিল, তখন আমীর পরিণামদর্শিতায় বিসর্জন দিতে পারিতেন, অবশ্যম্ভাবী বিপত্তিতেও উপেক্ষা দেখাইতে পারিতেন। উপস্থিত সময়ে তাঁহার এইরূপ আগ্রহ বিয়পূর্ণ হইলেও, দূরদর্শিতা, বিচক্ষণতা ও ভবিষ্যদৃষ্টি অপেক্ষা অধিকতর প্রবল হইবার সম্পূর্ণ সম্ভাবনা ছিল। যদি এই সময়ে পেশাবরের উপত্যকায় সমগ্র সিপাহী সৈন্য ইঙ্গরেজের বিরুদ্ধে অঙ্গ ধারণ করিত, আমীর যদি চিরপোষিত বাসনা ফলবতী করিবার জন্ত এই বিপ্লবের গতিবিস্তারে উত্তত হইতেন, বিলুপ্তনপ্রিয়, উদ্ধতপ্রকৃতি পার্শ্বত্যাগ প্রদেশবাসিগণ যদি পক্ষপালের ত্রায় দলে দলে নানা স্থান আক্রমণ করিত, তাহা হইলে বোধ হয়, অল্পমাত্র ইঙ্গরেজ সৈন্য ইহাদের গতিরোধে সমর্থ হইত না। সিপাহীদিগের অঙ্গসঞ্চালনে, আমীরের আক্রমণে, পার্শ্বত্যা

জাতির নিষেধে বোধ হয়, ইঙ্গরেজগণ সেই উপত্যকাপ্রদেশে অনন্তনিজ্রায় অভিভূত হইতেন। আমীর যদি অর্দ্ধচক্রচিহ্নিত, সব্জবর্ণ পতাকা উড্ডীন করিয়া, আপনাদের ধর্মপ্রচারকদিগের পবিত্র নামে ফিরঙ্গীদিগের বিরুদ্ধে আফগানিস্তানের সর্দারদিগকে আহ্বান করিতেন, তাহা হইলে সমগ্র আফগানিস্তান রণবেশ পরিগ্রহ করিত। আফগানেরা ইঙ্গরেজ জাতির সহিত ঐতিহ্যে আবদ্ধ ছিল না। যাহারা এক সময়ে তাহাদিগকে পরাজিত করিয়াছিল, তাহাদের চিরশোভাময় ড্রাকবন বিনষ্ট করিয়া ফেলিয়াছিল, তাহাদের চিরপ্রসিদ্ধ সুস্বাদু ফলের উত্তান শ্রীদ্রষ্ট করিয়াছিল, তাহাদের চিরগৌরবময় রাজধানীর প্রাধান্যনাশে অগ্রসর হইয়াছিল, তাহারা উপস্থিত উত্তেজনার সময়ে তাহাদের সমক্ষে রূপার পাত্র বলিয়া পরিগণিত হইত না। সম্ভবতঃ উত্তেজিত সিপাহীদিগের সহিত মুসলমানদিগের সম্মুখানে পেশাবর উপত্যকায় ভীষণ কাণ্ড সজ্জা হইত। এরূপ হইলে ভবিষ্যতে যে, কি ঘটত, তাহা বলা দুঃসাধ্য, হয় ত শোণিতময়ী ঘটনাবলীর কথায় ভবিষ্যতের ইতিহাস পবিপূর্ণ হইত। সামান্য অনবধানতায়, সামান্য উত্তেজনায় এরূপ ভয়াবহ ঘটনার আবির্ভাব হইত যে, ইঙ্গরেজ তাহার প্রতিকূলে দণ্ডায়মান হইতে পারিতেন না। বিভিন্ন পার্শ্বত্যা জাতি দলবদ্ধ হইলে, আফগানেরা অর্দ্ধচক্রচিহ্নিত পতাকা উড্ডীন করিলে, পেশাবর ইঙ্গরেজের হস্তদ্রষ্ট হইত। এই ভয়ঙ্কর ঘটনা জানাইবার জন্ত বোধ হয়, এক জন বার্তাবাহক জীবিত থাকিত না। পেশাবরের সহিত পঞ্জাব ব্রিটিশ কোম্পানির অধিকার হইতে বিচ্যুত হইত। এই জন্ত উপস্থিত সময়ে পেশাবরের উপর সকলের দৃষ্টি নিপতিত হইয়াছিল। উত্তরভারতবর্ষের অধিবাসীরা পেশাবরের কথা জানিবার জন্ত সবিশেষ আগ্রহ প্রকাশ করিতেছিল। কাহারও সহিত সাক্ষাৎ হইলে ইহার জিজ্ঞাসা করিত পেশাবরের সংবাদ কি? পেশাবরের সংবাদ জানিবার জন্ত ভারতবাসীর কিরূপ আগ্রহ হইয়াছিল, তাহা নিম্নলিখিত একটি ঘটনায় পরিস্ফুট হইবে।

জুন মাসের মধ্যভাগে অমৃতসরে এই সংবাদ উপস্থিত হয় যে, সেনাপতি উইলসন সিদ্ধনদের তীরে দুই বার যুদ্ধে জয়ী হইয়া, অশ্বাশ্রিত সৈন্তের সহিত সম্মিলিত হইয়াছেন। এই সম্মিলিত সৈন্তের পরাক্রমে সিপাহীরা ভাঙিত

হইয়াছে। প্রাতঃকালে এই সংবাদ অমৃতসরে উপস্থিত হয়। ঠিক এই সময়ে রাজা সাহেব দয়ালনামক একজন সম্ভ্রান্ত শিখ সর্দার শিষ্টাচাররক্ষার জন্ত অমৃতসরের প্রধান রাজপুরুষের সহিত সাক্ষাৎ করেন। যুদ্ধজয়ের সংবাদে উৎফুল্ল হইয়া, রাজপুরুষ শিখসর্দারকে আপনাদের বিজয়বার্তা জানাইলেন। কিন্তু সম্ভ্রান্ত সর্দার তাহাতে ততটা মনোযোগ দিলেন না। অমৃতসরের ইঙ্গরেজগণ যে বিষয়ের জন্ত আহ্বাদপ্রকাশ করিতেছিলেন, সর্দার সে বিষয়ে মনোযোগী না হইয়া, রাজপুরুষকে আগ্রহসহকারে জিজ্ঞাসা করিলেন, “পেশাবরের সংবাদ কি?” রাজপুরুষ উত্তর করিলেন, “সংবাদ খুব ভাল, সেখানে সকলেই শান্তভাবে রহিয়াছে।” সর্দার গম্ভীরভাবে কহিলেন, “আপনার মুখে যাহা শুনিলাম, তাহাই সর্বাপেক্ষা ভাল সংবাদ।” শিখসর্দারের এই কথায় রাজপুরুষের ভাবান্তর উপস্থিত হইল। রাজপুরুষ ব্যগ্রভাবে জিজ্ঞাসা করিলেন, “আপনি সর্বদাই এইরূপ আগ্রহসহকারে পেশাবরের কথা জিজ্ঞাসা করেন কেন?” শিখসর্দার সহসা এ কথার উত্তর দিলেন না। তিনি গম্ভীরভাবে আপনার শালের প্রান্তভাগ ধরিলেন, এবং উহার একাংশ অঙ্গুলি দ্বারা ঘুরাইতে লাগিলেন। অনন্তর পূর্বের ছায় গম্ভীরভাবে কহিলেন, “যদি পেশাবর আপনাদের অধিকারদ্রষ্ট হয়, তাহা হইলে সমগ্র পঞ্জাব বিদ্রোহ-বর্ত্তে এইরূপ ঘুরিতে থাকিবে।” শিখসর্দারের এই কথা অতি যথার্থ। যদি সিপাহীরা শৃঙ্খলাসহকারে যুদ্ধে প্রবৃত্ত হইত, ইঙ্গরেজেরা যদি ইহাদের আক্রমণনিবারণে অসমর্থ হইতেন, তাহা হইলে বোধ হয়, পঞ্চনদের অদৃষ্টচক্র আবৃত্তি হইত। পেশাবর নগর ফিরিশ্কার বিরুদ্ধে সমুথিত হইত। ইউসফজি আফ্রিদি আফগান প্রভৃতি এক সত্ত্বে গ্রথিত হইয়া অদম্য উৎসাহ, অভাবনীয় তেজস্বিতা ও অনমনীয় শক্তির সহিত ফিরিশ্কার বিরুদ্ধে ধাবিত হইত। স্বল্প মাত্র ইঙ্গরেজ এই উদ্বেলিত সৈন্যসংহার গতিরোধে সমর্থ হইত না। এই সাগরের ভয়াবহ তরঙ্গে সমগ্র পেশাবর বিদ্রুত হইত, সমগ্র পঞ্চনদ বিপ্লাবিত হইয়া যাইত এবং মোগলের চিরপ্রসিদ্ধ রাজধানীর দুর্ভেদ্য প্রাচীরও বিকম্পিত হইয়া উঠিত।

উপস্থিত সময় পেশাবরে ৭০ সংখ্যক ও ৮৭ সংখ্যক ইউরোপীয় সৈনিক দল, ছই দল ইউরোপীয় কামানবক্ষক এবং অল্প তিন দল ইউরোপীয় সৈন্য ছিল।

এই সকল দলে দুই হাজারের বেশী ইউরোপীয় সৈন্য ছিল না। পক্ষান্তরে ২১সংখ্যক, ২৪সংখ্যক, ২৭সংখ্যক, ৫১সংখ্যক ও ৫৪সংখ্যক দলের সিপাহীগণ অবস্থিতি করিতেছিল। এতদ্ব্যতীত অঝোরোহী সৈনিকগণ ছিল। সমষ্টিতে প্রায় ৭৬০০ এতদ্দেশীয় সৈনিক পুরুষ ছিল। কর্ণেল নিকলসন এবং মেজর এডওয়ার্ডিস এই বিভাগের শাসনকার্যে নিয়োজিত ছিলেন। ব্রিগেডিয়ার সিড্‌নী কটন সৈনিকনিবাসের অধ্যক্ষ ছিলেন।

১২ই মে দিল্লীর সংবাদ পেশাবরে উপস্থিত হয়। মীরাত উত্তেজিত সিপাহীদিগের আক্রমণে শৃঙ্খলাশূন্য হইয়াছে, দিল্লী ইঙ্গরেজ রাজপুরুষদিগের অধিকার হইতে স্থলিত হইয়া পড়িয়াছে, বৃদ্ধ মোগল আবার আপনার পূর্ব-পুরুষদিগের গৌরবান্বিত সিংহাসনের অধিকারী হইয়াছেন। সিপাহীরা দলে দলে তাঁহার প্রাধাণ্যঘোষণা করিতেছে, মুসলমানেরা আবার আপনাদের পূর্বতন প্রাধাণ্যের প্রতিষ্ঠায় অগ্রসর হইয়াছে। সহসা এই বিপ্লবের সংবাদে নিকলসন ও এডওয়ার্ডিস স্থির থাকিতে পারিলেন না। সেনাপতি রীড ও ব্রিগেডিয়ার কটন ঐ সংবাদে চিন্তিত হইলেন। পেশাবরের অদূরে নিবিলি চেম্বারলেন নামক একজন স্কট সৈনিক পুরুষ অবস্থিতি করিতে-ছিলেন। ব্রিগেডিয়ার উপস্থিত সঙ্কটকালে পেশাবররক্ষার সম্বন্ধে মন্তব্য করিবার জন্ত তাঁহাকে আহ্বান করিলেন। চেম্বারলেন কালবিলম্ব করিলেন না। তিনি ব্রিগেডিয়ারের আহ্বানে সবিশেষ সত্বরতাসহকারে পেশাবরে উপনীত হইলেন।

১৩ই মে চেম্বারলেনের উপস্থিতির এক কি দুই ঘণ্টার পরে সেনাপতি রীডের ভবনে সঙ্ঘবাসভার অধিবেশন হয়। শাসনবিভাগের ও সমর-বিভাগের প্রধান কর্মচারিগণ উপস্থিত বিষয়ে কর্তব্যনির্দ্ধারণ জন্ত একত্র হইলেন। সভায় স্থির হয় যে, উপস্থিত গোলযোগের সময়ে পঞ্জাবের শাসন-বিভাগের ও সমরবিভাগের কর্মচারী এক স্থানে অবস্থিতি করিবেন। সেনাপতি রীড সমগ্র সৈনিক দলের অধ্যক্ষ হইবেন। তাঁহাকে রাবলপিণ্ডিতে অথবা অন্য যে স্থান উপযুক্ত বোধ হয়, সেই স্থানে প্রধান কমিশনরের নিকটে থাকিতে হইবে। প্রধান কমিশনর এবং প্রধান সেনাপতি এক স্থানে থাকিয়া, এক-মতানুসারে ও একবাক্যে কার্য করিবেন। উপস্থিত সময়ে সমরবিভাগের

প্রধান কর্মচারীদিগের ক্ষমতা অব্যাহত রাখা একান্ত আবশ্যক হইয়াছিল। রণকুশল বীরপুরুষগণ যাহাদের আদেশে পরিচালিত হয়, যাহাদের বাহবল ও বুদ্ধিকোশলের উপর নির্ভর করিয়া, বিশাল সৈনিক দল রাজ্যের অন্তঃশত্রু ও বহিঃশত্রুর ক্ষমতানাশে আগ্রহপ্রকাশ করে, যাহাদের অসামান্য ক্ষমতার বিকাশ দেখিয়া, বিপক্ষগণ প্রতিমুহূর্ত্তে আত্মপরাক্রমপ্রদর্শনে সঙ্কুচিত, আত্ম-প্রাধাত্যস্থাপনে শঙ্কিত ও আত্মপক্ষের গৌরববর্ধনে সন্মত্ত হয়, কোনরূপে তাঁহাদের ক্ষমতায় বাধা দেওয়া উচিত বোধ হয় না। সেনাপতির প্রাধাত্য, এবং রাজ্যশাসনবিভাগের প্রধান কর্মচারীদিগের সহিত সকল বিষয়েই তাঁহার ঐক্য দেখিলে সাধারণে ভাবিত যে, ব্রিটিশ সাম্রাজ্য অতি সুদৃঢ় ভিত্তির উপর স্থাপিত রহিয়াছে। রাজ্যের শাসনভার যাহাদের হস্তে সমর্পিত রহিয়াছে এবং যাহারা সৈনিকবিভাগের পরিচালনভার গ্রহণ করিয়াছেন, তাঁহাদের মধ্যে যদি কোন বিষয়ে অনৈক্য উপস্থিত হইত, সাধারণে যদি দেখিত শাসনবিভাগের প্রধান পুরুষের ক্ষমতায় সৈনিকবিভাগের প্রধান পুরুষের ক্ষমতারোহ হইয়াছে, যিনি বীরপুরুষগণের অধিনেতা হইয়া, বীরেন্দ্রসমাজে প্রাধান্যলাভ করিয়াছেন, তিনি এখন শীতসন্মত্ত বৃদ্ধের জায় সর্ববিষয়েই সঙ্কুচিত রহিয়াছেন এবং দূরবগাহ রাজনীতির ঘোরতর আবর্ত্তে পড়িয়া, ক্ষমতালুপ্ত হইয়াছেন, তাহা হইলে সৈনিক-দল বা সেনাপতির প্রতি তাহাদের তাদৃশ আস্থা থাকিত না। তাহারা হয় ত সেনাপতিকে ক্ষমতাশূন্য দেখিয়া, দ্রুত কার্যসাধনে অগ্রসর হইত এবং ব্রিটিশসাম্রাজ্যের ভিত্তি শিথিল ভাবিয়া, উহা বিপর্যাস্ত করিয়া ফেলিবার জন্ত দলে দলে ভয়াবহ কাণ্ডের অবতারণা করিত। বিশেষতঃ উপস্থিত সময়ে যখন ভারতবর্ষের প্রধান প্রধান নগরে সিপাহীদিগের উত্তেজনাবৃদ্ধি হইতেছিল, ইউরোপীয়েরা যখন সর্বস্বপরিত্যাগ করিয়া প্রাণভয়ে ইতস্ততঃ পলায়ন করিতেছিলেন, নগরে নগরে যখন শাসনশৃঙ্খলা বিপর্যাস্ত হইতেছিল, এবং উত্তেজিত জনসাধারণ যখন সম্পত্তি লুণ্ঠনের আশায় দলবদ্ধ হইয়া চারি দিকে ঘুরিয়া বেড়াইতেছিল, তখন সৈন্যশাসনকর্তা ও রাজ্যশাসনকর্তার মধ্যে কোন বিষয়ে অনৈক্য দেখিলে এবং সৈন্যধাক্ক কোন বিষয়ে ক্ষমতালুপ্ত হইলে, সিপাহীদিগের সাহসবৃদ্ধির সহিত উত্তেজিত জনসাধারণের উৎসাহ বৃদ্ধি হইত।

এই সকল বিবেচনা করিয়া, মন্ত্রণাসভার সদন্তগণ সেনাপতির প্রাধান্তরক্ষা করা একান্ত আবশ্যক বলিয়া মনে করিলেন এবং একবাক্যে ও একবিধ পরামর্শ-অনুসারে কার্য্য করিবার জন্ত তাঁহাকে প্রধান কমিশনরের নিকটে রাখিতে সম্মত হইলেন। সেনাপতি রীড সর্ব্বাপেক্ষা প্রধান কর্ম্মচারী ছিলেন। বয়সের আধিক্যে তাঁহার বহুদর্শিতা অটল এবং বীরতা অবিচলিত ছিল। তিনি যদিও এডওয়ার্ডস বা চেম্বারলেনের ত্যায় কার্য্যকুশল বা ক্ষিপ্রকর্ম্মা ছিলেন না, তথাপি বয়সের আধিক্যে ও সৈনিক বিভাগে প্রাচীনত্বের সম্মানে প্রধান পদে প্রতিষ্ঠিত হইলেন। প্রাচীন সেনাপতি হার্বার্ট এডওয়ার্ডস প্রভৃতির ক্ষমতা ও যোগ্যতা দেখিয়া, তাঁহাদের পরামর্শ অনুসারে কার্য্য করিতে প্রস্তুত হইলেন।

২১, ৩১৪

মন্ত্রণাসভার দ্বিতীয় প্রস্তাব অনুসারে অস্থায়ী সৈনিক দল সংগঠিত হয়। অপেক্ষাকৃত বিশ্বস্ত ও কার্য্যকুশল সৈনিক পুরুষগণ এই দলে প্রবিষ্ট হয়। এই দলের সম্বন্ধে স্থির হয় যে, যখন যে স্থানে সিপাহীরা উত্তেজিত হইয়া, ইউরোপীয়দিগকে আক্রমণ করিবে, তখনই ঐ দল সেই স্থানে আক্রমণ-নিবারণ জন্ত প্রেরিত হইবে। এতদ্ব্যতীত আটকের দুর্গে যে সিপাহীদলের উপর সন্দেহ জন্মিয়াছিল, তাহাদিগকে স্থানান্তরিত করা সিদ্ধান্ত হয়। এবং প্রস্তাব হয় যে, ভাবী অনিষ্টের প্রতিবিধান জন্ত এক জন বিশ্বস্ত পাঠান সদ্ধারের তত্ত্বাবধানে কতিপয় পাঠান আটকের খোয়াঘাটে পাতারা দিবে, সিপাহীদলকে এরূপ স্থানে পরস্পর বিচ্ছিন্নভাবে রাখা হইবে যে, উত্তেজনার সময়ে তাহারা পরস্পরের সাহায্য না পাইতে পারে এবং ইউরোপীয়েরা সহজে তাহাদের ক্ষমতারোধ করিতে পারে। এতদ্ব্যতীত স্থির হয় যে, ব্রিগেডিয়ার চেম্বারলেন কালবিলম্ব না করিয়া প্রধান কমিশনরের সহিত পরামর্শ করিবার জন্ত রাবলপিণ্ডিতে গমন করিবেন। এই সকল প্রস্তাব স্থার জন লরেন্সের অনুমোদিত হয়। অতঃপর প্রধান সেনাপতি আন্সনের মতানুসারে ব্রিগেডিয়ার চেম্বারলেন অস্থায়ী সৈনিকদলের অধ্যক্ষ হইলেন।

১৬ইমে সেনাপতি রীড ও ব্রিগেডিয়ার চেম্বারলেন রাবলপিণ্ডিতে প্রধান কমিশনরের নিকটে উপনীত হইলেন। ঐ দিন হার্বার্ট এডওয়ার্ডসও প্রধান কমিশনরের আদেশে রাবলপিণ্ডিতে গমন করেন। স্থার জন লরেন্স যে রূপ

দূরদর্শী সেই রূপ স্বল্পবুদ্ধিসম্পন্ন ছিলেন। স্থলদর্শী মানব প্রায়ই বিপদের সময়ে আপনাকে লইয়াই বিব্রত হয়। কিন্তু যিনি দূরদর্শী, ধীরপ্রকৃতি ও ভবিষ্যৎ বিষয়ের নির্দ্বারপে সমর্থ, তিনি বিপত্তিকালে কেবল আত্মবিষয়ের চিন্তায় নিবিষ্ট থাকেন না। তখন সমগ্র বিষয়ই তাঁহার চিন্তার বিষয়ীভূত হইয়া উঠে। তিনি ভবিষ্যৎ বুঝিয়া সকল দিকেই দৃষ্টিপাত করিয়া থাকেন। তখন সকল দিকই তাঁহার রক্ষণীয়, সকল জনপদই তাঁহার পালনীয় ও সকল বিষয়ই তাঁহার দর্শনীয় হয়। তিনি কেবল বর্তমান বিষয়ের প্রতি দৃষ্টিপাত করেন না, বর্তমানের জ্ঞান ভবিষ্যৎও তাঁহার লক্ষ্য হয়। সেনাপতি হিউয়েট ভাবিয়াছিলেন যে, যখন তিনি মীরাটে অবস্থিতি করিতেছেন, তখন কেবল মীরাট রক্ষা করাই তাঁহার কর্তব্যের মধ্যে পরিগণিত হইয়াছে। হিউয়েট ইহা ভাবিয়া, দিল্লীর দিকে দৃষ্টিপাত করেন নাই। তাঁহার অন্তঃকরণে কেবল মীরাটের চিন্তাই জাগরুক ছিল। কিন্তু স্থার জন লরেন্স পঞ্চদশে অবস্থিতি করিয়া, সমগ্র ভারতের বিষয় ভাবিতে লাগিলেন। উদারতাসুলভ প্রশান্ত ভাবে, দূরদর্শিতাসুলভ প্রশস্ত জ্ঞানে, ধীরতাসুলভ পরিণাম চিন্তাতে সকল বিষয়ই তাঁহার হৃদয়ঙ্গম হইল। তিনি আপনার কার্য্যপ্রণালী একটি নির্দিষ্ট স্থানে আবদ্ধ করিয়া রাখিলেন না, একটি নির্দিষ্ট স্থানরক্ষার জন্ত তিনি যত্নশীল হইসেন না। তিনি কেবল এই বলিয়া কার্য্যক্ষেত্রে প্রবেশ করিলেন না যে, আমি পঞ্জাবের শাসনকার্য্যে নিয়োজিত হইয়াছি, সুতরাং কেবল পঞ্জাবরক্ষা করাই আমার কর্তব্য। পঞ্জাবব্যতিরিক্ত আর কোন প্রদেশের জন্ত আমি দায়ী নহি। উপস্থিত সময়ে সমগ্র ব্রিটিশ সাম্রাজ্যরক্ষা করাই তাঁহার কর্তব্যের মধ্যে পরিগণিত হইয়াছিল। সুতরাং তিনি কেবল পঞ্জাবের বিষয় ভাবেন নাই, সাম্রাজ্য-রক্ষার জন্ত যদি পঞ্জাব পরিত্যাগ করিতে হয়, তাহাতেও তিনি প্রস্তুত ছিলেন। স্থার জন লরেন্স এইরূপ গুরুতর কর্তব্যপালনে কৃতসঙ্কল্প হইয়া কার্য্যক্ষেত্রে প্রবেশ করিলেন। তিনি এইরূপ গুরুতর কর্তব্য সম্পাদনে একাগ্রতা, যত্নশীলতা ও সমীক্ষাকারিতার পরিচয় দিয়া, ভবিষ্যতে ব্রিটিশ সাম্রাজ্যের সর্বোচ্চ পদে প্রতিষ্ঠিত হইলেন।

স্থার জন লরেন্স প্রথমে শিখ ও আফগানদিগকে আপনাদের সৈনিক দলে নিযুক্ত করিলেন। তাঁহার এই কার্য্যে অনেকে সাতিশয় বিষয় প্রশংসা

করিয়াছিলেন। কিন্তু তিনি এই বিষয়ে বিচলিত হয়েন নাই। তাঁহার দৃঢ় বিশ্বাস জন্মিয়াছিল যে, পঞ্জাবের শিখেরা কখনও পূর্ববীয় সিপাহীদিগের সহিত এক শ্রেণীতে নিবিষ্ট বা একবিধ উদ্দেশ্য সাধনে একত্র সম্মিলিত হইবে না। এক সময়ে আফগানেরা শিখদিগের প্রতিদ্বন্দ্বী হইয়া সমরক্ষেত্রে প্রবেশ করিয়াছিল। সিপাহীগণ এখন মোগলের যে চিরপ্রসিদ্ধ রাজধানীতে সমবেত হইয়া, আপনাদের প্রাধান্ত প্রতিষ্ঠায় অগ্রসর হইয়াছে, শিখসম্প্রদায় এক সময়ে সেই রাজধানীতে নিপীড়িত ও নিগৃহীত হইয়াছিল দিল্লী খালসাদিগের যেরূপ বিষেবুদ্ধির উদ্দীপক ছিল, সেইরূপ উহা তাহাদের প্রেলোভনসামগ্রীর মধ্যেও পরিগণিত হইয়াছিল। মোগলেরা এক সময়ে যাহাদের ক্ষমতাবিনাশে যত্নশীল হইয়াছিল, দয়ায় বিসর্জন দিয়া, সমদর্শিতায় উপেক্ষা করিয়া, সৌজন্ত ও সদাশয়তার আস্থা না দেখাইয়া, দুর্দান্ত দানবের স্তায় যাহাদের শোণিতপাত করিয়াছিল, তাহাদের রাজধানীতে অধিকারস্থাপন এবং তাহাদের সমক্ষে আত্মপ্রাধান্তপ্রদর্শন খালসাদিগের অনভিপ্রেত ছিল না। এই অভিপ্রায় সিক্কির জন্ত তাহারা দিল্লীস্থিত সিপাহীদিগের ক্ষমতানাশে বিমুগ্ধ হইত না। এদিকে দিল্লীর মোগলের সহিত আফগানদিগেরও তাদৃশ সমবেদনা ছিল না। মোগলেরা এক সময়ে আফগানিস্তানের পার্শ্বত্যাগদেশবাসীদিগের উপর আধিপত্য স্থাপন করিয়াছিল। আফগানেরাও এক সময়ে মোগলের শোণিতপাতে অগ্রসর হইয়াছিল। সুতরাং পুনর্বার মোগলের রাজধানীর অভিমুখে ধাবিত হইতে এবং মোগলদিগের প্রাধান্তনাশ জন্ত সিপাহীদিগের সহিত যুদ্ধ করিতে আফগানেরা ঔদাস্ত বা অসম্মতি প্রকাশ করিত না। স্ত্রীর জন লরেন্স স্বীয় তীক্ষ্ণবুদ্ধিবলে এই বিষয় স্পষ্ট বৃত্তিতে পারিয়াছিলেন। এজন্ত তিনি আত্মবলবুদ্ধির নিমিত্ত আফগান ও শিখদিগের সাহায্যগ্রহণে উদ্বৃত্ত হইলেন। গবর্নর জেনারেল এই প্রস্তাবের অহুমোদন করিলেন। তিনি প্রথমে অপেক্ষাকৃত অল্পসংখ্যক লোককে সৈনিকদলে লইতে অহুমতি দিলেন। শেষে এই সৈনিকদল সম্প্রসারিত হয়। স্ত্রীর জন লরেন্স এই রূপে এই অভিনব সৈনিকদলের সাহায্যে উদ্দেশ্যসাধনে উদ্বৃত্ত হইলেন।

অভিনব সৈনিকদলের সংগঠনের সঙ্গে সঙ্গে অত্যাশ্চর্য্য বিষয়েও আটবাট বাধা

হয়। পুলিশের বল বৃদ্ধি হয়। তাহারা পূর্বাপেক্ষা অধিকতর সতর্কতাসহকারে কার্য্য করিতে থাকে। পঞ্জাবের ভিন্ন ভিন্ন স্থানের খেয়াঘাটে ও অজ্ঞাত স্থানে প্রহরী রাখা হয়। যে সকল ব্যক্তি ফকিরের বেশে বা সংসারবিরাগী, ভ্রমণকারী উদাসীনদের ভাবে সিপাহীদলে প্রবেশ করিয়া, নানারূপ আশঙ্কাজনক কথায় তাহাদের উত্তেজনা বৃদ্ধি করিতে চেষ্টা করে, তাহাদিগকে ধরিবার জন্ত যথোচিত উপায় অবলম্বিত হয়। ধনাগার রক্ষার সুবন্দোবস্ত হয়। বিপত্তিকালে কোম্পানির অর্থ বাহাতে সিপাহীদিগের হস্তগত হইয়া, অনর্থের উৎপত্তি না করে, তৎসম্বন্ধে উপযুক্ত প্রহরিগণ পূর্বাপেক্ষা অধিকতর সতর্কভাবে কার্য্য করিতে থাকে। ইহার উপর জনসাধারণের জীবন কর্তৃপক্ষের ইচ্ছাবীন করিবার জন্ত কঠোরতর ব্যবস্থা বিধিবদ্ধ হয়। দেওয়ানী বিভাগের প্রত্যেক কর্মচারী, যাহাকে গবর্ণমেন্টের বিপক্ষ বলিয়া সিদ্ধান্ত করিবেন, তাহাকেই ফাঁসী কাষ্ঠে বিলম্বিত করিবার ক্ষমতা প্রাপ্ত হইবেন। এই রূপে এলাহাবাদের স্থায় পঞ্জাবেও ভীষণ যমদণ্ডের পরিচালনার ব্যবস্থা হয় এবং এই রূপ উত্তেজনায় সময়ে সাধারণের জীবন উত্তেজিত ব্রিটিশ বিচারকের ইচ্ছার উপর নির্ভর করে। সিপাহীরা যাহাদের বিরুদ্ধে সমুখিত হইয়াছিল, আশঙ্কায় জ্ঞানশূন্য হইয়া, উত্তেজনায় অধীরতা প্রকাশ করিয়া, অদূরদর্শিতায় উদ্ভ্রান্ত হইয়া, যাহাদের স্বদেশীয়গণের স্ত্রীপুত্রকন্যাদিগের শোণিতে আপনাদিগের হস্ত কলঙ্কিত করিয়াছিল, তাঁহারা ই এখন তাহাদের জীবননাশ বা জীবনরক্ষার জন্ত বিচারকের পবিত্র আসনে সমাসীন হইলেন। এ সময়ে তাঁহাদের বুদ্ধির স্থিরতা না থাকিতে পারে; এ সময়ে তাঁহারা হৃদমনীয় প্রতিহিংসায় পরিচালিত হইতে পারেন, এ সময়ে হয় ত তাঁহারা অধীরতায় উত্তেজিত হইয়া, বিচারাসনের অধ্যাদা নষ্ট করিতে পারেন। এরূপ আশঙ্কা থাকিলেও জনসাধারণ দলে দলে তাঁহাদের সমক্ষে জীবনমৃত্যুর সন্ধিস্থলে দণ্ডায়মান হয়। তাঁহারা কিরূপ নিরপেক্ষভাবে স্বকর্তব্য সম্পাদন করিয়াছিলেন, কিরূপ ধীরতা ও উদারতা দেখাইয়া, সাধারণের প্রশংসাজনক হইয়াছিলেন, দুঃখের বিষয়, তাহা অতীতের দর্পণস্বরূপ পবিত্র ইতিহাসে প্রতিকূলিত হয় নাই।

কথিত আছে, উত্তেজিত মুসলমানগণ দূরতর স্থান হইতে পঞ্জাবের সিপাহীদিগকে স্বধর্ম্মরক্ষার জন্ত দলবদ্ধ হইতে পত্র লিখিয়াছিল। এই সকল পত্র

কর্তৃপক্ষের হস্তগত হয়। পত্রসমূহে উল্লেখ ছিল যে, ফিরিকীরা বিবিধ উপায়ে সকলের ধর্মনাশের চেষ্টা করিতেছে। এই জন্তই বসায়ুক্ত টোটা ব্যবহারের আদেশ প্রচারিত হইয়াছে। ধর্মনিষ্ঠ মুসলমানগণ স্বধর্মরক্ষার্থ দৃঢ়প্রতিজ্ঞ হইয়াছেন। এই ভাবে অনেকগুলি পত্র ধরা পড়িলে কর্তৃপক্ষের স্পষ্ট বোধ হয় যে, বিপ্লব ক্রমে সংক্রামক হইয়া উঠিতেছে। যাহা হউক, এ সময়ে সাধারণে জাতিনাশ ও ধর্মনাশের আশঙ্কায় বিচলিত হইয়াছিল। গবর্ণমেন্টের বিবেচনাদোষেই হউক, বা জনসাধারণের অদূরদর্শিতা প্রযুক্তই হউক, এই আশঙ্কা দূরীভূত হয় নাই। পক্ষান্তরে যাহারা গবর্ণমেন্টের বিচারবৈচিত্র্যে সম্পত্তিভ্রষ্ট হইয়াছিলেন, যাহাদের স্বাধীনতা অন্তর্হিত, রাজসম্মান বিনুগ্ন ও রাজ্য স্বাধিকারভ্রষ্ট হইয়াছিল, তাঁহারা সাধাবণের উত্তেজनावর্ধনে সঙ্কুচিত হয়েন নাই। ভ্রমণকারী পণ্ডিতের বেশেই হউক, ধর্মনিষ্ঠ ফকিরের ভাবেই হউক, উদাসীন যোগীর সজ্জাতেই হউক, তাঁহাদের গুপ্তচরগণ যে, বিভিন্ন স্থানে সিপাহীদলে প্রবেশ করিবে, তাহা কিছুই বিচিত্র নহে। হইতে পারে, এইরূপ লোক দ্বারা পত্রসমূহ নানা স্থানে প্রেরিত হইয়াছিল। যাহারা এই সকল পত্র লিখিয়াছিল, তাহারা সদিবেচনায় পরিশ্রমিত হয় নাই, দূরদর্শিতায় আত্মসংযত হয় নাই, বা পরিণামভাবনায় সংপথ-বলবী হয় নাই। তাহারা অপরিণতবুদ্ধি ও অপরিণামদর্শী ছিল। অনভিজ্ঞতায়, অদূরদর্শিতায় ও অপরের উত্তেজনায় তাহাদের হৃদয়ে যে আশঙ্কা বদ্ধমূল হইয়াছিল, সেই গভীর আশঙ্কা প্রযুক্তই তাহারা ভারতের মানচিত্র হইতে লোহিত রেখা অপসারিত করিবার জন্ত বদ্ধপরিকর হইয়াছিল। তাহাদের উদ্ভ্রম ও অধাবসায় কোন স্থলে বিচলিত হয় নাই। কিন্তু এইরূপ অবিচলিত উদ্ভ্রম ও অধাবসায় তাহারা সমগ্র ভারতবাসীকে দলবদ্ধ করিতে পারে নাই। তাহাদের লিখিত পত্রাবলীতে, তাহাদের পরিকল্পিত বিবিধ কাহিনীতে, তাহাদের প্রচারিত জনশ্রুতিতে সমগ্র সিপাহীদল বিচলিত, উত্তেজিত ও গবর্ণমেন্টের বিপক্ষে সমু-খিত হয় নাই। রাজপুরুষগণ সমভাবে ধীরতা প্রকাশ করিলে অনেক প্রভু-ভক্ত সিপাহী এ সময়েও তাহাদের প্রভুর পার্শ্বে দণ্ডায়মান হইত। কিন্তু গভীর উত্তেজনায় অভিঘাতে রাজপুরুষদিগের ধীরতা অন্তর্হিত হইয়াছিল। রাজপুরুষ-গণ অশিক্ষিত জনসাধারণের দ্বারা আশঙ্কাগস্ত হইয়াছিলেন। তাঁহারা ডাকঘরে ঐ সকল পত্র পাইলে বা কোন আগন্তুককে একান্তে সিপাহীদিগের সহিত কথা

কহিতে দেখিলে ভাবিতেন যে, সমগ্র ভারতবাসী তাঁহাদের বিরুদ্ধে দলবদ্ধ হইয়াছে, ভারতের সমগ্র সৈনিকদল তাঁহাদের ক্ষমতানাশে ও আধিপত্যবিলোপে প্রতিজ্ঞাবদ্ধ হইয়া উঠিয়াছে।

নিকলসন অতঃপর ইউরোপীয়দিগের রক্ষার জন্য পার্শ্বতাজাতির সর্দারদিগের সাহায্য প্রার্থনা করেন। সর্দারেরা প্রথমে তাঁহার প্রার্থনাপূরণে সন্মত হইলেন নাই। ১৮৪০ খৃষ্টাব্দের ঘটনা তাঁহাদের স্মৃতিপটে জাগরুক ছিল। আফগানদিগের আক্রমণে ইকবেরেরা কিরূপ হীনবল হইয়াছিলেন, পার্শ্বত্যাগদেশের সজীব গরিসঙ্কটে তাঁহাদের কিরূপ পরাজয় হইয়াছিল, তাহা সর্দারদিগের মনে ছিল। উপস্থিত সময়ে পাছে, ইকবেরেরা ঐরূপ বিপদাপন্ন হইবেন, বিপক্ষের পরাক্রমে পাছে তাঁহারা ঐরূপ ক্ষমতালুপ্ত হইয়া পড়েন, এই আশঙ্কায় সর্দারেরা প্রথমে তাঁহাদের পক্ষসমর্থনে উত্তর হইলেন নাই। তাঁহারা সে সময়ে নিকলসনকে স্পষ্টাঙ্গরে কহিয়াছিলেন, “আপনারা যে, বিপক্ষগণ অপেক্ষা অধিকতর ক্ষমতালশী এবং অধিকতর বলসম্পন্ন, অগ্রে তাহার পরিচয় দিন, পশ্চাৎ আমরা আপনাদের সাহায্য করিব।” যাহাহউক, নিকলসন ইহাতে হতাশ হইলেন নাই। তিনি আপনাদের বুদ্ধি ও ক্ষমতার উপর নির্ভর করিয়া, ভয়াবহ বিপ্লবের গতিরোধে উত্তর হইলেন।

কর্ণেল এডওয়ার্ডিস ২১ মে পেশাবরে প্রত্যাগত হইলেন। এই সময়ে আকাশ মেঘাচ্ছন্ন ছিল। সূর্যালোক এই মেঘজাল ভেদ করিয়া, অল্পপরিমাণে বিকীর্ণ হইতেছিল। এডওয়ার্ডিস এই কাদম্বিনীর তরঙ্গলীলার মধ্যে কার্যস্থলে উপনীত হইলেন। কটন ও নিকলসন এই জলদজালসমাচ্ছন্ন আকাশতলে তাঁহাদের কার্যকুশল ও দূরদর্শী সহযোগীর অভ্যর্থনা করেন। উপস্থিত আকাশের ছায় তাঁহাদের হৃদয়ে গভীর কালিমার সঞ্চার হইয়াছিল। নিম্নস্থিত বিস্তৃত প্রান্তরের ছায় তাঁহাদের অন্তঃকরণেও অশ্রুস্রবভাব বিরাজ করিতেছিল। তাঁহারা পরস্পর সমবেত হইলেন বটে, কিন্তু তাঁহাদের আশঙ্কা অন্তর্হিত হইল না। তাঁহারা প্রতিমুহূর্ত্তে মানসনয়নে অবগুণ্ঠাবী বিপদের আবির্ভাব দেখিতে লাগিলেন। উত্তেজনার সময়ে হিন্দুস্থানী সিপাহীরা পরস্পর সম্মিলিত না হইতে পারে, এই উদ্বেগে ব্রিগেডিয়ার কটন তাহাদিগকে পরস্পর পৃথক করিয়া রাখিয়াছিলেন। তাহাদের নিকটে ইউ-

রোপীর সৈনিকেরা কামানসহ সন্নিবেশিত হইয়াছিল। এদিকে সিপাহীরা কর্তৃ-
পক্ষের এইরূপ কার্য্যপ্রণালী দেখিয়া, গভীর আশঙ্কার বিচলিত হইয়া উঠিয়াছিল।
মীরাত ও দিল্লীর সংবাদে তাহাদের মানসিক শাস্তি অন্তর্হিত হইয়াছিল। পার্শ্বভ্য
প্রদেশের অধিবাসিগণ উৎকণ্ঠা ও ঔৎসুক্যের সহিত সিপাহীদিগের কার্য্য
পর্য্যবেক্ষণ করিতেছিল। কাবুলের ঘটনা শ্রবণ করিয়া, তাহারা প্রথমে
ইকবেরজের ক্ষমতার উপর বিশ্বাস স্থাপন করে নাই। তাহারা প্রথমে উদাসীন-
ভাবে উভয় পক্ষের কার্য্য চাহিয়া দেখিতেছিল। যদি তাহারা সিপাহীদিগকে
অপেক্ষাকৃত প্রবল দেখিত, তাহা হইলে পক্ষপালের দ্বারা ইকবেরজের অধিকারে
প্রবেশ পূর্ব্বক ভয়ঙ্কর বিপ্লব অধিকতর ভয়ঙ্কর করিয়া তুলিত। সুতরাং তাহারা
এ সময়ে নিশ্চেষ্ট ও নিষ্ক্রিয় হইলেও সর্ব্বতোভাবে উদাসীন ছিল না। একতর
পক্ষের ক্ষমতা পরিক্ষুট হইলে তাহাদের চেষ্টা ও তাহাদের কার্য্যের পূর্ণ বিকাশ
হইবার সম্ভাবনা ছিল।

২১ মে রাত্রি কালে এডওয়ার্ডিস ও নিকলসন এক বাড়ীতে শয়ন করেন।
কিন্তু শয়ন করিয়াও, ইহারা শান্তিলাভে সমর্থ হইয়ন নাই। অদূরবর্তী লোকা-
লয়ে যখন কলরবের নিবৃত্তি হইয়াছিল, জীবকুল যখন প্রান্তিবিনাশিনী নিজার
ক্রোড়ে শান্তিস্থত্বের উপভোগ করিতেছিল, প্রকৃতি যখন রজনীর প্রোক্ত-
ভাবে মগ্ন রহিয়াছিল, তখন এডওয়ার্ডিস ও নিকলসন প্রতিমুহূর্ত্তে হুসি-
স্তার তরঙ্গাবেগে আন্দোলিত হইতেছিলেন। তাঁহাদের দৃঢ় বিশ্বাস অক্ষিমাছিল
যে, রাত্রি শেষ হইতে না হইতেই সিপাহীগণ তাঁহাদের বিরুদ্ধে সমুখিত হইবে।
তাঁহাদিগকে ভয়ঙ্কর বিপ্লবের গতিনিরোধের জন্ত দ্রুত কার্য্যসাধনে প্রস্তুত
হইতে হইবে। তাঁহারা শান্তিলাভের জন্ত শয়ন করিয়াও, কেবল এই রূপ
চিন্তার আবেগে আন্দোলিত হইতেছিলেন। গভীর নিশীথে তাঁহারা যখন
এইরূপ চিন্তা করিতেছিলেন, তখন পেশাবরের ২৪ মাইল দূরবর্তী নৌশেরা
হইতে একজন সংবাদবাহক আসিয়া জানাইল যে, তত্রত্য ৫৫ সংখ্যক সিপাহীদল
গবর্ণমেন্টের বিরুদ্ধাচরণে প্রবৃত্ত হইয়াছে। সংবাদপ্রাপ্তি মাত্র এডওয়ার্ডিস ও
নিকলসন ব্রিগেডিয়ার কটনের গৃহে উপস্থিত হইলেন। ব্রিগেডিয়ার আগরিত
হইয়া দেখেন যে, তাঁহার দুই জন সহযোগী তদীয় শয্যার পার্শ্বে রহিয়াছেন।
এডওয়ার্ডিস ও নিকলসন তাঁহাকে কহিলেন যে, নৌশেরার ৫৫ সংখ্যক সিপাহীদল

গবর্ণমেন্টের বিরোধী হইয়াছে। তত্ৰত্য ১০ গণিত অখারোহিদলও অবিলম্বে তাহাদের পথানুসরণ করিতে পারে। এরূপ স্থলে পেশাবরের সিপাহীদিগকে নিরস্ত্র করিয়া পার্শ্বত্যাগপ্রদেশবাসীদিগকে সৈনিকশ্রেণীতে গ্রহণ করা কর্তব্য। এই কার্য অনায়াসে সম্পাদনীয় ছিল না। কিন্তু নিকলসন ও এডওয়ার্ডিস কার্যসম্পাদনে দৃঢ়প্রতিজ্ঞ হইয়াছিলেন। তাঁহারা কিছুতেই বিচলিত হইলেন না। পেশাবরের ৫ দল সিপাহীর* মধ্যে চারি দলকে নিরস্ত্র করিবার প্রস্তাব হইল। ব্রিগেডিয়ার নিরস্ত্রীকরণের প্রস্তাবে সম্মতি প্রকাশ করিলেন। পর দিন প্রাতঃকালে চারি দল সিপাহী নিরস্ত্রীকৃত হইবে বলিয়া অবধারিত হইল। অবশিষ্ট দল (২১ সংখ্যক দল) অপেক্ষাকৃত প্রাচীন ছিল; এজন্য তাহাদিগকে পূর্বের স্থায় সৈনিক নিবাসে রাখা স্থির হইল।

এখন আর কালবিলম্ব করিবার সময় ছিল না। যে সকল সিপাহীদলকে নিরস্ত্র করিবার প্রস্তাব হইয়াছিল, ব্রিগেডিয়ার কটন তৎসমুদয়ের অধিনায়কদিগকে ডাকাইয়া পাঠাইলেন। ব্রিগেডিয়ারের আদেশে অধিনায়কেরা স্বযোদয়ের পূর্বেই উপস্থিত হইলেন। কটন, এডওয়ার্ডিস ও নিকলসনের সমক্ষে তাঁহাদিগকে কহিলেন যে, তিনি সিপাহীদলের নিরস্ত্রীকরণে কৃতসঙ্কল্প হইয়াছেন। অধিনায়কেরা ব্রিগেডিয়ার কটনের মুখে এই কথা শুনিয়া স্থির থাকিতে পারিলেন না। তাঁহারা যে দলের পরিচালনভার গ্রহণ করিয়াছিলেন, যে দলের বিশ্বস্ততায় সন্দেহ ছিলেন, যে দলের যুগলকোশলে আপনারা বীরেন্দ্রসমাজে গৌরবান্বিত হইয়াছিলেন, সংক্ষেপে যে দলের সিপাহীগণ তাঁহাদের স্রীতিয়, স্নেহের, সর্বোপরি অপরিণীম বিশ্বাসের পাত্র ছিল, সেই সৈনিক দল সাধারণের সমক্ষে অস্ত্রশস্ত্র পরিত্যাগ করিবে, এবং পবিত্র বীরব্রত হইতে ত্যাগিত ও ঘোরতর অবমাননাগ্রস্ত হইবে, ইহা ভাবিয়া, তাঁহারা সাতিশয় অধীর হইয়া উঠিলেন। অধীরতার সহিত তাঁহাদের মর্মান্তিক ছুঃখের সঞ্চার হইল। তাঁহারা অর্ধৈর্ধ্যসহকৃত উত্তেজনার সহিত ব্রিগেডিয়ারের প্রস্তাবের বিরোধী হইয়া উঠি-

* পঞ্চম অখারোহিদল এবং একবিংশ, চতুর্বিংশ, সপ্তবিংশ ও একপঞ্চাশ পদাতিকদল।

লেন। তাঁহাদের একজন দৃঢ়তা সহকারে कहিলেন যে, তাঁহার অধীন দলের সিপাহীগণ কখনও এরূপ অবমাননা সহিতে পারিবে না। তাহারা নিশ্চিতই কাওয়ার্জের ক্ষেত্রে গভীর উত্তেজনার পরিচয় দিয়া, কামানসমূহের অধিকারে অগ্রসর হইবে এবং তাহাদিগকে যে সকল অস্ত্র পরিত্যাগ করিতে আদেশ দেওয়া হইবে, তাহারা সেই সকল অস্ত্র ষারাই ইউরোপীয়দিগকে আক্রমণ করিবে। পেশাবরের সিপাহীগণ আপনাদের অধিনায়কদিগের এই রূপ প্রীতি ও স্নেহের পাত্র ছিল। অধিনায়কগণ তাহাদের বিশ্বস্ততা ও প্রভুভক্তিতে এই রূপ সন্তুষ্ট ছিলেন। ঘোরতর বিপত্তিকালেও তাঁহারা আপনাদের অমুরক্ত দলের উপর সন্দেহ প্রকাশ করিতে পারেন নাই। কিন্তু এডওয়ার্ডিস ও নিকলসনের স্ত্রীর ত্রিগেডিয়ার কটনও সিপাহীদিগকে নিরস্ত্র করিতে দৃঢ়প্রতিজ্ঞ হইয়া ছিলেন। তিনি অধিনায়কদিগের ঘোরতর আপত্তিতেও নিরস্ত হইলেন না। অধিনায়কগণ যখন তীব্রভাবে প্রতিবাদ করিতেছিলেন, তখন এডওয়ার্ডিস বিরক্তির সহিত বলিয়া উঠিলেন, “উপস্থিত বিষয়ের মীমাংসার ভার কেবল ত্রিগেডিয়ারের উপরই সমর্পিত রহিয়াছে।” এই কথায় কটন গভীরভাবে कहিলেন, “আমি নিজের ক্ষমতামুসারে এই মত প্রকাশ করিতেছি যে, সিপাহীগণ পূর্ব প্রস্তাবক্রমে নিরস্ত্রীকৃত হইবে।” ত্রিগেডিয়ারের এই শেষ বাক্যে অধিনায়কগণ নীরব হইলেন। আর কোন কথা তাঁহাদের মুখ হইতে বহির্গত হইল না। তাঁহারা নীরবে আপনাদের অধ্যক্ষের আদেশে অবনতমস্তক হইলেন এবং তাঁহার সমুচিত সম্মান প্রকাশ করিয়া, তদীয় আদেশামুসারে কার্য্য করিতে প্রস্তুত হইবার জন্য নীরবে স্বস্থানে গমন করিলেন।

পূর্বে উক্ত হইয়াছে যে, উত্তেজনার সময়ে সিপাহীদল সহজে পরস্পর সম্মিলিত না হইতে পারে, তজ্জন্ত ত্রিগেডিয়ার কটন তৎসমুদয়কে দুইটি পৃথক স্থানে স্থাপন করিয়াছিলেন। এখন স্থির হইল যে, ত্রিগেডিয়ার, এডওয়ার্ডিসের সহিত এক দিকে যাইবেন এবং নিকলসন অত্র এক জন ইউরোপীয় সৈন্যাদ্যক্ষকে সঙ্গে লইয়া অপর দিকে গমন করিবেন। এই উভয় পক্ষে ইউরোপীয় সৈন্য থাকিবে। এইরূপ বন্দোবস্ত অনুসারে কার্য্য হইল। এই সময়ে সেনাপতি ও তদীয় সহযোগিবৃন্দের দৃষ্টিস্তার অবধি ছিল না। তাঁহারা নানারূপ আশঙ্কার কল্পনা করিয়া, মানসনয়নে নানারূপ দৃশ্যের ভয়ঙ্কর ভাব দেখিয়া, হুকাহ কার্য্য-

সাধনে প্রস্তুত হইলেন। এদিকে সিপাহীদলের অধিনায়কগণ আপন আপন দলের সিপাহীদিগকে যথাস্থানে শ্রেণীবদ্ধভাবে স্থাপন করিলেন। সিপাহীগণ কোন কথা না বলিয়া, কোনরূপ উত্তেজনার পরিচয় না দিয়া, কোন বিষয়ে অবাধ্যতাব না দেখাইয়া, অধিনায়কদিগের আদেশে শ্রেণীবদ্ধ হইল। অদূরে ইউরোপীয় সৈনিকগণ অস্ত্রশস্ত্রে সজ্জিত হইয়া, তাহাদিগকে আক্রমণ করিবার অভিপ্রায়ে দণ্ডায়মান রহিল। যদি সিপাহীগণ সেনাপতির আদেশপালনে কোন রূপে অসম্মতি প্রকাশ করিত, তাহা হইলে ঐ সকল ইউরোপীয় সৈন্য নিঃসন্দেহ তাহাদিগকে আক্রমণ করিত। কিন্তু সিপাহীরা আদেশানুসারে কার্য্য করিতে অসম্মত হইল না। তাহারা অধিনায়কদিগের আদেশে একে একে নীরবে ও ধীরভাবে আপনাদের অস্ত্রাদির উন্মোচন করিয়া এক স্থানে রাখিতে লাগিল। এই রূপে তাহাদের পরিত্যক্ত অস্ত্রসমূহ স্তূপাকার হইল। তথাপি তাহারা উত্তেজনা, অধীরতা বা অবাধ্যতাবের পরিচয় দিল না। এই রূপ অধঃপতনের শোচনীয় ভাবে, এইরূপ অবমাননাকর অপূর্ব দৃশ্যে তাহাদের অধিনায়কগণ স্থির থাকিতে পারিলেন না। তাঁহাদের অমুরাগভাজন, তাঁহাদের প্রীতির পাত্র, তাঁহাদের বিশ্বাসের অধিতীয় আশ্রয় সৈনিকগণ যখন নীরবে, অধোবদনে আপনাদের সাময়িক চিহ্ন পরিত্যাগ করিতে লাগিল, বীরত্বের পরিচয়হীন গৌরবকর অস্ত্রসকল যখন এক স্থানে স্তূপাকার করিতে লাগিল, তখন তাহারা ধৈর্য্যচ্যুত হইলেন। প্রীতিপাত্রদিগের এইরূপ অধোগতিদর্শনে যুদ্ধাভরণে ও যুদ্ধবেশে সজ্জিত থাকিলেও তাঁহাদের লজ্জার আবির্ভাব হইল। গভীর বিরাগে, মর্মান্তিক অমুতাপে, দুঃসহ দুঃখে, তাঁহাদের কেহ কেহ আপনাদের অস্ত্রাদি উন্মোচিত করিয়া সিপাহীদিগের পরিত্যক্ত সেই স্তূপাকার অস্ত্ররাশির মধ্যে ফেলিয়া দিলেন। সিপাহীদিগের প্রতি তাঁহাদের গভীর সমবেদনা এইরূপে প্রদর্শিত হইল এবং যে কর্তৃপক্ষের আদেশে তাঁহাদের অমুগত জনগণের দুর্গতি ও অবমাননার একশেষ খটিল, সেই কর্তৃপক্ষের প্রতিও তাঁহাদের বিরাগ এই রূপে পরিষ্কৃত হইল।

* কর্নেল এডওয়ার্ডিস এ সম্বন্ধে লিখিয়াছেন যে, “যখন সিপাহীদিগের পরিত্যক্ত শস্ত্র ও তরবারি ভাঙাভাঙি গরুর গাড়ীতে বোঝাই হইতেছিল, কথিত আছে, তখন ইংরেজ আফিসরদিগের তরবারিসমূহ এদিক ওদিক হইতে ঐ গাড়ীবোঝাই অস্ত্রের উপর নিক্ষেপ হইয়াছিল।”

এইরূপে সিপাহীগণ একে একে নিরস্ত্রীকৃত হইল। ব্রিগেডিয়ার কটন তাহাদের ধীরতা এবং অধিনায়কের আদেশপালনে তাহাদের একাগ্রতা দেখিয়া, আশ্বাসিত হইলেন। নিরস্ত্রীকৃত সিপাহীরা সৈনিকনিবাসের দিকে চলিয়া গেল। বিনাগোলযোগে ও বিনা রক্তপাতে গুরুতর কার্য সম্পন্ন হইল। এডওয়ার্ডস এসম্বন্ধে লিখিয়াছেন, “যখন আমরা সিপাহীদিগের নিরস্ত্রীকরণ জন্ত গমন করি, তখন আমাদের সঙ্গে অতি অল্পসংখ্যক স্থানীয় লোক ছিল; তাহাদের মুখ দর্শনে বোধ হইয়াছিল যে, উপস্থিত ঘটনায় কোন পক্ষের প্রাধান্য হয়, তাহাই দেখিবার জন্ত তাহারা উপস্থিত হইয়াছিল। নিরস্ত্রীকরণের পর যখন আমরা প্রত্যাগত হই, তখন গ্রীষ্মকালীন মক্ষিকা-সমূহের ছায় সকলে দলে দলে আমাদের চতুর্দিকে উপস্থিত হয়। এখন এই সকল লোককে সৈনিকশ্রেণীতে গ্রহণ করা অনায়ামসাধ্য হইয়া উঠে।” পেশাবরের পার্শ্বত্যাগ প্রদেশবাসিগণ এইরূপ উৎসুক্য সহকারে উভয় পক্ষের কার্যকলাপ চাহিয়া দেখিতেছিল। যদি এই সময়ে তাহারা ইঙ্গরেজদিগকে সিপাহীদিগের সমক্ষে হীনবল দেখিত, অথবা যদি ইঙ্গরেজদিগের মধ্যে কোন রূপ অনৈক্য বা কার্যাদৈখিল্য তাহাদের নেত্রগোচর হইত, তাহা হইলে তাহারা প্রবলপরাক্রমে ইঙ্গরেজদিগকে আক্রমণ করিত। ইঙ্গরেজদিগের শোণিতশ্রোতে হয় ত পেশাবরের উপত্যকা রঞ্জিত হইত।

যাহা হউক, পেশাবরের নিরস্ত্রীকৃত সিপাহীগণ সৈনিকনিবাসের দিকে গেল বটে, কিন্তু তাহাদের শান্তিলাভ হইল না। তাহারা আপনাদের পদ-মর্যাদা হইতে বিচ্যুত হইয়াছিল, আপনাদের অবমাননাব একশেষ দেখিয়াছিল, আপনাদের পক্ষীয় বীরব্রতের শোচনীয় পৰিণামে সন্মোহিত হইয়াছিল। এইরূপে সকল বিষয়েই তাহাদের অধোগতি ঘটয়াছিল। সকল বিষয়েই তাহারা আপনাদিগকে গৌরবশূন্য ও হীনভাবাপন্ন মনে করিয়াছিল। অধিনায়কগণ যখন তাহাদের শোচনীয় দশায় হুঃখাভিভূত হইয়াছিলেন, হুঃখের আবেগে যখন তাহারা আপনাদের অত্মাদি পরিত্যাগ করিয়াছিলেন, তখন তাহারা দুর্জীবহ বাতনায় একান্ত অধীর হইয়া উঠিয়াছিল। হৃদয়ে তাহাদের শাস্তি ছিলনা, অন্তঃকরণে তাহাদের সন্তোষ ছিলনা, দৈনন্দিন কার্যে তাহাদের উৎসাহ বা একাগ্রতা ছিল না। তাহারা বর্তমান সময়ে যে রূপ দুর্গতিগ্রস্ত

হইয়াছিল, ভবিষ্যৎ ভবিষ্যৎ, সেইরূপ হতাশ হইয়া পড়িয়াছিল। নিরস্ত্রীকরণের পর যখন তাহারা সৈনিকনিবাসে গমন করিল, তখন তাহাদের আশঙ্কা পূর্য্যাপেক্ষা অধিকতর বলবতী হইয়া উঠিল। তাহারা ভাবিল যে, হয় ত ইউরোপীয় সৈনিক পুরুষগণ তাহাদের বিনাশার্থ অগ্রসর হইবে। ইউরোপীয়দিগের তরবারির আঘাতে হয় ত তাহাদের প্রাণবায়ুর অবসান হইবে, অথবা ইউরোপীয়দিগের কামানের গোলায় তাহাদের দেহ হয় ত অনন্তপ্রবাহ বায়ুশিশির সহিত মিশিয়া যাইবে। এইরূপ আশঙ্কায় অধীর হইয়া, তাহাদের অনেকে দূরবর্তী বিজ্ঞান অরণ্যে বা পর্ব্বতপাদস্থিত লোকালয়ে প্রস্থান করিল। পেশাবরের কর্তৃপক্ষ এজ্ঞা চিন্তিত হইলেন। সিপাহীগণ নিরস্ত্রীকৃত ও যুদ্ধোপযোগী উৎকৃষ্ট অস্ত্রশস্ত্রে বঞ্চিত হইয়াছিল, বটে, কিন্তু পার্শ্ববর্তী পার্শ্বতা জাতির মধ্যে অস্ত্রাদির অভাব ছিল না। ঐ সকল অস্ত্র ব্রিটিশ গবর্ণমেন্টের সঙ্গী, তরবারি বা বন্দুকের সমকক্ষ না হইলেও, মারাত্মক কার্য্যসাধনের অল্পোপযোগী ছিল না। নিরস্ত্রীকৃত সিপাহীগণ যদি পার্শ্বতা জাতির সহিত সম্মিলিত ও তাহাদের অস্ত্রশস্ত্রে সজ্জিত হয়, তাহা হইলে গুরুতর বিপদ ঘটিতে পারে; এই আশঙ্কায় পেশাবরের সৈন্যধ্যক্ষ ঐ সকল সিপাহীকে ধরিবার জন্ত সচেষ্ট হইলেন। অনেকে ধৃত হইল। পল্লীবাসিগণ অনেককে আনিয়া কর্তৃপক্ষের হস্তে সমর্পণ করিল। সেনাপতিব অল্পমতিব্যতিরেকে সৈনিক নিবাস পরিত্যাগ করার অপবাধে সামরিক বিচারালয়ে ঐ সিপাহীদিগের বিচার হইতে লাগিল। বিচারে ৫১ সংখ্যক সৈনিকদলের স্ববাদারের প্রাণদণ্ডের আদেশ হইল। ঐ দলের একজন হাবিলদার এবং একজন সিপাহীর কিছুদিনের জন্ত কারাবাস দণ্ড হইল। এই শেষোক্ত দণ্ড লিপ্ত হইয়াছে বলিয়া, কটন ও এডওয়ার্ডস বিরক্ত হইলেন। কারাবাসদণ্ড তাহাদের নিকট পর্যাাপ্ত বোধ হইল না। ইহাতে বোধ হয়, তাহারা সিপাহীদিগের বিধ্বংসে কৃতসঙ্কল্প হইয়াছিলেন। সমগ্র পেশাবর সিপাহীশূন্য হইলে বোধ হয় তাহারা নিশেধ ও নিরাপদ হইতেন। উপস্থিত সময়ে তাহারা এইরূপে স্নেহদয়ালু বিসর্জন দিয়াছিলেন। কঠোর কার্য্যসম্পাদনে দৃঢ়প্রতিজ্ঞ হওয়াতে তাহাদের প্রকৃতি এইরূপে কঠোরতর হইয়া উঠিয়াছিল। অনতিবিলম্বে পেশাবরের প্রশস্ত ক্ষেত্রে এই কঠোরভাবে বিকাশ হইল। অবিলম্বে দণ্ডাজ্ঞাপ্রাপ্ত স্ববাদার বধ্যভূমিতে

নীত হইলেন । অদূরে সিপাহীগণ শ্রেণীবদ্ধ হইল । এডওয়ার্ডস অঝারোহী ও পদাতি লইয়া, সৈনিকনিবাসের পথে সজ্জিত রহিলেন । দেখিতে দেখিতে সমবেত সিপাহীগণের সমক্ষে একজন উচ্চপদস্থ সৈনিকপুরুষ কাঁসিকাঠে প্রাণ বিসর্জন করিলেন ।

এই ঘটনার পর ৫৫ সংখ্যক সিপাহীদলের নিরস্ত্রীকরণের প্রস্তাব হইল । এই দলের সিপাহীগণ প্রথমে নওশেরায় অবস্থিতি করিতেছিল । ইহারা এই স্থান হইতে মরদাননামক স্থানে যাইতে আদিষ্ট হয় । এজন্য এই দলের সিপাহীগণের অধিকাংশই মরদানে গমন করে । অল্পসংখ্যক সিপাহী নওশেরায় অবস্থিতি করিতে থাকে । কথিত আছে, ৫৫ সংখ্যক দলের এই অবশিষ্ট সিপাহীরা ইউরোপীয়দিগের বিরুদ্ধে যুদ্ধোত্ত হইয়া, তাহাদের মরদানস্থিত সহযোগীদিগের সহিত সম্মিলিত হয় । এজন্য ৫৫ সংখ্যক সিপাহী-দলের নিরস্ত্রীকরণার্থে ২৩ মে রাত্রিকালে পেশাবর হইতে এক জন ইউরোপীয় অধিনায়কের অধীনে কতিপয় ইউরোপীয় পদাতিক ও কতিপয় এতদ্দেশীয় অঝারোহী মরদানে যাত্রা করে । কর্ণেল হেনরি স্পাটসউড নামক এক জন সদয়প্রকৃতি সৈনিকপুরুষ এই দলের অধ্যক্ষ ছিলেন । তিনি যদিও অল্পদিন মাত্র এই দলের পরিচালনভার গ্রহণ করিয়াছিলেন, তথাপি অধীন সৈনিক পুরুষদিগের প্রতি তাঁহার সমবেদনার সঞ্চার হইয়াছিল । সদয়বাবহারে, মেহপূর্ণ ভাবে, সারল্যময় সদাচারে, তিনি প্রত্যেক সিপাহীর হৃদয়ঙ্গম বন্ধ, বিশ্বস্ত আত্মীয়, প্রীতিময় অভিভাবক ছিলেন । মেহের ও প্রীতির পুত্তলী স্বরূপ পুত্র ঘোরতর বিপদের সম্মুখে পতিত হইলে, পিতার হৃদয় যেরূপ ব্যথিত হয়, আপনার অধীন সিপাহীগণ নিরস্ত্রীকৃত ও ঘোরতর দুর্দশাগ্রস্ত হইবে ভাবিয়া, তিনি সেইরূপ দুঃখিত হইয়াছিলেন । তাঁহার মুখমণ্ডলে প্রসন্নতার চিহ্ন ছিল না, ললাটকলকে সহিষ্ণুতার লক্ষণ ছিল না । তিনি যাহাদের মঙ্গলের উদ্দেশ্যে কার্য্য করিতেন, যাহাদের উপকারের জন্য সর্বদা প্রস্তুত থাকিতেন, যাহাদের উন্নতি হইলে সন্তোষসাগরে ভাসমান হইতেন, কেবল যাহাদের গোরবে আপনাকে গোরবান্বিত বলিয়া মনে করিতেন, সেই প্রীতিভাজন বীরপুরুষেরা পবিত্র সৈনিকব্রত হইতে বিচ্যুত হইবে, আপনাদের অস্ত্রশস্ত্র পরিত্যাগ করিয়া দুর্দশাপন্ন ও অবমাননাগ্রস্ত হইবে, এবং বীরোচিত স্বৰ ও

সম্মান হইতে স্বপ্নিত হইয়া, সামান্য লোকের ছায় কষ্টের একশেষ ভোগ করিবে, ইহা তাঁহার একান্ত অসহ্য হইয়া উঠিল। গভীর হুঃখে তিনি কর্তৃপক্ষকে নিরস্ত্রীকরণে নিরস্ত রাখিতে চেষ্টা করিতে লাগিলেন। তিনি আপনার লোকদিগের সম্বন্ধে লিখিলেন যে, তাঁহার দলের কেহই অবিখ্যাসের পাত্র নয়। তিনি ইহাদের জন্ত আত্মজীবন বিপদাপন্ন করিতেও প্রস্তুত আছেন। কিন্তু তাঁহার নির্বন্ধাতিশয়ে, তাঁহার প্রার্থনার, অধীন দলের প্রতি তাঁহার গভীর অহুরাগে কোন ফল হইল না। পেশাবর হইতে নিরস্ত্রীকরণ জন্ত সৈন্য উপস্থিত হইল। ইহাদের আগমনে সন্ধিদ্ধ হইয়া ৫৫ সংখ্যক সিপাহীদলের এতদেশীয় আফিসরেরা ২৪ মে রাত্রিকালে কর্ণেলের নিকট গিয়া, উক্ত সৈনিকদিগের আগমনের কারণ জিজ্ঞাসা করিলেন। কর্ণেল স্পাটিনউড সমস্তই জানিতেন। এখন আফিসরদিগকে আশ্বস্ত করিবার জন্ত কোন কথাই বলিতে পারিলেন না। আফিসরেরা সান্ত্বন্য অসন্তোষ প্রকাশপূর্ব্বক কর্ণেলের নিকট হইতে প্রস্থান করিলেন। এখন স্পাটিনউডের সমস্ত আশা নিশ্চল হইল। তাঁহার কথায় তদীয় প্রীতিপাত্রদিগের সন্দেহ দূর হইল না। তিনি এতদিন যাহাদের প্রীতিকর কার্য্যসাধনে নিবোজিত ছিলেন, এখন তাহারাই তাঁহার প্রতি অসন্তোষ প্রকাশ করিতে লাগিলেন এবং তিনি এত দিন বিধ্বস্তভাবে যাহাদের উন্নতির জন্ত যত্নশীল ছিলেন এখন তাহারাই তাঁহাকে অবিধ্বস্ত ভাবিলেন। হুঃখের পর হুঃখেব তরঙ্গে তাঁহার হৃদয় অধীর হইল। তিনি আর ভবিষ্যতের শোচনীয় দৃশ্যের প্রতীক্ষায় রহিলেন না, প্রীতিভাজন বন্ধুজনের দুর্গতি দেবিবার জন্তও প্রস্তুত রহিলেন না। মর্য্যাস্তিক হুঃখে, নৈরাশ্রের গভীর আবেগে জ্ঞানহারী হইয়া, কর্ণেল স্পাটিনউড স্বকীয় গৃহে একাকী বসিয়া, আপন হস্তে আপনার পিস্তলের গুলিতে আপন মস্তক ভেদ করিলেন।

কর্ণেল স্পাটিনউড যখন এইরূপে মৃত্যুমুখে পতিত হইলেন, অধীন সৈনিকগণের অবশুস্তাবী অধঃপতনের চিন্তায় সন্তপ্তহৃদয়ে, অসম্মান ও অবিখ্যাসের জন্ত ব্যাকুলভাবে, যখন আত্মবিসর্জন করিলেন, তখন ৫৫ গণিত সিপাহীদল স্থির থাকিতে পারিল না। এখন তাহাদের অধিনায়ক চির দিনের জন্ত অন্তর্হিত হইয়াছিলেন। তাহাদের শেষ আশাও চিরদিনের জন্ত বিলুপ্ত হইয়া-

ছিল। তাহাদের সম্মানও চিরদিনের জন্ত বিনষ্ট হইবার সূচনা হইয়াছিল। এখন স্থানান্তর হইতে তাহাদের বিপক্ষে সৈন্য আসিতেছিল। তাহারা যখন দুর্গপ্রাচীরের উপরিভাগ হইতে ঐ সৈনিকদলকে আসিতে দেখিল, তখন তাহাদের ধীরতা, তাহাদের কৃশ্মনিষ্ঠতা সমস্তই দূরীভূত হইল। তাহারা তখন অধীরতায় উদ্ভ্রান্ত হইয়া, সামরিক পরিচ্ছদ, সামরিক অস্ত্র, গোলা, গুলি ও অর্থ যাহা সম্মুখে পাইল, তৎসমুদয় লইয়া সোয়াটের অভিমুখে ধাবমান হইল। কেবল তাহাদের দলের ১২০ জন সিপাহী পলায়নে নিরস্ত থাকিল। নিকলসন অঝারোহী পুলিশ সৈনিকের সহিত পলায়িতদিগের পশ্চাৎদ্বারিত হইলেন। কিন্তু পলাতকগণ ক্ষুদ্র ক্ষুদ্র দলে বিভক্ত হইয়াছিল। গন্তব্য পথ পর্ত্ত ও অরণ্যাদিতে সাতিশয় দুর্গম ছিল। সিপাহীরা এই পর্ত্তময় পথে দিক্‌বিদিক্‌জ্ঞানশূন্য হইয়া চলিতে লাগিল। এদিকে অনুসরণকারীরাও তাহাদের অনুসরণে নিরস্ত হইল না। এইরূপে সমস্ত দিন অতিবাহিত হইল। সিপাহীরা যে যে পল্লীতে আশ্রয় গ্রহণ করিল, নিকলসনও সেই সেই পল্লীতে উপস্থিত হইলেন। অনেকে ধৃত ও বন্দী হইল। অনেকে অনুসরণকারীদিগের অস্ত্রঘাতে প্রাণত্যাগ করিল। অনেকে আহত হইয়া, দুর্গম পার্কত্য প্রদেশে আর্ন্তনাদ করিতে লাগিল। অনেকের অস্ত্র ও সামরিক ভূষণ অনুসরণকারীদিগের হস্তগত হইল। অনেকে সোয়াটের পার্কত্য প্রদেশে উপস্থিত হইয়া, আপনাদিগকে ধর্ম্মের জন্ত সর্কার্থত্যাগী ও আত্মসমর্পণকারী বলিয়া ঘোষণা করিল এবং সেই চিরপবিত্র ও চিরন্তন ধর্ম্মের রক্ষার জন্য তত্রত্য ভূপতিগণের নিকট সাহায্যপ্রার্থী হইল। তাহাদের দ্রবস্বার একশেষ হইয়াছিল। তাহাদের দলের প্রায় ১২০ জন দুর্গম পার্কত্যপ্রদেশে দেহত্যাগ করিয়াছিল। প্রায় ১৫০ জন ইঙ্গরেজের বন্দী হইয়াছিল। তিন চারি শত জন অস্ত্রঘাতে ক্ষতবিক্ষত হইয়া গিয়াছিল। এরূপ শোচনীয় অবস্থাতেও তাহারা তেজস্বিতাপ্রকাশে বিমূহ হয় নাই। যখন নিকলসন অঝারোহী সৈন্যের সহিত তাহাদের অনুসরণ করেন, তখন তাহারা প্রকৃত বীরপুরুষের ন্যায় তাঁহার সহিত যুদ্ধ করিয়াছিল* । কিন্তু শেষে তাহাদের দলভঙ্গ হয়। তাহারা সহযোগিগণ হইতে বিচ্ছিন্ন হইয়া,

* Kaye. II p. 486.

বিন্দুতদেহে সোয়াটে গমন করে। সোয়াটের আখুলনামে পরিচিত বৃদ্ধ ভূপতি স্বধর্মের পরিপোষক ও স্বধর্মসংক্রান্ত কার্যের উৎসাহদাতা ছিলেন। যাহারা ধর্মের জন্য সর্বস্ব পরিত্যাগ করিয়াছে ধর্মের জন্য আত্মোৎসর্গে উত্তম হইয়াছে, এবং ধর্মের জন্য হুরারোহ পর্বত ও দুর্গম অরণ্য অতিক্রম পূর্বক অপরিচিত জনপদে উপস্থিত হইয়া, কাতরকণ্ঠে আশ্রয় প্রার্থনা করিতেছে, বৃদ্ধ আখুল যদি তাহাদের প্রার্থনাপূরণে উত্তম হইতেন, ধর্মের নামে যদি ফিরঙ্গীদিগের বিরুদ্ধে যুদ্ধবোধনা করিতেন, তাহা হইলে ঘটনাস্রোত অন্য দিকে প্রবাহিত হইত। তিনি ধর্মোন্মত্ত মুসলমানদিগের হৃদয়ে একরূপ প্রচণ্ড বহি উদ্দীপিত করিতে পারিতেন, যাহার আলামতী শিখায় সমগ্র পেশাবর ভস্মীভূত হইয়া যাইত এবং ঐ প্রজ্বলিত পাবকের প্রবল তাড়নায় ব্রিটিশ সাম্রাজ্যের ভিত্তিও বোধ হয়, বিচলিত হইত। কিন্তু সৌভাগ্যক্রমে বৃদ্ধ আখুল সিপাহীদিগের প্রার্থনাপূরণে সক্ষম হইলেন না। তিনি তাহাদিগকে আপনার রাজ্যে থাকিতে না দিয়া কেবল সিদ্ধনদের অপর পারে লইয়া যাইবার জন্য তাহাদের সহিত পথ-প্রদর্শক দিলেন। এইরূপে বিপন্ন সিপাহীরা সোয়াটে আশ্রয় না পাইয়া, কাশ্মীরের অভিমুখে প্রস্থান করিল। কাশ্মীরে যাইতে হইলে, হাজরা জনপদ বা উহার প্রান্তভাগ দিয়া যাইতে হইত। এই বিভাগের ডেপুটি কমিশনের মেজর বিচরের চেষ্টায় তাহাদের গমনপথ সকল অবরুদ্ধ হইল। বিচরের আদেশে স্থানীয় জমীদারগণ অস্ত্রশস্ত্র লইয়া অমুচরগণের সহিত গিরিসঙ্কট গুলিতে অবস্থিত করিতে লাগিল। হতভাগ্য সিপাহীগণ আপনাদের গন্তব্য পথ এইরূপে অবরুদ্ধ দেখিয়া, কোহিস্তানের অভিমুখে ধাবিত হইল। কিন্তু মেজর বিচর সকল স্থানেই তাহাদিগকে বিপত্তিভালে পরিবেষ্টিত করিবার বন্দোবস্ত করিয়া ছিলেন। তাহারা যে স্থানে যাইতে লাগিল, সেই স্থানেই সশস্ত্র লোকে তাহাদের বিরুদ্ধে অগ্রসর হইল। তাহাদের চারিদিকে সমুন্নত পর্বত গম্ভীরভাবে অবস্থিত করিতেছিল; তাহাদের গন্তব্যপথ সশস্ত্র অধিবাসিগণে অবরুদ্ধ হইয়াছিল; তাহাদের আশ্রয় স্থান অপরিচিত ও অনাতিথেয় লোকের তাড়নায় বিপত্তিময় হইয়া উঠিয়াছিল। পার্শ্বত্যাগ লোকে তাহাদের প্রতি প্রত্যন্ত নিক্ষেপ করিতে লাগিল। অনেকে অস্ত্র লইয়া তাহাদের গতিরোধে দণ্ডায়মান হইল। খাদ্যের অভাবে, প্রবল বৃষ্টিতে ও হ্রস্ব হিমে তাহাদের সাতিশয় দুর্দশা হইয়া-

ছিল, তথাপি তাহারা আক্রমণকারীদিগের সমক্ষে অবনত হইল না। তাহাদের এক জন জমাদার এই বলিয়া সহযোগীদিগকে পুনঃ পুনঃ উত্তেজিত করিতে লাগিল যে, এইরূপ অপরিচিত স্থানে শৃগালকুকুরের ছায় দেহ ত্যাগ করা অপেক্ষা ফিরিয়া গিয়া, রণস্থলে প্রকৃত যুদ্ধবীরের ছায় বীরশয্যায় শয়ন করাই শ্রেয়ঃ। যখন সহযোগীরা তাহার কথায় কর্ণপাত করিল না, তখন সে চুঃসহ যাতনায় ও গভীর মনোবেদনায় অধীর হইয়া আত্মহত্যা করিল। জমাদারের আত্মবিসর্জনের পর অবশিষ্ট সিপাহীরা অগ্রসর হইতে লাগিল। কোন স্থানে তাহাদের নিষ্কুতিলাভ হইল না। সকল স্থলেই তাহারা অবরুদ্ধ, আক্রান্ত ও নিপীড়িত হইতে লাগিল। যে কয়েক জন অবশিষ্ট ছিল, অবশেষে তাহারা পরিশ্রান্ত ও ক্ষুৎপিপাসায় কাতর হইয়া, বিপক্ষদিগের সমক্ষে অস্ত্র পরিত্যাগ পূর্বক আপনাদের অদৃষ্টের নিকট মন্তক অবনত করিল। তাহাদের কেহ কেহ ফাঁসীকাষ্ঠে প্রাণ বিসর্জন করিল, কেহ কেহ কামানের গোলায় ছিন্নবিচ্ছিন্ন হইয়া গেল।

৫৫ সংখ্যক সিপাহীদলের ১২০ জন সৈনিকপুরুষ ইঙ্গরেজদিগের হস্তে বন্দী হইয়াছিল। ইহারা যদিও ইঙ্গরেজদিগের বিরোধী হইয়াছিল, যদিও আপনাদের কর্তব্যপালনে উদাসীন হইয়া, বিশৃঙ্খলভাবের পরিচয় দিয়াছিল, যদিও আপনাদের ধর্ম্মনাশ ও জাতিনাশের আশঙ্কায় ইঙ্গরেজের পক্ষ পরিত্যাগ করিয়া উদ্ভ্রান্ত ভাবে ইতস্ততঃ ধাবিত হইয়াছিল, তথাপি কোন বিষয়ে ইহাদের ভয়ঙ্কর ভাবের পরিষ্কট হয় নাই। ইহারা আপনাদের আফিসরদিগের শোণিতপাত করে নাই। ইউরোপীয়দিগের দেহনিঃসৃত রুধিরধারাতে ইহাদের অস্ত্র কলঙ্কিত হয় নাই। ইহাদের অনেকে সেই সময়ে উত্তেজনা ও সজ্ঞাসে অধীর হইয়া, ইঙ্গরেজের পক্ষ পরিত্যাগ করিয়াছিল বটে, কিন্তু ইঙ্গরেজের বিরুদ্ধাচরণে ইহাদের প্রবৃত্তি ছিল না। এই সকল শোচনীয়দশাগ্রস্ত জীবকে কামানের মুখে উড়াইয়া দিলে বা বন্দুকের গুলিতে বধ করিলে নিঃসন্দেহ দয়া ও ছায়পরতার অবমাননা হইত। সৌভাগ্যের বিষয় এই যে, কর্তৃপক্ষ সে সময় বিরুদ্ধাচারীদিগের বিধ্বংসসাধনে কৃতসঙ্কল্প হইলেন না। তাঁহারা সহযোগীদিগকে উপস্থিত বিষয়ে অপেক্ষাকৃত সদয়ভাবে কার্য্য করিবার পরামর্শ দিয়াছিলেন। নিকলসন এ সম্বন্ধে এডওয়ার্ডিনকে লিখিয়াছিলেন, “এই দলের (৫৫ সংখ্যক) আফিসরেরা

সকলেই একবাক্যে স্বীকার করিয়াছেন যে, শিখগণ শেষ সময় পর্যন্ত তাঁহাদের পক্ষে ছিল। একজ্ঞ আমার মতে দয়ার সহিত ছায়পরতার সম্মান রক্ষা করা উচিত। শিখদিগের এবং যাহারা অল্পদিন হইল, সৈনিকদলে প্রবেশ করিয়াছে, তাহাদের প্রাণ রক্ষা করা কর্তব্য। অবশিষ্ট অপরাধীদিগকে কামানের মুখে উড়াইয়া দেওয়া হউক। কিন্তু অল্পবয়স্ক বালকদিগের বেন প্রাণহানি না হয়, এবং যে সকল লোক গবর্ণমেন্টের প্রতি অহুরক্ত ও বিশ্বস্ত থাকিয়া, জনসাধারণের উত্তেজনায় ভীতচিত্তে আমাদের পক্ষ পরিত্যাগ করিয়াছিল, তাহাদেরও যেন জীবন নষ্ট না হয়।” স্তার জন লরেন্স ও পেশাবরের কমিশনরের নিকট ঐ ভাৱে পত্র পাঠাইয়াছিলেন। তাহার পত্রে লিখিত ছিল, “৫৫ সংখ্যক দলের সিপাহীরা আমাদের বিরুদ্ধে যুদ্ধোত্তম হইয়াছিল। তাহারা দয়ার পাত্র বলিয়া পরিগণিত হইতে পারে না, কিন্তু সবিশেষ বিবেচনার পর আমি তাহাদের সকলকে মৃত্যুমুখে পাতিত করিতে ইচ্ছা করি না। একবারে এক শত কুড়ি জনের প্রাণদণ্ড করা সংখ্যায় বড় অধিক বলিয়া বোধ হয়। ঈদৃশ দৃষ্টান্তে অপরকে ভয় প্রদর্শন করা আমাদের উদ্দেশ্য। পূর্ণ সংখ্যার এক চতুর্থাংশ হইতে এক তৃতীয়াংশকে মৃত্যুমুখে পাতিত করিলে আমার বিবেচনায় উক্ত উদ্দেশ্য সিদ্ধ হইতে পারে। যাহাদের কোনরূপ দোষ দেখা গিয়াছে, অর্থাৎ যাহারা চুচারণ, উদ্ধত, সর্বদা অসন্তুষ্ট, যুদ্ধে উত্তম এবং আফিসরদিগের প্রতি সম্মান প্রদর্শনে বিমুখ, তাহাদের প্রাণদণ্ড করা কর্তব্য। ইহাতে যদি আবশ্যক সংখ্যার পূরণ না হয়, তাহা হইলে সর্বাপেক্ষা প্রাচীন সৈনিকদিগকে এই শ্রেণীতে নিবেশিত করা উচিত। বন্দুক বা কামান, যে উপায় সর্বাপেক্ষা সম্ভব বোধ হয়, তদ্বারা ইহাদের প্রাণদণ্ড করা উচিত। অবশিষ্ট সিপাহীদিগকে কয়েক দলে বিভক্ত করা কর্তব্য! কোন দলকে দশ বৎসর, কোন দলকে সাত বৎসর, কোন দলকে পাঁচ বা তিন বৎসর কাল কারাগারে অবরুদ্ধ রাখা বিধেয়। আমার বিবেচনায় এইরূপ দৃষ্টান্তই অধিকতর কার্যকর হইবে এবং এইরূপ শ্রেণীভেদে ও দণ্ডভেদে অনিষ্টের পরিবর্তে ইষ্টসিদ্ধি ঘটিবে। সিপাহীরা দেখিবে যে, আমরা ভবিষ্যৎ অশান্তি ও অনিষ্টের প্রতীকার জন্ত শান্তি দিরাছি; প্রতিহিংসায় উত্তেজিত হইয়া, দণ্ড বিধান করি নাই। ইহাতে জনসাধারণও দণ্ডিত ব্যক্তিদিগের প্রতি সমবেদনা প্রকাশ করিবেন। যদি এই প্রস্তাব অমুসায়ে

কার্য না হয়, তাহা হইলে সকলেই প্রাণপণে আমাদের সহিত যুদ্ধ করিবে।
যেহেতু তাহাদের দৃঢ় বিশ্বাস জন্মিবে যে, তাহারাও দণ্ডিত ব্যক্তিদিগের ভায়
মৃত্যুমুখে পতিত হইবে।*”

স্বায় জন লরেন্সের এই অভিমত সৈনিক বিভাগের কর্তৃপক্ষের অনুমোদিত
হইল। যে সকল হিন্দুস্থানী সিপাহী ঘটনাক্রমে দুর্গ পরিত্যাগ করে নাই, তাহা-
দিগকে বেতন না দিয়া ছাড়িয়া দেওয়া হইল। যে সকল শিখ গবর্ণমেন্টের
পক্ষে ছিল, তাহারা অস্ত্রশস্ত্রের সহিত অস্ত্র সৈনিকশ্রেণীতে নিবেশিত হইল।

ইহার পর কঠোরতম শাস্তি প্রদানের কার্য আরম্ভ হইল। ৫১ সংখ্যক
দলের যে ১২ জন সিপাহী স্বদল পরিত্যাগ করিয়াছিল, ৩ রা জুন তাহাদের কাঁসি
হইয়াছিল। এখন ১০ই জুন, ৮৭ সংখ্যক ইউরোপীয় সৈনিকদলের কাওয়ার্ডের
ক্ষেত্রে উহা অপেক্ষাও ভয়ঙ্কর কার্যের অনুষ্ঠান হইল। মরদাননামক স্থানের
১২০ জন সিপাহী আপনাদের ইচ্ছায় স্বস্থান পরিত্যাগ করিয়াছিল। প্রধান
কমিশনরের অভিপ্রায় অনুসারে ইহাদের এক তৃতীয়াংশের প্রতি প্রাণদণ্ডদেশ
হয়। ১০ই জুন এই দণ্ডদেশ কার্যে পরিণত করিবার আয়োজন হইল।
এই কঠোরতম দণ্ডবিধানের জন্ত ১২০ জনের মধ্যে ৪০ জন সিপাহী নির্দোষ
হইল। ১০ জুন এই নিরুদ্ধ ও নিরতিশয় শোচনীয় দশাগ্রস্ত জীবেরা কাওয়ার্ডের
প্রশস্ত ক্ষেত্রে সমানীত হইল। ইহাদের বীরত্বগোরব বিলুপ্ত হইয়াছিল, ইহাদের
পদমর্যাদার তিরোভাব ঘটিয়াছিল, ইহাদের সামরিক ভূষণ অপসারিত হইয়াছিল।
ইহারা এখন স্বকীয় দল হইতে বিচ্ছিন্ন হইয়া, আত্মীয় স্বজনদিগকে দূরত্বঃখসাগরে
ভাসাইয়া, পূর্বতন গোরব ও মর্যাদায় বিসর্জন দিয়া, কাতরভাবে কেবল
জীবন—আপনাদের জীবনের জন্ত দীর্ঘ নিশ্বাস পরিত্যাগ করিতে লাগিল। এই
ভয়ঙ্কর কার্যদর্শনের জন্ত সমগ্র পেশাবরের সৈনিকগণ সেই প্রশস্ত ক্ষেত্রে
মণ্ডলাকারে তিন দিকে দণ্ডায়মান হইল। অপর দিকে কামান সকল শ্রেণীবদ্ধ
ভাবে সজ্জিত হইল। পার্শ্ববর্তী স্থান হইতে সহস্র সহস্র লোক ভয়ঙ্কর হত্যা-
কাণ্ড দেখিবার জন্ত আগমন করিল। ইহারা সকলেই কৌতুহলাক্রান্ত

* Kaye. Vol. II. p. 488-489.

হইয়াছিল। অনেকে সংশয়দোলায় আন্দোলিত হইতেছিল। কেহ কেহ এই কার্যে ব্রিটিশশাসনের ভিত্তি বিপর্যাস্ত হইবে বলিয়া মনে করিতেছিল। এই কৌতুহলাক্রান্ত ও নানাভাবে পরিচালিত দর্শকবৃন্দের সমক্ষে ইউরোপীয় সৈনিকেরা গুলিপূর্ণ বন্দুক হস্তে লইয়া দণ্ডায়মান রহিল। আফিসরেরা আপনাদের অস্ত্রশস্ত্রে সজ্জিত হইয়া, নিদিষ্ট সময়ের প্রতীক্ষা করিতে লাগিলেন। ইহাদের হৃদয়ে গভীর আশঙ্কার সঞ্চার হইয়াছিল। ইহাদের অধীন সৈনিক পুরুষেরা সন্দেহাকুলহৃদয়ে গুরুতর বিপদের প্রতিবিধান জ্ঞাত প্রস্তুত রহিয়াছিল।

কয়েক বার সম্মানসূচক তোপধ্বনি হইলে ব্রিগেডিয়ার কাওয়ার্ডের ক্ষেত্রে উপস্থিত হইলেন। তিনি মণ্ডলাকারে দণ্ডায়মান সৈনিকদিগের পুরোভাগে অম্বারোহণে পরিভ্রমণ করিয়া দণ্ডাদেশলিপি পাঠ করিতে অনুমতি দিলেন। তাঁহার অনুমতিক্রমে আদেশলিপি পঠিত হইল। অতঃপর ভয়াবহ কার্যের আরম্ভ হইল। নির্ধাচিত চল্লিশ জন অপরাধী সৈনিক পুরুষকে কামানে উড়াইয়া দেওয়া হইল। তাহাদের প্রাণ রক্ষার জন্ত কাহারও মুখ হইতে একটি কথা বহির্গত হইল না। তাহাদের উদ্ধারার্থ কাহারও হস্ত প্রসারিত হইল না। তাহাদের কঠোরতম শাস্তির নিবোধের জন্ত কাহারও কোন উত্তোগ পরিদৃষ্ট হইল না। সকলেই ভীতচিত্তে, নিষ্পন্দভাবে ও বিশ্বয়বিষ্ফারিত নেত্রে এই ভয়ানক ঘটনা দেখিল। নিরস্ত্র ও সশস্ত্র, উভয় সিপাহীদলই ঘটনাস্থলে উপস্থিত ছিল। ইহারা কেহই কোনরূপ উত্তেজনার পরিচয় দিল না। সকলেই গভীর আশঙ্কা ও বিশ্বয়ে অভিভূত হইয়া রহিল এবং সকলেই বাঙ্‌নিষ্পত্তি না করিয়া, অধিনায়কদিগের আদেশ পালন করিতে লাগিল। পার্শ্বতঃ প্রদেশের যে সকল অধিবাসী এই ভয়ঙ্কর কাণ্ড দেখিল, তাহারা ইঙ্গরেজের অভাবনীয় ক্ষমতার পরিচয় পাইয়া, সৈনিকদলে প্রবেশের জন্ত আগ্রহ প্রকাশ করিতে লাগিল। গবর্ণমেন্ট সর্বজনসমক্ষে এইরূপ দণ্ড বিধান করিয়া, আপনাদের অপ্রতিহত প্রভাবের পরিচয় দিয়াছিলেন। যাহারা এই ঘটনা দেখিয়াছিল, তাহারা গবর্ণমেন্টের ক্ষমতার উপর দৃঢ় বিশ্বাস স্থাপন করিয়াছিল। কিন্তু গবর্ণমেন্ট এইরূপ কঠোরতা প্রকাশ না করিয়াও, জনসাধারণের সমক্ষে আপনাদের প্রাধান্তের পরিচয় দিতে পারিতেন। কামানের গোলায় বাহারা

বিনষ্ট হইল, যাহাদের দেহ ছিন্নবিচ্ছিন্ন ও ইতস্ততঃ বিক্ষিপ্ত হইয়া গেল, তাহারা ধর্মহানির আশঙ্কায় উত্তেজিত ও জাতিনাশের আশঙ্কায় বিচলিত হইলেও কোন রূপ ভয়াবহ কাণ্ডের অবতারণা করে নাই। আফিসরদিগের শোণিতে তাহাদের অস্ত্র কলঙ্কিত হয় নাই। কুলকাগিনী বা শিশুদিগের বিক্রন্দেও তাহাদের অস্ত্র উদ্যত হয় নাই। সমগ্র রাজ্য ভীষণ বিপ্লবসাগরে নিমজ্জিত করিতেও তাহাদের উদ্ভম ও উৎসাহ পরিস্ফুট হইয়া উঠে নাই। তাহারা গভীর সন্ধেহে সশস্ত্র হইয়া উত্তেজনার পরিচয় দিয়াছিল মাত্র। এই উত্তেজনার আবেগে তাহাদের বুদ্ধির স্থিরতা ছিল না। তাহারা চিরন্তন সৈনিক নিয়মের অমুভব হয় নাই। চিরপ্রচলিত সৈনিকশাসন-বিধিরও মর্যাদা রক্ষা করে নাই। এ অংশে তাহাদের অপরাধ গুরুতর হইতে পারে। কারারোধে ইহাদের যথোচিত শাস্তি হইত। একবারে ৪০টি জীবকে কামানে উড়াইয়া না দিয়া, যদি তাহাদিগকে কাওয়াজের ক্ষেত্রে সৈনিকপুরুষ ও দর্শকগণের সমক্ষে দীর্ঘকাল কারাবাসের জন্ত শৃঙ্খলাবদ্ধ করা হইত, তাহা হইলে জায়পরতার মর্যাদানিশ হইত না, করুণারও অবমাননা ঘটত না, ব্রিটিশ গবর্ণমেন্টেরও দুর্বলতা পরিলক্ষিত হইত না। দর্শকগণ একবারে এতগুলি সৈনিককে শৃঙ্খলাবদ্ধভাবে কারাগারে যাইতে দেখিলে ব্রিটিশশাসনেরই প্রাধাত্য কীর্তন করিত।

সোয়াট নদার তীরে আবজাইনামক স্থানের দুর্গে ৬৪সংখ্যক সৈনিকদল অবস্থিত করিতেছিল। নিকল্‌সন যে দিন ৫৫ সংখ্যক সিপাহীদিগের অনুসরণ করেন, তাৎ পর দিন সংবাদ পাইলেন যে, আজুন খাঁ নামক একজন বিখ্যাত সাহসী আফগান পর্ত্ত হইতে নামিয়া ৬৪ সংখ্যক সিপাহীদলের সহিত যড়যন্ত্র করিতেছে। এই সংবাদ পাইয়া, তিনি উক্ত দুর্গস্থিত সৈনিকদলের নিরস্ত্রীকরণে উদ্যত হইলেন। অযোধ্যা অধিকৃত হওয়াতে মুসলমানদিগের হৃদয়ে আঘাত লাগিয়াছিল। মহম্মদের শিষ্যেরা দেখিল যে, তাহাদের চিরমাতৃ ভূপতি ফিরিঙ্গীর কোশলে স্বরাজ্য হইতে তাড়িত ও সর্বসম্পত্তি হইতে বিচ্যূত হইলেন। অযোধ্যা ধর্মনিষ্ঠ নবাবের অধীন থাকাতে ঐ স্থান মুসলমানধর্মের দুর্গপুরুষ ছিল। এখন ঐ দুর্গ ফিরিঙ্গীর অধীন হইল। ইহা দেখিয়া ভারতের মুসলমানেরা ভাবিল অতঃপর হয়দারাবাদেরও ঐ দশা ঘটবে। অযোধ্যার তাম্র

তৃতীয় অধ্যায় ।

উত্তরপশ্চিম প্রদেশ—বারাণসী—আজিমগড়ের সিপাহিদিগের মধ্যে গোলবোম—সেনাপতি নীলের উপস্থিতি—জোনপুর—এলাহাবাদ—কাণপুর ।

মহামতি লর্ড কানিংগ যখন দিল্লী পুনরধিকার করিতে সেনাপতিদিগকে নিয়োজিত করিতেছিলেন, তখন তিনি গঙ্গা ও যমুনার তীরবর্তী নগর-সমূহের বিষয় ভাবিয়া সাতিশয় উদ্বিগ্ন হন। এই সকল নগর, ইউরোপীয় সৈনিকগণকর্তৃক সুরক্ষিত ছিল না। কেবল দানাপুরে একদল ইউরোপীয় সৈনিক ছিল। এতদ্ব্যতীত কতিপয় কামানরক্ষক ইউরোপীয় সৈনিক পুরুষ ইঙ্গরেজের পক্ষসমর্থন করিতেছিল। এই সকল সৈন্য ব্যতীত, গঙ্গা ও যমুনার উভয় পার্শ্ববর্তী স্থানসমূহে কোন ইউরোপীয় সৈন্যদল ছিল না। এখন এই সকল স্থানের উপর লর্ড কানিংগের দৃষ্টি পড়িল। যদি উত্তেজিত সিপাহিরা এই সকল স্থান আক্রমণ করে, তাহা হইলে তত্রত্য ইউরোপীয়দিগের জীবন যে, বিপত্তিপূর্ণ হইয়া উঠিবে, তাহা লর্ড কানিংগ স্পষ্ট বৃত্তিতে পারিলেন। নিরাটে যখন ভয়ঙ্কর কাণ্ড ঘটে, দিল্লী যখন সিপাহিদিগের হস্তগত হয়, যদি তখনই গঙ্গা ও যমুনার তীরবর্তী নগরের সমস্ত সিপাহি একবারে ইঙ্গরেজদিগকে আক্রমণ করিত, তাহা হইলে ইঙ্গরেজ, একসময়ে সর্ববিধবাসের বিকট মূর্তিতে স্তম্ভিত ও কর্তব্য-বিমুখ হইয়া পড়িতেন। ইউরোপীয়েরা যখন প্রাণের দায়ে মোগলের রাজধানী হইতে ইতস্ততঃ পলাইতে থাকেন, তখন অগ্রাশ্রয় সৈনিকনিবাসে বিপ্লবের ভয়াবহ মূর্তি পরিদৃষ্ট হয় নাই। অশ্রয়স্থানের আকস্মিক দুর্ঘটনার গবর্ণমেন্টকে অধিকতর বিব্রত হইতে হয় নাই। কিন্তু বাজারে, সৈনিক-নিবাসে, সকলের মধ্যেই গভীর উত্তেজনার চিহ্ন দেখা যাইতেছিল। এই উত্তেজনা হইতে যে, ভয়ঙ্কর কাণ্ড ঘটিবে, তাহা স্পষ্ট বুঝা যাইতেছিল। কয়েক সপ্তাহের মধ্যে এই ঘটনার আবির্ভাব দেখা গেল, এবং উহা দেখিতে দেখিতে অধিকতর ভয়ঙ্করভাবে সমগ্র উত্তরপশ্চিম প্রদেশে সর্বসংহারক কালের বিকট ছায়া বিস্তার করিয়া দিল।

কলিকাতা হইতে কিঞ্চিদধিক ৪০০ মাইল দূরে উত্তরপশ্চিম প্রদেশে হিন্দুর পবিত্র তীর্থ বারাণসী অবস্থিত। এই স্থান হিন্দুসমাজে যেমন তীর্থের মধ্যে চিরপ্রসিদ্ধ, সেইরূপ জ্ঞানগরিমার অল্প জ্ঞানিসমাজে চিরকাল সমাদৃত। পুণ্যসলিলা গঙ্গা হইতে এই স্থান অতি রমণীয় দেখায়। ইহার অসংখ্য দেবমন্দির, বিভিন্ন সময়ে বিভিন্ন সম্প্রদায়কর্তৃক গঠিত হওয়াতে, বৈচিত্র্যজনক হইয়াছে। ইহার সমুন্নত প্রস্তরময় প্রাসাদাবলী শ্রেণীবদ্ধ থাকাতে আলেখ্যাবৎরমণীয়তা অধিকতর বর্দ্ধিত করিয়া দিতেছে, এবং ইহার ঘাটসমূহের সোপানরাজি গঙ্গার তটভাগের শোভা বিন্ধুগিত করিয়া তুলিতেছে। হিন্দুর শিল্পচাতুরী ব্যতীত এই স্থান হিন্দুর ধর্ম ও হিন্দুর শাস্ত্রের জন্ত আপনার প্রাধাত্য রক্ষা করিয়া আসিতেছে। গঙ্গাতটে দ্বাত ব্যক্তিদিগের শতদহস্র কণ্ঠ হইতে যখন “হর হর শিব শিব” ধ্বনি সমুখিত হয়, সাংসময়ে যখন সাংঘবিৎ, সংযতচিত্ত ব্রাহ্মণগণ বিধেয়ধর্মের আরাতিতে ভক্তিরসার্জ-হৃদয়ে সমন্বরে সাংমগান করেন, তখন হিন্দুর হৃদয়ে গভীর উদাত্ত ভাবের সঞ্চার হইয়া থাকে। বহু শতাব্দী অতীত হইয়াছে, অদ্যাপি এই পবিত্র তীর্থের পবিত্রতার রেখামাত্রও বিচলিত হয় নাই। ভারতের শেষ প্রতাপাবিহীন মোগল সম্রাটের নির্মিত মসজিদ, হিন্দুর দেবালয়ের পার্শ্বে রহিয়াছে, খ্রীষ্টধর্ম প্রচারকদিগের বিদ্যালয় ও ভজনালয় স্থানে স্থানে স্থাপিত আছে, তথাপি পবিত্র বারাণসী তীর্থে পবিত্র হিন্দুধর্মের মহিমা বিচলিত হয় নাই। মুকুমারমতি ব্রাহ্মণ বালকগণ আজ পর্য্যন্ত ইহার সর্ব্বস্থানে কামলকণ্ঠে সামগান করিয়া বেড়াইতেছে। তত্ত্বজ্ঞ ব্রাহ্মণগণ আজ পর্য্যন্ত এখানে বেদ বেদান্ত প্রভৃতি শাস্ত্রের আলোচনা করিয়া, সাধারণের শ্রদ্ধা ও শ্রীতি আকর্ষণ করিতেছেন। পাশ্চাত্য বিজ্ঞান ও পাশ্চাত্য সভ্যতার, ইহার চরন্তন খ্যাতি বিলুপ্ত হয় নাই। মৌলবী ও মিশনরীদিগের চেষ্টায়, ইহার গুপ্ত ও পুরোহিতগণ, আপনাদের চিরন্তন প্রথায় জলাঞ্জলি দেন নাই।

উপস্থিত সময়ে এই পবিত্র তীর্থের অধিবাসিগণ শাস্ত্রভাবে কালাতিপাত করে নাই। যে উদ্ভেজনা মিরাতবাসীদিগের মধ্যে দেখা গিয়াছিল, দিল্লীর অধিবাসিদিগের মধ্যে যাহা পরিস্ফুট হইয়াছিল, তাহা এখন বারাণসীর লোকদিগের মধ্যে দেখা যাইতে থাকে। ১৮৫৭ অব্দে গ্রীষ্মকালে খাদ্য দ্রব্য

সাতিশয় হুমুলা হয়। সাধারণ লোকের বিশ্বাস জন্মে যে, ফিরঙ্গীদিগের শাসনদোষে তাহাদের আহারসামগ্রী হুমুলা হইয়াছে। এজন্য জনসাধারণ, ক্রমে ব্রিটিশ শাসনের উপর বিরক্ত হইয়া উঠে। এতদ্ব্যতীত অন্য কারণে সাধারণের উত্তেজনার বৃদ্ধি পাইয়াছিল। দিল্লীর রাজবংশীয়গণের অনেকে, বারাণসীতে অবস্থিতি করিতেছিলেন। ইহাদের মন্ত্র এ সময়ে একবারে ব্যর্থ হয় নাই। জাতীয় সম্মান ও জাতীয় ধর্মের বিলোপভয়ে, ইহার উপর থান্য্রব্যের মূল্যবৃদ্ধিতে, বারাণসীর হিন্দু ও মুসলমান, অনেকেই গভীর উত্তেজনার আবেগে ব্রিটিশ শাসনের বিরুদ্ধে ষড়যন্ত্র করিতে থাকে। নগরের তিন মাইল দূরে শিক্রোল নামে একটি স্থান আছে। ইউরোপীয়গণ এই স্থানে বাস করিয়া থাকেন। এই স্থানে ইঞ্জরেজের সৈনিক নিবাস, আদালত, কারাগার, গির্জা, গবর্ণমেন্ট কলেজ, হাঁসপাতাল, ভ্রমণোদ্যান প্রভৃতি সমস্তই রহিয়াছে। সৈনিক নিবাসে উপস্থিত সময়ে তিন দল এতদ্দেশীয় পদাতিক ও কতিপয় ইউরোপীয় কামানরক্ষক সৈন্য ছিল। এই তিন দল এতদ্দেশীয় সৈন্তের এক দল ৩ গণিত পদাতিক, আর এক দল লুথিয়ানার শিখসৈন্ত এবং অপর দল ১০ গণিত অশ্বারোহী। সর্বসমেত প্রায় ২০০০ হাজার সৈনিক পুরুষ এই তিন দলে ছিল। ইঞ্জরেজ কামানরক্ষকের সংখ্যা ত্রিশ; জর্জ পনসনবি এই সকল সৈন্তের রক্ষণাবেক্ষণ করিতেছিলেন। হেনরি টুকার এই সময়ে বারাণসীর কমিশনার, ফ্রেডারিক গবিন্স জজ ও লিও সাহেব মাজিষ্ট্রেট ছিলেন। ইহার মিরাত ও দিল্লীর শোচনীয় ঘটনার সংবাদ পাইয়া, আপনাদের শাসনাধীন জনপদ নিরাপদ রাখিতে বিশেষ তৎপর হন। কিন্তু ইহাদের যত্ন সকল হয় নাই। যে ঘটনা মিবাটে ও দিল্লীতে ঘটিয়াছিল, বারাণসীতেও তাহা সংঘটিত হয়।

জুন মাসের প্রারম্ভে সিপাহিদিগের কতকগুলি শূন্য গৃহ অগ্নিতে দগ্ধ হয়। ইহার পরে বারাণসীর ৬০ মাইল দূরবর্তী আজিমগড় হইতে সংবাদ আইসে যে, তথাকার ১৭গণিত সিপাহিরা গবর্ণমেন্টের বিরুদ্ধে সমুখিত হইয়াছে। আজিমগড়ের এই সৈনিকদল মেজর বরোস্ নামক এক জন সৈনিক পুরুষের অধীন ছিল। এই সৈনিক পুরুষ তাদৃশ ভেজবী ছিলেন না। তিনি সিপাহিদিগের উত্তেজনার গতিরোধ করিতে অসমর্থ হইলেন

মে মাসের শেষে সিপাহিদিগকে যে অতিরিক্ত টোটা দেওয়া হয়, তাহারা ব্যবহার করিতে অসম্মতি প্রকাশ করে। এই সময়ে নিদারুণ অর্থলাভ তাহাদিগকে অধিকতর উত্তেজিত করিয়া তুলে। ৫,০০,০০০ টাকা, ১৭গণিত দলের কতিপয় সিপাহি ও ১৩ গণিত দলের কতিপয় অশ্বারোহীর তত্ত্ববধানে গোরক্ষপুর হইতে আসিতেছিল। লেপ্টেন্যান্ট পালিঙ্গ এই সকল সৈন্তের অধিনায়ক ছিলেন। ঐ টাকা আজিমগড়ে পহঁছিলে আজিমগড়ের উদ্ভূত দুই লক্ষ টাকার সহিত বারানসীতে পাঠাইয়া দেওয়ার বন্দোবস্ত হয়। একবারে সাত লক্ষ টাকা নিকট পাইয়া, সিপাহিবা উহার জ্ঞাত্য সাতিশয় লোলুপ হয়। তাহারা প্রকাশ্যভাবে আজিমগড় হইতে টাকা পাঠাইবার প্রতিকূলতা করিতে থাকে। এই প্রতিকূলতা কিছু সময়ের জ্ঞাত্য দূর হয়। মুদ্রারক্ষকগণ ওরা জুন উক্ত সাত লক্ষ মুদ্রা লইয়া, আজিমগড় হইতে যাত্রা করে। কিন্তু স্থানীয় কর্তৃপক্ষ বুঝিতে পারিলেন যে, ইহাতে বিপদের শাস্তি হইল না। উত্তেজিত সিপাহিরা এক সময়ে প্রকাশ্যভাবে গবর্ণমেন্টের বিরুদ্ধে সমুথিত হইতে পারে। একদা আফিসরেরা আপনাদের পরিবারবর্গের সহিত ১৭ গণিত সৈনিক দলের লাইনে আহার করিতেছিলেন, এমন সময়ে তাহারা অদূরে কামানের ধ্বনি শুনিতে পাইলেন। এই শব্দ যে, কাওয়াজের প্রশস্ত ক্ষেত্রের দিকে হইতেছে, ইহা তাঁহাদের স্পষ্ট বোধ হইল। মুহূর্তমধ্যে রণবাদ্য বাজিয়া উঠিল; সূতরাং ব্যাপার কি, বুঝিবার জ্ঞাত্য সংবাদবাহকের কোন প্রয়োজন হইল না। তাঁহারা স্পষ্ট বুঝিতে পারিলেন যে, সমস্ত সিপাহি তাঁহাদের বিরুদ্ধে সমুথিত হইয়াছে। ইউরোপীয়দিগের মধ্যে গভীর সম্মান উপস্থিত হইল। ইউরোপীয় মহিলাগণ ও সামরিক কার্যে অনভ্যস্ত পুরুষেরা তাড়াতাড়ি কাছারিতে প্রস্থান করিল। জেলার মাজিষ্ট্রেট ও তাহার সহযোগিগণ কাছারিগৃহ সুরক্ষিত করিয়াছিলেন। ইউরোপীয়েরা কুলনারীগণের সহিত এই স্থানে আসিয়া আশ্রয় লইলেন,। এদিকে সিপাহিরা আপনাদের কোয়ার্টার মাঠার ও কোয়ার্টার মাঠার সার্জনকে হত্যা করিল; কিন্তু অস্ত্রাস্ত্র আফিসরদিগের কোন ক্ষতি করিল না। এই ধোরতর উত্তেজনার সময়েও, সিপাহিরা আপনাদের আফিসরদিগের বিরুদ্ধে অস্ত্র

স্বাধীন করে নাই। তাহারা ধনসম্পত্তি বিলুপ্ত করিয়াছে, কারাগারের কয়েদীদিগকে ছাড়িয়া দিয়াছে, ইউরোপীয়দিগের অধুসিত গৃহ সকল অলস্ত হতাশনে দগ্ধ করিয়া ফেলিয়াছে, এইরূপে সর্বত্রই তাহাদের ভয়াবহ উত্তেজনার চিহ্ন বিকাশ পাইয়াছে, কিন্তু তাহারা আপনাদের আফিসরদিগের সহিত সদয় ব্যবহার করিতে পরাশ্রুত হয় নাই। আজিমগড়ের সিপাহীরা আফিসরদিগকে হত্যা না করিয়া, যে টাকা বারানসীতে যাইতেছিল, তাহা হস্তগত করিবার জন্ত ধাবিত হইল। সেনানায়ক পালিসন্ রক্ষণীয় সম্পত্তির রক্ষায় সমর্থ হইলেন। সমস্ত টাকা সিপাহিদিগের হস্তগত হইল। কিন্তু সিপাহিদিগের আফিসরেরা প্রাণে বিনষ্ট হইলেন না। ১৩ গণিত সিপাহীরা এই সময়ে আফিসরদিগের প্রতি সদয় ব্যবহারের একশেষ দেখাইয়াছিল। তাহারা আপনাদের আফিসরদিগকে পরিবেষ্টন করিয়া কহে যে, তাহাদের কেশাগ্রও স্পর্শ করা হইবে না, তাহারা তাঁহাদিগকে আসন্ন বিপদ হইতে রক্ষা করিবে। উত্তেজিত সিপাহিদিগের কেহ কেহ, কোন কোন আফিসরকে হত্যাকরিতে প্রতিজ্ঞাবদ্ধ হইয়াছে, একজ্ঞ গাড়ীতে উঠিয়া, সকলের তাড়াতাড়ি প্রহান করা উচিত। আফিসরেরা কহিলেন, “এখন কিরূপে আমাদের গাড়ী পাওয়া যাইবে?” সিপাহীরা কহিল, “না পাওয়া যায়, আমরা অপনাদিগকে পছঁ ছাইয়া দিব।” ইহা কহিয়া, তাহাদের কয়েকজন আফিসরদিগকে সঙ্গে করিয়া টেনসন হইতে গাজীপুরের দিকে দশ মাইল পর্যাস্ত গেল। তাহারা, যে টাকা হস্তগত করিয়া ছিল, তাহা হইতে আফিসরদিগের এক মাসের বেতন দিতে চাহিয়াছিল। এ সময়ে সিপাহীরা আপনাদের আফিসরদিগের প্রতি এইরূপ দয়া ও সৌজন্য দেখাইয়াছিল*। তাহারা অভীষ্ট অর্থ লইয়া আজিমগড়ে ফিরিয়া আসিল। তাহাদের কেহ কেহ আফিসরদিগকে নিরাপদ স্থানে পছঁ ছাইয়া দিবার জন্ত সঙ্গে গেল। ইহার মধ্যে আজিমগড়ের ইউরোপীয়েরা গাজীপুরে পলায়ন করিল। সিপাহীরা আসিয়া দেখিল, আজিমগড়ে কোন ইউরোপীয় নাই, কাছারি, সৈনিকনিবাস, সমুদয় শূন্য পড়িয়া রহিয়াছে, তাহারা বিজয়োল্লাসে আড়ম্বরের সহিত কৈলাবাদের অভিমুখে প্রস্থান করিল।

* *Martin, Indian Empire. vol. II. p. 280.*

আজিমগড়ের সংবাদ বারাণসীতে পহঁছিল। বারাণসীর কর্তৃপক্ষ আত্ম-রক্ষায় বদ্ধপরিকর হইলেন। এদিকে তাঁহাদের সাহায্যার্থ সেনাপতি নীল সৈন্তদল লইয়া আসিতে লাগিলেন। নীল, রেলওয়েতে রাণীগঞ্জ পর্যন্ত আসিয়া, ঘোড়ার ডাকে বারাণসীতে উপস্থিত হন। নীল ও তাঁহার সমভি-বাহারী মাদ্রাজী সৈন্তদল ব্যতীত দানাপুর হইতে এক দল ইউরোপীয় পদাতি আইসে। এইরূপে যখন সাহায্যকারী সৈন্তদল উপস্থিত হইল, কর্ণেল নীল যখন আপনাদের প্রাধান্তরক্ষায় উদাত হইলেন, তখন কর্তৃপক্ষ সুযোগ বুঝিয়া, বারাণসীর সিপাহিদিগকে নিরস্ত্র করিতে কৃতনিশ্চয় হইয়া উঠিলেন।

নিরস্ত্রীকরণের সযত্নে কর্তৃপক্ষের মধ্যে প্রথমে এই স্থির হইয়াছিল যে, সিপাহিদিগকে পরদিন প্রাতঃকালে কাওয়াজের প্রশস্ত ক্ষেত্রে সমন্বিত করিয়া, অস্ত্র পরিত্যাগ করিতে আদেশ দেওয়া যাইবে। কিন্তু কেহ কেহ প্রাতঃকাল পর্যন্ত অপেক্ষা করিতে, অসম্মতি প্রকাশ করিতে লাগিলেন। তাঁহাদের মধ্যে একঘণ্টা মাত্র বিলম্ব করা, ঘোরতর অনিষ্টকর বলিয়া বোধ হইতে লাগিল। উপস্থিত সন্মত যাহা করিতে হইবে, তাহা তৎক্ষণাৎ সম্পন্ন করিতে, তাঁহারা বদ্ধপরিকর হইয়া উঠিলেন। আজিমগড়ের সংবাদ বারাণসীতে পহঁছিয়াছিল; এই সংবাদে বারাণসীর সিপাহিরা উত্তেজিত হইয়া, দ্রুত প্রাতঃকালেই সকলকে আক্রমণ করিতে পারে; সুতরাং নিরস্ত্রীকরণে আর কালবিলম্ব করা বিধেয় নহে বলিয়া, তাঁহারা আত্মপক্ষ সমর্থন করিতে লাগিলেন। পন-সন্নি বারাণসীর প্রধান সেনানায়ক ছিলেন; নিরস্ত্রীকরণের আদেশ দিবার ভার, তাঁহারই উপরে ছিল। শিখসৈন্তদলের আফিসর গর্ডন, পনসন্নিবিকে জানাইলেন যে, সহরের বদমাইন্দীগের সহিত সিপাহিদিগের কথাবার্তা চলিতেছে। ইহার উভয়ে, কমিশনার ও জজের সহিত নিরস্ত্রীকরণের সযত্নে পরামর্শ করিতে লাগিলেন। কিছুক্ষণ পরে ইহাদের সহিত কর্ণেল নীলের সাক্ষাৎ হইল*। নীল অবিলম্বে সিপাহিদিগকে নিরস্ত্র করিবার প্রস্তাব

* পনসন্নি ও নীল, ইহাদের মধ্যে কে, কাহার সহিত দেখা করেন, তৎসম্বন্ধে অনেক আছে। পনসন্নি বলেন, তিনি ও গর্ডন, যখন জজ গবিল সাহেবের গৃহে ছিলেন, তখন নীল সেই স্থানে উপস্থিত হন। পক্ষান্তরে নীল কহেন যে, পনসন্নি ও গর্ডন উভয়েই, তাঁহার

করিলেন। কিছুক্ষণ বিচারবিতর্কের পর, পন্সনুবি, সিপাহিদিগকে অপরাহ্ন ৫টার সময়ে কাওয়াজের ক্ষেত্রে সমবেত করিতে সম্মত হইলেন। সম্মত হইয়াই, তিনি নিরস্ত্রীকরণের বন্দোবস্ত করিতে লাগিলেন।

অনন্তর পন্সনুবি গর্ডনের সহিত তাঁহার আবাসগৃহে গমন করিলেন। ৩৭ গণিত সিপাহিদলের অধ্যক্ষ মেজর বারেটের সহিত তাঁহাদের সাক্ষাৎ হইল। মেজর বারেট সিপাহিদিগের বিশেষ অমুরক্ত ছিলেন ; সিপাহিদিগের সাধুতা, সিপাহিদিগের প্রভুভক্তি ও সিপাহিদিগের কর্তব্যপারায়ণতায়, তাহাদের ঊপর তাঁহার অটল বিশ্বাস জন্মিয়াছিল। তিনি নিরস্ত্রীকরণের বিরুদ্ধে গুরুতর আপত্তি প্রকাশ করিতে লাগিলেন। যেহেতু, ইহাতে সিপাহিরা নিদারুণ আঘাত পাইবে, এবং দুঃসহ মনোঘাতনায় অধীর হইয়া বৈরনির্ঘাতনে বদ্ধ-পরিকর হইয়া উঠিবে। কিন্তু পন্সনুবি ইহাতে কণপাত করিলেন না। তিনি কহিলেন যে, স্থানীয় জজের নিকট, তিনি বাহা গুলিয়াছেন, তাহাতে নিরস্ত্রীকরণ ব্যতীত, আর কোন পথ অবলম্বন করিতে পারেন না। সুতরাং বারেট বাধ্য হইয়া অফিসরদিগকে ৫ টার সময় কাওয়াজের জন্ত প্রস্তুত হইতে কহিলেন। কিয়ৎক্ষণের মধ্যে প্রধান সেনানায়কের ঘোটক আনীত হইল। পন্সনুবি ও গর্ডন, উভয়ে অধারুঢ় হইয়া কাওয়াজের ক্ষেত্রে গমন করিলেন। ইহার পূর্বে পন্সনুবি রোগগ্রস্ত হইয়াছিলেন। রোগগ্রস্ত শীর্ণতা এখন পর্য্যন্তও দূর হয় নাই। এখন তাঁহার শরীর ও মন, দুইই অসুস্থ হইয়া উঠিল। তিনি এইরূপ অসুস্থশরীরে ও অসুস্থমনে, ইউরোপীয় সৈনিকনিবাসের অভিমুখে গমন করিলেন। এইস্থানে তিনি দেখিলেন, কর্ণেল নীল তাঁহার ইউরোপীয় সেনাগণের সহিত প্রস্তুত হইয়াছেন। কামান সকলও প্রস্তুত রহিয়াছে। পন্সনুবি উপস্থিত মত আদেশ প্রচার করিলেন ; কিন্তু তিনি বুঝিতে পারিলেন যে, তাঁহার সম্মুখে যে গুরুতর কার্য্য বহিয়াছে, উপস্থিত সময়ে তিনি সেই কার্য্যের সম্পূর্ণ উপযুক্ত নহেন। ইঞ্জরেজ সেনাপতিগণ, যে কার্য্যসাধনে অগ্রসর হইলেন, তাহাতে গুরুতর বিপদের সম্ভাবনা ছিল।

আবাসস্থানে আসিয়া সাক্ষাৎ করিয়াছেন। বারানসীর জয়েন্টমাজিষ্ট্রেট টেলার সাহেব লিখিয়াছেন যে, পন্সনুবি যখন গর্ডনের গৃহে হইতে প্রস্থান করেন, তখন নীলের সহিত তাঁহার সাক্ষাৎ হয়। বাহাইউক, উপস্থিত মতভেদে তাঁদুশ গুরুতর ঘটনার মধ্যে গণ্য নয়।

এই সময়ে বারাণসীতে দুই হাজার সিপাহী অবস্থিতি করিতেছিল। পক্ষান্তরে ইউরোপীয়গণ আড়াই শতের অধিক ছিল না। এই দুই হাজার সিপাহী সমভাবে উত্তেজিত হইয়া উঠিয়াছিল। ইঙ্গরেজ সেনাপতি এখন এইরূপ উত্তেজিত সেনাদিগকে নিরস্ত করিতে উদ্যত হইলেন। যখন নিরস্ত্রীকরণের আদেশ প্রচার হইল, তখন সেনাপতি ও তাঁহার সহযোগীরা কাওয়াজের ক্ষেত্রে ৩৭গণিত সিপাহী-গণের নিকটে গমন করিলেন। ৪১৪ জন সৈনিক পুরুষ এই সময়ে কাওয়াজের ক্ষেত্রে সমবেত হইয়াছিল। ইহারা সেনাপতির সমক্ষে কোনরূপ অবাধ্যতা প্রকাশ করিল না। সেনাপতির আদেশে ধীরে ধীরে একে একে অনেকেই আপনাদের অস্ত্র পরিত্যাগ করিতে লাগিল। ইহাদের সম্মুখে কামান সকল স্থাপিত হইয়াছিল, ইউরোপীয় সৈনিকদল সজ্জন ধরিয়া অদূরে দণ্ডায়মান ছিল, শিখ সেনারা অস্ত্রপরিগ্রহ পূর্বক এই সৈনিকদলের পক্ষসমর্থন করিতে-ছিল, এইরূপে ইহারা সেই ভীষণ অস্ত্র-বিসর্জ্ঞম-ভূমিতে ভীষণতর অস্ত্রের সম্মুখে থাকিয়া, আপনাদের জীবনের শোচনীয় পরিণাম চিন্তা করিতেছিল। তাহাদের সন্দেহ হইয়াছিল, হয় ত এই সকল কামানের গোলায় তাহাদের প্রাণবায়ুর অবসান হইবে, ইউরোপীয় সৈনিকগণ, হয় ত তাহাদের পরিত্যক্ত অস্ত্র লইয়া তাহাদিগকেই আক্রমণ করিবে। এইরূপ সন্দেহে বিচলিত হইলেও তাহারা কোনরূপ ঔদ্ধত্যপ্রকাশ করে নাই। কর্ণেল স্পটসউড যখন তাহাদিগকে অস্ত্র পরিত্যাগ করিতে আদেশ করিলেন, তখন তাহারা ধীরভাবে সেই আদেশপালন করিতে লাগিল। কিন্তু সহসা তাহাদের ভাবান্তর উপস্থিত হইল, সহসা তাহাদের সেই গভীর সন্দেহ গভীরতর হইয়া উঠিল। অদূরবর্তী ইউরোপীয় সৈনিকগণ যখন তাহাদের পরিত্যক্ত অস্ত্রসংগ্রহ করিবার নিমিত্ত নিকটে আসিতে লাগিল, তখন তাহারা স্থির থাকিতে পারিল না। ইউরোপীয় সৈনিকদিগকে সম্মুখবর্তী হইতে দেখিয়া, তাহারা ভাবিল, ভয়ঙ্কর সময় উপস্থিত হইয়াছে, এখনই তাহাদিগকে কামানের মুখে জীবনবিসর্জ্ঞন করিতে হইবে। তাহারা পূর্বেই গভীর সন্দেহে বিচলিত হইয়াছিল, এখন গভীরতর উত্তেজনার উদ্গতপ্রাণ হইয়া, আপনাদের পরিত্যক্ত অস্ত্রপরিগ্রহ পূর্বক আপনাদেরই অধিনায়কদিগকে আক্রমণ করিল।

উপস্থিত সময়ে কোন বিষয়ে একটু অসাবধানতা ঘটিলেই বিপদ অনিবার্য

হইয়া উঠিবার সন্তাবনা ছিল। সিপাহীরা একেই উত্তেজিত হইয়া উঠিয়াছিল; ইহার উপর কর্তৃপক্ষ কিস্কিন্ধ্যাত্ম অধীরতা বা অসাবধানতা দেখাইলে তাহারা যে, অধিকতর উত্তেজিত হইয়া উঠিবে, তাহা বিচিত্র নহে। বারাণসীর কর্তৃপক্ষ যদি এ সময়ে অধীরতার পরিচয় না দিতেন, অথবা ভয়-প্রদর্শনে অগ্রসর না হইতেন, তাহা হইলে বোধ হয়, সিপাহীরা বিনা গোলযোগে ও বিনা বাঁবাঁয় আপনাদের অস্ত্র পরিত্যাগ করিত*। কিন্তু কর্তৃপক্ষ অধীরতাপ্রকাশে উদ্যত হয়েন নাই, শান্তভাবে শাস্তিময় কার্যেরও হস্তক্ষেপ করেন নাই। নিরস্ত্রীকরণসময়ে তাঁহারা সিপাহীদিগের সম্মুখে কামান সকল স্থাপিত করিয়া ছিলেন, অদূরে সশস্ত্র সৈনিকদিগকে দণ্ডায়মান রাখিয়া ছিলেন, আপনারা নিক্ষেপিত তরবারি হস্তে লইয়া ভীষণভাবে পরিচয় দিতে ছিলেন; সিপাহিরা পূর্বেই উত্তেজনার আবেগে অধীর ও সন্দেহের তরঙ্গে আন্দোলিত হইয়াছিল, এখন সন্নিকটে শমনসদৃশ যুদ্ধাস্ত্রের সমাবেশ দেখিয়া অধিকতর উত্তেজিত, অধিকতর সন্দিগ্ধ ও অধিকতর শঙ্কিত হইয়া, ইউরোপীয়দিগকে আক্রমণ করিল। ধূমায়মান বহি সামান্য ফুৎকারেই প্রজ্জ্বলিত হইয়া উঠিল।

কর্ণেল স্পটিস্‌উড কহিয়াছেন, “কাওয়াজের ক্ষেত্রে যে ৪১৪ জন সৈন্য একত্র হইয়াছিল, তাহারা সকলেই যে, কথার অবাধ্য ও গবর্ণমেন্টের বিদ্বেষী হইয়া উঠিয়াছিল, তাহা, সেই ৪১৪ জনের অপরাহ্নেও আমার স্পষ্ট বোধ হয় নাই। আমি দলস্থিত লোকের মুখে শুনিয়াছিলাম, উদ্ধত ও বিদ্বেষী লোকের সংখ্যা ১৫০ শতও নহে। যেহেতু, যখন সকলকে অস্ত্রপরিত্যাগ করিতে আদেশ করিলাম, তখন অনেকেই বিনা গোলযোগে সেই আদেশপালন করিতে লাগিল। * * * দুই তিন জন বলিল, “আমাদের আফিসরেরা আমাদের আশঙ্কিত করিয়াছেন।” ইউরোপীয় সৈন্য সহজে আমাদের প্রতি গুলি করিতে পারে, এই জন্ত তাঁহারা আমাদের অস্ত্র পরিত্যাগ করিতে কহিতেছেন।” আমি কহিলাম, “এ কথা মিথ্যা।” অনন্তর ত্রিশ বৎসরেরও অধিককাল, যে সকল এতদ্দেশীয় আফিসরের সহিত পরিচিত

* Martin, Indian Empire, vol II. p. 284.

ছিলাম, আমি দলস্থ কাহারও সহিত। কখনও প্রতারণা করিয়াছি কি না, তাঁহাদিগকে জিজ্ঞাসা করিলাম; তাঁহারা অনেকেই একবাক্যে কহিলেন, ‘কখনও না; আপনি সদাশয় পিতার স্থায় আমাদের সহিত সদ্ভাবহার করিয়াছেন।’ যাহাহউক, আমি দেখিলাম, ইউরোপীয় সৈন্তের উপস্থিতিতে সিপাহীরা সাতিশয় উত্তেজিত হইয়া উঠিয়াছে। এজন্ত ঐ সকল সৈন্তকে অগ্রসর হইতে নিষেধ করিবার জন্ত সেইদিকে অশ্চালনা করিলাম*।”

সেনাপতি পনসনুবিবির আদেশে ইউরোপীয় সৈন্ত সিপাহীদিগের অভিমুখে অগ্রসর হইতেছিল; স্পটনউড্ এই সৈন্তদিগকে অগ্রসর হইতে নিবারণ করিতে গিয়াছিলেন। সেনাপতি সিপাহীদিগকে স্নেহের সহিত কহিয়াছিলেন, “তোমাদিগকে অস্ত্র পরিত্যাগ করিতে আদেশ করা হইয়াছে, যদি তোমরা ধীরভাবে এই আদেশ পালন কর, তাহাহইলে তোমাদের কোন অনিষ্ট করা হইবে না।” এই কথা বলিবার সময়ে তিনি বিশ্বাস জমাইবার জন্ত একজন সিপাহীর স্বন্ধে হস্তার্পণ করিয়াছিলেন। সিপাহী তাঁহাকে বলিয়াছিল, “আমরা কোন অপরাধ করি নাই”; পনসনুবি হিন্দীতে উত্তর করিয়াছিলেন, “না, কোন অপরাধ কর নাই। কিন্তু যখন তোমাদের সহযোগিগণ আপনাদের প্রতিজ্ঞাভঙ্গ করিয়াছে, এবং যে সকল আফিসর তাহাদের কখনও কোন অনিষ্ট করেন নাই, তাঁহাদিগকেও নিহত করিয়াছে, তখন তোমাদিগকে যেরূপ আদেশ দেওয়া হইয়াছে, তোমাদের সেইরূপ করা আবশ্যক।” সেনাপতি যখন এই কথা বলিতেছিলেন, তখন তাঁহার পার্শ্ববর্তী সিপাহীরা সমধিক উত্তেজিত হইয়া আক্রমণের উদ্যোগ করিল। একদল হইতে দুই একটা গুলি আসিয়া, ইঙ্গরেজ আফিসরদিগের মধ্য পড়িল। পরক্ষণেই সকলে পরিত্যক্ত বন্দুক পরিগ্রহ করিল এবং তৎসমুদয়ে গুলি ভরিয়া ইউরোপীয়দিগের সহিত যুদ্ধে প্রবৃত্ত হইল। সহসা গুলিরষ্টিতে ইঙ্গরেজ আফিসরেরা বিপন্ন, বিব্রস্ত ও বিয়সস্থল অবস্থায় উদ্ভ্রান্ত হইয়া পড়িলেন। সাত আট জন ইউরোপীয় সৈনিক নিহত হইল। আফিসরেরা কামানের সাহায্যে আক্রমণ নিরস্ত করিতে উদ্যত হইলেন। মেজর বারেট নিরস্ত্র-

* *Martin Indian Empire, vol II p. 285.*

করণের একান্ত বিরোধী ছিলেন। তিনি এই আকস্মিক ব্যাপারে স্তম্ভিত হইলেন। তাঁহার গতিরোধ হইল। তিনি একপদও অগ্রসর না হইয়া, সেই বিগত সৈনিকদিগের মধ্যে আপনার অদৃষ্টের উপর নির্ভর করিয়া, প্রশান্তভাবে দণ্ডায়মান রহিলেন। সিপাহীরা উত্তেজিত হইলেও প্রভুত্বের অবমাননা করিল না, ইঙ্গরেজের শোণিতপাতে অগ্রসর হইলেও আপনাদের হিতৈষী ইঙ্গরেজ অধিনায়কের অনিষ্টসাধনে উদ্যত হইল না, এবং কর্তৃপক্ষের অবিচারে ও অদূরদর্শিতায় মৰ্ম্মাহত হইয়া, বিদেশী ও বিধুম্মীর বিরুদ্ধে অস্ত্রধারণ করিলেও সেই বিদেশী ও বিধুম্মীর প্রতিও সমুচিত প্রীতি-প্রকাশে নিরস্ত থাকিল না। সদাচারে ও সিন্ধু ব্যবহারে যে প্রীতি ও শ্রদ্ধার উৎপত্তি হইয়াছিল, তাহা এ সময়েও অটলভাবে রহিল। সিপাহীরা মেজর বারেটকে নিরাপদ স্থানে লইয়া গিয়া তাঁহার জীবন রক্ষা করিল।

সিপাহীদিগকে এইরূপ উত্তেজিত ও যুদ্ধোদ্যত দেখিয়া ইঙ্গরেজ সৈনিকেরা কামান সকল সজ্জিত করিয়া, গোলাবৃষ্টি আরম্ভ করিল। সিপাহীরা কামানের সম্মুখে থাকিতে না পারিয়া, আপনাদের গৃহভিমুখে ধাবিত হইল। গৃহের পশ্চাৎ থাকিয়া, তাহারা ইঙ্গরেজদিগের উপর তীব্রবেগে গুলি চালাইল। কিন্তু ইঙ্গরেজ সেনানায়কেরা কামান বন্ধ রাখিলেন না। কামানের গোলায় কয়েকজন সিপাহী নিহত হইল। অবশিষ্ট সিপাহীদিগের অনেকে নগরের মধ্যে নিক্ষিপ্ত হইয়া পড়িল, অনেকে অদূরবর্তী লোকালয়ে যাইয়া ভবিষ্যতে বলবতী প্রতিহিংসার তৃপ্তিসাধনের স্বযোগ দেখিতে লাগিল।

ইহার মধ্যে, একদল এতদেশীয় অশ্বারোহী ও একদল শিখ কাওয়াজের ক্ষেত্রে উপস্থিত হইল। ইহারাও পূৰ্বোক্ত সিপাহীদিগের স্ত্রায় সন্ধি ও শক্তি হইয়াছিল। ইহাদের সন্দেহ ও আশঙ্কা তিরোহিত হইল না। অশ্বারোহীদিগের একজন উত্তেজিত হইয়া, আপনাদের সেনানায়ককে গুলি করিল, আর একজন তাঁহাকে নিষ্কোষিত তরবার দ্বারা দ্বিধা করিতে চেষ্টা করিল। শিখেরা নিস্তব্ধভাবে এই ব্যাপার দেখিতে লাগিল। তাহারা পূৰ্বে ব্রিটিশ গবর্ণমেণ্টের বিরুদ্ধে অস্ত্রপরিগ্রহ করিবার সঙ্কল্প করে নাই। সেই কাওয়াজের ক্ষেত্রেও তাহারা ধীরতার পরিচয় দিতেছিল। কর্তৃপক্ষ যদি সে সময়ে তাহাদের রাজতন্ত্রের উপর

সন্ধিহান না হইতেন, তাহাদের বিশ্বস্ততার উপর বিশ্বাসস্থাপন করিতেন, এবং তাহাদিগকে প্রকৃত উদ্দেশ্য ধীরভাবে বুঝাইয়া দিতেন, তাহা হইলে বোধ হয়, শিখসৈন্য উত্তেজিত হইয়া উঠিত না। কিন্তু সে সময়ে এরূপ ধীরতার পরিচয় দেওয়া হয় নাই, এরূপ সরলতা দেখাইয়াও অধীন সৈন্যদিগকে শাস্ত্রভাবে শাস্তিময় পথে পরিচালিত করিবার চেষ্টা করা হয় নাই। শিখেরা যখন ধীরভাবে পার্শ্ববর্তী অঝারোহী সৈনিকদিগের যুদ্ধোদ্যোগ দেখিতেছিল, তখন ইঙ্গরেজ সেনানায়কেরা তাহাদের উপরও সন্দেহ প্রকাশ করিতে লাগিলেন, এবং শিখ ও অঝারোহী সিপাহী, সকলকেই একত্রে আবদ্ধ ও একবিধ কার্যসাধনে উদ্যত ভাবিয়া আশ্রয়কার জ্ঞান কামানের আশ্রয়গ্রহণ করিলেন। তাহাদের এইরূপ অবীরতা দেখিয়া, একজন শিখ একজন ইঙ্গরেজ সেনানায়কের উপর গুলিনিষ্ক্ষেপ করিল, অমনি তাহার দলস্থ আর একজন সেই সেনানায়কের প্রাণরক্ষার্থ অগ্রসর হইল। শিখ সৈনিকদলের একজনের উত্তেজনার গতিরোধে আর একজন যখন যত্নশীল হইতেছিল, একজনের বিবেচবুদ্ধির নিবারণ জ্ঞান আর একজন যখন অটল বিশ্বস্ততার পরিচয় দিতেছিল, তখন সহসা ধূম্যমান বহি প্রজ্জ্বলিত হইয়া উঠিল। ইঙ্গরেজ সৈনিকেরা সহসা এতদেশীয় সৈনিকদিগকে আততায়ী মনে করিয়া অস্ত্রধারণ করিল। অমনি এতদেশীয় সৈনিকেরা ইউরোপীয় সৈনিকদিগকে লক্ষ্য করিয়া গুলিগুটি করিতে লাগিল। এই সময়ে কামান সকল অরক্ষিত অবস্থায় ছিল। কামানরক্ষক ইউরোপীয় সৈনিকগণ পূর্বোক্ত ৩৭ গণিত সিপাহীদিগের পশ্চাৎকাবিত হইয়া, তাহাদের আবাস গৃহ পর্যন্ত গিয়াছিল। যদি এতদেশীয় পদাতিক ও শিখসৈনিকেরা অগ্রসর হইয়া কামান সকল অধিকার করিত এবং শৃঙ্খলার সহিত দলবদ্ধ হইয়া ঐ কামানের সাহায্যে ইঙ্গরেজদিগকে আক্রমণ করিতে উদ্যত হইত, তাহা হইলে বারাণসী নিঃসন্দেহ ইঙ্গরেজের হস্তভ্রষ্ট হইয়া পড়িত। কিন্তু তখন সিপাহীদিগের মধ্যে এরূপ শৃঙ্খলা ছিল না। অভীষ্ট কার্যসাধনের কোনরূপ উৎকৃষ্ট প্রণালীও ছিল না। সিপাহীরা কোন দূরদর্শী অধিনায়কের আদেশানুসারে পরিচালিত হয় নাই। কোন বিচক্ষণ যুদ্ধবীর তাহাদের সমক্ষে কর্তব্যপথ নির্দিষ্ট করিয়া দেন নাই। তাহারা যখন উত্তেজনার

অধীর হইয়া আপনাদের মধ্যে আপনারাই বিষম কোলাহল করিতেছিল, অধীরভাবে আপনারাই আপনাদিগকে সর্বময় কৰ্ত্তা বলিয়া ভাবিতেছিল, এবং আপনারাই আপনাদিগকে সর্বোৎকৃষ্ট বীরপুরুষ মনে করিয়া গর্বসহকারে ও যথেষ্টভাবে অস্ত্রপরিচালনপূৰ্ব্বক বিজয়ের আশা করিতেছিল, তখন একজন ইংরেজ সেনানায়ক বিছায়েগে আসিয়া কামান সকল অধিকার করিল। অমনি উত্তেজিত সিপাহীদিগের মধ্যে গোলাবৃষ্টি হইতে লাগিল। সিপাহীরা আর সে অগ্নিময় পিণ্ডের গতিরোধে সমর্থ হইল না। তাহারা গোলযোগে উদ্ভ্রান্ত হইয়া চারি দিকে পলায়ন করিল। বারাণসীর কাওয়ারজের ক্ষেত্রে ইংরেজের প্রাধান্য অপ্রতিহত রহিল।

নিরস্ত্রীকরণব্যাপারে যখন এইরূপ গোলযোগ ঘটিতেছিল, কর্তৃপক্ষের অবিচার ও অসাধনতাদোষে যখন সিপাহীদিগের এক দলের পর আর এক দল, ব্রিটিশ গবর্ণমেণ্টের বিরুদ্ধে সমুথিত হইতেছিল, তখন বারাণসীর ইংরেজ সেনাপতি নিরতিশয় অবসন্ন হইয়া পড়িলেন। তাঁহার সমক্ষে যে, উৎকট কার্যক্ষেত্র প্রদারিত হইয়াছিল, সে ক্ষেত্রে অধিক দূর অগ্রসর হইবার আর তাঁহার সামর্থ্য রহিল না। নিদাঘতপন আপনার প্রথর রশ্মি সংঘত করিয়া ধীরে ধীরে অন্তাচলশায়ী হইতেছিল, তাহার পরিম্লান জ্যোতিঃ জগতের সমক্ষে অবস্থার পরিবর্তনশীলতার পরিচয় দিতেছিল। সাক্ষ্যসমীৰণ ধীরে ধীরে প্রবাহিত হইয়া জীবহৃদয়ের শান্তিসম্পাদন করিতেছিল। রোগশীর্ণ ও জরাজীর্ণ সেনাপতিও অন্তগমনোন্মুখ হৃদয়ের ভ্রায় পরিম্লান হইলেন। মিত্র সমীৰণ তাঁহার হৃদয়ের শান্তিবিধানে সমর্থ হইল না। তীব্র মনোবাতনায় ও দুঃসহ দুঃখে তিনি আপনার কার্যভার কর্ণেল নীলের হস্তে সমর্পিত করিলেন। নীল এখন বারাণসীর সেনাপতি হইয়া বলবতী প্রতিহিংসার পরিতর্পণে উদ্যত হইলেন। যে সকল সিপাহী আপনাদের আবাসগৃহে আশ্রয় হইয়াছিল, তাহারা তাড়িত ও নিহত হইল। তাহারা নির্জন কুটারে আত্মগোপন করিয়াছিল, তাহারা সেই সকল কুটারের সহিত ভস্মীভূত হইয়া গেল।

উপস্থিত সময়ে সিপাহীদিগকে এইরূপে নিরস্ত্র করিবার উদ্দেশ্যে কমান্ডার হয় নাই। পূর্বেই উক্ত হইয়াছে, সিপাহীরা তৎক্ষণ বা দূরদর্শী নহে। তাহাদের

সমক্ষে কোন বিষয়ে অসাবধানতা বা অধীরতা প্রকাশ করিলে, তাহারা সহজেই সন্ধিদ্ধ, অসন্তুষ্ট ও উত্তেজিত হইয়া উঠে। বারাণসীর কর্তৃপক্ষ যদি সিপাহীদিগকে কাওয়ার্ডের ক্ষেত্রে সমবেতনা করিতেন, এবং তাহাদের সমক্ষে ইউরোপীয় সৈনিক পুরুষ ও কামান সকল সজ্জিত করিয়া, তাহাদিগকে অস্ত্র পরিত্যাগ করিতে আদেশ না দিতেন, তাহা হইলে, বোধ হয়, সিপাহীরা সহসা ইঙ্গরেজদিগকে আক্রমণ করিত না। তাহাদের প্রতি সন্ধিভাবে প্রকাশ করিলে তাহারাও আপনাদের সেনানায়কদিগকে সন্ধিভাবে দেখিত, এবং তাহাদের প্রতি বিশ্বাসস্থাপন করিলে তাহারাও সেনানায়কদিগের বিশ্বস্ত হইয়া উঠিত। যখন তাহারা উত্তেজিত হইয়া ইউরোপীয় সৈনিকদিগের উপর অবিচ্ছেদে গুলিচুটি করিতেছিল, তখনও বলবতী জিবাংসার তাহাদের শ্রদ্ধা ও প্রীতি বিলুপ্ত হয় নাই। তাহারা তখনও আপনাদের অমুরক্ত সেনানায়ক মেজর বারেটকে নিরাপদ স্থানে লইয়া গিয়া তাঁহার জীবন রক্ষা করিয়াছিল। মেজর বারেটের ত্রাণ যদি সকলেই সিপাহীদিগের প্রতি প্রীতি ও স্নেহ প্রকাশ করিতেন, তাহা হইলে তাহারা তাঁহাদের শোণিতপাতে অগ্রসর হইত না। বিশেষতঃ, শিখ সৈনিকদিগের প্রতি বিশ্বস্ততা দেখাইলে তাহারা নিঃসন্দেহ কর্তৃপক্ষের অমুরক্ত থাকিত। নিরস্ত্রীকরণসম্বন্ধে বারাণসীর কমিশনের সাহেব ডই জন গবর্ণর জেনারলকে লিখিয়াছিলেন, “আমার বোধ হয় সিপাহীদিগের নিরস্ত্রীকরণে সাতিশয় গোলযোগ ও বিশৃঙ্খলা ঘটিয়াছিল। সেই সময়ে অনেকেই নিরস্ত্র হইয়াছিল। আপনাদের এই নিরস্ত্র সহযোগীদিগকে আক্রমণ করা হইবে তাবিয়া সশস্ত্র সিপাহীরা নিরস্ত্রিশয় মৰ্ম্মাহত হইয়াছিল। এ বিষয়ে একজন সিভিল কর্মচারীর মতামত প্রকাশ করা উচিত নহে, কিন্তু সাধারণের মতে উপস্থিত কার্য ধীরভাবে ও সূক্ষ্মতার সহিত সম্পন্ন হয় নাই।” এ অংশে লর্ড কানিংও কমিশনের সাহেবের সহিত একমত হইয়াছিলেন। তিনি কমিসনের পত্রপ্রাপ্তির এক পক্ষ পরে বিলাতে ভারতবর্ষশাসনসমিতির অধ্যক্ষকে লিখিয়াছিলেন, “বারাণসীর সিপাহীদিগকে বড় তাড়াতাড়ি ও অবিবেচনাপূর্বক নিরস্ত্র করা হইয়াছিল। একদল শিখ সৈন্যকে টানিয়া আনিয়া বিপক্ষতায় প্রবর্তিত করা হয়, ইহাদের সহিত আচাৰ্য্যব্যবহার করিলে, আমার দৃঢ় বিশ্বাস যে, ইহারাও

আমাদের প্রতি বিশ্বস্ত থাকিত ।” ইহার ১৬ মাস পরে, যে সকল দেওয়ানী কর্মচারীর উপর উপস্থিত বিষয়ের আশুপূর্ব্বিক বিবরণ লিখিবার ভার দেওয়া হইয়াছিল, তাঁহারাও স্বল্প অশুসন্ধানের পর এই মত প্রকাশ করিয়াছিলেন যে, “যখন শিখ সৈনিকদল কাওয়ার্জের ক্ষেত্রে উপস্থিত হইয়াছিল, তখন তাঁহাদের সম্বন্ধে কি করা হইবে, তাহা তাহারা কিছুই জানিতে পারে নাই, সমস্ত ব্যাপারই তাহাদিগকে যারপরনাই, বিস্ময়ে অভিভূত করিয়া তুলিয়াছিল । এই সৈনিকদল রাজভক্ত ছিল, যদি ইহাদের প্রতি কঠোরতা প্রদর্শিত না হইত, তাহা হইলে ইহারা আমাদের পক্ষসমর্থন করিত ।” দূরদর্শী বিচারকগণ উপস্থিত বিষয়ের স্বল্প বিচার করিয়া এইরূপ মত প্রকাশ করিয়াছেন । যাহারা ধীরপ্রকৃতি ও সমীক্ষাকারী, তাঁহাদের নিকট কখনও এই মত উপেক্ষিত হইবে না । কিন্তু উপস্থিত সময়ে অনেক ইঙ্গরেজ রাজপুরুষ এই মতামুসারে পরিচালিত হইতেন নাই ! যে স্থলে ধীরতা ও উদারতা দেখাইলে স্ত্রফলের উৎপত্তি হইত, সেই স্থলে তাঁহারা অধীরতা ও অমুদারতার একশেষ দেখাইয়াছেন, স্নিগ্ধ ভাব ও সদয় ব্যবহার যে স্থলে আশ্রিত ও প্রতিপালিতদিগকে তাঁহাদের সহিত শ্রীতি স্ত্রে আবদ্ধ করিত, তাঁহারা সেই স্থলেই কঠোরতা দেখাইয়া সেই আশ্রিত ও অনুরক্তদিগকে তাঁহাদের ঘোরতর শত্রু করিয়া তুলিয়াছেন । এ সময়ে তাঁহাদের হৃদয়ে কোমল বৃত্তির বিকাশ দেখা যায় নাই, তাঁহারা সংহারিণী জামিনী বৃত্তির বশবর্তী হইয়াই কার্য্যক্ষেত্রে অবতীর্ণ হইয়াছিলেন । তাঁহাদের কার্য্যপটুতা ছিল, শ্রমশীলতা ছিল, একাগ্রতা ছিল, কিন্তু একমাত্র ধীরতা ও সহিবেচনার অভাবে তৎসমুদয়ই বিপত্তিজনক হইয়া উঠিয়াছিল । তাঁহার কেবল তরবারির সাহায্যে আত্মরক্ষার সহিত সাম্রাজ্যরক্ষার উদ্যত হইয়াছিলেন । তাঁহাদের বিশ্বাস ছিল, ভারতবর্ষ তরবারির বলে রক্ষিত হইবে, তাঁহাদের প্রাধাত্য ও তাঁহাদের ক্ষমতাও এই তরবারির বলেই অক্ষুণ্ণ থাকিবে । কিন্তু তাঁহাদের এই বিশ্বাস শেষে অমূলক বলিয়া প্রতীয়মান হইয়াছিল । তাঁহারা যে স্থলে তরবারির সাহায্যগ্রহণ করিয়াছিলেন, সেই স্থলেই ভয়াবহ বিপ্লবের বিকাশ হইয়াছিল । ভারতবর্ষীয়গণ তাঁহাদের অমুরক্ত ও তাঁহাদের সহিত শ্রীতিস্ত্রে আবদ্ধ না হইলে তাঁহাদের জীবন

নিরাপদ ও তাঁহাদের রাজ্য শান্তিপূর্ণ হইত না। তাঁহারা অমরুত ও স্নিগ্ধ-
প্রকৃতি ভারতবর্ষীদের অল্পপন স্নিগ্ধভাবেই উপস্থিত বিপদ হইতে বিমুক্ত
হইয়াছিলেন। তাঁহাদের স্বদেশীয় শাসকবর্গের লোকরঞ্জনক্ষমতা না থাকিলে
ভারতবর্ষে তাঁহাদের অধিপত্যের পুনঃপ্রতিষ্ঠা হইত না।

উত্তেজিত সিপাহীরা কাওরাজের ক্ষেত্র হইতে তাড়িত হইলেও বারাণসীর
কর্তৃপক্ষ নিশ্চিন্ত ও নিরুদ্বেগ হইলেন না। রজনীসমাগমে নগরের হরুত
অধিদ্বাসিগণ পলায়িত সিপাহীদের সহিত সম্মিলিত হইয়া পাছে নানা
অনর্থ ঘটায়, এই আশঙ্কা তাহাদের হৃদয়ে বলবতী হইয়া উঠিল। সৈনিক-
নিবাস ও নগরের মধ্যভাগে একটি প্রকাণ্ড টাকশালা ছিল। অনেক
ইউরোপীয় ঐ গৃহে আশ্রয় লইলেন। খ্রীষ্টধর্মপ্রচারক ইউরোপীয়েরা চুনায়ে
বাঁহবার জন্ত রামনগরের অভিমুখে ধাবিত হইলেন। সিবিজ কর্মচারিগণ
পরিজনবর্গের সহিত কলেক্টর সাহেবের কাছারিতে আশ্রয় গ্রহণ করিলেন*।
এই সময়ে খাজাঞ্চিখানারক্ষার ভার কতিপয় শিখ সৈনিকের উপর সমর্পিত
ছিল। ইহাদের স্বদেশীয়গণের অনেকে সৈনিক নিবাসে নিহত হইয়াছিল,
ইহারাও এজন্ত উত্তেজিত হইয়া, ধনাগারবিলুপ্তন কবিত্তে পারে, কর্তৃপক্ষ এই
আশঙ্কায় বিচলিত হইয়াছিলেন; কিন্তু একজন প্রশান্তপ্রকৃতি শিখ সর্দারের
অবিচলিত রাজভক্তি ও দৃঢ়তার অধ্যবসায়ের গুণে উক্ত আশঙ্কা দূর হইল।
এই রাজভক্ত শিখ সর্দারের নাম সুরত সিংহ।

যখন দ্বিতীয় শিখযুদ্ধের অবসান হয়, লর্ড ডালহৌসির আদেশে যখন
পঞ্জাবকেশরীর বিস্তৃত রাজ্য ব্রিটিশসাম্রাজ্যের সহিত সংযোজিত হইয়া
যায়, তখন সর্দার সুরত সিংহকে পঞ্জাব হইতে বারাণসীতে আনিয়া আবদ্ধ
করা হয়। পঞ্জাব ব্রিটিশ গবর্ণমেন্টের অধীন হইয়াছিল, সুরত সিংহও ব্রিটিশ
গবর্ণমেন্টের বন্দী হইয়াছিলেন। কিন্তু তিনি ইঙ্গরেজের বন্দী হইয়াও হৃদয়ের
শ্রদ্ধা হইতে অণুমাত্র বিচ্যুত হইলেন না; যখন বারাণসীর কর্তৃপক্ষ ধনা-
গার বিলুপ্তিত হইবে ভাবিয়া চিন্তিত হইতেছিলেন, এবং রজনীসমাগমে অব-
শ্যাবী বিপ্লবের ভয়াবহ চিত্র হৃদয়ে অঙ্কিত করিয়া প্রতি মুহূর্তে বিচলিত হইয়া

* কমিশনার সাহেব ইহাদের মধ্যে ছিলেন না। তিনি টাকশালে গিয়াছিলেন।

উঠিতেছিলেন, তখন এই বর্ষীয়ান শিখ সর্দার অটলসাহসে ও অতুল তেজস্বিতাসহকারে গুলিপূর্ণ বন্দুক স্বন্ধে লইয়া ইন্ধরেজদিগকে কাছারিগৃহে লইয়া গেলেন। ইন্ধরেজের প্রতি তাঁহার এইরূপ গভীর অমুরাগ ও বিশ্বাসের পরিচয় পাইয়া, ধনরক্ষক শিখ সৈনিকদিগের উত্তেজনা তিরোহিত হইল। এই ধনাগারে তাহাদের নির্ধাসিতা মহারাণী বিন্দনের মণিমুক্তা প্রভৃতি ছিল। স্বদেশের শোচনীয় অধঃপতনের বৃত্তান্ত এ সময়েও তাহাদের স্মৃতিতে জাগরুক ছিল। অপ্রাপ্তবয়স্ক দলীপ সিংহ যেরূপে পিতৃসিংহাসন হইতে বিচ্যুত হইয়াছিলেন, তেজস্বিনী মহারাণী যেরূপে পবিত্র পঞ্চনদ হইতে নিষ্কাশিত হইয়াছিলেন, তাঁহার ধনরত্নসমূহ যেরূপে কোম্পানির ধনাগারে স্থানপরিগ্রহ করিয়াছিল, তৎসমুদয়ের মর্ম্মস্পর্শী বিবরণ এ সময়েও তাহা দিগকে প্রতি মুহূর্ত্তে বিচলিত করিয়া তুলিতেছিল, ইহার উপর তাহাঃ সৈনিকনিবাসে তাহাদের স্বদেশীয়গণের শোচনীয় হত্যাকাণ্ডে অধিকত উত্তেজিত হইয়াছিল। ভয়ঙ্কর কার্যসাধনের সময়ও তাহাদিগের সময়ে উপস্থিত ছিল। তাহারা যখন ঐ কার্যে জীবন উৎসর্গ করিবার সঙ্কল্প করিতেছিল, তখন বর্ষীয়ান শিখ সর্দারের প্রশান্তভাবে তাহাদের হৃদয়ে আশান্তি দূর হইল। তাহারা কোনরূপ বিরাগের চিহ্ন না দেখাইয়া ধীরভাৱে গবর্ণমেন্টের অর্থ ও লাহোরের মণিমুক্তা প্রভৃতির রক্ষার ভার ইউরোপী দিগের হস্তে সমর্পিত করিল। কর্তৃপক্ষ এই সম্পত্তি অধিকতর নিরাপদ স্থানে লইয়া গেলেন। এইরূপ ধীরতা ও বিশ্বস্ততার জন্ত কমিশনের সাহেব পরদি প্রাতঃকালে দশ হাজার টাকা ধনরক্ষক শিখ সৈনিকদিগকে পারিতোষি দিলেন।

এই হিতৈষী ও উদারপ্রকৃতি শিখ সর্দারই কেবল উপস্থিত সঙ্কটসম হিতৈষিতা ও উদারতার পরিচয় দেন নাই। ৩৩৮ তরবারি-স্বর্ন-চিরপা আশ্রয়ভূমির অনেক ধর্ম্মনিষ্ঠ হিন্দুও এ সময়েও এই তরবারীয়া করি ছিলেন। পণ্ডিত গোকুলচাঁদ উচ্চ শ্রেণীর ব্রাহ্ম অমূল্যক বংশিনসীতে যে সঙ্কলের সম্মানভাজন ছিলেন, সেইরূপ উদারতাও ধীরতার জন্ত সকলে আদরণীয় হইয়া উঠিয়াছিলেন। গোকুল চাঁদ জজ আদালতের নারি ছিলেন, স্মৃতরাং জজ সাহেবের সহিত তাঁহার বনিষ্ঠতা ছিল। তি

রাত্রিদিন অবিচ্ছিন্ন উদ্যম ও পরিশ্রমসহকারে বিপন্ন ইউরোপীয়দিগের সহায়তা করেন। ইঙ্গরেজের সমর্থনস্বরূপ তঁাহার ত্রায় স্বজাতীয়ের উদ্ধার জন্ত উদ্যমশীলতার পরিচয় দিতে পারেন নাই। পণ্ডিত গোকুলচাঁদের প্রয়াস বিফল হয় নাই। তঁাহার অপরিসীম যত্নে বিপন্ন ইউরোপীয়েরা আগর বিপদ হইতে মুক্তিলাভ করেন। পণ্ডিত গোকুলচাঁদ ব্যতীত আর এক জন সদাশয় ধনী পুরুষ ইউরোপীয়দিগের সাহায্যার্থে অগ্রসর হইয়াছিলেন। ইহার নাম রাও দেবনারায়ণ সিংহ। ইনি গবর্ণমেণ্টের পক্ষসমর্থন জন্ত অকাতরে অর্থব্যয় করিয়াছিলেন। ইহার মহান্নভাবতায়, ইহার দয়্যায়, সর্বোপরি ইহার দূরদর্শিতায় বারাণসীর ইউরোপীয়েরা যে, কতদূর উপকৃত হইয়াছিলেন, তাহা বলিয়া শেষ করা যায় না। এক জন ইঙ্গরেজ ঐতিহাসিক (তার জন কে) স্পষ্টাক্ষরে লিখিয়াছেন যে, ইহার (দেব. নারায়ণের) কার্যের সম্বন্ধে যাহা কিছু বলা যায়, তাহার কোন কথাই অতিশয়োক্তিতে দূষিত হইতে পারে না। রাজভক্ত কর্মচারী ও সম্পত্তিশালী বিষয়ী, উভয়েই এই সঙ্কটকালে পরার্থপবতার পরিচয় দিয়া ইঙ্গরেজের প্রশংসাজনক হইয়াছিলেন। বারাণসীর মহারাজ ঈশ্বরীপ্রসাদ সিংহ এ সময়ে ইঙ্গরেজের সাহায্য করিতে উদাসীন থাকেন নাই; তিনি রাত্রিকালে নিরাশ্রয় ইউরোপীয় খ্রীষ্টধর্মপ্রচারকদিগকে আশ্রয় দিয়াছিলেন, এবং আপনার অর্থ ও অনুচরবর্গ সমস্তই, কর্তৃপক্ষের হস্তে সমর্পিত করিয়া রাজ-ভক্তির একশেষ দেখাইয়াছিলেন। পবিত্র বারাণসীর পবিত্রস্বভাব হিন্দুর সাহায্যে ইউরোপীয়েরা এইরূপে নিরাপদ হইলেন। যাহারা এই স্থান খ্রীষ্টধর্মালোকে আলোকিত করিবার জন্ত বাস করিতেছিলেন, বিধর্মীর অপরিসীম দয়াই এ সময়ে তাঁহাদিগের জীবনরক্ষার অবলম্ব হইয়াছিল। তাঁহারা হিন্দুর এইরূপ পরায়ণতা দেখিয়া বিস্মিত হইয়াছিলেন, এবং বিশ্বয়সহকারে হিন্দুর অপূর্ণ মহত্ত্বের গুণানুবাদ করিয়াছিলেন। সুরত সিংহের কার্য-তৎপরতায় কাছারিগৃহে ইঙ্গরেজেরা নিরাপদ ছিলেন, এবং টাকশালার ইউরোপীয়েরা পরিজনবর্গের সহিত অবস্থান করিতেছিলেন। রাত্রি ছুটায় সময় কতিপয় ইঙ্গরেজ কাছারি হইতে টাকশালে গমন করেন। এই স্থানে তাঁহাদের সকলকেই সর্বশেষ কষ্টভোগ করিতে হইয়াছিল। তাঁহাদের স্ত্রী,



গুল, দাস দাসী, সকলেই একস্থানে স্তূপীকৃত দ্রব্যের স্থায় রহিয়াছিল । সে সকল ইউরোপীয় এই-গৃহ রক্ষার জন্ত নিম্নতলে অবস্থিতি করিতেছিলেন, তাঁহার সকলেই দিবসের গুরুতর শ্রমে অবলম্বন হইয়া পড়িয়াছিলেন ; গৃহের অন্তর্গত গাড়ি, পাকি, ঘোড়া প্রভৃতি বিশৃঙ্খলভাবে অবস্থিত ছিল । ইউরোপীয়ের এইরূপে কষ্টে সমস্ত রাত্রি অতিবাহিত করিলেন, প্রতি মুহূর্তে তাঁহারা সম্মুখে সর্ববিধবসের বিকট চিত্র দেখিতেছিলেন, প্রতি মুহূর্তে তাঁহাদের আশঙ্কা পরিবর্তিত, হৃদয় অবসন্ন ও নিজা অন্তর্হিত হইতেছিল ; ক্রমে রাত্রি প্রভাতে হইল, তাঁহারা নিরাপদে ও অক্ষতশরীরে রহিলেন । প্রভাতসময়ে সমগ্র নগর শান্তভাবে অবলম্বন করিল । বিপন্ন ইউরোপীয়গণ এইরূপ প্রশংসা ভাবে আশ্বস্ত হইলেন । তাঁহাদের অধ্যুষিত গৃহ সকল গভীর রজনীতে গভীরতর শান্তভাবে পরিচয় দিতেছিল, তাঁহাদের বাগলা, তাঁহাদের কাছারি সমস্তই পূর্ববৎ অবস্থায় ছিল, প্রভাতে তাঁহারা দেখিলেন, নগরে কোনরূপ গোলাযোগ নাই, অধিবাসিগণ নিকটবেগে ও ধীরভাবে আপনাদের কার্য সম্পাদন করিতেছে, ইহা দেখিয়া তাঁহারাও নিঃশঙ্কচিত্তে কর্তব্যানুষ্ঠানে মনোনিবেশ করিলেন । ”

ইউরোপীয়েরা ভাবিয়াছিলেন যে, বারাণসী যেরূপ হিন্দুপ্রধান স্থান হিন্দুগণ চিরন্তন ধর্ম্মনাশের আশঙ্কায় যেরূপ উত্তেজিত হইয়া উঠিয়াছে তাহাতে এই স্থানে তাঁহাদের নিঃসন্দেহ সর্বনাশ ঘটিবে । কিন্তু তাঁহারা যাহা ভাবিয়াছিলেন, কার্যে তাহার বিপরীত ঘটিল । হিন্দুপ্রধান বারাণসী খ্রীষ্টধর্ম্ম বলবীর শোণিত-প্রবাহে কলঙ্কিত হইল না । কমিশনের সাহেব এজন্ম গবর্ণ জেনেরলের নিকট বিশ্বয়প্রকাশ করিয়া পত্র লিখিয়াছিলেন । কিন্তু ইঙ্গরে যদি হিন্দুর চরিত্র বৃদ্ধিতেন, তাহা হইলে তাঁহাদের বিশ্বয়ের অবির্ভাব হইত না । হিন্দু বিপন্নের উদ্ধারে উদাসীন নহে, রাজভক্ত প্রজার ধর্ম্মপালনে কাতর নহে, এবং প্রতিহিংসার পরিতর্পণ জন্ত দয়াধর্ম্মে জলাঞ্জলি দিতে অগ্রসর নহে । ঘোরতর উত্তেজনার সময়েও মেহ ও প্রীতির সম্মোহন ভাঙ্গিলে, হিন্দু আপনা হইতেই তাহার নিকট আনত হয় । ইঙ্গরেজ তাহাকে বিধর্ম্মী ও বিজাতি ভাবিয়া আপনাদের শত্রুর শ্রেণীতে নিবেশিত করিতে পারেন, সর্বদা তাহার আক্রমণের ভয়ে আত্মহারা হইতে পারেন, কি

হিন্দু বিপদের সময়ে তাঁহার প্রতাপকারে উদাসীন নহে। ইঙ্গরেজ যদি হিন্দুর জাতীয় চরিত্রে অভিজ্ঞতা লাভ করিতে পারিতেন, তাহা হইলে এই বিপ্লব সর্বব্যাপী হইয়া ভয়ঙ্কর কাণ্ডের উৎপত্তি করিত না, এবং ভারতের এক প্রান্ত হইতে আর এক প্রান্ত পর্য্যন্ত গভীর আশঙ্কার বিকট ছায়াও প্রসারিত হইত না, ইঙ্গরেজ যে স্থলে হিন্দুর প্রতি স্নেহ ও প্রীতি দেখাইয়াছেন, সেই স্থলেই হিন্দু তাঁহার জন্ত আত্মপ্রাণ উৎসর্গ করিয়াছে। ইঙ্গরেজ ইহা না বুঝিয়া অশুভক্ষণে তরবারির আশ্রয় গ্রহণ করিয়াছিলেন, এবং সমবেদনা, দদাশরতা ও স্নেহীলতা, সমস্তই দূরীভূত করিয়া কঠোরভাবে কঠোরতর শাসনদণ্ডের পরিচালনার সহিত আত্মপ্রাধান্তরক্ষায় উদ্যত হইয়াছিলেন। তাঁহাদের এই কঠোর নীতিও পরিণামে অমৃতের বিনিময়ে গরলধারা উদ্দীর্ণ করিয়াছিল।

হিন্দুদের নিদর্শনভূমি বারাণসী হিন্দুর চিরপ্রসিদ্ধ প্রশান্ত্যভাবের পরিচয় দিল। ইঙ্গরেজ আপনাদিগকে নিরাপদ মনে করিলেন। কিন্তু ইহাতে ইঙ্গরেজের ক্রোধের শাস্তি হইল না, এবং বলবতী প্রতিহিংসারও বিলয় দেখা গেল না। সিপাহীদিগের উত্তেজনায় বারাণসীর ইঙ্গরেজেরা এক সময়ে আপনাদিগকে প্রণষ্টসর্বস্ব মনে করিয়াছিলেন; সেই উত্তেজিত সিপাহীদিগের মনেকে নিহত ও অনেকে ইতস্ততঃ পলায়িত হইয়াছিল, ইঙ্গরেজ এখন নিরাপদ হইয়া, বারাণসীবিভাগের অধিবাসীদিগের সর্বনাশে উদ্যত হইলেন। ৯ই জুন এই বিভাগে সামরিক আইন প্রচারিত হইল। সৈনিক কর্মচারিগণ উপস্থিত আইনের বলে অবাধে সংহারকার্য সম্পন্ন করিতে লাগিলেন। পল্লীতে পল্লীতে বেত্রাঘাত, ফাঁসী কিছুই বাকী রহিল না। ছোট বড়, সকলেই ক্ষিপ্ত শৃগাল বা কুকুর অথবা বিষাক্ত সর্পের স্থায় নির্দয়তাসহকারে নিহত হইতে লাগিল। ইউরোপীয়গণ উত্তেজিত লোকের যাক্রমণভয়ে যে রাত্রিতে কাছারিগৃহ ও টাকশালায় আশ্রয়গ্রহণ করেন, সেই রাত্রি প্রভাত হইলে তাঁহারা দেখিলেন, সারি সারি ফাঁসিকাঠ সকল ঝাঞ্জন রহিয়াছে। প্রতিদিনই এই সকল ফাঁসিকাঠে অনেকের প্রাণবায়ুর দবদান হইতেছে। এক জন খ্রীষ্টধর্ম প্রচারক লিখিয়াছেন যে, কোমলপ্রাণী ইঙ্গরেজ মহিলারাও হতভাগ্যদিগের হত্যাকাণ্ডে সন্তোষ প্রকাশ করিতে ক্রটি

করেন নাই*। এই সময়ে বারাণসীর অধিবাসীরা ইউরোপীয় সৈনিকদিগকে মানবাকারের দুর্দান্ত অস্ত্র বলিয়া মনে করিয়াছিল। এই অস্ত্রদিগের হস্তে কেহই পরিত্রাণ পায় নাই, ইহারা যাহাকে ধরিয়াছে তাহারই জীবন বিনষ্ট হইয়াছে। অনেকে উপস্থিত হত্যাকাণ্ড সেনাপতি নীলের অনুমোদিত ও অনুষ্ঠিত বলিয়া নির্দেশ করিয়াছেন।

এই সময়ে কয়েকটি বালক ক্রীড়াকৌতুকচ্ছলে বিপক্ষ সিপাহীদিগের পতাকা উড়াইয়া ও টম্ টম্ বাজাইয়া যাইতেছিল, এই অপরাধে শৈনিক বিচারালয়ে ইহাদের বিচার হয়। একজন বিচারক কোমলপ্রাণ বালকদিগের কাহরতা দেখিয়া অশ্রুসংবরণ করিতে পারিলেন না। বিচারে বালকদিগের মৃত্যুদণ্ড হইল। উক্ত দম্যর্দ্র বিচারক এই অসহায়, বিপন্ন ও সর্বাংশে শিরীহস্তাব শিশুদিগের প্রতি করুণাপ্রদর্শন করিতে প্রদান সেনাপতিকে অশ্রুপূর্ণনয়নে অনুরোধ কবিলেন। কিন্তু তাঁহার অনুরোধ রক্ষিত হইল না। কোমলমতি বালকেরা প্রাণের দায়ে উচ্চৈঃস্বরে রোদন করিতে লাগিল, তাহাদের করুণ রোদনধ্বনিতে বিচারকদিগের পাষাণ-হৃদয় দ্রবীভূত হইল না। বারাণসীর কঠোরপ্রকৃতি সেনাপতি সর্বসংহারক মহাকালের ত্রায়, অবিচলিতভাবে সর্বসংহারকার্যের অনুমোদন করিতে লাগিলেন। এই বিশ্বংসব্যাপারে জ্ঞানদের অভাব হইল না, অনেকে নিজের ইচ্ছায় জ্ঞানদের কার্যভার গ্রহণ করিল, এবং নগরের পার্শ্ববর্তী লোকালয়ে গমন করিয়া অধিবাসীদিগকে ফাঁসীকাণ্ডে বুলাইতে লাগিল। এক ব্যক্তি এই কার্যে কিরূপ নৈপুণ্য দেখাইয়াছিল, তৎসম্বন্ধে গর্ব করিয়া বলিয়াছিল, আশ্রয়স্থল সকল ফাঁসিকাণ্ড স্বরূপ করা হইয়াছিল। অপরাধীদিগকে হাতীর উপর চড়াইয়া তাহাদের গলদেশে ফাঁস দেওয়া হইয়াছিল। বারাণসীর ৩০ মাইল দূরে কতকগুলি বিপক্ষ সিপাহী অবস্থিত করিতেছে,

* Rev. James Kennedy. *Empire in India*. Vol. II. p. 288.

† কে সাহেব লিখিয়াছেন উপস্থিত ঘটনার ৪৫ দিন পরে সেনাপতি নীল বারাণসী হইতে যাত্রা করেন। এজন্য এই সমস্ত হত্যাকাণ্ড ও তাঁহার অনুমোদিত হইতে পারে না। *Keye, Sepoy War*. vol. II. p. 236. কিন্তু হল্‌মস সাহেব হত্যাকাণ্ডে সেনাপতি নীলকেই দায়ী করিয়াছেন। *Holmes, Indian Mutiny*, p. 223

বারাণসীর কর্তৃপক্ষ ২২ শে জুন এই সংবাদ প্রাপ্ত করেন। ২৭ শে জুন ২৪০ জন ইউরোপীয় সৈন্য ও কতিপয় শিখ তাহাদের বিরুদ্ধে প্রেরিত হয়। ইহাদের আগমনে সিপাহীরা ইতস্ততঃ ধাবিত হইতে থাকে। অনেকে নিহত হয়, অনেকে ধৃত হইয়া উল্লিখিতরূপে ফাঁসিকাঠে ঝুলিতে থাকে। ইউরোপীয় সৈনিকেরা ক্রোধের আবেগে ও প্রতিহিংসার উত্তেজনায়, নিরতিশয় নির্দয়ভাবে কুড়িটি পল্লী দগ্ধ করিয়া জনশূন্য মহাপ্রান্তরে পরিণত করে। একজন তরুণবয়স্ক ইঙ্গরেজ এই সৈনিকশ্রেণীতে ছিলেন। বয়সের নবীনতায় তাঁহার কল্পনা যেমন নবীনভাবে পূর্ণ ছিল, হৃদয়ের বৃত্তি সকলও সেইরূপ নবীনতর হইয়া উঠিয়াছিল। তিনি যে কঠোর মস্ত্রে দীক্ষিত হইয়া ছিলেন এবং যে কঠোর কার্যসাধনে প্রতিজ্ঞা করিয়াছিলেন, সেই মস্ত্রে অটল ও সেই কার্যসাধনে অবিচলিত থাকিলেও হৃদয়ের কোমলতর নবীন বৃত্তিগুলিতে একবারে জলাঞ্জলি দেন নাই। নবীন ভাবে বিভোর ও নবীনতর কোমল বৃত্তিতে উত্তেজিত হইয়া, সৈনিক যুবক উক্ত পল্লীদাহের এইরূপ হৃদয়স্পর্শিনী বর্ণনা করিয়াছেন :—

“আমরা ৮ দিন ও ৯ বাত্ৰিতে ৪২১ মাইল অতিক্রম করিয়া ২৫ শে জুন বারাণসীতে উপনীত হইলাম। ২৭ শে জুন সন্ধ্যাকালে আমাদের দলের ২৪০ জন সৈনিক (ইহাদের মধ্যে আমি একজন) ১১০ শিখ ও ২০ জন সওয়ার বারাণসী হইতে যাত্রা করিল। সওয়ারগণব্যতীত আমরা সকলে গোরুর গাড়ীতে যাইতে লাগিলাম। পরদিন বেলা ৩টার সময় আমরা ৩ দলে বিভক্ত হইয়া পল্লীসমূহে অপরাধীদিগের অন্বেষণে প্রবৃত্ত হইলাম। আমি যে দলে ছিলাম, সেই দল একটি পল্লীতে উপস্থিত হইল, পল্লীবাসীরা পল্লী ছাড়িয়া গিয়াছিল। আমরা উক্ত পল্লীতে আগুন লাগাইলাম, পল্লী ভস্মীভূত হইয়া গেল। যখন আমরা ফিরিয়া আসিতেছিলাম, তখন এক ব্যক্তি আমাদের সম্মুখে আসিল এবং কহিল, যে দুই মাইল দূরবর্তী একটি পল্লী তাহাদের দলস্থ লোকে পূর্ণ রহিয়াছে, ঐ সকল লোক যুদ্ধার্থ সজ্জিত আছে। আমরা দৌড়িয়া তাহাদের নিকটে গেলাম। আমরা যখন তাহাদের নিকট হইতে ৬০০ শত হস্ত দূরে উপস্থিত হইয়াছিলাম, তখন তাহারা দৌড়িতে লাগিল। আমরা তাহাদের উপর বন্দুক ছুড়িতে লাগিলাম, এবং তাহাদের ৮ জনকে

শুলির অঘাতে ভূতলশায়ী করিলাম। আমরা পল্লীর অভিমুখে অগ্রসর হইতে ছিলাম, এমন সময়ে এক ব্যক্তি সম্মুখপদে আমাদের নিকট উপস্থিত হইল, এবং হাত তুলিয়া আমাদের অফিসারকে সেলাম করিল। আমরা তাহাকে সিপাহী বলিয়া আনন্দধ্বনি করিয়া উঠিলাম, এবং তৎক্ষণাৎ তাহাকে অবরুদ্ধ করিলাম। সেই ব্যক্তি ও আর ২০ জন আমাদের বন্দী হইল। আমরা পথস্থিত গোরুর গাড়ীর নিকট ফিরিয়া আসিলাম। একটি প্রাচীন লোক আমাদের নিকট আসিয়া, আমরা যে গ্রাম দক্ষ করিয়াছিলাম, ত্বাহার ক্ষতিপূরণ স্বরূপ টাকা চাহিল। আমাদের সহিত একজন মাজিষ্ট্রেট ছিলেন। তিনি জানিতে পারিলেন যে, এই বৃদ্ধ, গ্রামে ছুর্বৃত্তদিগকে আশ্রয় দিয়া খাদ্য সামগ্রী ও অস্ত্রশস্ত্রসংগ্রহ করিয়া দিয়াছিল। এই বিষয়ের বিচার করিতে ৫ মিনিট মাত্র সময় লাগিল। পূর্বোক্ত সিপাহী ও এই অর্থপ্রার্থী বৃদ্ধ ব্যক্তিকে পথের পার্শ্বে লইয়া যাওয়া হইল, সেই স্থানের একটি বৃক্ষের শাখায় উভয়কেই ফাঁসী দেওয়া হইল; আমরা সমস্ত রাত্রি সেই পথে রহিলাম, ঐ দুই ব্যক্তির শব্দ আমাদের পার্শ্বে বৃক্ষশাখায় বিলম্বিত রহিল। পরদিন প্রাতঃকালে আমরা উখিত হইয়া, প্রান্তর দিয়া, কয়েক মাইল গমন করিলাম। এই সময়ে প্রবলবেগে বৃষ্টিপাত হইতে লাগিল, আমরা আর একটি গ্রামে গমন করিলাম, এবং উহাতে আশ্রয় লাগাইয়া গন্তব্য পথে ফিরিয়া আসিলাম। এই সময়ের মধ্যে অত্যন্ত দলও নিক্ষেপ ছিল না, তাহারাও আমাদের দ্বারা এই সকল কার্য্য করিতেছিল; যখন আমরা ফিরিয়া আসিলাম, তখন জলধারা আমাদের শিরোদেশ হইতে পদতল দিয়া প্রবলবেগে প্রবাহিত হইতে লাগিল। আমরা ৮০ জনকে বন্দী করিয়াছিলাম, ৬ জনকে সেই দিন ফাঁসী দেওয়া হইল। ৬০ জনের বেত্রাঘাত দণ্ড হইল। ইহার পর মাজিষ্ট্রেট ঘোষণা করিলেন, অপরাধীদের প্রধান ব্যক্তিকে যে ধরিয়া দিতে পারিবে, তাহাকে ২০০০ টাকা পারিতোষিক দেওয়া বাইবে। আমরা সেই রাত্রিতে পথে শুইয়া রহিলাম। আমাদের পার্শ্বে উক্ত দুই ব্যক্তি ফাঁসীরজ্জুতে বিলম্বিত রহিল। পরদিন অপরাহ্ন ৫ টার সময় ভেরীধ্বনি দ্বারা অভিযানের সঙ্কেত করা হইল। এই সময়ে প্রবলবেগে বৃষ্টিপাত হইতেছিল, আমরা এক হাঁটু জল ও কান্দা ভাজিয়া অগ্রসর

হইতে লাগিলাম। এইরূপে এক গ্রামে উপস্থিত হইয়া, আগুন দিলাম। এই সময়ে সূর্য্যোদয় হইল, আমাদের আর্দ্র বস্ত্রাদি বিগুহ হইয়া উঠিল, কিন্তু পরক্ষণেই আবার ঘর্মে বস্ত্রাদি আর্দ্র হইয়া গেল। আমরা একটি বড় পল্লীতে আসিলাম। ঐ পল্লী লোকপূর্ণ ছিল; আমরা গ্রামের ২০০ জনকে অবরুদ্ধ করিয়া উহাতে আগুন দিলাম। আমি গ্রামমধ্যে প্রবিষ্ট হইলাম, উহার চারিদিকই অগ্নিশিখার পরিব্যাপ্ত হইয়াছিল। আমি দেখিলাম, একটি বুদ্ধ শয্যা হইতে হামাগুড়ি দিয়া বাহির হইবার চেষ্টা করিতেছে, তাহার হাঁটবার সামর্থ্য ছিল না, খাটিবাথানি লইয়া যাইতেও সে নিরতিশয় অশক্ত ছিল। আমি তাহাকে গ্রামের বাহিরে আসিতে আদেশ করিলাম এবং চতুর্দিকব্যাপী অগ্নিশিখা দেখাইয়া কহিলাম, যদি সে আমার আদেশানুসারে কার্য্য না করে, তাহা হইলে অবিলম্বে ভস্মীভূত হইয়া যাইবে। আমি খাটিয়াসমেত ঐ বুদ্ধকে টানিয়া বাহির করিলাম। ইহার পর ঘুরিয়া একটি গলির মোড়ে আসিলাম। অগ্নিশিখা ও ধূমরাশি ব্যতীত আর কিছুই আমার দৃষ্টিপথবর্ত্তী হইল না। আমি কোন্ পথ অবলম্বন করিব, বিবেচনা করিবার জ্ঞান মুহূর্ত্তকাল তথায় দাঁড়াইলাম। আমি যখন ইতস্ততঃ দৃষ্টিসঞ্চালন করিতেছিলাম, তখন অগ্নির তেজে এক খানি গৃহের দেওয়াল ভাঙ্গিয়া পড়িল, আমি সন্নিহনে দেখিলাম প্রায় চারি বৎসরবয়স্ক একটি বালক গৃহদ্বারের দিকে আসিতেছে, আমি পূর্বেকৃত বুদ্ধ ব্যক্তিকে পথ দেখাইয়া কহিলাম, যদি সে না যায়, তাহা হইলে তাহাকে গুলি করা হইবে। ইহা কহিয়াই যে গৃহে বালকটি ছিল, সেইদিকে ছুটিয়া গেলাম। গৃহদ্বার সেই সময়ে অগ্নিশিখায় আচ্ছন্ন হইয়াছিল। আমি নিজের জ্ঞান ভাবিলাম না, কেবল ঐ নিরুপায় শিশুটিই আমার ভাবনার বিষয়ীভূত হইল। আমি ছুটিয়া দ্বারে প্রবিষ্ট হইয়া দেখিলাম, ভিতরে একটি ছোট উঠান আছে। উঠানের চারি পার্শ্বের সকল গৃহ আগুন লাগিয়াছে। পূর্বেকৃত নিরুপায় শিশুটি ব্যতীত তথায় আট হইতে দুই বৎসর বয়সের আরও ছয়টি শিশু দেখিতে পাইলাম, এতদ্ব্যতীত একটি অতি প্রাচীন ব্যক্তি ও প্রাচীনা স্ত্রীলোক ছিল। ইহারাও অপরের সাহায্যব্যতিরেকে হাঁটিতে পারিত না। একটি বিংশতিবর্ষীয়া যুবতী একটি শিশুকে বুকে জড়াইয়া

রাখিয়াছিল। আমার দৃঢ় বিশ্বাস, শিশুটি ৫৬ বর্ষ পূর্বে জন্মগ্রহণ করিয়াছিল। প্রসূতিও প্রবল জরে অভিভূত হইয়া পড়িয়াছিল, আমি দাঁড়াইয়া দেখিতে লাগিলাম; কিন্তু তখন দেখিবার সময় ছিল না। আমি শিশুদিগকে বাহির করিবার চেষ্টা করিলাম, কিন্তু তাহারা কেবল আমার সঙ্গে যাইতে সম্মত হইল না। আমি সদ্যোজাত শিশুটিকে লইলাম। প্রসূতি শিশুটিকে লইবার ইচ্ছা প্রকাশ করাতে আমি পুনরায় তাহার কোলে দিলাম। আমি প্রসূতি ও তাহার সদ্যোজাত সন্তানকে বাহ্যিক জড়াইয়া লইয়া যাইতে উদ্যত হইলাম। শিশুরা প্রাচীন ও প্রাচীনাদিগকে ধরিয়া লইয়া গেল। উহারা আমার অনুসরণ করিবে জানিয়া, আমি আগে আগে যাইতে লাগিলাম; উহারা আমার পশ্চাৎ পশ্চাৎ যাইতে লাগিল। অগ্নিশিখায় চারিদিক পরিব্যাপ্ত হইয়াছিল। আমি এমন স্থানে আসিয়া পড়িলাম যে, সে স্থান হইতে কিছুই দৃষ্টিগোচর হইল না। আমি শিশুদিগকে আমার অনুসরণ করিতে কহিয়া কোনরূপ বিলম্ব না মানিয়া অগ্রসর হইতে লাগিলাম। অনেক কষ্টে সকলকেই নিরাপদে বাহির করিলাম। * * * যে কাপড়ে তাহাদের দেহের অর্দ্ধভাগও আবৃত ছিল না, অগ্নির মধ্যে দিয়া আসিবার সময়ে তাহাও স্থানে স্থানে পুড়িয়া গেল; আমি তাহাদিগকে অদূরবর্তী ক্ষেত্রে রাখিয়া স্থানান্তরে গমন করিলাম। কিছু দূর যাইয়া দেখিলাম, একটি প্রাচীনা বাহির হইবার চেষ্টা করিতেছে, তাহার হাঁটুবার শক্তি ছিল না, কেবল হস্ত ও পদের উপর নির্ভর করিয়া যাইতে পারিত। আমি তাহার নিকট উপস্থিত হইয়া, তাহাকে বাহিরে আনিতে চাহিলাম; কিন্তু সে আমার সাহায্য লইতে সম্মত হইল না। তাহার সহিত বিতণ্ডা করা অনাবশ্যক ভাবিয়া তাহাকে ধরিয়া বাহিরে আনিলাম। অনন্তর আর এক স্থানে যাইয়া একটি ক্রীলোক দেখিতে পাইলাম; তাহার বয়স প্রায় ২২ বৎসর। যুবতী একটি আসন্নমৃত্যু ব্যক্তির পার্শ্বে বসিয়াছিল, এবং সরবত দ্বারা তাহার বিগুণ মুখ স্নিক্ত করিতেছিল। অগ্নি প্রবলবেগে অগ্রসর হইতেছিল; উহার জ্বালাময়ী শিখা, সমস্তই ঢাকিয়া ফেলিতেছিল। মৃত্যুশয্যাশায়ী ব্যক্তির অদূরে চারিটি নারী আমার দৃষ্টিগোচর হইল, আমি দৌড়িয়া তাহাদের নিকটে গেলাম এবং তাহাদিগকে ঐ পীড়িত ব্যক্তি

ও যুবতীর সাহায্য করিতে বলিলাম । কিন্তু তাহারা আপনাদের কার্য্য করাই আবশ্যক মনে করিল ; আমি সঙ্গীন বাহির করিয়া তাহাদিগকে কহিলাম, যদি তাহারা আমার আদেশপালন না করে, তাহা হইলে তাহাদিগকে বধ করা হইবে । তাহারা আমার সহিত আসিল এবং ঐ মৃত্যুদশাগ্রস্ত ব্যক্তি ও যুবতীকে বাহিরে আনিল । আমি তাহাদিগকে ছাড়িয়া অন্ত্র গমন করিলাম । অগ্নিশিখা গগনস্পর্শী হইয়াছিল, আমি গ্রামের আর এক স্থানে যাইয়া ১৪০টি স্ত্রীলোক ও প্রায় ৬০টি শিশু সন্তান দেখিতে পাইলাম । সকলেই কিংকর্তব্যবিমূঢ় হইয়া বিলাপ ও পরিতাপ করিতেছিল । আমি এই পরিবারের যে প্রাচীন স্ত্রীলোকটিকে বাহিরে আনিয়াছিলাম, সে আমার নিকট আসিয়া সকলের বিমুক্তির জন্ত যথোচিত কৃতজ্ঞতা প্রকাশ করিতে লাগিল । আমি থাইবার জন্ত যে কিছুট পাইয়াছিলাম, তাহা হইতে কয়েকখানি তাহাদিগকে দিলাম, কিন্তু তাহারা উহা গ্রহণ করিল না, কহিল, উহা লইলে তাহাদের জাতি নষ্ট হইবে । এই সময়ে ভেরীধ্বনি দ্বারা সকলকে একত্র হইবার সঙ্কেত করা হইল । আমি ফিরিয়া গেলাম । মহিলারা, তাহাদের পরমাত্মীয় স্নেহভাজনের প্রতি বেরূপ আশীর্বাদ করিয়া থাকে, আমাকে সেইরূপ আশীর্বাদ করিতে লাগিল । * * * আমরা বন্দীদিগের দশজনকে ফাঁসী দিলাম । প্রায় ষাটজনকে প্রতি বেত্রাঘাত দও হইল । সেই রাত্রিতে আমরা আর একটি পল্লী ভস্মীভূত করিয়া ফেলিলাম । বন্দীগণ যেরূপ দৃঢ়তাসহকারে ও প্রশান্তভাবে আত্মকাননে আত্মবিসর্জন করিতে লাগিল, তাহা দেখিলে বিস্মিত হইতে হয় । ফাঁসীর রজ্জু ছিন্ন হওয়াতে একজন পড়িয়া গেল । মুহূর্ত্তমধ্যে সে আবার উঠিয়া চারিদিকে চাহিয়া দেখিতে লাগিল । তাহাকে পুনর্বার ফাঁসী দেওয়া হইল । সকলের ফাঁসী হইলে অপরপর বন্দীদিগকে সেই দৃশ্য দেখাইবার জন্ত সেই স্থানে আনা হইল । * * * ৬ই জুলাই আমাদের ২০০০ দুই হাজার যুদ্ধোন্মুখ লোকের বিরুদ্ধে যাইতে হয় । আমাদের দলে ১৮০ জন সৈনিক ছিল । বিপক্ষেরা তিন শ্রেণীতে বিভক্ত হইয়া আমাদের গতিরোধের জন্ত দাড়াইয়াছিল । আমরা প্রবলবেগে অগ্রসর হইলে তাহারা পলায়ন করিল । আমরা তাহাদের

অধ্যুষিত পল্লীতে অগ্নি দিয়া উহার চারিদিক পরিবেষ্টিত করিলাম। তাহারা যেমন অগ্নিশিখা হইতে মুক্ত হইবার জন্ত বাহির হইতে লাগিল, আমরা অমনি তাহাদের প্রতি গুলিনিষ্ক্ষেপ করিতে লাগিলাম। তাহাদের আঠার জন আমাদের বন্দী হইল। একসঙ্গে সকলের বিচার হইয়া গেল। * * * আমরা গুলি করিয়া তাহাদিগকে সেই স্থলে বধ করিলাম। আমরা এই বিভাগে পাঁচ শত লোককে এইরূপে নিহত করিয়াছিলাম*।”

বারাণসী বিভাগে এইরূপে অবোধে পল্লীদাহ ও নরহত্যা হইল। উদ্ভেজিত সিপাহীরা বারাণসীর কারাগার আক্রমণ করে নাই, এবং তথাকার কয়েদীদিগকেও বিমুক্ত করিয়া নগর উচ্ছ্রল ও অশান্তিময় করিয়া তুলে নাই। কয়েদীরা কারাগারে পূর্ববৎ অবস্থিতি করিতেছিল। বারাণসীর কর্তৃপক্ষ যখন বহুসংখ্যক ব্যক্তিকে বিপক্ষতাচরণের অপরাধে বন্দী করিলেন, তখন কয়েদীপূর্ণ কারাগারে তাহাদের সমাবেশ হইল না। তাহারা ঐ সকল বন্দীকে আবদ্ধ করিয়া রাখিবার স্থান পাইলেন না, প্রতিমুহূর্তে তাহাদের বিচারকার্য শেষ হইতে লাগিল। প্রতি মুহূর্তেই অনেকে ফাঁসীকাঠে বিলম্বিত হইল, অনেকে কঠোর বেত্রাঘাতে নিপীড়িত ও নির্জীব হইয়া পড়িল। কিন্তু এইরূপ কঠোরতায়ও বিপ্লবের গতিরোধ হইল না। সিপাহীদিগের উদ্ভেজনাৎ দেখিতে দেখিতে জৌনপুর ও এলাহাবাদে ভয়ঙ্কর ঘটনার আকির্ভাব হইল।

জৌনপুর বারাণসীর ৩৫ মাইল উত্তরপশ্চিমে অবস্থিত। ইহার প্রান্ত-ভাগ দিয়া গোমতী নদী প্রবাহিত হইতেছে। ১৭৭৫ খ্রীঃ অব্দে জৌনপুর ব্রিটিশ কোম্পানির অধিকৃত হইল। সেই সময় হইতে ইঙ্গরেজেরা এই স্থানে আপনাদের প্রাধান্য বদ্ধমূল করেন। জৌনপুরে একটি প্রকাণ্ড প্রস্তরময় দুর্গ ছিল। এই দুর্গে কয়েদীগণ অবরুদ্ধ থাকিত। নগরের পূর্বদিকে সৈনিক নিবাস ছিল। উপস্থিত সময়ে লুধিয়ানায় ১৬৯ জন শিখ সৈন্য সৈনিকনিবাসে অবস্থিতি করিতেছিল। মরানামক একজনমাত্র ইউরোপীয় অফিসর এই সৈনিকদলে অধ্যক্ষতা করিতেন।

* এই পত্র বিপ্লবের টাইমস্‌নামক প্রসিদ্ধ সংবাদপত্রে প্রকাশিত হইল।

৪ঠা জুন বারাণসীর ৩৭ গণিত সিপাহীদিগের জায় শিখ সৈনিকেরাও কর্তৃপক্ষের বিরাপভাজন হইয়াছিল। সেনাপতি যদি এই সময়ে ধীরতার বশবর্তী হইতেন, এবং সন্ধিবেচনাসহকারে কার্য্য করিতেন, তাহা হইলে শিখেরা ইউরোপীয়দিগের শোণিতপাতে অগ্রসর হইত না। একজনের উত্তেজনার পরিচয় পাইয়া, দলস্থ সকলকে উত্তেজিত বলিয়া সিদ্ধান্ত করা উচিত নহে। বারাণসীর কাওয়ার্জের ক্ষেত্রে যখন এক জন শিখ সৈনিক আপনাদের অধিনায়ককে গুলি করিল, তখন সেই দলের বিশ্বস্ত হাবিলদার চূড়া সিংহ আপনার জীবন সঙ্গটাপন্ন করিয়াও স্বীয় বাহু দ্বারা সেই গুলির আঘাত হইতে অধিনায়ককে রক্ষা করিতে যত্নশীল হইল। প্রভুভক্ত হাবিলদারের বাহুতে গুলি প্রবিষ্ট হইল, তাহাদের অধিনায়ক নিরাপদ হইলেন; অপরাপর শিখ সৈন্য ধীরভাবে ইহা চাহিয়া দেখিল। আর কেহই উত্তেজনার চিহ্ন দেখাইল না, এবং কেহই আপনাদের বন্দুক সজ্জিত করিয়া ইউরোপীয়দিগের প্রতি গুলিনিষ্ক্ষেপ করিল না। যদি এই সময়ে অধিনায়কগণ সমগ্র শিখ সৈন্যের বিশ্বস্ততার উপর সন্দিহান না হইতেন, একজনকে উত্তেজিত দেখিয়াই যদি সমগ্র দলকে আপনাদের বিপক্ষশ্রেণীতে সমাবেশিত না করিতেন এবং যদি ধীরভাবে ঐ সৈনিকদলকে কর্তব্যকার্য্যসম্পাদনে মনোযোগী হইতে উপদেশ দিতেন, তাহা হইলে শিখসৈন্য বিদ্রোহবুদ্ধিতে পরিচালিত হইয়া ফিরঙ্গীর শোণিতে আপনাদের হস্ত কলঙ্কিত করিত না। কিন্তু সে সময়ে এরূপ ধীরতা প্রদর্শিত হয় নাই। সেনাপতিদিগের বিচারদোষে বাঙ্গালার সিপাহীদিগের জায়, শিখ সৈন্যদিগেরও বিশ্বাস হইয়াছিল যে, কোম্পানি চারতাবর্ষের সমগ্র জাতিকে অবিশ্বস্ত বলিয়া মনে করিয়াছেন, এবং সকলকেই একবিধ দণ্ড দিতে বদ্ধপরিকর হইয়াছেন।

বারাণসীতে যাহা ঘটিয়াছিল, তাহার আল্পপূর্ণিক বিবরণ যদি জোনপুরের ইউরোপীয় সেনাপতির নিকট যথাসময়ে উপস্থিত হইত, তাহা হইলে সেনাপতি তজ্জাত শিখসৈন্যদিগকে সমস্ত কথা বুঝাইয়া শান্তভাবে রাখিবার চেষ্টা করিতে পারিতেন। কিন্তু সে সময়ে বিশিষ্ট স্বত্বতাসহকারে এক সৈনিকনিবাস হইতে আর এক সৈনিকনিবাসে সংবাদ প্রেরিত হইত না। দিকে বাজার গুজবসকল যেন বাতাসের উপর ভর করিয়া, চারিদিকে

ছড়াইয়া পড়িত। এক সেনানিবাসের সেনাপতি অপর সেনানিবাসের বিবরণ জানিয়া সাবধান হইতে না হইতেই তাঁহার অধীন সৈন্তগণ বাজারগুজব শুনিয়া অধীর ও অশান্ত হইয়া উঠিত। ৪ঠা জুন জৌনপুরে গুজব উঠিল যে, আজিমগড়ের সৈন্তগণ কোম্পানির বিপক্ষ হইয়া উঠিয়াছে। তৎপরদিন বারাণসীর ৩৭ গণিত সিপাহীসৈন্তদলের কথা জৌনপুরবাসীরা জানিতে পারিল। জৌনপুরের শিখসৈনিকেরা এ সংবাদে কোনরূপ অধীরতা প্রকাশ করিল না। তাহারা সেই পলায়িত ও ইতস্ততঃ ধাবিত সিপাহীদিগের আক্রমণ হইতে জৌনপুরের ইউরোপীয়দিগকে রক্ষা করিতে সজ্জিত হইয়া রহিল।

ইউরোপীয় ও ফিরঙ্গীগণ, উক্ত সিপাহীদিগের ভয়ে, কাছারিগৃহে আশ্রয় লইল। শিখসৈনিকেরা অস্ত্র পরিগ্রহ পূর্বক তাহাদের সম্মুখভাগে সজ্জিত থাকিল। বেলা প্রায় দেড় প্রহরের সময় সংবাদ আসিল যে ৩৭ গণিত সিপাহীরা নিকটবর্তী কুঠী লুণ্ঠ করিয়া লক্ষৌ নগরের অভিমুখে প্রস্থান করিয়াছে। জৌনপুরের ইউরোপীয়গণ এই সংবাদে আশঙ্কিত হইয়া ভোজনের আয়োজন করিতে লাগিল। কিন্তু বিপদ অন্তর্হিত হইল না, জৌনপুরের শিখসৈন্ত ৩৭গণিত সিপাহীদিগের পলায়নসংবাদে সঙ্কে সবে যখন তাহাদিগের স্বদেশীয় শিখদিগের নিদারুণ হত্যাকাণ্ডের বিবরণ অবগত হইল, তখন তাহারা স্থির থাকিতে পারিল না। ইউরোপীয়দিগের হস্তে বারাণসীর শিখদিগের নিধনের সংবাদে তাহাদের দৃঢ় বিশ্বাস হইল যে, কোম্পানি হিন্দু ও মুসলমান, শিখ ও পুরুষিয়া, সকল সৈনিক পুরুষকেই সমুদ্রে বিধ্বস্ত করিতে কৃতসঙ্কল্প হইয়াছেন। এই বিশ্বাস ক্রমে গভীর হইয়া তাহাদের হৃদয়ে গভীরতর মনোবেদনার সঞ্চার করিল। তাহারা আর স্থির থাকিতে না পারিয়া যে অস্ত্রে ইউরোপীয়দিগকে নিরাপদ করিবার সঙ্কল্প করিয়াছিল, সেই অস্ত্রেই তাহাদের শোণিতপাতে উদ্যত হইল।

সেনানায়ক মরা যখন কাছারির বারাণ্ডায় দণ্ডায়মান ছিলেন, তখন সহস্র বন্দুকের শব্দ হইল। বারণ্ডাস্থিত আর এক জন ইউরোপীয়, এই শব্দে চমকিত হইয়া, চাহিয়া দেখিলেন, সেনানায়ক বারণ্ডায় পড়িয়াগিয়াছেন। তাঁহার দেহ হইতে রুধিরস্রোত প্রবাহিত হইতেছে; বন্দুকের গুলি তদীয় বক্ষঃস্থলে প্রবিষ্ট হইয়াছে। শিখ সৈন্তের নিক্ষিপ্ত গুলিতেই যে, সেনানায়ক

সাংঘাতিক রূপে আহত হইয়াছেন, ইহা ইউরোপীয়েরা স্পষ্ট বৃত্তিতে পারিলেন, সুতরাং তাঁহারা শশব্যস্তে গৃহাভ্যন্তরে প্রবিষ্ট হইলেন। সর্দসংহারক কালের বিকট ছায়া এখন তাঁহাদের সম্মুখে প্রসারিত হইল। তাঁহারা এই ভয়ঙ্করী ছায়ায় হতবুদ্ধি হইয়া প্রতিকর্ণেই আপনাদের প্রাণনাশ হইল বলিয়া, ভয়ে অভিভূত হইলেন, এবং কেহ কেহ অন্তিমসময়ে অন্ত্যর্য়ামী ভগবানের নিকটে কুশলপ্রার্থনা করিতে লাগিলেন।

এদিকে জোনপুরের জয়েন্ট মাজিষ্ট্রেট সাহেব কারাগৃহে যাইবার পথে নিহত হইলেন। উত্তেজিত শিখসৈন্য অতঃপর ধনাগারবিলুপ্তনে প্রবৃত্ত হইল। ধনাগারে দুই লক্ষ ষাট হাজার টাকা ছিল, সিপাহীরা সমস্ত বিলুপ্তি করিল। জোনপুরে ইঙ্গরেজের ক্ষমতা বা প্রাধাত্যের কোন চিহ্ন রহিল না। সমস্তই উচ্ছৃঙ্খল, সমস্তই গোলযোগপূর্ণ ও সমস্তই অরাজকতার নিদর্শনজ্ঞাপক হইয়া উঠিল। কাছারি গৃহের ইউরোপীয়েরা উপায়ান্তর না দেখিয়া আত্মরক্ষার জন্ত পলায়নের উদ্যোগ করিলেন। সেনানায়ক মরা এ সময়েও জীবিত ছিলেন, কিন্তু তাঁহার জীবনের কোন আশা ছিলনা; গুলির আঘাতজনিত ক্ষত মারাত্মক হইয়া উঠিয়াছিল। পলায়নোদ্ধ্যত ইউরোপীয়েরা আপনাদিগের প্রাণ লইয়াই বিব্রত ছিলেন। তাঁহারা আসন্নমৃত্যু সেনানায়ককে পথে ফেলিয়া কেহ পদব্রজে, কেহ অশ্বে, কেহবা শকটারোহণে গলাইতে লাগিলেন; পথে হতভাগ্য মরার মৃত্যু হইল। তদীয় পত্নী ও কিয়দূর যাইয়া, সন্মাসরোগে মৃত্যুমুখে পতিত হইলেন। পলাতকগণ গামতী উত্তীর্ণ হইয়া, নিরাপদে কারাকটনামক স্থানে আসিলেন। পথে কেহই তাঁহাদের কোনরূপ অনিষ্ট করিল না। এই সময়ে তাঁহাদের ভারত-সীমী ভৃত্যেরা যথোচিত প্রভুভক্তির পরিচয় দিয়াছিল। তাহারা বিপন্ন-দগকে নিরাপদ স্থানে লইয়া যাইতে ক্রটি করে নাই। কারাকটে লাল হিঙ্গন নামক একজন সম্ভ্রান্ত ও বর্ষিয়ান রাজপুত্রের বাস ছিল। এই পরহিতৈষী সদাশয় রাজপুত্র বিপন্ন ইউরোপীয় ও তাঁহাদের স্ত্রী কন্যাদিগকে, আপনাদের আশ্রয় দিলেন। তিনি বিপন্নদিগকে রক্ষা করিতে, যত্নশীলতার কশেব দেখাইতে লাগিলেন। হিঙ্গন লাল ইউরোপীয় মহিলা ও বালক-মালিকগণকে আপনাদের অন্তঃপুরে রাখিলেন। তাঁহার আদেশে এই বিপন্ন

অতিথিদিগের জন্ত খাদ্য সামগ্রীর যথোচিত আয়োজন হইতে লাগিল। তাঁহার পরিচারকগণ ইহাদের রক্ষায় জন্ত অস্ত্রশস্ত্র মার্জিত করিয়া বিপক্ষ-গণের আক্রমণ নিরস্ত করিতে প্রস্তুত রহিল। উত্তেজিত সিপাহিরা তিন বার কারাকট লুণ্ঠন করিল, কিন্তু তাহারা হিঙ্গন লালের গৃহ আক্রমণ করিল না। ধর্ম্মনিষ্ঠ রাজপুত্রের আবাসস্থান তাহাদের নিকটে পরম পবিত্র বলিয়া পরিগণিত ছিল। অধিকন্তু, হিঙ্গনলালের গৃহ আক্রমণ করিলে, পাছে অযোধ্যার তেজস্বী রাজপুত্রগণ তাহাদের সর্বনাশসাধনে উদ্যত হয়েন, তাহারা এইরূপ আশঙ্কা করিতেছিল, সুতরাং পলায়িত ইউরোপীয়েরা বর্ষীয়ান হিঙ্গন লালের গৃহে নিরাপদে রহিলেন। বিপক্ষেরা তাঁহাদের আশ্রয়স্থান আক্রমণ করিতে সাহসী হইল না। বারাণসীর কমিশনের সাহেব এই বিষয় অবগত হইয়া পলায়িতদিগের আনয়ন জন্ত কতিপয় ইউরোপীয় সৈনিক পাঠাইয়া দিলেন। পলাতকেরা এই সৈনিকদলের সাহায্যে বারাণসীতে উপনীত হইলেন।

গবর্ণমেন্ট অতঃপর হিঙ্গনলালের এই সং কাৰ্য্যের পুরস্কার করিয়াছিলেন। হিঙ্গন লাল সম্মানসূচক ডেপুটি মাজিষ্ট্রেট পদবীর অধিকারী হইয়া যাবজ্জীবন মাসিক একশত টাকা বৃত্তিলাভ করেন। তিনি বুদ্ধ ছিলেন বলিয়া, ঐ বৃত্তি তাঁহার অব্যবহিত পরবর্ত্তী উত্তরাধিকারীকে দিবার বন্দোবস্ত হয়।

হিন্দুর চিরপবিত্র তীর্থ বারাণসী হইতে প্রায় ৭০ মাইল দূরে, আর একটি পবিত্র তীর্থ আছে। এই তীর্থস্থান ধর্ম্মনিষ্ঠ হিন্দুগণের মধ্যে প্রয়াগনামে প্রসিদ্ধ। সাধারণতঃ ইহা এলাহাবাদনামে পরিচিত হইয়া থাকে। অপেক্ষাকৃত সঙ্কীর্ণতা ও স্নদৃশ সৌধমালার অভাব প্রযুক্ত ইহা এক সময়ে দরিদ্রভাবে পরিচয়সূচক ফকীরাবাদ নামে কথিত হইত। ভারতের দুইটি প্রধান নদী হিমালয় হইতে প্রবাহিত হইয়া, এই স্থানে সম্মিলিত হইয়াছে। এই সরিৎ সঙ্গম অতি প্রাচীন কাল হইতে, সাধারণের মধ্যে প্রসিদ্ধি লাভ করিয়াছে। ধর্ম্মপ্রাণ হিন্দুগণ যেমন পরম পবিত্র বলিয়া উহাতে অবগাহন করেন, অতীত দূর্শী ঐতিহাসিকগণ যেমন অতীত সময়ের বহুবিধ ঘটনার সাক্ষীভূত বলিয়া, উহাকে মহীয়ান করিয়া তুলেন, তাবুক কবিগণও সেইরূপ উহার চিত্ত বিমোহিনী শোভার বর্ণনা করিয়া, আপনাদের সৌন্দর্য্যজ্ঞান ও ভাবুকতায়

পরিচয় দিয়া থাকেন* । ফলতঃ এলাহাবাদের সরিং-সঙ্গম গভীরতাবের উদ্দীপক । যুক্তবেণী জাহবীর বেতবর্ণ সলিলরাশির সহিত কালিন্দীর সুশীল জলপ্রবাহের সংযোগ দেখিলে অপরিসীম প্রীতিলাভ হয় ।

সরগাতীত কালে এই স্থানে চন্দ্রবংশীয় রাজাদিগের রাজধানী ছিল । য্বাতি এই স্থানে আধিপত্য করিয়া মহীয়সী কীর্তি স্থাপিত করিয়াছিলেন । পুত্র এই স্থানের সিংহাসনে অধিষ্ঠিত থাকিয়া আপনায় পবিত্রতর কার্যে বহিরাবৃত্ত হইয়াছিলেন, এবং ছদ্ম্যস্ত্রমুখ পৌরবগণ এই স্থানে শাসনদণ্ডের পরিচালনা করিয়া পুণ্যতর অবদানপরম্পরায় সমগ্র আর্ধ্যভূমি গৌরবাবিত্ত করিয়া তুলিয়াছিলেন ।

ভারতে যখন মুসলমান আধিপত্যের প্রতিষ্ঠা হয় নাই, ইউরোপীয় বণিকগণ যখন বাণিজ্যব্যবসায়ের প্রসঙ্গে ভারতের উপকূলে পদার্পণ করে নাই, তখনও এই রাজধানী হিন্দুদিগের মধ্যে পবিত্র তীর্থ বলিয়া পরিগণিত ছিল । নিষ্ঠাবান হিন্দুগণ এই স্থানে আসিয়া আপনাদিগকে পরিতৃপ্ত বোধ করিতেন, এবং ইহার পাদদেশপ্রবাহিত পবিত্র সরিং-সঙ্গমে অবগাহন করিয়া চরিতার্থ হইতেন । মুসলমানদিগের আধিপত্য সময়েও এই স্থান অপ্রসিদ্ধ ছিল না ।

* মহাকবি কালিদাস, রঘুবংশে গঙ্গাবনুমানসময়ের এইরূপ বর্ণনা করিয়াছেন :—

কচিং প্রভালেপিত্তিরিঙ্গনীলৈঃ,

কচিং প্রভা চান্দ্রমণীতমোজিঃ

মুক্তানরী বট্টিরিবাসুবিজা ।

ছায়াবিলীনৈঃ শবলীকুতেব ।

অস্ত্র মাল্য পিত্তপত্রজানাম্

অস্ত্র গুজা শরদ্বলেথা

ইন্দীবীররংগচিত্তাস্তরেব ।

রক্তে দিবালক্ষ্যনভঃপ্রদেখা ।

কচিং ধরাণাঃ প্রিয়ারাসানাম্

কচিক কুকোরগভূষণেব

কাষধসংসর্গবতীব পঙ্ক্তিঃ ।

ভস্মাকরাণ্য তস্মরীধরস্ত ।

অস্ত্র কালান্তরনভগজা

পশ্চানবদ্যাদি বিভাতিগঙ্গা

ভিক্তুর্বিশদনকরিতেব ।

ভিন্নপ্রবাহা বনুনাতরনৈঃ ।

* গঙ্গায় জল গুরুবর্ণ ; বনুনায় জল নীলবর্ণ ; উভয় জলপ্রবাহ সম্মিলিত হওয়াতে বোধ হইতেছে যেমুক্তাহারের মধ্যে ইন্দ্রনীলমণি অধিক রহিয়াছে । এই সম্মিলিত বাহিরাসি, কাষধলে গুহ ও নীলপদে অধিত হারের স্তার ; হলাস্তরে কাষধবিশিষ্ট বেতবর্ণ হংসকূলের স্তার ; কোথাও বা বেতচন্দ্রন রচিত পত্রলেখার সম্যাহিত কালান্তর লিখিত পত্রাবলীর স্তার ; গভীরনাদ হইতেছে ; কোষস্থানে তরুচ্ছায়ার অন্তরাগলভর্তা শরৎকালীন চন্দ্র কিরণের স্তার ; হানাদনে শরৎকালের স্নেহ-অমৃতালার অন্তরলক্ষ্য নীলবর্ণ নভস্তলের স্তার, কোথাও বা ভিক্তুর্বিশদনকরিতেব হইতেছে ।

দিল্লীর প্রসিদ্ধ মোগল সম্রাট আকবর শাহ এই স্থানের রমণীয়তা দেখিয়া প্ৰলুব্ধ হইলেন। তিনি পশ্চিমদিকে আপনার সাম্রাজ্যরক্ষার জন্য আটকে বেরূপ অসুদূর ভূগর্ভে নির্মিত করিয়াছিলেন, সেইরূপ পূর্বদিকে বিশাল সাম্রাজ্য অপ্রতিহত রাধিবার জন্য ইহার অতি প্রাচীন ও ভয়াবশিষ্ট হিন্দুনির্মিত ভূগর্ভে অসুদূর ভূগর্ভে পরিণত করিয়া এই স্থানের নাম এলাহাবাদ রাখেন। ইঙ্গরেজের আধিপত্যসময়ে উক্ত ভূগর্ভ অনেকাংশে সংস্কৃত ও অসুদূর হয়। গঙ্গা ও যমুনার সঙ্গমস্থল হইতে উহার রমণীয়তা দর্শকের অধিকতর হৃদয়াকর্ষক হইয়া থাকে। এলাহাবাদের সম্রাটগণ যুদ্ধোপকরণে পরিপূর্ণ ছিল। কথিত আছে, ইহার রাজকীয় কোষাগারে উপস্থিত সময়ে প্রায় ত্রিশ লক্ষ টাকা ছিল। যখন মির্যাটের সিপাহীরা উত্তেজিত হইয়া ইঙ্গরেজদিগের বিরুদ্ধে অস্ত্রধারণ করে, তখন ঐ প্রসিদ্ধ স্থলে কোন ইউরোপীয় সৈনিক ছিল না। উহার প্রসিদ্ধ ভূগর্ভে ও ভূগর্ভের চারি মাইল দূরবর্তী সৈনিকনিবাসে ৬গণিত এতদেশীয় পদাতিক দল, একদল এতদেশীয় কামানরক্ষক এবং একদল শিখ সৈন্ত অবস্থিত করিতেছিল।

ভূগর্ভের বহির্ভাগস্থিত সৈনিকনিবাসে যে ৬ গণিত সৈনিকদল অবস্থিত করিতেছিল, অযোধ্যা ও বিহারপ্রদেশীয় লোক লইয়া, সেই দল সংগঠিত হইয়াছিল। ইঙ্গরেজ যে সকল প্রসিদ্ধ যুদ্ধে জয়ী হইয়া ভারতে আপনাদের অধিকারস্থাপনে সমর্থ হইয়াছিলেন, সেই সকল যুদ্ধেই এই সৈনিকদল তাঁহাদের সহায় হইয়াছিল। ইহারা যুদ্ধক্ষেত্রে ইঙ্গরেজের পার্শ্বে অকৌশলে রণনৈপুণ্য দেখাইয়া বিপক্ষদিগকে পরাজিত করিয়াছিল, এবং প্রকৃত যুদ্ধবীরের সম্মানিত পদে অধিষ্ঠিত হইয়া ইঙ্গরেজ গবর্ণমেন্টের নিকটে গৌরবান্বিত হইয়াছিল। পূর্বে ইহাদের প্রভুভক্তি কখনও বিচলিত হয় নাই। গবর্ণমেন্টও পূর্বে ইহাদিগকে কখনও সন্দেহভাবে চাহিয়া দেখেন নাই। ইহারা উপস্থিত সময়ে কোষাগাররক্ষার ভার গ্রহণ করিয়াছিল। দুইজন লোক ইহাদিগকে গবর্ণমেন্টের বিরুদ্ধে উত্তেজিত করিবার প্রয়াস পাওয়াতে ইহারা তাহাদিগকে কর্তৃপক্ষের হস্তে সমর্পিত করে, এবং গবর্ণমেন্টের পক্ষ সমর্থন জন্য দিল্লীতে বাইতে উদ্যত হয়। এইজন্য ভারতের গবর্ণর জেনারেল ইহাদের প্রভুভক্তির প্রশংসাবাদে বিমুগ্ধ হইলেন।

৫। কিছু শেবে ঘটনাবৈশিষ্ট্যে ইহাদের বুদ্ধিবৈশিষ্ট্য ঘটে। যে সাহস ইহাদিগকে এক সময়ে গবর্ণমেন্টের অধিকাররক্ষার উত্তেজিত করিয়াছিল, সেই সাহসই পরে ইহাদিগকে গবর্ণমেন্টের উচ্ছেদসাধনে উত্তেজিত করিয়া দিল। গবর্ণমেন্টের পূর্বতন রাজনীতির দোষে ইহাদের সাময়িক রাতি প্রদত্ত হয় এবং ইহাদের প্রভুক্তি ভয়াবহ বিপ্লবের অতল সাগরে নিক্ষিপ্ত হইয়া যায়। ইহারা সহসা অস্ত্রপরিগ্রহ পূর্বক ইঙ্গরেজের বিরুদ্ধে দণ্ডায়মান হইয়া সমগ্র জনপদে গভীর অশান্তি ও আতঙ্কের রাজ্য বিস্তার করে। ইহাদের আক্রমণে ইঙ্গরেজগণ নিহত হইলেন, ধনাগার লুণ্ঠিত হয়। অবশেষে ইহারা ছত্রভঙ্গ হইয়া চারিদিকে পলায়ন করে।

উক্ত সৈনিকদল ব্যতীত আর একদল সৈনিকপুরুষ এলাহাবাদে বসিষ্টি করিতেছিল। ইহারা দীর্ঘকায়, দীর্ঘশ্রু, সাহসী ও প্রভুত-বীরত্বসম্পন্ন ছিল। লর্ড ডালহৌসী বিজয়লব্ধ সম্পত্তি বলিয়া পঞ্চসরিং-প্রদত্ত যে রমণীর রাজ্য ব্রিটিশ কোম্পানির শাসনাধীন করেন, এই সকল সৈনিক পুরুষ সেই ইতিহাসপ্রসিদ্ধ, অপূর্ববীরত্বের বিক্ষুব্ধরাজ্যে রাজ্য হিতে সংগৃহীত হইয়াছিল। নয় বৎসর পূর্বে ইহারা স্বদেশের স্বাধীনতা-স্বার্থে ব্রিটিশ সৈন্তের সম্মুখীন হইয়া আপনাদের শুরত্বের একশেষ দেখা-দেখিয়াছিল। ইহাদের পরাক্রমে, ইহাদের রণনৈপুণ্যে ও ইহাদের অসীম সাহসে লিবিং, ফিরোজসহর, সোত্রাওঁ ও চিনিয়াবালা যুদ্ধক্ষেত্রের কাহিনী পবিজ্ঞ হইয়াছে। অবশেষে পরাজিত হইয়া এই লে বীরপুরুষ ব্রিটিশ পতাকার আশ্রয়ে সজ্জিত হয়। একসময় ইহারা ইহাদের পরাক্রম বিনষ্ট করিবার জন্য সময়ক্ষেপে প্রেরণিত হইয়াছিল, বর্তমানলীল সময়ের অনন্ত মহিমায় এখন তাহাদের পক্ষসমর্থনজন্তই আপনাদের মন উৎসর্গ করে।

১১ই মে উত্তেজিত সিপাহীদিগের আক্রমণে যখন মিরাতে ভয়ঙ্কর সংঘটিত হয়, তখন এলাহাবাদের ইউরোপীয়গণ নিরুদ্বেগে প্রচণ্ড প্রাণের স্বদীর্ঘ দিনের সারস্তুত্ব সময়ে শান্তিস্থ উপভোগ করিতেছিলেন। কেহ রমণীর বৃক্ষবাটিকার প্রাণয়িনী বা প্রিয়জন সমভিব্যাহারে হইতেছিলেন। কেহ কেহ এতদেন্দ্রীয় সৈনিক পুরুষদিগের প্রতিরুদ্ধকর

বাদ্য শুনিয়া আপনাদের আমোদে আপনারাই পরিতৃপ্ত হইতেছিলেন। কেহ কেহ বা সমবয়স্কদিগের সহিত সন্মিলিত হইয়া বিবিধ ক্রীড়াকৌতুকে আমোদ উপভোগ করিতেছিলেন। সিপাহীদিগের সমুখানে মিরাতের ইউরোপীয়গণ যখন প্রাণের দায়ে উদ্ভ্রান্ত হইয়া ইতস্ততঃ পলাইতেছিলেন, অনেকে বা নিদারুণ অস্ত্রাঘাতে নিহত হইতেছিলেন, তখন এই স্থানের ইউরোপীয়েরা আনন্দতরঙ্গে আন্দোলিত হইয়া স্মৃথের সাগরে ভাসিয়া বেড়াইতেছিলেন। অবিলম্বে তাঁহাদিগকেও যে, মিরাতপ্রবাসী ইন্দুরজদিগের দশাগ্রস্ত হইতে হইবে, এবং তাঁহাদের মস্তকের উপরে যে, অশনিপাত হইয়া ভয়ঙ্কর ঘটনার উৎপত্তি করিবে, তখন তাঁহারা স্বপ্নেও আঁহা ভাবেন নাই।

১১ই মে এইরূপে নিরন্তরে অতিবাহিত হইল। ১২ই মে তাড়িত-বার্তাবহ মিরাতের বার্তা মুহূর্ত্ত মধ্যে আনিয়া দিল। ১৪ই তারিখে ঘটনার আত্মপূর্ণিক বিবরণ উপস্থিত হইল। ইউরোপীয়গণ বিষয়ে ও ভয়ে অভিভূত হইয়া মুহূর্ত্তে মুহূর্ত্তে বিধ্বংসের বিভীষিকার চমকিত হইতে লাগিলেন। বাজারে, পল্লীতে, সাধারণ লোকের মধ্যে এই বিষয় লইয়া আন্দোলন হইতে লাগিল। প্রত্যেকেই প্রত্যেক প্রতিবাসীর সহিত এই অশুভ বিষয় লইয়া আন্দোলন করিতে লাগিল। সর্বব্যাপী সন্ত্রাস সকলকেই সমভাবে অভিভূত করিয়া ফেলিল। ইউরোপীয়গণ যেমন প্রতিক্রমে আপনাদের সম্মুখে মৃত্যুর করাল ছায়া দেখিয়া স্তম্ভিত হইতে লাগিলেন, জনসাধারণও তেমনি আপনাদের জাতিনাশ, ধর্ম্মনাশের আশঙ্কায় উদ্বিগ্ন হইয়া প্রতিক্রমে ভয়াবহ নরকের বিকটমূর্ত্তি দেখিতে লাগিল। ইহাদের সকলেরই দৃঢ় বিশ্বাস হইল যে, কোম্পানি সকলকেই আপনার ধর্মে দীক্ষিত করিতে কৃতসংকল্প হইয়াছেন। গবর্ণমেন্ট অবশেষে প্রকাশ্য ঘোষণা পত্র দ্বারা সাধারণের বিশ্বাস দূর করিতে চেষ্টা পাইলেন। কোম্পানি যে, কখন কাহারও জাতি বা ধর্ম্মের উপর হস্তক্ষেপ করেন না, সকলেই যে, কোম্পানির রাজ্যে নির্বিবাদে আপনাদের ধর্ম্মের অনুশাসন রক্ষা করিয়া চলিতে পারেন, তাহা ঐ ঘোষণাপত্রে স্পষ্টাক্ষরে নির্দেশ করা হইল।

১৫ই মে সাধারণের উদ্বেগ ও আশঙ্কা এবং তৎপ্রযুক্ত গভীর উত্তেজনা

কিন্নরংশে কমিয়া গেল। কিন্তু সহসা বাজারে শব্দের মূল্যবৃদ্ধি হওয়াতে আশঙ্কা আবার বাড়িয়া উঠিল। ১৮ই তারিখে দিল্লীর সংবাদে জনসাধারণ অধিকতর উত্তেজিত হইয়া উঠিল। মিরাতের সিপাহীগণ দিল্লীতে উপস্থিত হইয়া সেই স্থান অধিকার করিয়াছে। দিল্লীর বাহাদুরশাহ সমগ্র হিন্দু-স্থানের সম্রাট বলিয়া ঘোষিত হইয়াছেন। মোগলের প্রসিদ্ধ রাজধানীতে আবার মোগল সম্রাটের ক্ষমতা ও আধিপত্য প্রতিষ্ঠিত হইয়াছে। এতদেবীর সৈনিক পুরুষগণ ইকরেজদিগকে দূরীভূত করিয়া আবার মোগল সম্রাটের মহামহিমাময় খ্যাতি চারিদিকে বিস্তৃত করিতেছে। বাজারে এখন এই সংবাদ প্রচারিত হইতে লাগিল, পল্লীতে পল্লীতে এখন এই কথা লইয়া আন্দোলন চলিতে লাগিল, তখন আর সাধারণে স্থির থাকিতে পারিল না। সিপাহীরাও চিন্তার আবর্ত হইতে পরিত্রাণ পাইল না। তাহারা সকলেই গভীর উত্তেজনার বিচলিত হইয়া উঠিল। এদিকে এলাহাবাদের ইউরোপীয়গণ আশঙ্কায় উদ্যোগ করিতে লাগিলেন। আর কোন বিষয়েই তাঁহাদের মনোযোগ রহিল না। কিরূপে দুর্গ-নিরাপদ থাকিবে, কিরূপে ধনাগার রক্ষা পাইবে, আপনারা কিরূপে ভয়ঙ্কর শত্রুর আক্রমণে অক্ষত থাকিবেন, এখন ইহাই তাঁহাদের ভাবনার প্রধান বিষয় হইল।

প্রতিদিন দিল্লী হইতে নানা দুঃসংবাদ পঁহছিতে লাগিল। ঐ দুঃসংবাদে নগরবাসী ইউরোপীয়গণ প্রতিদিন অধিকতর ভীত ও অধিকতর উদ্বেগ হইয়া উঠিতে লাগিলেন। ধনাগারের সমুদয় অর্থ দুর্গে লইয়া যাইবার প্রস্তাব হইল। কিন্তু কেহ কেহ ঐ প্রস্তাবের বিরুদ্ধে মত প্রকাশ করিতে অবশেষে উহা পরিত্যক্ত হইল। যে হেতু, দুর্গে টাকা রাখিলেই উত্তেজিত সিপাহীগণ সর্বপ্রথম ঐ টাকার লোভে দুর্গ অধিকার করিতে দলবদ্ধ হইবে। স্থানীয় ইউরোপীয়গণ সখের সৈনিক দলভুক্ত হইয়া নগর রক্ষার বন্দোবস্ত করিতে লাগিলেন। এ পর্যন্ত টেলিগ্রাফের তার পূর্ণা-বহুর ছিল। সুতরাং নানা স্থান হইতে নানা সংবাদ বধাসময়ে পঁহছিতে লাগিল। উত্তরপশ্চিম প্রদেশের সংবাদ বড়ই আশঙ্কাজনক হইয়াছিল। এদিকে ব্রিটিশ সাম্রাজ্যের রাজধানী কলিকাতার সংবাদ কিছুই ছিল না।

আশঙ্কার, উষ্মেণে মে মাস এইরূপে অভিবাহিত হইল। জুন মাসের প্রথম কয়েকদিন বে সংবাদ আসিল, তাহাতে ইউরোপীয়দিগের উৎকর্ষা অধিকতর বাড়িয়া উঠিল। ৪ঠা জুন হইতে টেলিগ্রাফের তার অক্ষুণ্ণ হইয়া পড়িল। আর তাহা হইতে কোন সংবাদ আসিল না। ঐ দিন অপরাহ্নে কতিপয় বার্তাবহ দ্রুতগতি আসিয়া ইউরোপীয়দিগকে সংবাদ দিল যে, বারাণসীর সিপাহীরা উত্তেজিত হইয়া আপনাদের সেনাপতিদিগকে আক্রমণ করিয়াছে। ঐ সকল সিপাহী এক্ষণে তাঁহাদের অভিমুখে আসিতেছে। এখন স্থানীয় ইউরোপীয়দিগের সমক্ষে সঙ্কটময় কার্যক্ষেত্র প্রসারিত হইল। সকলে মুহূর্ত্ত মাত্রও বিলম্ব না করিয়া আত্মরক্ষার্থ প্রস্তুত হইল। নগরে যে সকল ইউরোপীয় ছিল, তাহারা এই জুন দুর্গে আসিয়া আশ্রয় লইল।

বারাণসী হইতে গঙ্গার অপর তট দিয়া এলাহাবাদ যাইবার পথ। এলাহাবাদে আসিতে হইলে, নগরের উপকণ্ঠবর্তী দারাগঞ্জের সম্মুখে একটি নৌসেতু পার হইতে হয়। এলাহাবাদের মাজিষ্ট্রেট সাহেবের অমুদ্রোধে, ৬গণিত সিপাহীদের কতিপয় সৈনিক পুরুষ দুইটি কামান সহ ঐ সেতু রক্ষার জন্ত প্রেরিত হয়। এই সময়ে অযোধ্যার কতিপয় অস্বারোহী সৈন্ত, সেতু ও সৈনিক নিবাসের মধ্যভাগে অবস্থিতি করে। এই সকল সিপাহী এ পর্যন্ত কোনরূপ উত্তেজনার চিহ্ন প্রকাশ করে নাই। মে মাসে যখন মিরার্টের সিপাহীরা ইউরোপীয়দিগের বিরুদ্ধে সমুথিত হয়, এবং দিল্লীতে গমন করিয়া বৃদ্ধ বাহাদুর -াহকে সমগ্র ভারতের সম্রাট বলিয়া ঘোষণা করে, তখনও ইহাদের বাহুভঙ্গীতে কোনরূপ বিকারের লক্ষণ পরিস্ফুট হয় নাই। সেসময়ে ইহারা কোম্পানির বিরুদ্ধে অস্ত্র পরিগ্রহ করিবার পরামর্শ বা ষড়যন্ত্র করে নাই, এবং সে সময়ে ইহাদের প্রভুভক্তির বিরুদ্ধেও কোন প্রমাণ পাওয়া যায় নাই। যখন মিরার্ট ও দিল্লীর সংবাদ এলাহাবাদে উপস্থিত হয়, তখনও সেনাপতিগণ ইহাদিগকে সর্বাংশে বিশ্বস্ত ও সর্বাংশে প্রভুভক্ত বলিয়া মনে করিয়াছিলেন। কলকাতা, এলাহাবাদের সিপাহীরা বাহিরে কোনরূপ অসন্তোষের চিহ্ন প্রকাশ করে নাই, কিন্তু যখন তাহারা জানিতে পারিল যে, তাহাদের বারাণসীস্থিত স্বদেশীয়-

৭ ইউরোপীয়দিগের বিরুদ্ধে সমুখিত হইয়াছে, ইউরোপীয় সৈন্য-
তাহাদের অনেককে নিরস্ত ও নিহত করিয়াছে, তখন তাহাদের হৃদয় তরল্যবিশিষ্ট
হইয়া উঠিল। তাহারা ভাবিল সেনাপতি নীল বারাণসীতে বাহা করিয়া-
ছেন, এলাহাবাদে আসিয়া তাহাই করিবেন। বারাণসীর সিপাহীরা যেমন
শিল্পের হস্তে নিগূহীত, নিপীড়িত ও নিহত হইয়াছে, এখানে তাহারাও সেই
রূপ দুর্দশাগ্রস্ত হইবে। হয়ত, ইউরোপীয়দিগের সঙ্গীনে অথবা গুলিতে
তাহাদের ঐহিক জীবনের পরিসমাপ্তি ঘটবে। এইরূপ দুশ্চিন্তায় তাহাদের
হৃদয় অস্তব্ধ হইল। তাহারা ৬ই জুন সাংকালে এলাহাবাদের
ইউরোপীয়দিগকে আক্রমণ করিতে কৃতসঙ্কল্প হইয়া উঠিল। তাহারা
বিষাছিল যে, তাহাদের বারাণসীস্থিত স্বদেশীয়গণ সম্ভবতঃ তাহাদের
সহিত উপস্থিত হইবে। সুতরাং তাহাদের নিশ্চেষ্ট থাকা উচিত নহে।
এইরূপে বারাণসীর স্থায় এলাহাবাদেও সিপাহীরা ইচ্ছাকৃত বিরুদ্ধে
যুদ্ধে জিত হইয়া উঠিল এবং এইরূপে ৬ই জুন তাহারা ফিরঙ্গীর
শক্তি আনাদের সর্বপ্রকার আশঙ্কার চিহ্ন প্রকাশিত করিয়া ফেলিতে
সক্ষম হইতে লাগিল।

স্বর্গ্য ধীরে ধীরে অন্তর্মিত হইল। এসময়েও উক্ত সিপাহীদল আপনাদের
শক্তি ও প্রভুত্বের পরিচয় দিতে কাতর হইল না। মে মাসের
ষাংশে যখন মিরাতের উত্তেজিত সিপাহীগণ দিল্লীর বাদশাহের নিকট
স্থিত হয়, এবং ইউরোপীয়দিগকে তাড়িত করিয়া, বুদ্ধ মোগলকে
এ ভারতের সম্রাট বলিয়া সম্মানিত করে, তখন ইহারা একাগ্রতার
তে দিল্লীস্থিত বিপক্ষদিগের বিরুদ্ধে যুদ্ধ করিবার ইচ্ছা প্রকাশ করিয়া-
ল। অবিলম্বে এই বিষয় তারে কলিকাতায় লর্ড কানিংকে জানান
। গবর্নর জেনারল আবার তারে উক্ত সিপাহীদিগের প্রভুত্বের
গবর্নমেন্টের ধন্যবাদ বিজ্ঞাপিত করেন। এলাহাবাদের সৈন্যধ্যক্ষ-
৬ই জুন স্বর্গ্যাস্ত সময়ে কাওয়ারের ক্ষেত্রে উক্ত সিপাহী-
কে সমবেত করিয়া গবর্নমেন্টের ধন্যবাদের কথা জানাইতে ইচ্ছা
লেন। এজন্য ষথাসময়ে কাওয়ারের প্রান্তর ক্ষেত্রে সিপাহীরা
বসত হইল। এ সময়ে তাহাদের ধীরতা ও প্রশান্তভাবে কোনরূপ

বৈলক্য দেখা যায় নাই। তাহাদের ধীরতা দেখিয়া সেনাপতিগণ সন্তুষ্ট হইলেন। অবিলম্বে তাহাদের সম্মুখে গবর্ণর জেনেরলের যত্নবাদনির্ণয় পঠিত হইল। এলাহাবাদের কমিশনার সাহেব সৈন্যধ্যক্ষের অহুরোহে এখানে উপস্থিত হইয়া হিন্দুস্থানীতে সিপাহীদিগের গভীর রাজভক্তি ও অটল বিশ্বস্ততার প্রশংসা করিলেন। সিপাহীরা এই বক্তৃতার অধিকতর প্রীত হইল এবং প্রীতিসহকারে আনন্দধ্বনি করিয়া বক্তার বক্তৃতায় মর্যাদারক্ষা করিল। বক্তৃতা শেষ হইল। সিপাহীরা স্বস্থানে প্রতিনিয়ম হইতে লাগিল। ইউরোপীয় সৈনিক কর্মচারিগণ তাহাদের ধীরতা ও বিশ্বস্ততার চিত্র দর্শনে সন্তুষ্ট ও আশ্বস্ত হইয়া, কেহ অস্বাভাবিক কোন পদক্ষেপে ভোজনগৃহে যাইতে লাগিলেন। এই স্থানে আহাঁরের স্তম্ভ সকলে একত্র হইয়া ৬গণিত সিপাহীদলের ব্যবহারে সম্ভোষণা করিতে লাগিলেন। এই সময়ে একজন নৌসেতুর সম্মুখবর্তী কামানদ্বয় দ্বর্গে আনিবার প্রস্তাব করিলেন। এই প্রস্তাব অগ্রাহ্য হইল না। অবিলম্বে কামান দুইটি দ্বর্গে লইয়া যাইবার আদেশ প্রচারিত হইল।

সৈনিক কর্মচারীরা ভোজনগৃহে সমবেত হইয়া নিরুবেগে ভোজনে প্রবৃত্ত হইলেন। কয়েকটি অতি তরুণবয়স্ক ইন্দ্ররেজ বালক ৬ গণিত সিপাহীদলের মধ্যে সাময়িক কার্য্য শিখিতে আদিষ্ট হইয়াছিল, ইহারাও নিরুবেগে অফিসরদিগের সহিত ভোজন করিতে লাগিল। ইহাদের কিশোর বয়সের উৎকল ভাব আবার জাগিয়া উঠিল। ইহারা গরীয়সী জন্মভূমিতে মেহম্মদী জননী পার্শ্বে থাকিয়া যে রূপ শান্তিস্বপ্ন অনুভব করিত, উপস্থিত সময়েও সেই রূপ শান্তিস্বপ্নে সৈনিক কর্মচারীদিগের মধ্যে উপবিষ্ট রহিল। এই রূপে বালক, বৃদ্ধ, যুবক, সকলেই প্রশান্তভাবে সেই প্রশান্ত রজনীর স্নিগ্ধ সমীরণকালে প্রকৃত হইয়া ভোজনের সঙ্গে নানারূপ আলাপ করিতে লাগিল। সিবি কর্মচারীরাও ইহাদের ভ্রায় নিশ্চিন্ত মনে গৃহে প্রত্যাগত হইলেন, এবং নিরুবেগে ভোজনস্থলে আসনপরিগ্রহ করিলেন। এই রূপে ৬ই জুন রজনীসমাগমে এলাহাবাদের ইউরোপীয়দিগের মধ্যে অবিচ্ছিন্ন প্রশান্ততা বিরাজ করিতে লাগিল। বাহারা পূর্ব রাত্রিতে দ্বর্গে বাইরা নিদ্রিত হইয়াছিল, তাহারা ৬ই জুন গৃহে প্রত্যাগত হইল। মিরাত ও দ্বিরা

সংবাদপ্রাপ্তির পর আর কোন দিন সাংকালে এলাহাবাদের ইউরোপীয়গণ একরূপ শান্তিস্থভোগ করেন নাই। কিন্তু রাজি প্রায় ৯ ঘণ্টিকার সময়ের সহসা এই শান্তিস্থভ তিরোহিত হইল। সহসা আশঙ্কাসূচক ভরীধ্বনিতে এলাহাবাদের সমগ্র ইউরোপীয় সম্প্রদায় ভয়ে উদ্ভ্রান্ত হইয়া পড়িলেন। সেনাপতি সমস্ত্রমে বাসগৃহে প্রত্যাগত হইয়া অথারোহণে সৈনিকনিবাসে গমন করিলেন। অপরাপর ইউরোপীয় সৈনিক পুরুষ ও ভরীধ্বনিতে তাড়াতাড়ি এই স্থানে উপস্থিত হইলেন। ৬গণিত বিশ্বস্ত সিপাহী-লেন্স সঙ্কল এত ক্ষণে কার্যে পরিস্ফুট হইল। যাহারা ক্ষণস্থায়ী বিশ্বস্ত-গায় সেনাপতির প্রীতির উৎপাদন করিয়াছিল, তাহারাই কর্তৃপক্ষের বচারণাদোষে বলবতী আশঙ্কায় বিচলিত হইয়া, এতক্ষণে আপনাদের বরনির্ধাতনস্পৃহা চরিতার্থ করিবার জন্ত অন্তঃপরগ্রহ করিল।

যে সকল সিপাহী নোসেতুরক্ষার জন্ত নিয়োজিত ছিল, তাহারাই সর্ব-প্রথম উত্তেজিত হইয়া ইঙ্গরেজের বিপক্ষতাচরণে প্রবৃত্ত হইল। তাহাদের একটু দুইটি কামান ছিল, কর্তৃপক্ষ যখন ঐ দুইটি কামান দুর্গে লইয়া ইহার আদেশ দিলেন, তখন তাহারা উহা সহজে ছাড়িয়া দিল না। রাগদীতে কামানের গোলায় তাহাদের স্বদেশীয়দিগের কিরূপ সর্বনাশ টিয়াছিল, তাহা তাহাদের অবদিত ছিল না। কামান স্থানান্তরিত হইলে যত, তাহাদের জীবন সম্ভটাপন্ন হইবে, এই আশঙ্কায় তাহারা বিচলিত হইয়া উঠিল। গভীর আশঙ্কায়, বলবতী উত্তেজনায় তাহাদের আর দিখিদি-কান থাকিল না, তাহারা অধীরভাবে কামানরক্ষক ইউরোপীয় সৈনিক-রূষকে আক্রমণ করিল। কামানরক্ষক অবিলম্বে আক্রমণকারী সিপাহী-গের ক্ষমতা পর্য্যুদন্ত করিবার জন্ত, অযোধ্যার অনিয়মিত সিপাহীদিগের ধাক্কের সাহায্যপ্রার্থনা করিল। অধ্যক্ষ সাহায্যদানে বিলম্ব করিলেন না। নি আপনাদের সৈন্তকে কামানরক্ষা করিতে আদেশ দিলেন। সিপাহীরা তাস্ত অনিচ্ছার সহিত এই আদেশপালনে উদ্যত হইল। ইহার মধ্যে কামানরক্ষক দুর্গে সংবাদ পাঠাইলেন। এই সময়ে সিপাহীদিগের ভয়ঙ্কর লাগাইল, বন্দুকের গভীর শব্দ, সৈনিকনিবাস হইতে স্পষ্ট প্রতিগোচর হইতেছিল। কামানরক্ষক ও অযোধ্যার সৈনিকদলের অধিনায়ক স্বর্ণ

অস্বাভাবিক যুদ্ধোন্মুখ সিপাহীদিগকে আক্রমণ করিলেন, তখন অযোধ্যার সিপাহীদিগের তিন জন মাত্র তাঁহাদের অমুবর্তী হইল। এতদ্ব্যতীত আর সকলেই ঙগণিত উত্তেজিত সিপাহীদিগের পক্ষ অবলম্বন করিল। এই সময়ে চক্রের সন্ধি কর-জালে চারিদিক উদ্ভাসিত হইয়াছিল। উত্তেজিত সিপাহীরা দলবদ্ধ হইয়া, সেই কৌমুদীবিধৌত প্রশান্ত রজনীতে ইউরোপীয়দিগের শোণিত-পাতে অগ্রসর হইল। তাহাদের গুলির আঘাতে অযোধ্যার অনিয়মিত সৈনিক-দলের অধিনায়ক নিহত হইলেন। কামানরক্ষক সৈনিক পুরুষ গ্রাণে গ্রাণে পলায়ন করিল। এই ভয়ঙ্কর সময়ে অযোধ্যার কতিপয় সিপাহী আপনাদের প্রভুত্বের পরিচয় দিতে কাতর হয় নাই। তাহাদের স্বদেশীয়গণ যখন ফিরিঙ্গীর বিনাশে দলবদ্ধ হইয়াছিল, তখনও তাহারা বিশ্বস্ততা হইতে বিচ্যুত হয় নাই। তাহাদের ধীরতা ও প্রভুপরায়ণতা তখনও অটল ছিল; তাহারা নিহত অধিনায়কের দেহ স্বদেশীয়দিগের করাল আক্রমণ হইতে বিমুক্ত করিয়া, নিরাপদ স্থানে লইয়া গেল। কিন্তু ইহাতে অপরাপর সিপাহীদিগের উত্তেজনা নিবারিত হইল না। উত্তেজিত সিপাহীরা আপনাদের অভ্যুত্থান-সংবাদ জানাইবার জন্ত সহযোগীদিগের নিকটে জুইজন লোক পাঠাইয়া দিল। কথিত আছে, তাহারা এই বার্তাবিজ্ঞাপনের জন্ত ব্যোমধ্বনি করিয়াছিল। এইরূপে সংবাদ দিয়া, তাহারা কামান লইয়া বিপুলবিক্রমে সৈনিকনিবাসে অভিমুখে অগ্রসর হইতে লাগিল। তাহাদের অধিনায়ক যখন অস্বাভাবিক হইয়া কাওয়ারাজের প্রশস্ত ক্ষেত্রে আসিলেন, তখন সমগ্র সিপাহীদল প্রকটভাবে যুদ্ধোন্মুখ হইল।

কর্ণেল সিম্‌সন্ কাওয়ারাজের ক্ষেত্রে সিপাহীদিগের মধ্যে উত্তেজনার চিহ্ন লক্ষ্যে দেখিতে পাইলেন। এ সময়ে কর্তা কর্তৃত্বপ্রকাশে সমর্থ হইলেন না। পরিচালক আপনায় অধীন লোকের পরিচালনে কৃতকার্য হইলেন না। অল্পগত লোকে পরিচালকের আত্মগত্যস্বীকারে ইচ্ছা করিল না। কর্তার কর্তৃত্ব অল্পগতের আত্মগত্য, পরস্পর বিরুদ্ধধর্ম্মাক্রান্ত হইয়া উঠিল। ইউরোপীয় অধিনায়কেরা আপনাদের অধীন সৈনিক পুরুষদিগকে, যে আদেশ দিতে লাগিলেন, সৈনিক পুরুষেরা সে আদেশপালনে বহুপ্রকাশ করিল না। সেনাপতি সিম্‌সন্ কাওয়ারাজের ভূমিতে কামান আনিবার কার্যবজ্রাস

করিলেন। দুইজন সিপাহী তাঁহার দিকে গুলি চালাইয়া, এই প্রেলের ঘণোচিত উত্তর দিল। শিষ্টাচারে বা মিষ্ট কথায়, ক্ষমতায় বা সদ্ব্যবহারে, সিপাহীদিগকে এখন বশীভূত করা অসাধ্য হইয়া উঠিল। উত্তেজনায় অধীর হইয়া সিপাহীরা প্রতি কথায় গুলি চালাইতে লাগিল, এবং আপনাদের অধিনায়কদিগকে কাওয়াজের ক্ষেত্রশাসী করিবার জন্ত যুদ্ধের অয়োজন করিল। সেনাপতি হতাশ হইলেন, আত্মপ্রাণরক্ষার কোন উপায় না দেখিয়া, তিনি আর এক দিকে অশ্ব প্রধাবিত করিলেন। এই স্থানের কতিপয় সিপাহী সেনাপতির প্রতি সৌজ্ঞ্যপ্রকাশে বিমূখ হইল না। তাহারা অস্ত্রপরিভ্যাগ পূর্বক সিমসনের অধিষ্ঠিত অশ্বের চারিদিকে দণ্ডায়মান হইয়া, তাঁহাকে প্রাণরক্ষার জন্ত দুর্গে যাইতে কহিল। সেনাপতি আর একটি সৈনিক পুরুষের সহিত ধনাগার রক্ষার জন্ত গমন করিলেন। কিন্তু ধনাগারে যাইবার পথও সাতিশয় বিপদসঙ্কুল হইয়া উঠিল। সেনাপতি যেদিকে গমন করেন, সেই দিকেই অনবরত গুলিবৃষ্টি হইতে লাগিল। এই রূপে চতুর্দিকে গুলিবৃষ্টির মধ্যে সেনাপতি আপনার প্রাণ লইয়া বিব্রত হইলেন। বন্দুকের একটি গুলি তাঁহার টুপির পার্শ্বভাগ দিয়া চলিয়া গেল, সেনাপতি দুর্গের দিকে অশ্ব ধাবিত করিলেন। সিপাহীরা এই সময়েও তাঁহার দিকে গুলিবৃষ্টি করিতে নিরন্তর থাকিল না। ক্রমান্বয়ে কয়েকটি গুলিতে তাঁহার অধিষ্ঠিত অশ্ব আহত হইল। তেজস্বী বাহন এইরূপে আহত হইয়াও, আরোহীকে লইয়া, প্রবলবেগে দুর্গদ্বারে উপস্থিত হইল। সেনাপতি অধিষ্ঠিত অশ্বের দেহনিঃসৃত শোণিতে রঞ্জিত হইয়া, নিরাপদে দুর্গে আশ্রয় গ্রহণ করিলেন। তদীয় বাহন অপূর্ণ তেজস্বিতার সহিত আরোহীর জীবন-রক্ষা করিয়াই দুর্গদ্বারে গতাস্থ হইল।

সেনাপতি সিমসন দুর্গে পলায়ন করিলেও, সিপাহীরা নিরন্তর হইলেন। তাহারা যে সকল ইউরোপীয়কে দেখিতে পাইল, তাহাদিগকেই আক্রমণ করিতে লাগিল। অনেকে তাহাদের কঠোর হস্ত হইতে বিমূক্ত হইল, অনেকে পলায়ন করিতে না পারিয়া, তাহাদের ভীষণ অস্ত্রাঘাতে চিরনিদ্রিত হইয়া পড়িল। যে ৮টি বালক সময়বিভাগে কার্য্য করিবার জন্ত একত্রে আসিয়াছিল, তাহাদের ৭টি সিপাহীদিগের হস্তে নিহত হইল। অপরটি

সাংঘাতিকরূপে আহত হইয়াও নিকটবর্তী একটি গর্তের মধ্যে আশ্রয়গোচর করিল। এই সময়ে ইহার বয়স ১৬ বৎসরের অধিক ছিল না। বোড়শ বর্ষীয় বালক নিদারুণ অস্ত্রাঘাতে নিপীড়িত হইয়া, চারি দিন সেই অপক্লান্ত স্থানে লুকাইয়া রহিল। তাহাদের স্বদেশীয়দিগের কেহই তাহার রক্ষার জন্ত সেই স্থানে উপস্থিত হইল না। যে সকল ইউরোপীয় দূর্গে আশ্রয়গ্রহণ করিয়াছিলেন, তাঁহারা দূর্গের বাহিরে কি হইতেছে, কিছুই জানিতেন না। আক্রমণকারী সিপাহীদিগের ভয়ে, তাঁহাদের কেহই বহির্ভাগে বাইতে সাহসী হইতেন না। আহত বালক এই রূপ অসহায় অবস্থায় চারি দিন সেই অনাবৃত স্থানে পড়িয়া রহিল। আহাৰ্য ও পানীয়ের অভাবে তাহার কণ্ঠের একশেষ হইতে লাগিল। নিদ্রাবের প্রচণ্ড উত্তাপময় দিন ও স্নানাতল রাত্রি তাহার মাথার উপর দিয়া বাইতে লাগিল। পঞ্চম দিবসে সিপাহীরা তাকে দেখিতে পাইয়া সরাইতে লইয়া আসিল। এই স্থানে আরও কতিপয় খ্রীষ্ট ধর্মাবলম্বী বন্দী ছিল। গোপীনাথনামক এক জন খ্রীষ্টধর্মাবলম্বী, আহত বালককে ক্ষুধায় ও তৃষ্ণায় নিরতিশয় কাতর দেখিয়া, আহাৰ্য ও পানীয় দিলেন। বালক উহা গ্রহণ করিল বটে, কিন্তু তাহার শান্তিলাভ হইল না। তাহার ক্ষত স্থান নিরতিশয় যন্ত্রণাদায়ক হইয়া উঠিল। ইহার মধ্যে কতিপয় উত্তেজিত মুসলমান আসিয়া গোপীনাথকে খ্রীষ্টধর্ম পরিত্যাগ পূর্বক ইসলাম ধর্মপরিগ্রহ করিতে কহিল। বালক ইহা শুনিতে পাইল এবং যাতনায় কাতর হইয়াও তেজস্বিতার সহিত উচ্চৈঃস্বরে কহিল, “পাদরি! পাদরি! আপনার ধর্মে জলাঞ্জলি দিওনা।” এই তেজস্বী বালক পরিশেষে সিপাহীদিগের হস্ত হইতে বিমুক্ত ও দূর্গে নীত হইয়াছিল। কিন্তু তাহার জীবনরক্ষা হয় নাই। অনাহারে ও অনাবৃত স্থানে পড়িয়া থাকাতে, তাহার জীবনীশক্তি বিলুপ্ত হয়। বালক ১৬ই জুন এলাহাবাদের দূর্গে প্রাণত্যাগ করে।

দূর্গে ৬ গণিত সিপাহীদিগের এক দল এবং অন্ত এক দল শিখসৈন্য অবস্থিতি করিতেছিল। যখন ইহারা দূর্গের বাহিরে মুহুরূহঃ বন্দুকধারি শুনিতে পাইল, তখন ভাবিল, বারাণসীর সিপাহীরা সৈনিকনিবাসে আসিয়াছে, এবং তাহাদের স্বদেশীয়েরা ঐ সকল সিপাহীর সহিত সন্নিহিত

হইয়াছে। কিন্তু যখন সেনাপতি সিম্‌সন্ অধিষ্ঠিত অখের শোণিতে রঞ্জিত হইয়া দুর্গে প্রবিষ্ট হইলেন, তখন তাহাদের ধারণা অমূলক বলিয়া প্রতীপন্ন হইল। তখন তাহারা বারাণসীর সিপাহীদিগের উপস্থিতির সম্বন্ধে হতাশ হইয়া, দুর্গের বহিঃস্থ স্বদেশীয়দিগের পরিণামচিন্তা করিতে লাগিল। এদিকে সেনাপতি দুর্গে প্রবেশ করিয়াই ষষ্ঠ দলের সিপাহীদিগকে নিরস্ত্র করিতে উদ্যত হইলেন। শিখদিগের অধিনায়কের উপর নিরস্ত্রীকরণের ভার সমর্পিত হইল। এই অধিনায়ক পঞ্জাবের যুদ্ধে সর্বিশেষ প্রসিদ্ধিলাভ করিয়াছিলেন। তিনি শিখদিগকে এই অস্বীকৃত কার্যসাধনে নিয়োজিত করিতে বিমুখ হইলেন না। এই সময়ে সিপাহীরা দুর্গের সদর দরজা পরিদর্শন করিতেছিল, যখন সৈনিকনিবাসের দিকে বারংবার বন্দুকের শব্দ শ্রবণ, তখন ইহারা আপনাদের বন্দুক গুলিপূর্ণ করিয়া বিপক্ষদিগকে নিরস্ত্র করিবার জন্য প্রস্তুত হইয়াছিল। যদি শিখসৈন্য ইহাদের সহিত সম্মিলিত হইত, তাহা হইলে দুর্গস্থিত ইউরোপীয়েরা সহসা এই সম্মিলিত সন্তের ক্ষমতা পর্য্যদন্ত করিতে সমর্থ হইতেন না। অধিকন্তু যদি নাগারের অর্থরাশি দুর্গে আনীত হইত, তাহা হইলেও সৈনিকনিবাসের উত্তেজিত সিপাহী ও নগরের দুর্ভিক্ষ জনসাধারণ সম্ভবতঃ দুর্গ আক্রমণ করিত, এরূপ হইলেও দুর্গস্থিত ইউরোপীয়দিগের ক্ষমতা বিনষ্ট হইত। যত এলাহাবাদ ইংরেজের হস্ত হইতে স্থলিত হইয়া পড়িত। কিন্তু দুর্গস্থিত পঞ্জাবী সৈনিক পুরুষেরা হিন্দুস্থানী সৈনিক পুরুষদিগের সহিত সম্মিলিত হইল না। দ্বন্দ্বাচারের অর্থ দুর্গে সমানীত হইয়া, প্রলুব্ধ জনসাধারণকে দুর্গাক্রমণে উত্তেজিত করিল না। দুর্গের যেখানে সিপাহীরা গুলিপূর্ণ বন্দুক হস্তে করিয়া দণ্ডায়মান ছিল, সেই স্থানে সশস্ত্র খেঁচরা আসিয়া দাঁড়াইল। তাহাদের পুরোভাগে চুনার হইতে আগত ধূমান স্থাপিত হইল। অদূরে স্বেচ্ছাপ্রবৃত্ত সৈনিকদলের ইউরোপীয় সন্ত অস্ত্রশস্ত্রে সজ্জিত হইয়া, সন্নিবেশিত রহিল। কামানরক্ষক ইংরেজ সৈনিকপুরুষেরা প্রজ্জ্বলিত বর্ষিকা হস্তে করিয়া কামানের পার্শ্বে অবস্থিতি করিতে লাগিল। কিন্তু দুর্গের হিন্দুস্থানী সিপাহীরা সে সময়ে কোনরূপ অব্যাহতী কোনরূপ উত্তেজনার চিহ্ন দেখাইল না। তাহারা অধিনায়কের

আদেশে ক্ষুব্ধ হয়ে অস্ত্রপরিচ্যাগ পূর্বক স্তূপাকৃতি করিয়া রাখিল, এবং দুর্গ হইতে নিষ্কাশিত হইয়া, তাহাদের স্বদেশীয়দিগের সহিত সম্মিলিত হইল।

এলাহাবাদের দুর্গে বিবিধ অস্ত্রশস্ত্র সজ্জিত ছিল, যদি দুর্গ ইঙ্গরেজের অধিকারচ্যুত হইত, তাহা হইলে ঐ সকল অস্ত্রশস্ত্র সিপাহীদিগের হস্তগত হইয়া, নিঃসন্দেহ তাহাদের বলবৃদ্ধি করিত। একটি কামানরক্ষক সৈনিক পুরুষ ইহা ভাবিয়া, দুর্গের বারুদাগারে অগ্নিসংযোগ করিতে কৃতসঙ্কল্প হয়। কাপ্তেন উইলোবি, যেরূপে দিল্লীর প্রকাণ্ড বারুদাগার নষ্ট করিয়া ছিলেন, তাহা এই সৈনিকপুরুষের অবদিত ছিল না। গুরুতর বিপদ উপস্থিত হইলে, উক্ত সৈনিক পুরুষ উইলোবির প্রবর্তিত পথের অনুসরণ পূর্বক, দুর্গের বারুদাগারের সহিত সমস্ত অস্ত্রশস্ত্র তক্ষ্মীভূত করিয়া ফেলিবার বন্দোবস্ত করে। কিন্তু বিনা গোলযোগে সিপাহীরা নিরস্ত্রীকৃত ও দুর্গ হইতে নিষ্কাশিত হইল, দুর্গে ইঙ্গরেজের পতাকা পূর্ববৎ উড়িয়ে লাগিল, কামানরক্ষক সৈনিক পুরুষ যে ছুফর কার্যসাধনের সন্মত করিয়াছিলেন, সে কার্য আর অসম্পন্ন হইল না। দুর্গের বারুদাগার, অস্ত্রাগার, সমস্তই পূর্ববৎ রহিল।

এলাহাবাদের ষষ্ঠ দলের সিপাহীদিগের অভ্যুত্থানের ইতিহাস এইরূপ। এই ইতিহাসে সিপাহীদিগের একতা ও পরস্পর একীভূতভাবে কার্য করিবার ক্ষমতার একান্ত অভাব দৃষ্ট হয়। যখন নোসেতুর সন্মুখে সিপাহীরা প্রকাশভাবে যুদ্ধোন্মুখ হয়, এবং কামানসহ সৈনিকনিবাসে উপস্থিত হইয়া, ইউরোপীয় সৈনিক পুরুষদিগকে আক্রমণ করে, তখন দুর্গস্থ সিপাহীরা তাহাদের কার্যপ্রণালীর সম্বন্ধে কোন বিষয় সম্যক বুঝি উঠিতে পারে নাই। তাহারা অদূরে বন্দকের শব্দ শুনিয়া ভাবিতেছিল, বারানসীর সিপাহীরা প্রবলপরাক্রমে তাহাদের সহিত সম্মিলিত হইবার জন্য অগ্রসর হইতেছে। তখন তাহারা কোন নির্দিষ্ট প্রণালীতে কার্য করিবার জন্য একীভূত হয় নাই। দুর্গের বাহিরে তাহাদের স্বদেশীয়গণও তৃাহাদিগকে একসময়ে কার্যক্ষেত্রে অবতীর্ণ হইবার জন্য কোনরূপ সঙ্কেত করে নাই। যখন সেনাপতি সিমসন্ রক্তাক্তদেহে দুর্গে প্রবেশ করিলেন, তখন তাহারা উদ্বেগে উদ্ভ্রান্ত হইল। সেনাপতি দুর্গে উপস্থিত

হইয়াই, তাহাদিগকে নিরস্ত্রীকৃত করিবার প্রস্তাব করিলেন। এই প্রস্তাব যখন কার্যে পরিণত হয়, তখন শিখেরা নিরস্ত্রীকৃত সিপাহীদিগের পক্ষসমর্থনে উদ্যত হয় নাই। যদি একসময়ে দুর্গের বহিঃস্থ সিপাহীরা সৈনিকনিবাসে ইউরোপীয়দিগকে আক্রমণ করিত, এবং দুর্গস্থিত সিপাহী ও শিখেরা পরস্পরসম্মিলিত হইয়া, দুর্গের ইউরোপীয়দিগের ক্ষমতাবিনাশে উদ্যত হইত, তাহা হইলে এলাহাবাদে ভয়ঙ্কর বিপ্লবের গতিরোধ করা, ইঙ্গরেজের দুঃসাধ্য হইয়া উঠিত। হয় ত বিবিধ অস্ত্রশস্ত্রপূর্ণ দুর্গ সিপাহীদিগের হস্তগত হইত, এবং গঙ্গাযমুনার সঙ্গমস্থলে সিপাহীদিগের প্রাধান্ত পরিকীর্তিত হইতে থাকিত। এইরূপে সূক্ষ্ম পরিচালক ও সুশৃঙ্খল কার্যপ্রণালীর অভাবে, এলাহাবাদে সিপাহীদিগের সমুখান গোলযোগপূর্ণ হইয়াছে। সিপাহীযুদ্ধের ইতিহাসের প্রায় সকল স্থানেই এইরূপ গোলযোগ দেখিতে পাওয়া যায়। কিন্তু সামরিক নীতির অংশে সিপাহীযুদ্ধের ইতিহাসে এলাহাবাদের সিপাহীদিগের এইরূপ বিশৃঙ্খল সমুখানই সমধিক প্রসিদ্ধ। যেহেতু, এই সমুখানের অব্যবহিত পরবর্তী ঘটনাও উক্তরূপ বিশৃঙ্খল হইয়া উঠে। মূল বিষয় যেরূপ শৃঙ্খলার অভাবে ব্যর্থ হয়, তৎপ্রযুক্ত ঘটনাবলীও সেইরূপ শৃঙ্খলার অভাবে বিকল হইয়া যায়। সিপাহীদিগের সমুখানের অব্যবহিত পরেই, প্রায় সমগ্র নগর কোম্পানির বিরুদ্ধ পক্ষ অবলম্বন করে। নগরের প্রান্তবর্তী ভূভাগেও ঐরূপ উত্তেজনায় গতিবিস্তার হয়। দেখিতে দেখিতে সূদূরবর্তী কৃষকপল্লীসমূহও সংশ্লিষ্ট হইয়া উঠে। যদি এই সার্কজনীন সমুখানের কার্যপ্রণালী বিশিষ্ট যোগ্যতা সহকারে অবধারিত ও বিশিষ্ট নৈপুণ্যসহকারে পরিচালিত হইত, এবং যদি লম্ভ জনসাধারণ একবিধ মন্ত্রণায় সম্বদ্ধ হইয়া, একবিধ উদ্দেশ্যসিদ্ধির জন্য একীভূতভাবে কার্যক্ষেত্রে প্রবেশ করিত, তাহা হইলে, বোধ হয়, ইঙ্গরেজ সহসা এই সমুখান নিবারিত করিতে সমর্থ হইতেন না, এবং সহসা আপনাদের প্রাধান্তপ্রতিষ্ঠায় কৃতকার্য হইতে পারিতেন না। কিন্তু এই সর্বব্যাপী অস্থানানের কোন অংশেও একতা বা শৃঙ্খলার চিহ্ন রহিল না। প্রত্যেকেই স্বাধীন হইয়া অসঙ্কচিতভাবে স্বাধীনতার অপব্যবহারে উদ্যত হইল। ক্রোধ কাহারও মত্তাভাবতী হইল না। কেহ কাহারও প্রাধান্তস্বীকারে ইচ্ছা

করিল না। কেহ কাহারও সহিত উদ্দেশ্যসিদ্ধির মন্ত্রণা করিতে আগ্রহ দেখাইল না। সকলেই স্বপ্রধান, সকলেই স্বমতামুবর্তী ও সকলেই স্বাভীষ্ট সিদ্ধিপরায়ণ হইয়া, অবিচ্ছেদে ভয়াবহ কার্যের অমুষ্ঠান করিতে লাগিল। কোথাও শৃঙ্খলা, প্রাধিক্ত্য বা কর্তৃত্বের সম্মান রহিল না। সর্বত্রই শৃঙ্খলার অভাব ও ক্ষেচ্ছাচারের প্রবলতা পরিদৃষ্ট হইতে লাগিল।

ভারতবর্ষের প্রধান প্রধান নগরের মধ্যে এলাহাবাদের স্থায় কোন নগরই বিভিন্ন জাতির জনগণে অধ্যুষিত ছিল না। এই স্থানে যেরূপ হিন্দু প্রাধিক্ত্য ছিল, সেইরূপ মুসলমানেরও ক্ষমতার চিহ্ন পরিদৃষ্ট হইতেছিল। এলাহাবাদের বহুসংখ্য মুসলমান এক সময়ে দিল্লীর মোগল সম্রাটের প্রতিপালিত ও অমুগ্ধহীত ছিলেন। ইহাদের পূর্বতন সুখসৌভাগ্যের বিষয় এখনও ইহাদের স্মৃতিপটে জাগরুক ছিল। মোগলসাম্রাজ্যের উন্নতির সময়ে ইহারা যেরূপ ক্ষমতাশালী ও সৌভাগ্যশালী ছিলেন, সেই রূপ ক্ষমতা ও সেইরূপ সৌভাগ্যের অধিকারী হইতে এখনও ইহাদের বলবতী বাসনা ছিল। সুতরাং ইহারা ইঙ্গরেজের প্রাধিক্ত্যে তাদৃশ সন্তুষ্ট ছিলেন না। যখন এলাহাবাদে সিপাহীরা উত্তেজিত হইয়া উঠে, তখন ইহারাও সেই উত্তেজনায় ভরজে ভাসমান হইয়া, আপনাদের প্রপঞ্চ গৌরবের পুনরাবির্ভাব হইল বলিয়া মনে করিতে থাকেন। কিন্তু ইহাদের মধ্যেও শৃঙ্খলা বা কার্যপ্রণালীর একতা রহিল না। ইহারা মোহিনী কলনায় বিমুগ্ধ হইয়া, আপনাদের মানসপটে যে সুখময় চিত্র অঙ্কিত করিতে ছিলেন, সেই চিত্রের সংগ্রাহন ভাবে ইহাদের ধীরতার বিপর্যয় ঘটিল। ইহারা ভবিষ্যতের দিকে দৃষ্টিপাত না করিয়া, বর্তমানের বিশৃঙ্খল কার্য-পরম্পরায় সমবেদনা দেখাইতে ক্রটি করিলেন না। ইউরোপীয়েরা যখন জর্গে আত্মরক্ষায় তৎপর ছিলেন, তখন সমগ্র নগরে ও নগরের উপকণ্ঠ-বর্তী সমগ্র ভূখণ্ডে বিষম গোলযোগের সূত্রপাত হইল। ৬ই জুনের সমস্ত রাত্রি, অবিচ্ছেদে বিলুপ্ত ও বিধ্বংসের শ্রোত প্রবাহিত হইতে লাগিল। কারাগারের দ্বার ভগ্ন হইল, কয়েদীরা মুক্তিলাভ করিল। শৃঙ্খলাবদ্ধ কয়েদীগণ আপনাদের সেই অপূর্ণ আভরণ উন্মোচিত না করিয়াই, লুণ্ঠনাশয় ইত্যন্তঃ প্রধাবিত হইতে লাগিল। উত্তেজিত জন-

সাধারণের অধিকাংশই, ইউরোপীয়দিগের গৃহাভিমুখে ধাবমান হইল। পক্ষে তাহারা যে ইউরোপীয় বা ইউরেশীয়কে দেখিতে পাইল, তাহার প্রতিই অস্ত্রচালনা করিতে লাগিল। খ্রীষ্টধর্মাবলম্বীদিগের গৃহ বিলুপ্তি ও ভস্মীভূত হইল। গভীর নিশীথে ভয়ঙ্করী অনলশিখা দিগুণ উজ্জ্বল হইয়া উঠিল। দুর্গস্থিত ইউরোপীয়েরা দূর হইতে এই অগ্নিশিখা দেখিয়া বুঝিতে পারিলেন যে, তাহাদের মনোরম্য আবাসগৃহসকল অবিলম্বে ভস্মভূপে পরিণত হইবে। খ্রীষ্টধর্মাবলম্বীদিগের দোকান সকল বিলুপ্তি হইল। রেলওয়ের কারখানা বিনষ্ট ও টেলিগ্রাফের তার ছিন্ন হইয়া গেল। দুর্গের বাহিরে যে সকল ইউরোপীয় ছিল, তাহাদের প্রায় কেহই নিরুত্তীর্ণভাবে সমর্থ হইল না। উত্তেজিত লোকে সম্পত্তিলুপ্তনে ও ফিরিস্কীননে দৃঢ়প্রতিজ্ঞ হইয়াছিল। তাহারা এখন সর্বাস্তঃকরণে সেই প্রতিজ্ঞা-পালন করিতে লাগিল। সিপাহীরা এক দিন পূর্বে যাহাদের প্রাধান্ত-রক্ষার প্রধান অবলম্বনস্বরূপ ছিল, এখন তাহারাই সেই প্রাধান্তনাশে উদ্যত হইল। কোম্পানির সৈনিকদলের যে সকল সিপাহী পেন্সনভোগী হইয়া জীবনের শেষভাগ শান্তিস্থখে অতিবাহিত করিতেছিল, কথিত আছে, তাহারাও এই সময়ে তাহাদের উত্তেজিত স্বদেশীয়দিগের সহিত সম্মিলিত হইতে বিমুখ হয় নাই *। তাহাদের ঘোবনের কার্যপটুতা অন্তর্হিত হইয়াছিল, সর্বাঙ্গের আবির্ভাবে বল ও বিক্রম বিলুপ্ত হইয়া গিয়াছিল, তথাপি তাহারা উত্তেজনার গতিবিস্তারে বিমুখ হইল না। তাহাদের পরামর্শে অনেকে ভয়ঙ্কর কার্যের অনুষ্ঠান করিতে লাগিল। এইরূপে বৃদ্ধের পরামর্শে, বকের পরাক্রমে, সমগ্র এলাহাবাদ ভীষণভাবে রক্তভূমি হইয়া উঠিল। রাজকীয় শাসন কিছুকালের জন্য বিলুপ্ত হইল; অরাজকতা কিছুকালের জন্য র্ণভাবে বিকাশ পাইল; এবং অর্দ্ধচন্দ্রশোভিত সবুজ পতাকা কিছুকালের জন্য কোতোয়ালীতে উড্ডীন হইয়া, মোগলের প্রাধান্তঘোষণা করিতে লাগিল। উত্তেজিত লোকে কেবল ইউরোপীয় ও ফিরিস্কীদিগের বিরুদ্ধে সম্মুখিত হয় নাই। এলাহাবাদের অনেক বাঙ্গালী শাস্ত্রভাবে কালাতিপাত করিতে-

* *Kaye, Sepoy War, Vol. II. p. 257, Note.*

ছিলেন, পবিত্র প্রয়াগে, পবিত্র গঙ্গাযমুনার সঙ্গমস্থলে, বাস করিয়া, ইহারা পুণ্যসঞ্চয় ও শারীরিক স্বাস্থ্যবর্দ্ধনের আশা করিতেছিলেন। দুর্য্যগত অনেক বাঙ্গালীও শ্রোতৃস্বতীসঙ্কমে অবগাহন করিবার জন্ত, এই স্থানে আসিয়াছিলেন। উত্তেজিত জনসাধারণের সহিত ইহাদের কোনরূপ সমবেদনা ছিল না। কোম্পানির রাজ্যবিনাশার্থেও ইহারা কাহারও পরামর্শে পরিচালিত হইতেন না। ইহারা নিরীহভাবে আপনাদের কার্য্যে ব্যাপৃত থাকিতেন, এবং কোম্পানির অধিকারে আপনাদের ধনপ্রাণ নিরাপদ রহিয়াছে ভাবিয়া, নিরুদ্বেগে ধর্ম্মাচরণে মনোনিবেশ করিতেন। নগরের দুর্ব্বৃত্ত লোকে এখন এই শান্তস্বভাব অধিবাসীদিগকে আক্রমণ করিল। এইরূপে আক্রান্ত হইয়া, বাঙ্গালীরা চারিদিকে বিধ্বংসের বিকট ভাব দেখিতে লাগিলেন। তাঁহাদের সম্পত্তি অধিকৃত হইল, তাঁহাদের জীবন সঙ্কটাপন্ন হইয়া উঠিল, এবং তাঁহাদের আবাসগৃহে মুহুমুহুঃ ভয়াবহ কোলাহল ও কাতরকণ্ঠনিঃসৃত করুণরোদনধ্বনিতে পরিপূর্ণ হইতে লাগিল। বাঙ্গালীগণ অবশেষে উত্তেজিত জনসাধারণের প্রাধান্ত্বস্বীকার করিয়া, এবং শপথপূর্ব্বক আপনাদিগকে বৃদ্ধ মোগলের অধীন বলিয়া উপস্থিত বিপদ হইতে বিমুক্ত হইলেন। এইরূপে আসন্ন বিপদ হইতে নিষ্কৃতিলাভ করিয়া, তাঁহারা আত্মরক্ষায় যত্নশীল হইলেন। তাঁহারা দুর্গস্থিত ইঙ্গরেজদিগের সহিত এই বিষয়ের পরামর্শ করিতে লাগিলেন, সে সময়ে ইউরোপীয়েরা আপনাদিগকে লইয়াই বিভ্রত ছিলেন, এবং আপনাদের জীবনের জন্তই অপরের নিকট সাহায্যের আশা করিতেছিলেন, সুতরাং তাঁহারা কোনরূপ সাহায্যদানে সমর্থ হইলেন না। বাঙ্গালীরা অতঃপর এক জন সমুদ্রগমন হিন্দুস্থানীর সাহায্যে আপনাদিগকে রক্ষা করিবার জন্ত সশস্ত্র সৈনিকদল সংগঠিত করিলেন।

ধনাগারবিলুপ্ত, উত্তেজিত সিপাহীদিগের ও জনসাধারণের প্রধান উদ্দেশ্য ছিল। কিন্তু ৬ই জুন ইহারা ধনাগারের অর্থরাশি লুণ্ঠন করে নাই। কেহ কেহ প্রস্তাব করিয়াছিল যে, এই অর্থ সাম্রাজ্যরক্ষার জন্ত দিল্লীতে লইয়া গিয়া বৃদ্ধ মোগলকে দেওয়া হইবে। স্বাধীনতামূলক জাতীয় ভাবে অনুপ্রাণিত হইয়া, কেহই সে সময়ে ধনাগারের এক কপর্দকও গ্রহণ করে নাই। সমস্তই কোম্পানির শাসনপ্রণালীর উচ্ছেদার্থে

দিল্লীর মোগল সম্রাটের নামে রাখা হইয়াছিল। কিন্তু ৭ই জুন প্রাতঃকালে গণিত সিপাহীদল কাওয়ারজের ক্ষেত্রে সমবেত হইয়া, এই প্রস্তাবের বিরুদ্ধে মতপ্রকাশ করিল। অনন্তর ঐ দিন বেলা দুই প্রহরের পর গাহারা ধনাগারে উপস্থিত হইল, সবলে দ্বার উদ্বাটিত করিল, এবং মুদ্রাপূর্ণ লিয়াসকল সংগ্রহ করিতে লাগিল। সিপাহীদিগের যে যত পারিল, সেই ত থলিয়া লইয়া চলিয়া গেল। অবশিষ্ট অর্থ হুবৃত্ত লোকে লুটিয়া লইল। যথিত আছে, এইসময়ে এলাহাবাদের ধনাগারে ত্রিশ লক্ষ টাকা ছিল। সিপাহীরা প্রত্যেকে ৩।৪ টি থলিয়া লইয়া যায়। প্রতি থলিয়ার এক এক হাজার টাকা ছিল। সিপাহীরা এই রূপ অর্থলোভে সন্তুষ্ট হইয়া, আপনাদের আবাসপল্লীতে গমন করিল, কিন্তু নগর ও উহার পার্শ্ববর্তী স্থান নিরুপদ্রব হইল না। কোম্পানির মুল্লুক বিনষ্ট হইল ভাবিয়া, ধনলুপ্ত হুবৃত্ত লোকে বাধে অত্যাচারের পরাকাষ্ঠা দেখাইতে লাগিল। শ্বেত পুরুষদিগকে লায়িত দেখিয়া, তাহাদের সাহস অধিকতর বর্দ্ধিত হইল। তাহারা বর্দ্ধিত-সাহসে ও অসঙ্কুচিতভাবে অরাজকতার প্রশ্রয়বৃদ্ধি করিতে লাগিল।

নগরের বিপ্লব দেখিতে দেখিতে সূদূরবর্তী পল্লীসমূহে সংক্রান্ত হইল। সকল তালুকদার ইঙ্গরেজের আদালতে আপনাদের ভূসম্পত্তি হইতে দ্রুত হইয়াছিলেন, তাঁহারা এসময়ে নিরীহ কৃষাদিগকে উত্তেজিত করিতেও কুণ্ঠিত হইলেন না। গঙ্গাঘমুনীর মধ্যবর্তী ভূখণ্ডে মুসলমান স্বামিগণেরই প্রাধান্য ছিল। ইহারা ভারতের ব্রিটিশ শাসনকর্তার পদে লুপ্ত মোগলকে প্রতিষ্ঠিত দেখিতে অনিচ্ছু ছিলেন না। গঙ্গাঘমুনীর পার্শ্ববর্তী নিসমূহে ব্রাহ্মণ্যধর্মেরও প্রাচুর্য্য ছিল। এই ধর্মাবলম্বীদিগের কেহ কেহ পস্থিত বিপ্লবে কোন পক্ষ অবলম্বন করিলেন না। কোম্পানির ক্ষমতা-শৈরী অন্ত উত্তেজিত সিপাহীদিগের সহিত সম্মিলিত হইতে ইহাদের ইচ্ছা হইল না। ইহারা কোন পক্ষের সমর্থন না করিয়া, আত্মরক্ষার উপায় দেখিতে লাগিলেন। কেহ কেহ বা ইঙ্গরেজের প্রাধান্যনাশের সহিত আপনাদের ক্ষমতা ও সমৃদ্ধিবৃদ্ধির স্বপ্ন দেখিয়া, আপনাই বিমুগ্ধ হইতে লাগিলেন। অন্তরাং চিরপ্রসিদ্ধ গঙ্গাঘমুনীর দোয়াবের অনেকস্থলে কোম্পানির শাসনপ্রণালী, কোম্পানির বিধিব্যবস্থা ও কোম্পানির

প্রাধান্য কিছু দিনের জন্য অন্তর্হিত হইল। কিছু দিন পরে বিলুপ্ত ও বিধ্বংসের কার্য শেষ হইল। দ্রুত জনসাধারণ বলবতী লালসার আর কোন বিষয় না পাইয়া, কিছু দিন পরে ইতস্ততঃ ঘুরিয়া বেড়াইতে লাগিল, কিন্তু ইহাতেও অরাজকতার শাস্তি হইল না। ভয়াবহ বিপ্লবের উচ্ছ্বল কার্যাবলী এখন প্রকৃষ্ট পদ্ধতিক্রমে ও ধারাবাহিকরূপে অনুষ্ঠিত হইতে লাগিল। জনসাধারণের হৃদয় যখন উত্তেজিত হয়, আত্মকমতা, আত্মপ্রভুত্ব বা আত্মধর্মের প্রাধান্যস্থাপনের ইচ্ছা, যখন সাধারণের মধ্যে বলবতী হইয়া উঠে, বিপ্লব যখন মুহূর্ত্তে মুহূর্ত্তে ভীষণভাবে পরিগ্রহ করিয়া, সর্বত্র বিস্তৃত হইয়া পড়ে, তখন সাধারণকে অধিকতর উত্তেজিত করিবার, সাধারণের হৃদয়গত অভিলাষ অধিকতর প্রবল করিবার বা সর্বব্যাপী বিপ্লব অধিকতর ভীষণভাবে পরিণত করিবার জন্ত লোকের অভাব হয় না। উপস্থিত স্থলেও এইরূপ লোকের আবির্ভাবে বিলম্ব হইল না। গঙ্গা ও যমুনার মধ্যবর্তী ভূখণ্ডে একটি মুসলমানপন্নীতে একজন মৌলবী ছিলেন। ইনি এলাহাবাদের খসরুবাগে আসিয়া বাস করেন। এই উদ্যান প্রাচীরে পরিবেষ্টিত ও কতিপয় সমাধিস্থানের জন্ত মুসলমানদিগের মধ্যে পবিত্র বলিয়া পরিগণিত ছিল। মৌলবী এই পবিত্র উদ্যানে বাস করিয়া আপনাকে অসীম ক্ষমতার অধিকারী ধর্মনিষ্ঠ, সাধু পুরুষ বলিয়া ঘোষণা করিলেন। অনেক কোতুলগর মুসলমান তাঁহার শিষ্যশ্রেণীতে নিবিষ্ট হইল। বিপ্লবের সময়ে মৌলবী যখন উত্তেজিত জনসাধারণের মধ্যে গভীর স্বরে দিল্লীর বৃহৎ মোগলের প্রাধান্য পুনঃপ্রতিষ্ঠিত হইল বলিয়া, ঘোষণা করিলেন, তখন সকলে আগ্রহসহকারে তাঁহার কথা শুনিতে লাগিল। মৌলবী তদানীন্তন উদ্দীপনাময়ী বক্তৃতায়, মুসলমানেরা হির থাকিতে পারিল না। তাহারা ফিরিকীর শোণিতে আপনাদের বিদ্রোহানল নির্বাপিত করিবার মানসে দলবদ্ধ হইল। মৌলবীর কথায় তাঁহাদের দৃঢ় বিশ্বাস হইল যে, ইন্দুরাজ্যাসনের পরিসমাপ্তি হইয়াছে। মোগল সম্রাট পুনর্জার সমগ্র ভারতের অধীশ্বর হইয়াছেন। দিল্লীতে তাঁহার প্রাধান্য ঘোষিত হইয়াছে। এলাহাবাদে তাঁহার আর্দ্রচন্দ্রশোভিত পতাকা উড়ীন হইতেছে। দিল্লীতে ফিরিকীর নিধন

হইয়াছে। এলাহাবাদেরও কেহ কেহ নিহত হইয়াছে, কেহ কেহ বা দুর্গমস্থানে আশ্রয়গোপন করিয়াছে। সুতরাং মোগলের সর্বব্যাপী আধিপত্য অসিসংবাদিত-রূপে বদ্ধমূল হইয়াছে। উত্তেজিত মুসলমানসম্প্রদায় এইরূপে আপনাদের করনায় আপনাদেবী বিমুক্ত হইতে লাগিল। তাহাদের মৌলবী এলাহাবাদের শাসনকর্তার সম্মানিত পদে অধিষ্ঠিত হইলেন। তাহার আদেশানুসারে এলাহাবাদের শাসনকার্য সম্পন্ন হইতে লাগিল। তাহার নাম ও গুণাবলী মহম্মদের শিষ্যবর্গের মুখে পরিকীর্ণিত হইতে লাগিল। তাহার কথার মুসলমানদিগের হৃদয়ে ফিরিঙ্গীবিদ্বেষ অধিকতর প্রবল হইল। তাহার মন্ত্রণার মুসলমানেরা, সকলকেই ফিরিঙ্গীবিদ্বেষী করিয়া তুলিতে লাগিল। তাহার আদেশে মুসলমানদিগের কার্যপ্রণালী অবধারিত হইতে লাগিল। তিনি বলিতে লাগিলেন, ভারতবর্ষে কেহ পুরুষের আর কোন চিহ্ন থাকিবে না। সর্বত্র মুসলমানের আধিপত্য প্রতিষ্ঠিত ও মুসলমানের বিজয়পতাকা উড়ীন হইবে। এই বলিয়া তিনি সকলকে দুর্গ আক্রমণ ও অধিকার করিবার জন্য উত্তেজিত করিতে লাগিলেন। তাহার আদেশানুসারে উত্তেজিত লোকে দুর্গ আক্রমণ ও অধিকার করিবার চেষ্টা করিল বটে, কিন্তু তাহাদের চেষ্টা ফলবতী হইল না। ইঙ্গরেজের কামানে আক্রমণকারীদিগের ক্ষমতা পর্য্যুদস্ত হইল। সরিৎসঙ্গের তটবর্তী বিশাল দুর্গে পূর্ববৎ ইঙ্গরেজের প্রাধান্ত অক্ষুণ্ণ রহিল। এলাহাবাদের এই মৌলবীর নাম লিয়াকৎ আলি। ইনি জাতিতে তাঁতী ও ব্যবসায় বিদ্যালয়ের শিক্ষক ছিলেন। নিরতিশয় আত্মশুদ্ধি ও ধর্মনিষ্ঠার জন্য বাসগ্রামে ইহার প্রতিপত্তি বদ্ধমূল ছিল। বিপ্লবের প্রথম অবস্থায় চেলনামক পরগণার মুসলমান ভূস্বামিগণ ইহাকে আপনাদের অধিনেতা করিয়া এলাহাবাদে উপনীত হইলেন। অতঃপর ইনি এলাহাবাদবিভাগের শাসনকর্তা বলিয়া ঘোষিত হইলেন এবং দিল্লীর বৃদ্ধ ভূপতির নামে শাসনদণ্ডের পরিচালনা করেন।

এলাহাবাদে মৌলবীর এইরূপ প্রাধান্ত দীর্ঘকাল অক্ষুণ্ণভাবে থাকিল না। মহম্মদের শিষ্যেরা দীর্ঘকাল এলাহাবাদে আপনাদের ক্ষমতা অপ্রতিহত রাখিতে পারিল না। ইঙ্গরেজের প্রভুত্ব আবার এলাহাবাদে

যুদ্ধমূল হইল। যখন সিপাহীরা যুদ্ধোদ্ভূত হয়, নগরের পর নগরে যখন তাহাদের আক্রমণে ইঙ্গরেজেরা প্রাণত্যাগ বা পলায়ন করিতে থাকেন, তখন এলাহাবাদের দিকে সকলেরই তীক্ষ্ণ দৃষ্টি ছিল। বীরশ্রেষ্ঠ আউট্রাম এই স্থান হস্তগত রাখিবার জন্য সবিশেষ চেষ্টা করিতে কহিয়াছিলেন। রাজনীতিকুশল হেনরি লরেন্স এই স্থানে আপনাদের আধিপত্যরক্ষা করিবার আবশ্যকতা প্রতিপন্ন করিয়াছিলেন। তাহাদের সৌভাগ্যক্রমে এলাহাবাদে ইঙ্গরেজের আধিপত্য প্রতিষ্ঠিত হইল। এলাহাবাদের বিশাল দুর্গে ইঙ্গরেজের পতাকা পূর্ববৎ উড়িতে লাগিল। যদি দুর্গ ইঙ্গরেজের অধিকার-চ্যুত হইত, তাহা হইলে কাণপুর ও লক্ষ্ণৌ অধিকার করা দুঃসাধ্য হইয়া উঠিত। হয় ত ভারতে ইঙ্গরেজের বিশাল সাম্রাজ্য বিলম্বের ভয়াবহ অভিঘাতে বিচ্ছিন্ন হইয়া যাইত *। গবর্ণমেন্টের কার্যকারিতা বা মাছুষের ক্ষমতা এস্থলে পরিফুট হউক বা নাই হউক, ঈশ্বরের অখণ্ডনীয় ইচ্ছায় এলাহাবাদের দুর্গে ইঙ্গরেজের বিজয়পতাকা অক্ষুণ্ণ রহিল। ধারাগণীতে শিখসৈন্য ইঙ্গরেজের বিরুদ্ধে অস্ত্রপরিগ্রহ করিয়াছিল। এলাহাবাদের শিখসৈন্য হিন্দুস্থানী সিপাহীদিগের নিরস্ত্রীকরণে ইঙ্গরেজের আদেশানুযায়ী হইল। যদি এলাহাবাদের সামরিক রক্ষভূমিতে ধারাগণী-ব্যাপারের অভিনয় হইত, তাহা হইলে ঘটনাচক্র বোধ হয়, অল্পদিকে আবর্তিত হইত। যাহা হউক, অনতিবিলম্বে এলাহাবাদের দুর্গস্থিত ইউরোপীয়দিগের অদৃষ্ট প্রসন্ন হইল। যে সাহসী, সুদক্ষ, স্বজাতিহিতৈষী অথচ কঠোরহৃদয় বীরপুরুষ ধারাগণীরক্ষা করিয়াছিলেন, তিনি সৈনিক-দল সহ এলাহাবাদের দুর্গে প্রবেশ করিয়া, তত্রত্য ইউরোপীয়দিগের হৃদয় আশস্ত করিলেন।

সেনাপতি নীল ১১ই জুন এলাহাবাদে উপনীত হইলেন। তিনি যখন ধারাগণী হইতে যাত্রা করেন, তখন এলাহাবাদে কি হইতেছে, কিছুই জানিতে পারেন নাই। টেলিগ্রাফের তার বিচ্ছিন্ন হইয়া গিয়াছিল। সুতরাং সেই মুহূর্ত্তে কোন সংবাদ তাঁহার নিকটে উপস্থিত হয় নাই। যাহা হউক,

* Russell, Diary in India, Vol I. p. 155.

জঙ্গী সেনাপতি বিশিষ্ট সম্মতাসহকারে, এলাহাবাদের অভিমুখে এসে হইতে লাগিলেন। প্রচণ্ড নিদাঘের নিদারুণ আতপে তাঁহার বাঙ্গালী সৈন্যের গতিরোধ হইল না। সেনাপতি সমস্ত বিষয়বিপত্তিতে অপেক্ষা করিয়া, অরিতগতিতে গঙ্গার তটদেশে উপস্থিত হইলেন। দুর্গস্থিত ইউরোপীয়েরা তাঁহার আগমনসংবাদ জানিতে পারেন নাই, এজন্য সেনাপতির পার হওয়ার জ্ঞান নৌকা প্রস্তুত ছিল না। কিন্তু এই অন্তরায় দীর্ঘ বিদূরিত হইল। কার্যকুশল নীল এতদৈশ্বর্য কতিপয় পোতবাহককে টংকোঁচ দিয়া বশীভূত করিলেন। তাহারা একখানি নৌকা আনিয়া দিল, সেনাপতি কতিপয় সৈনিক পুরুষের সহিত ঐ নৌকায় অপর তটে উপস্থিত হইলেন। এদিকে দুর্গস্থিত ইংরেজেরা সংবাদ পাইয়া, নৌকাসংগ্রহ করিয়া দিলেন। এইরূপে সেনাপতি নীলের সমগ্র সৈনিকদল নদী উত্তীর্ণ হইল। সেনাপতি এই সৈন্যসমভিব্যাহারে ঘর্ষাক্তকলেবরে ও নিরতিশয় পরিশ্রান্তভাবে দুর্গদ্বারে উপনীত হইলেন। পথে তিনি অরাজকতার নিদর্শন প্রত্যক্ষ করিয়াছিলেন, কোথাও ইউরোপীয়দিগের জীবন ও সম্পত্তি নিরাপদ ছিল না। সকল স্থানেই অশান্তি ও উচ্ছৃঙ্খলভাবের বিকাশ হইয়াছিল। সেনাপতি এলাহাবাদে আসিয়াও সমস্তই গোলযোগপূর্ণ দেখিতে পাইলেন। এস্থলেও জনসাধারণের বলবতী প্রতিহিংসার পরিচয়সূচক চিহ্নের অভাব ছিল না। ইউরোপীয়দিগের আবাসগৃহাবলী, বিপণিশ্রেণী ও গার্ডিয়ালসমূহ বিপ্লবের বিকটভাব বিকাশ করিয়া দিতেছিল। সার্বজনীন উত্তেজনার সময়ে শৃঙ্খলার মর্যাদা থাকে না। ইউরোপের চিরপ্রসিদ্ধ লিঙ্কানামক স্থানে * যে ভীষণ যুদ্ধ সজ্জা হইয়াছিল, তাহাতে সভ্যতাসম্পন্ন সৈনিকপুরুষেরা ইহা অপেক্ষাও অধিকতর উচ্ছৃঙ্খলভাবের পরিচয় দিতে সক্ষম হইতেন। এলাহাবাদের নিরক্ষর জনসাধারণ যে, উত্তেজনায় অধীর ও হুমত্যাগ পরিচালিত হইয়া, বিধবংসের রাজ্যবিস্তার করিবে, তাহা কোন অংশে

* Russell, Diary in India. Vol. I. p. 156.

† ঝালকাঠী জমিদার পক্ষিমে অবস্থিত। দিবাষ্টোপল হইতে হিন্দু মাইল দূরবর্তী।
মিয়ার যুদ্ধে (এক পক্ষে রুশিয়া অপর পক্ষে ইংরেজ ও ফরাসী, তুর্ক ও সার্কিনিয়াবাসী)
হলে ইংরেজদিগের রণভরী সকল ছিল।

বিচিত্র নহে। যাহা হউক, সেনাপতি নীল এলাহাবাদের দুর্গ এখন ইঙ্গরেজের হস্তে রহিয়াছে দেখিয়া নিরতিশয় বিস্মিত হইলেন। দুর্গস্থিত শিখসৈন্য যে, এরূপ অবস্থাতেও দুর্গ আক্রমণ ও অধিকার করে নাই ইহাই তাহার অধিকতর বিস্ময়ের বিষয় হইল। দুর্গের প্রায় চতুর্দিক উত্তেজিত জনসাধারণে পরিব্যাপ্ত ছিল। যুদ্ধোন্মুখ সিপাহীরাও প্রতিমুহূর্তে উন্নত কার্যসাধনের সুযোগপ্রতীক্ষা করিতেছিল। ইউরোপীয়েরা দুর্গে অবকাশ থাকিয়া মুহূর্তে মুহূর্তে গভীর আশঙ্কায় বিচলিত হইতেছিলেন সেনাপতি ইহা দেখিয়া ভাবিলেন ঈশ্বরের অসীম করুণায় দুর্গ হস্তগত রহিয়াছে। সেনাপতির উপস্থিতির পূর্বে দুর্গে কোনরূপ শৃঙ্খলা ছিল না। দুর্গের বহির্ভাগে জনসাধারণ যেরূপ উত্তেজনার পরিচয় দিতেছিল দুর্গস্থিত ইউরোপীয়েরাও উত্তেজনায় তদপেক্ষা অধিকতর অধীর হইয়া অবাধে গর্হিতকার্যের অনুষ্ঠান করিতেছিল। এই সময়ে কেহ তাহার অধীনতাধীকারে সম্মত হয় নাই; কেহ উচ্ছৃঙ্খল ব্যক্তিদিগকে আশ্রয় না দিয়া আপনাতত্ত্বের পরিচয় দিতে উদ্যত হয় নাই। যে সকল ইউরোপীয় আপন ইচ্ছায় সৈনিকদলে প্রবিষ্ট হইয়াছিল, তাহাদের নিকা সুনীতি বা শৃঙ্খলার আদর ছিল না। অনিয়মিত সুরাপান ও যথেষ্ট ব্যবহারে তাহারা সমুদায় বিষয়ই বিশৃঙ্খল করিয়া তুলিতেছিল। বিলুপ্ত বিধবংস ও বিরুদ্ধাচার তখন তাহাদের নিকট দোষ বলিয়া পরিগণিত ছিল না। তাহারা যুদ্ধবিদ্যায় অনভিজ্ঞ হইলেও আপনাদিগকে যুদ্ধবীরের সম্মানিত পদে অধিষ্ঠিত দেখিয়া, নিরীহ লোকের শোণিত পাতপূরক আশ্রয়গর্বের পরিচয় দিতেছিল। তাহাদের এক ব্যক্তি উত্তেজিত হইয়া শিখসৈন্যের অধ্যক্ষকে গুলি করিবার জন্ত পিস্তল গ্রহণ করিতেও সঙ্কুচিত হয় নাই। তাহারা শিখদিগের সহিত দুর্গস্থ দ্রব্যাদি বিলুপ্তনেও কাতর ছিল না। দুর্গের বহুমূল্য কাঠময় দ্রব্যসকল বিচুরণ বিক্রি হইয়াছিল। মালগুদামের দ্রব্যাদি অস্বামিক দ্রব্যের জ্ঞান সকলের হস্তগত হইতেছিল। শিখসৈন্য সুরাপূর্ণ বোতল সকল বিলুপ্ত করিয়া ইউরোপীয় সৈনিকপুরুষদিগের নিকট অল্প মূল্যে বিক্রয় করিতেও কুণ্ঠিত হয় নাই। এইরূপে মদিরাশ্রোত অবাধে প্রবাহিত হইতেছিল।

ইউরোপীয়েরা নদীতটের সম্মিহিত গুদাম বিলুপ্তি করিয়াছিল। ইহাদের এইরূপ যথেষ্টাচার দেখিয়া শিখেরাও বিলুপ্তনব্যাপারে নিরস্ত থাকে নাই। হর্গের কার্যপ্রণালী এরূপ বিশৃঙ্খল ছিল যে, এক ব্যক্তি হর্গরক্ষার জন্য মাস্ত দিন পরিশ্রম করিয়াও খাদ্য সামগ্রী প্রাপ্ত হয় নাই। তাহার স্ত্রীপুল মাস্ত দিন অনাহারে ছিল। একজন সদাশয় খ্রীষ্টধর্মপ্রচারক তাহার ব্যবস্থায় হুঃখিত হইয়া, সেনাপতি সিমসনকে উক্ত বিষয় বিজ্ঞাপিত করেন। সেনাপতি অনেক কষ্টে তাহাকে হুর্গে লইয়া যান এবং আহারের জন্য এক পানি কুঁটা দেন। কিন্তু মালগুদামের এক ব্যক্তি এই হতভাগ্যের স্ত্রী ও সন্তানদিগকে খাদ্য সামগ্রী দিতে অসম্মত হয়; যেহেতু তাহার হর্গরক্ষার জন্য যুদ্ধ করিতে সমর্থ নহে। এইরূপ অপূর্ব হেতুবাদ দেখাইয়া তখন কলেই সর্ববিধ অপকার্যের অনুষ্ঠান করিতেছিল। যুদ্ধবীর সেনাপতির শাসনেও এই যথেষ্টাচারশ্রোত নিরুদ্ধ হয় নাই। হুর্গস্থিত ইউরোপীয় ও শব্দশূন্য এলাহাবাদের উত্তেজিত জনসাধারণের দ্বারা উগ্রভাবে পরিচয় দিতেছিল। হিতাহিত জ্ঞানশূন্য জনগণ যখন কাহারও বক্তৃত্যবীকার না করিয়া, স্বাধীনভাবে কার্য করিতে প্রবৃত্ত হয়, তখন বলবতী উত্তেজনায় তাহার সহজেই ভয়ঙ্করভাবে পরিচয় দিয়া থাকে। তাহাদের দ্রুত ভাব স্ময়কর নহে। কিন্তু, দূরদর্শী, সভ্যতাভিমानी ও সূক্ষ্ম সেনাপতির শাসনে যখন সর্ববিধবৎসকর যথেষ্টাচারের প্রশংসাবৃদ্ধি হয়, তখন কেহই তাহার জন্য গভীর ক্ষোভপ্রকাশ না করিয়া নিরস্ত থাকিতে পারেন না। চজস্বী বীরপুরুষের অধীন শিক্ষিত সৈনিকদলের এইরূপ পশুবৎ ব্যবহার তাহা সর্বদা নিন্দনীয় হইয়া থাকে। উপস্থিত সময়ে এলাহাবাদের ইউরোপীয়দিগের অনুষ্ঠিত কার্য এইরূপ নিন্দনীয় হইয়াছে। সেনাপতি ল এই বিশৃঙ্খল কার্যক্ষেত্রে পদার্পণ করিয়া, আপনাদের প্রাধান্ত সর্বতো-বে অক্ষুণ্ণ রাখিতে দৃঢ়প্রতিজ্ঞ হয়েন, এবং দৃঢ়প্রতিজ্ঞার সহিত যথেষ্টাচারী ইউরোপীয়দিগের শাসনে মনোনিবেশ করেন।

সেনাপতি নীল সর্বপ্রথম এলাহাবাদের হুর্গ সুরক্ষিত ও নিরাপদ রূপে উদ্যত হইলেন। দারাগঞ্জ নামক স্থান, নগরের উচ্ছৃঙ্খল ও যুদ্ধোন্মত্ত থাকে পরিপূর্ণ ছিল। উহাদের দূরীকরণ জন্য সেনাপতি ১২ই জুন প্রাতঃ-

ফালে আপনার সমভিব্যাহারী একদল সৈন্য ও কতিপয় শিখকে পাঠাই দিলেন। প্রেরিত সৈন্য দারাগঞ্জ হইতে উচ্ছ্রল লোকদিগকে দূরীভূত করিল, একটি পল্লী ভস্মীভূত করিয়া ফেলিল, এবং নৌসে আপনাদের অধিকারে আনিল। নীল অতঃপর ঐ সেতু সংস্কৃত করি উহার রক্ষার জন্য কতিপয় শিখ সৈন্য রাখিয়া দিলেন। শিখেরা এ পর্য্য হুর্গমধ্যে অবস্থিতি করিতেছিল। ইহার হিন্দুস্থানী সিপাহীদিগের নিরস্ত্র করণে সবিশেষ কার্যভংগরতা দেখাইয়াছিল। ইহাদের বিশ্বাস ছিল যে ইহার স্বৈচ্ছাপ্রবৃত্ত সৈনিকদলভুক্ত ইউরোপীয়দিগের ভ্রায়, হুর্গে থাকিয়াই স্বৈচ্ছাচারিতাসহকারে সুরাপানে ও গবর্ণমেন্টের মালগুদামের জবাবগ্রহণে আমোদিত থাকিবে। কিন্তু সেনাপতি নীল ইহাদের ব্যবহারে সন্দিহান হইলেন। যাহারা যুদ্ধোন্মুখ সিপাহীদিগকে হুর্গাক্রমণে বাধা দিবার জন্য সর্বদা প্রস্তুত থাকিয়া, প্রভুত্বের নিদর্শন দেখাইয়াছিল, তাহারাই একে হুর্গের বহির্ভাগে থাকিতে আদিষ্ট হইল। কিন্তু শিখেরা সহসা এই আদেশ পালনে সন্মত হইল না। সেনাপতি নীল ক্লাইবের ভ্রায় দৃঢ়প্রতিজ্ঞ ছিলেন তিনি আপনার সঙ্কল্প সহজে পরিত্যাগ করিলেন না। পূর্বে উক্ত হইয়াছে এই সময়ে হুর্গে কিছুমাত্র শৃঙ্খলা ছিল না, সৈনিকদের মধ্যে পানদো প্রবল হইয়া উঠিয়াছিল। শিখেরা গুদামের উৎকৃষ্ট সুরাপূর্ণ বোতল সকল লংগ্রহপূর্বক, ঐ সুরাপানে নিরন্তর পরিতৃপ্ত হইতেছিল। সেনাপতি নীল শিখদিগকে প্রার্থনানুরূপ মূল্য দিয়া, ঐ সুরা গুদামে রাখিতে গুদামে কর্মচারীদিগের প্রতি আদেশ দিলেন। এই আদেশে শিখসৈন্য সর্বা হইল। এ দিকে তাহাদের অধিনায়কও তাহাদিগকে হুর্গের বহির্ভাগে থাকিতে, অমরোধ করিতে লাগিলেন। তাহার অতঃপর কোনরূপ আপত্তি না করিয়া হুর্গের বহিঃস্থিত বাটীতে যাইয়া বাস করিতে লাগিল, কিন্তু ইহাতে তাহাদের বিলুপ্তপ্রভৃতি তিরোহিত হইল না। তাহার ইউরোপীয়দিগের জবাবদির বিলুপ্তনে নিবৃত্ত হইল বটে, কিন্তু হুর্গের বহির্ভাগে পল্লীসমূহ বিলুপ্তিত ও বিদগ্ধ করিতে বিরত থাকিল না। তাহার মূর্খতার দ্বারা বিশৃঙ্খলভাবে চারি দিকে প্রধাবিত হইত এবং পল্লীবাসীদিগের যে সকল জবাব দেখিত, তৎসমুদয়ই লুণ্ঠিত আনিত। তাহাদের পক্ষব্যাপন

অবরুদ্ধ হইল, তথাপি তাহারা বিলুপ্তনের আশায় জলাঞ্জলি দিল না । তাহাদের অধিনায়ক তাহাদিগকে স্তম্ভভাৱে রাখিতে একান্ত অসমর্থ হইলেন । শিখদিগের স্তায় ইউরোপীয় সৈনিকদলও অধিনেতাদের আদেশপালনে আগ্রহপ্রকাশ করিত না । এই সময়ে দ্রব্যাদি লইয়া যাইবার নিমিত্ত গরুর গাড়ী সাতিশয় আবশ্যক হইয়াছিল, অনেক স্থলে গাড়ী বা বলদ, কিছুই পাওয়া যাইত না । সুতরাং ইউরোপীয় যোদ্ধার স্তায় বলদও অতি প্রয়োজনীয় বলিয়া পরিগণিত ছিল । স্বেচ্ছাপ্রবৃত্ত ইউরোপীয় সৈনিকদল একপ উচ্ছল ও উন্নতপ্রায় হইয়াছিল যে, তাহারা এইরূপ অতি প্রয়োজনীয় দ্রব্যের প্রতি গুলি নিক্ষেপকরিতেও সঙ্কুচিত হইত না । তাহাদের দৈনন্দিন উচ্ছলতা দেখিয়া, সেনাপতি নীল তাহাদিগকে এই বলিয়া ভয়প্রদর্শন করিয়াছিলেন যে, যদি তাহারা স্তব্ধবস্থিত না হয়, তাহা হইলে তাহাদের প্রত্যেক জনকে বন্দুকের গুলিতে বা ফাঁসীকাঠে বধ করা হইবে ।

শিখদিগকে দুর্গ হইতে নিষ্কাশিত করিয়া, সেনাপতি নীল বিপক্ষদিগকে বিভাঙিত করিতে উদ্যত হইলেন । তিনি ১৫ই ও ১৭ই জুন আপনাদের বালকবালিকা ও কুলনারীদিগকে দুই খানি জাহাজে কলিকাতায় পাঠাইয়া দিলেন । জাহাজের নাবিকেরা মুসলমান ছিল । তাহাদের প্রতি সর্বশেষ বিশ্বাস না থাকাতে, ১৭ জন বিশ্বস্ত রক্ষক যাত্রীদিগের সমভিব্যাহারে গমন করিলেন । ইহাদের মধ্যে স্ত্রীমাচরণ মুখোপাধ্যায়নামক এক জন জীপ্ত-দামলকী রক্ষক ছিলেন, ইনি উক্ত কুলনারী ও বালকবালিকাদিগের প্রতি সৌচিত্র বস্ত্রপ্রকাশ করিতে ক্রটি করেন নাই । যাহা হউক, কর্ণেল নীল দিকে যমুনার বামতটবর্তী কিদগঞ্জ এবং মুলগঞ্জ নামক পল্লীস্থিত বিপক্ষদিগকে আক্রমণ করেন । বিপক্ষেরা পল্লী হইতে দূরীভূত হয় । সেনানায়ক ল অতঃপর জলপথ নিরাপদ রাখিবার জন্ত একখানি জাহাজে একটি ইমান সহ কতিপয় সৈনিক পুরুষকে পাঠাইয়া দেন । ইহারা ইমান লইয়া কিয়দূর অগ্রসর হয়, এবং জাহাজের দক্ষিণে ও বামে, ভয় দিকেই গুলিনিক্ষেপ করিয়া, বিপক্ষদিগকে সন্ত্রস্ত করিয়া তুলে । পথের কতিপয় পদাতি ও অশ্বারোহী সৈন্য প্রেরিত হয় । পদাতিদিগের মধ্যে এক দল শিখ ছিল ; ইহারা অগ্রসর হইলে, বিপক্ষেরা প্রবল-

বেগে ইহাদিগকে আক্রমণ করে, কিন্তু শেষে শিখদিগের পরাক্রমে তাহাদে ক্ষমতা পর্য্যদন্ত হয়। তাহারা রাত্রিসমাগমে কামান ও বন্দীদিগকে ফেলিয়া, স্থানান্তরে প্রস্থান করে। এই বন্দীদিগের মধ্যে পূর্বোক্ত ষোড়শ বর্ষীয় সৈনিক বালক ছিল।

সেনাপতি নীল এলাহাবাদে উপস্থিত হইয়া, এইরূপে একে একে নান স্থানে আপনাদের প্রাধাত্যপ্রতিষ্ঠা করেন। ১৭ই জুন মাজিষ্ট্রেট সাহে কোতোয়ালীতে উপস্থিত হয়েন। বিপক্ষেরা পূর্বেই এই স্থান পরিত্যাগ করিয়াছিল। মাজিষ্ট্রেট বিনা বাধায় আপনার কর্তৃত্বকারীদিগকে নির্দিষ্ট কার্যে নিবেশিত করেন। এই সময়ে ইঙ্গরেজের কামানের গোলায় অতিরিক্ত সমগ্র নগর বিধ্বস্ত হইবে বলিয়া জনরব প্রচারিত হয়। এই জনরবের উপস্থিতি কোথা হইতে হইয়াছিল, তাহা স্পষ্ট জানিতে পারা যায় নাই। সম্ভব ভাৱগ্রস্ত ব্যক্তির কল্পনায় অথবা যাহারা ইঙ্গরেজের বিপক্ষদিগকে দুর্য্যাকারিতে ইচ্ছা করিয়াছিল, তাহাদের মন্ত্রণায় ইহার প্রচার হইয়াছিল। বিজনরব যে স্থান হইতেই উৎপন্ন হউক না কেন, উহা স্ত্রনিপুণ ঐন্দ্রজালিতে মোহিনী শক্তির ছায় দেখিতে দেখিতে সকলকেই বিমুগ্ধ করিয়াছিল। নগরবাসিগণ ঐ জনরবে সাতিশয় ভীত হইয়া উঠিল। মৌলবী ও তাহ সহকারিগণ সাধারণের ভয় নিবারণের অনেক চেষ্টা করিলেন, কিন্তু তাঁহা চেষ্টা ফলবতী হইল না। নগরবাসিগণ ভয়ে উদ্ভ্রান্ত হইয়া, চারিদিক পলাইতে লাগিল। সেই দিন নগরের কোন গৃহেই একটি মানুষ রহিল না। সায়ংকালে নগরের কোনস্থানেও একটি আলোক পরিদৃষ্ট হইল না। লিকৎ আলি অদীরহুদয়ে ও দুঃসহমনোদুঃখে কাণপুরের অভিমুখে প্রস্থ করিলেন*। তাঁহার দুইজন সহকারী ইতঃপূর্বে যুদ্ধে নিহত হইয়াছিলে

* মৌলবী এসময়কে লিখিয়াছেন :—“কতিপয় দুষ্ট লোক ‘অভিশাপগ্রস্তদিগের’ অবলম্বন পূর্বক ঘোষণা করিয়াছিল যে, ইঙ্গরেজেরা নগরধ্বংসের জন্য দুর্গন্ধিত কামানসমস্ত করিতেছে। রাত্রি প্রভাত হইতে না হইতেই তাহারা নগরে গোলাবৃষ্টি করিয়া ঘণাকারিগণ আপনাদের বাক্যের দৃঢ়তা স্থাপন জন্য গৃহ ও সম্পত্তিরক্ষার ভার ঐহস্তে সমর্পিত করিয়া অতঃপর নগর সমগ্র প্রাণ লইয়া পলায়ন করে। এই আশঙ্কায় সংবাদ প্রচারিত হইবামাত্র, আমি পুনঃ পুনঃ নিষেধ করিলেও, নগরবাসিগণ পরিধন প্রভৃতি লইয়া পলায়ন করিতে থাকে”।

একটি অদৃশ্যপরিচ্ছদধারী, সুল্লর যুবক শিখদিগের অধিনায়কের নিকট নীতাবে আনীত হইলেন। ইহার হস্তদ্বয় পৃষ্ঠদেশে আবদ্ধ ছিল। ইনি সেনানায়কের নিকটে মৌলবীর ত্রাতুপুত্র বলিয়া পরিচিত হইলেন। সৈন্যাধ্যক্ষ ইহাকে কয়েকটি কথা জিজ্ঞাসা করিয়াই কারাগারে আবদ্ধ করিতে আদেশ দেন। যখন শিখ সৈন্য অধিনায়কের আদেশে ইহাকে কারাগারে লইয়া যায়, তখন ইনি সহসা বলপূর্ব্বক হস্তদ্বয়ের বন্ধনচ্ছেদ পূর্ব্বক প্রবলপরাক্রমে আপনার বন্ধনকারীদিগের এক জনকে আঘাত করেন। সেনানায়ক ইহা দেখিয়াই বিদ্রোহেগে নিকটে উপস্থিত হইলেন, এবং ইহার হস্ত হইতে তরবারি কাড়িয়া লইয়া, সবেগে ইহাকে ভূতলে পাতিত করেন। শেখরা এই অবসরে আপনাদের পদস্থিত অনুপদীনা দ্বারা ইহার মস্তক এক্ষণে মর্দিত করে যে, মুহূর্ত্ত মধ্যে ইহার মস্তক বিচ্ছিন্ন ও বহির্গত হয়। অন্তঃপর ইহার শব বহির্ভাগে প্রক্ষিপ্ত হয় * ।

১৮ই জুন সেনাপতি নীল সমগ্র সৈন্য সমভিব্যাহারে দুর্গ হইতে বহির্গত হইলেন। তিনি একদল সৈন্য দরিয়াবাদ, সৈদরবাদ ও রত্নপুরনামক গুল্লী আক্রমণ জন্ত প্রেরণ করেন এবং অবশিষ্ট সৈন্যসহ নগরে অগ্রসর হইলেন। নগর এখন নীরব ও নির্জজন ছিল। উত্তেজিত অধিবাসিগণ আবাসগৃহ পরিত্যাগ করিয়া স্থানান্তরে প্রস্থান করিয়াছিল। বাতাবর্তের পর প্রকৃতি যেরূপ নিস্তব্ধতা ধারণ করে, সৈনিকনিবাস ও কাওয়াজের ক্ষেত্র সেইরূপ নিস্তব্ধ ভাবে ছিল। সেনাপতি পরিত্যক্ত সৈনিকনিবাসে পুনর্বার সৈনিকদল নিবেশিত করিলেন। শাসনবিভাগের রাজকর্ম্মচারিগণ পুনর্বার আপনাদের কার্য্যসম্পাদন করিতে লাগিলেন। কাওয়াজের ক্ষেত্রে পুনর্বার ব্রিটিশ কোম্পানির অমুরক্ত সৈনিক পুরুষদিগের সমাগম হইতে লাগিল। গঙ্গাযমুনার সঙ্গমস্থলে পুনর্বার ইঙ্গরেজের প্রাধান্য স্থাপিত হইল। এলাহাবাদে যুদ্ধ শেষ হইল। কিন্তু, ইঙ্গরেজ রাজপুরুষদিগের বলবতী প্রতিহিংসার অবসান হইল না। উত্তেজিত জনসাধারণ যেরূপ নিষ্ঠুরতাসহকারে ফিরঙ্গীহত্যা করিয়াছিল, রাজপুরুষগণ এখন জনসাধারণের হত্যায় তদপেক্ষা অধিকতর

* *Martin, Indian Empire, Vol. II. p. 299.*

নিষ্ঠুরতার পরিচয় দিতে উদ্যত হইলেন। ছই সপ্তাহ পূর্বে তাঁহারা নগর হইতে তাড়িত হইয়াছিলেন, তাঁহাদের আশ্রয় দুর্গ চারি দিকে অবরুদ্ধ হইয়াছিল। তাঁহাদের আবাসগৃহ ভস্মস্থাপে পরিণত হইয়া গিয়াছিল, তাঁহাদের আত্মীয় গণ যুদ্ধোন্নত সিপাহীদিগের হস্তে, নিপীড়িত, নিগৃহীত বা নিহত হইয়াছিল। ছই সপ্তাহ পরে যখন তাঁহারা উপস্থিত বিপদ হইতে বিমুক্ত হইলেন, তাঁহাদের ক্ষমতা যখন পুনঃপ্রতিষ্ঠিত ও তাঁহাদের অধুষিত নগর যখন পুনরধিকৃত হইল, তখন তাঁহারা অসঙ্কুচিতচিত্তে নিরক্ষর ও প্রধানতঃ নিরীহ অধিবাসীদিগের শোণিতপাতে অগ্রসর হইলেন। বিপ্লবের প্রতিধাত্তে আবার ভয়ঙ্কর কাণ্ড সংঘটিত হইল। উদারতা ও ভ্রায়পরতাসহকৃত দয়া, যে স্থলে শান্তির রাজ্য অব্যাহত ও পবিত্রতায় পরিশোভিত রাখিতে পারিত, সে স্থলে ঘোরতর প্রতিহিংসাসহকৃত পাপময় কার্য্যপরম্পরার অহুতান হইতে লাগিল।

ইঙ্গরেজ যখন উত্তরপশ্চিম প্রদেশে আপনাদের জীবনরক্ষায় ব্যতিব্যস্ত হইয়া পড়িয়া ছিলেন, তখন কলিকাতার মন্ত্রিসভা বিপক্ষদিগকে কঠোর শাস্তি দিবার জন্ত কঠোরতর আইনপ্রচার করেন। এই আইনের বলে জনসাধারণের অমূল্য জীবন বিচারপতিদিগের হস্তে ক্রীড়ার সামগ্রী হইয়া উঠে। এলাহাবাদ বিভাগে এখন এই কঠোরতর আইন প্রচারিত হইল। কেবল সেনাপতি নীল এই আইনে বিশ্বাসের রাজ্যবিস্তার করেন নাই। সৈন্যধ্যক্ষ ব্যতীত বিচারাধ্যক্ষ, তাঁহার সহকারী, এমন কি, বিচারবিভাগের বহির্ভূত লোকের হস্তেও এই আইনপরিচালনের ভার সমর্পিত হইল। বিভাগের কমিশনার, জজ, সহকারী মাজিস্ট্রেট, সিভিল সার্জন, সকলেই উপস্থিত আইনের মহিমায়, মানবের অমূল্য জীবনের বিধাতা পুরুষ হইয়া উঠিলেন। এই সকল বিচারক উত্তেজিত জনসাধারণের আক্রমণে আপনাদিগকে সকল বিলুপ্তি ও ভস্মীভূত হইতে দেখিয়া ছিলেন, আপনাদের স্ত্রী ও সন্তানদিগকে ব্যস্ততার সহিত ছুর্গে আনিবার কষ্টভোগ করিয়াছিলেন। স্মৃতরাঃ প্রতিহিংসা ইহাদের হৃদয়ে নিরন্তর জাগরুক ছিল। ইহারা দমস্ত ক্লেশবর্ণ ঘোঁককেই ঘোরতর শত্রু বলিয়া বিবেচনা করিয়াছিলেন। বাঁহারা এইরূপ শত্রুবুদ্ধিতে বিচলিত হইয়া বলবতী প্রতিহিংসার তৃপ্তিসাধনে উন্মত্ত ছিলেন,

এখন তাঁহারাই জনসাধারণের জীবনরক্ষণ বা হরণের জন্য বিচারকের পবিত্র আসনে সমাসীন হইলেন।

উপস্থিত সময়ে ঐ সকল ব্যক্তির হস্তে উক্তরূপ কঠোরতম শক্তির পরিচালনের ভারসমর্পণ করা, গবর্ণমেন্টের উচিত হয় নাই। বাহারা সর্বত্র বিপ্লবের বিস্তার করিয়াছিল, তাহাদিগকে শাস্তি দেওয়া দস্ত। কিন্তু, এইরূপ শাস্তিপ্রদানের সময়ে সুবিচারের সম্মানরক্ষা করাও কর্তব্য। শত অপরাধীর বিমুক্তি হয়, তাহাও ভাল, তথাপি একটি নিরপরাধ ব্যক্তির প্রাণদণ্ড সন্নীতির অহুমোদিত নহে। গবর্ণমেন্ট এ সময়ে যে উদ্দেশ্যে উপস্থিত আইনপ্রচার করিয়া ছিলেন, যদি দূরদর্শী, উপযুক্ত ব্যক্তির হস্তে উহার পরিচালনভার থাকিত, তাহা হইলে গবর্ণমেন্টের উদ্দেশ্য সর্বাংশে সিদ্ধ হইত। কিন্তু সন্ধিবেচনা ও ধীরতার অভাবে তাহা হয় নাই। যে বিধি ছুঠের দমন এবং শিঠের পালন ও রক্ষণের উদ্দেশ্যে বিধিবদ্ধ ও প্রচারিত হইয়াছিল, বিচারের দোষে তাহা শিঠের প্রাণহরণেরও প্রধান যন্ত্রস্বরূপ হইয়া উঠে। প্রতিদিন বহুসংখ্য ব্যক্তির অমূল্য জীবনবিনাশ হইতে থাকে। উত্তরপশ্চিম প্রদেশের লেকটেনেন্ট গবর্ণর ঘোষণা করিয়া ছিলেন যে, গবর্ণরজেনেরলের বিনা অহুমতিতে প্রাণদণ্ড হইবে না। কিন্তু সেনাপতি নীল এই ঘোষণায় মনোযোগ দেন নাই। এই সময়ে পরলোকগত মহাত্মা হরিশ্চন্দ্র মুখোপাধ্যায় হিন্দুপেট্রিয়ট সংবাদপত্রের সম্পাদক ছিলেন। তিনি নির্ভীকচিত্তে গভীর ঘৃণা ও বিরাগের সহিত আপনার প্রসিদ্ধ সংবাদপত্রে ঐ বিষয়-সম্বন্ধে এই ভাবে লিখিয়াছিলেন, “যদি গবর্ণর জেনেরল গ্রান্ট সাহেবের (উঃ পঃ প্রদেশের লেকটেনেন্ট গবর্ণর) আদেশরক্ষা না করেন, তাহা হইলে তাঁহাকে পদচ্যুত ও স্থানান্তরিত করা উচিত। যদি এতদেক্ষীয় দিগকে ধ্বংস করিবার অভিপ্রায়ে সেনাপতি নীলের বৈরনির্যাতনপ্রণালী অমু-গারে কার্য করা হয়, তাহা হইলে লর্ড কানিং ও তাঁহার সদস্তগণ যেন কতিপয় কসাইর হস্তে রাজ্যভার সমর্পণ করিয়া এদেশ হইতে শীঘ্র প্রস্থান করেন। কিন্তু যদি তাঁহারা এখন ভারতবর্ষ ব্রিটিশ রাজস্বকূটের মণিস্বরূপ জ্ঞান করেন, তাহা হইলে করুণাদেবতা, যুদ্ধদেবতার স্থান অধিকার করিয়া উত্তর

পশ্চিমপ্রদেশের লোকদিগকে সর্ব্বধ্বংস হইতে রক্ষা করুন”*। স্বদেশহিতৈষী, রাজনীতিজ্ঞ, লেখকশ্রেষ্ঠের আবেগময়ী লেখনী হইতে একসময়ে এইরূপ মর্মান্বশীল বাক্য নির্গত হইয়াছিল। কিন্তু সে সময়ে সেনাপতি নীল ব্যতীত আরও অনেকে সর্ব্ববিধ্বংসের বিকটভাববিস্তার করিয়া, জীপুকা বালকবালিকা, সকলকেই সমভাবে সন্ত্রস্ত করিয়া তুলিয়া ছিলেন†। ঘোরতর প্রতিহিংসায় তাঁহাদের বিবেক বিনষ্ট হইয়াছিল, এবং গভীর উত্তেজনার ভয়াবহ তরঙ্গে তাঁহাদের জ্ঞানপরতা, সমদর্শিতা ও উদারতা ভাসিয়া গিয়াছিল।

বিচারবিভাগের বহিষ্ঠূত যে তিন জনের হস্তে সামরিক আইন পরিচালনের ভার ছিল, তাহাদের এক জন ৬০ জনের, আর একজন ৬৪ জনের এবং সিভিল সার্জন ৫৪ জনের ফাঁদীর আদেশ দেন। এই সকল লোকের অপরাধের বিবরণ এবং সাক্ষীদিগের জবানবন্দী কোন কাগজপত্রে রক্ষিত হয় নাই। এক ব্যক্তির নিকটে এক থলিয়া নূতন পয়সা ছিল বলিয়া, তাহাকে ফাঁসী দেওয়া হয়। বিচারক মনে করিয়াছিলেন যে, ঐ ব্যক্তি ধনাগার লুণ্ঠ করিয়াছে, অথবা সিপাহীরা পয়সা ফেলিয়া টাকা লুইবার জন্ত ব্যগ্র হওয়াতে, উক্ত ব্যক্তি ঐ পয়সার থলিয়া কুড়াইয়া লইয়াছে। গবর্ণমেন্টের আধিপত্য প্রতিষ্ঠিত হইবার এক মাসেরও অধিক কাল পরে, এক দিন পনের জনকে তৎপর দিন ২৮ জনকে বিদ্রোহ ও ধনাগারলুণ্ঠন অপরাধে ফাঁসী দেওয়া

* শ্রীযুক্ত বাবু রামগোপাল সান্যাল প্রণীত হরিশ্চন্দ্র মুখোপাধ্যায়ের জীবনী, ১২ পৃষ্ঠা।

† ১৭ই জুন সেনাপতি নীল আপনার দৈনন্দিন লিপিতে উল্লেখ করিয়াছিলেন :- “বিস্মোহীদিগের সহিত সন্মিলিত হইবার অপরাধে সৈয়দ ইমুজ্জামি নামক এক মাদোয়ার আমার সমক্ষে বিচারার্থ আনীত হয়। এ ব্যক্তি কুড়ি বৎসর কাল গবর্ণমেন্টে কর্ম করিয়াছিল। আমি অবিলম্বে উহাকে ফাঁসী দিবার আদেশ দিই। এষ্ট ব্যক্তিকে লইয়া আমি ছয় জনের প্রাণদণ্ডের আদেশ দিয়াছি। আমাকে যে একপ কাব্য করিতে হইবে, তাহা আমি কখন ভাবি নাই। ঈশ্বর দেখিবেন, আমি ন্যায়পরতার সহিত কার্য করিয়াছি। আমি জানি, যে, আমাকে বিশেষ কঠোরতার পরিচয় দিতে হইয়াছে। কিন্তু সমস্ত বিষয় দেখিলে আমার অপরাধ মার্জ্জনীয় হইবে, স্বদেশের মঙ্গল এবং স্বদেশের ক্ষমতা ও প্রাধান্যরক্ষার নিমিত্ত আমাকে একপ করিতে হইয়াছে। ইত্যাদি।” কে সাহেব এই লিপি উদ্ধৃত করিয়া নির্দেশ করিয়াছেন, সেনাপতি নীলের ধর্ম্মভর ও দায়িত্ব বোধ ছিল। সেনাপতি বহুসংখ্য লোকের প্রাণদণ্ড করেন নাই। কিন্তু এ সম্বন্ধে নাথান বিয়াপ অন্যায়। *Kaye, Sepoy War Vol. II. p. 269, note.*

র। কিন্তু ইহারা যে, বিপক্ষ সিপাহী, তৎসম্বন্ধে কোন প্রমাণ পাওয়া যায় নাই। ঐ অপরাধে আর এক দিন ১৩ জনের ফাঁসী হয়।

উত্তেজিত সিপাহীদিগকে নদী পার করিয়া দিবার অপরাধে বিচারকের আদেশে ছয় জন ফাঁসীকাঠে প্রাণত্যাগ করে। উপস্থিত সময়ে ফাঁসীহীত্যাক্ষে অপরাধীর একমাত্র শাস্তি ছিল। প্রত্যেক অপরাধীর বিচারসময়ে দি তাহার অপরাধের গুরুত্ব বিবেচনা করিয়া, এবং যথোপযুক্ত প্রমাণাদি ইয়া যথোচিত দণ্ড বিহিত হইত, তাহা হইলে কোন কথা ছিল না। কিন্তু সময়ে উল্লঙ্ঘন কার্য্যপদ্ধতির অনুসরণ করা হয় নাই। বিচারক অভিযুক্ত ক্রিয় অপরাধের প্রতি দৃষ্টি না রাখিয়া, বোধ হয়, আপনাতঃ হৃদয়গত বেদনা উদ্দীপ্ত প্রতিহিংসার দিকে লক্ষ্য রাখিয়াছিলেন। বিপ্লবের ছয় মাস পরে জের আদেশে ১০০ জন এবং মাজিষ্ট্রেটের আদেশে ৫০ জনের ফাঁসীর আদেশ হয়। উপস্থিত স্থানে এবং উত্তরপশ্চিম প্রদেশের অন্যান্য নগরে কট বৃহৎ ফাঁসীকাঠ স্থাপিত হইয়াছিল। ঐ ভীষণ বধ্যভূমিতে উপনীত ইয়া, অভিযুক্ত ব্যক্তিগণ দলে দলে ফাঁসীকাঠে লম্বমান হইতেছিল। ক্রৌঞ্চ বিচারকদিগের একজন এই সময়ে লিখিয়াছিলেন, “যে সকল পল্লীর ধিবাসী আমাদের বিপক্ষতা করিয়াছে, আমরা সেই সকল পল্লীর অধিবাসীদিগকে বিদগ্ধ ও বিনষ্ট করিয়াছি। এই রূপে আমরাও আমাদের প্রতিহিংসার তৃপ্তি করিয়াছি। বাহারা গবর্ণমেন্টের বিরুদ্ধাচরণ ও গবর্ণমেন্টের মুগ্ধ ব্যক্তিদিগের প্রতি নিষ্ঠুরাচরণ করিয়াছে, আমি তাহাদের বিচারার্থে নিযুক্ত হইয়াছি। আমরা প্রতিদিন ৮।১০ জনের ফাঁসী রাখি। প্রাণরক্ষণ ও প্রাণহরণের ভার আমাদের হস্তে আসিয়াছে। আমি নিশ্চিত বলিতেছি যে, অপরাধীদিগের কাহারও জীবনরক্ষা করা হবে না। সরাসরির বিচারে প্রত্যেক অপরাধীর প্রতি প্রাণদণ্ডের আদেশ হইতেছে। দণ্ডিত ব্যক্তির গলায় দড়ি বাঁধিয়া তাহাকে ছের নীচে গাড়ীর উপর দণ্ডায়মান রাখা হয়; শেষে গাড়ী চালাইয়া দিলে ফাঁসিবদ্ধ হইয়া ঝুলিতে থাকে*।” সুযোগ্য বিচারক আপনাতঃ

* Martin, Indian Empire. Vol. II, p. 301.

প্রতিহিংসা পরিতৃপ্ত করিয়া, এই রূপ গর্ক প্রকাশ করিয়াছিলেন। সৈনিক কর্মচারিগণ অপেক্ষা দেওয়ানী কর্মচারিগণই সর্ব্বধ্বংসের পরাকাষ্ঠা দেখাইয়াছিলেন। জল্লাদ ও মুদফরাসদিগের বেতন কমাইয়া দেওয়া হইয়াছিল। এই বিষয় গবর্ণমেন্টের গোচর করিবার সময়ে, মাজিষ্ট্রেট এই হেতুবাদ দেখাইয়া ছিলেন যে, এতদ্বারা প্রত্যেক ব্যক্তিকে ফাঁসী দিতে দশ টাকা করিয়া বাঁচিয়া যাইবে। ব্যয়সংক্ষেপের সহিত এইরূপে লোকসংক্ষেপ করা হইয়াছিল।

এই সময়ে একজন বাঙ্গালী মুনসেফ বিশিষ্ট সাহস ও পরাক্রমের পরিচয় দেন। ইনি আপনার তত্ত্বাবধানে সৈনিকদল সংগঠিত করেন, তাহাদিগকে স্ননিয়মে পরিচালিত করিতে উদ্যত হয়েন, এবং বিপক্ষের ক্ষমতা বিনষ্ট করিয়া আপনার বীরত্বকীর্তিতে গৌরবান্বিত হইয়া উঠেন। ইহার নাম প্যারীমোহন বন্দ্যোপাধ্যায়। ইনি হুগলী জেলার অন্তর্গত উত্তরপাড়ার সন্ন্যাসী ব্রাহ্মণবংশে জন্মগ্রহণ করিয়া আপনার সাহস ও বীরত্বের পরিচয়ত্ব “যুদ্ধকারী মুনসেফ” বলিয়া অভিহিত হয়েন। বাবু প্যারীমোহন উত্তরপাড়ার ইঙ্গরেজী বিদ্যালয়ে তৎপরে কলিকাতাস্থিত হিন্দুকলে বিদ্যাশিক্ষা করেন। সিপাহীযুদ্ধের সমকালে ইনি এলাহাবাদের মুনসেফ ছিলেন। গবর্ণমেন্ট ইহাকে জায়গীর দিয়া, এবং ডেপুটি মাজিষ্ট্রেট করি ইহার সাহস ও পরাক্রমের সম্মানরক্ষা করিয়াছিলেন*।

কলিকাতা রিবিউ নামক সাময়িক পত্রের একজন সদাশয় লে এই “যুদ্ধকারী মুনসেফের” সম্বন্ধে লিখিয়াছেন, “দেওয়ানী আদালত এতদেশীয় বিচারক, এক জন বাঙ্গালী বাবু, এসময়ে আপনার ক্ষমতা সাহসে সর্বজনসমক্ষে এরূপ সুপরিচিত হয়েন যে, তিনি ‘যুদ্ধকারী মুনসেফ’ বলিয়া প্রসিদ্ধ হইয়া উঠেন। তিনি কেবল সাহসসহকারে আনাদের অধ্যুষিত স্থানরক্ষা করেন নাই, অধিকন্তু আক্রমণের প্রণালী অবধারিত করিয়াছেন, পল্লীসমূহ ভস্মীভূত করিয়া ফেলিয়াছেন, ইঙ্গরেজী স্টেশনার বিবরণ সহ স্বাভিমত লিপিবদ্ধ করিয়া, অধীন ব্যক্তিদিগকে ধস্তব

দিয়াছেন এবং শাসনকার্যে ক্ষমতা ও আপনাদের প্রসিদ্ধ জাতীর গুণ—বুদ্ধি-প্রাণবীৰ্য্য দেখাইয়াছেন * ।” উপস্থিত সময়ে উত্তরপশ্চিমপ্রদেশের রাজকীয় কার্যালয়সমূহে বাঙ্গালীর সংখ্যাই অধিক ছিল। সিপাহীযুদ্ধের সময়ে এই প্রদেশের কোন স্থলেই ইহাদের বিপক্ষতাচরণের নিদর্শন পরিদৃষ্ট হয় নাই। ইহারা সর্বান্তঃকরণে আপনাদের চিরন্তন রাজভক্তির সম্মানরক্ষা করিয়া ছিলেন।

হুসন্মত ব্রিটিশ রাজপুরুষগণ এইরূপ বিধবৎসব্যাপারে আপনাদের সভ্যতার পরিচয় দিয়াছিলেন। তাঁহাদের বিপক্ষগণ তাঁহাদের জায় সভ্যতাগৌরবে উন্নত ছিল না, তাঁহাদের জায় হিতাহিতনির্ধারণে পারদর্শী ছিল না, তাঁহাদের জায় অস্ত্রশস্ত্রে বলীয়ান ও সহায়সম্পন্ন ছিল না। তাহাদের স্বাধীনতাপ্ৰাণ থাকিতে পারে, দেশহিতৈষিতার জন্ত একাগ্রতা থাকিতে পারে, স্বপূর্ণবক্ষার জন্ত একপ্রাণতা থাকিতে পারে; কিন্তু তাহারা যে, অনেক সময়ে গভীর উদ্বেজনায় সভ্যতার চিহ্নসকল বিনষ্ট করিয়া ফেলিয়াছিল, তদ্বিমুখে সন্দেহ নাই। তাহারা বলবন্তী প্রতিহিংসায় ইউরোপীয়দিগকে যারপর নাই হ্রস্বস্থায়িত করিয়াছিল; চিকিৎসালয়, বিদ্যালয়প্রভৃতি ভস্মস্তুপে পরিণত করিয়া তুলিয়াছিল; বিদেশিনী কুলকল্যাণ ও বিদেশী শিশু সন্তান-লীলাকে তরবারির আঘাতে বিচ্ছিন্ন করিয়া ফেলিয়াছিল। বাণিজ্যালক্ষীর প্রসাদে যে স্থান সর্বদা শ্রীসম্পন্ন থাকিত, শান্তির মহিমায় যে স্থানে লোকে নিরাপদে বাস করিত, সভ্যতার গৌরবে যে স্থান সর্বদা সভ্যসমাজে পরিগণিত হইত, তাহাদের আক্রমণে সে স্থানের শৃঙ্খলা ও শান্তি বিলুপ্ত হয়, এবং সৌন্দর্য্য ও সমৃদ্ধি অন্তর্হিত হইয়া যায়। কিন্তু কেবল ভারতের ইতিহাসেই ভয়াবহ বিপ্লবের এইরূপ লোমহর্ষণ চিত্র পরিদৃষ্ট হয় না। এগুলি বিপ্লবের অবশুজ্ঞাবী ফল। বিভিন্নদেশের ইতিহাসে ইহা অপেক্ষা অধিকতর দয়নীয় ঘটনার বর্ণনা দেখা যায়। বাইবেলের প্রাচীন সংহিতায়, নরনারী বালকবালিকা হত্যার বর্ণনা রহিয়াছে। সভ্যতাসম্পন্ন রোমসাম্রাজ্যেও

* *Calcutta Review*. Vol. XXXI. p. 69.

† *Ibid* p. 68.

যে, এইরূপ নিষ্ঠুর কার্য সম্পাদিত হইত, তাহা ইতিহাসপাঠকের অবিকল নাই। সপ্তদশ শতাব্দীতে ইঙ্গলণ্ডের ভূপতি প্রথম চার্লসের রাজত্বকালে আয়লওণ্ডের প্রোটেষ্ট্যান্ট সম্প্রদায়ের প্রতি তাহাদের প্রতিদ্বন্দ্বী কাথলিক ধর্মসম্প্রদায় যে রূপ ঘোরতর অত্যাচার করিয়াছিল, তাহার বর্ণনা পাঠ করিয়া, ইঙ্গলণ্ডের ইতিহাসপাঠক আজ পর্যন্ত স্তম্ভিত হইয়া থাকেন*। স্বসভ্য দেশে বিপ্লবের সংঘাতে যখন অবাধে এইরূপ ভয়াবহ কার্য অমুষ্ঠিত হইয়াছে, নিরপরাধ কুলনারী ও নিরীহ শিশুসন্তা পর্যন্ত যখন উত্তেজিত লোকের হস্তে প্রাণত্যাগ করিয়াছে, তখন ভারতের যুদ্ধোন্মত্ত সিপাহীদল ও উত্তেজিত জনসাধারণ যে, আপনাদের চিরন্তন ধর্ম, আপনাদের চিরমাতা আচার ও আপনাদের চিরাগত সম্পত্তিরক্ষা জন্ত ফিরঙ্গীদিগের হত্যায় উদ্যত হইবে, তাহা কিছুই বিচিত্র নহে তাহারা নিত্যসন্দিগ্ধ ও নিত্যকোতূহলপর। ভূয়োদর্শিতায় তাহাদের অভিজ্ঞতার বৃদ্ধি হয় নাই, কার্যাকারণের পরিজ্ঞানে তাহাদের চির সুব্যবস্থিত হইয়া উঠে নাই, বা ধীরতায় ও সন্ধিবেচনায় তাহাদের ক্ষমতা প্রশস্ত ভাব অবলম্বন করে নাই। তাহারা ইঙ্গরেজের দুরবগাহ রাজনীতি মর্মগ্রহণে অসমর্থ হইয়া, বিভীষিকাময়ী কল্পনায় উন্মত্ত হইয়া উঠিয়াছিল। তাহাদের কেহ কেহ ইঙ্গরেজের কার্যপ্রণালীর দোষে আপনাদের সর্বনাশ হইবে মনে করিয়া, সংহারকার্যে উদ্যত হইয়াছিল, কেহ কেহ ক্ষমতাচ্যুত বা সম্পত্তিচ্যুত লোকের উত্তেজনায় অসিপরিগ্রহ করিয়াছিল, কেহ কেহ ইচ্ছা না থাকিলেও, আপনাদের সম্পত্তিনাশের আশঙ্কায় উন্মত্ত লোকের সহিত মিশিয়া ছিল, কেহ কেহ সম্পত্তিলুপ্তনে আপনাদিগকে সহসা সমৃদ্ধ করিবার আশায়, কেহ কেহ বা আয়্রীয়দিগের প্ররোচনায় বিপ্লবের বিস্তারে উদ্যত হইয়াছিল। স্বর্গমুখ প্রধান প্রধান নগরে সিপাহীগণ গবর্ণমেন্টের বিরুদ্ধে অস্ত্রপরিগ্রহ করিতেছিল, ইউরোপীয় সৈন্য যখন যথাসময়ে ঘটনায় উপস্থিত হইতে অসমর্থ হইয়া পড়িতেছিল, তখন এই জনসাধারণ অথবা কোন উপায় না দেখিয়া, উত্তেজনার স্রোতে ভাসমান হইয়াছিল।

রোমকগণ ব্রিটিশ বীপ পরিত্যাগ করিলে ব্রিটনদিগের যেরূপ অবস্থা ঘটিয়াছিল, উপস্থিত সময়ে উক্ত জনসাধারণও সেইরূপ অবস্থায় পতিত হইয়াছিল*। ইহাদের কোন সংপরামর্শদাতা ছিল না, কোন উদ্ধারকর্তা ছিল না, সম্পত্তি ও সম্মানরক্ষার কোনরূপ অবলম্বন ছিল না। ইহারা উপারান্তর না দেখিয়া অবশ্রুণ্বাবী ঘটনার অমুভূতী হইয়াছিল। শেষে ইঙ্গরেজের হস্তে ইহাদের সর্বনাশ হয়। ইহারা যে পরিজনবর্গের রক্ষার জন্ত, সিপাহীদিগের পক্ষসমর্থনে উদ্যত হইয়াছিল, যে সম্পত্তি নির্বিবাদে ভোগ করিবার আশায়, সিপাহীদিগের কার্যের অমুমোদন করিয়াছিল, ইহাদের সেই পরিজনবর্গ শেষে উৎসন্ন এবং সেই সম্পত্তি শেষে পরহস্তগত বা ভস্মীভূত হয়। ইহারাও শেষে ফাঁসীকাঠে বিলম্বিত হইতে থাকে। ইঙ্গরেজ ইহাদের সম্বন্ধে কোন অংশে দয়াপ্রদর্শন করেন নাই। তাঁহারা যুবক, বৃদ্ধ, সকলকেই সমভাবে মৃত্যুমুখে পতিত করেন। পল্লীদাহে নিরাশ্রয় বালকবালিকা পর্যন্ত ভস্মীভূত হইয়া যায়। ইঙ্গরেজ তখন এই বলিয়া গর্কপ্রকাশ করিয়াছিলেন যে, “নিগার নোটবদিগের” সম্মুখে বিধ্বংস করা তাঁহাদের* একটি আমোদ হইয়া উঠিয়াছে। তাঁহারা স্থষ্টান্তঃকরণে এই আমোদ উপভোগ করিয়াছেন†। অস্বদেশের একজন গ্রন্থকার তাঁহার ভ্রমণবৃত্তান্তে উল্লেখ করিয়াছেন যে, পথপার্শ্বে ও বাজারে যে সকল ব্যক্তিকে ফাঁসী দেওয়া হইয়াছিল, তাহাদের শব গঙ্গায় ফেলিয়া দিবার নিমিত্ত আট খানি গাড়ি নিয়োজিত হয়। তিন মাস এই প্রণীতিতে প্রত্যহ প্রাতঃকাল হইতে সন্ধ্যাপর্যন্ত ঐ সকল শব লইয়া যাওয়া হইত। সরাসরি বিচারে ছয় হাজার লোকের জীবন এইরূপে বিনষ্ট হইয়াছিল‡। যুদ্ধের অবসানে ইঙ্গরেজ এইরূপে প্রতিহিংসার তৃপ্তিসাধন করিয়াছিলেন। বিলুপ্ত ও বিপ্লবের বিনিময়ে এইরূপে সর্বধ্বংসব্যাপার সম্পন্ন হইয়াছিল। উক্ত জনার পরিবর্তে এইরূপে সাধারণের সম্মুখে প্রচণ্ডভাব প্রদর্শিত

* *Calcutta Review*, Vol. XXXI, p. 84.

† *Kaye, Sepoy War*. Vol. II. p. 270.

‡ *Bholanath Chunder, Travels of a Hindu*, Vol. II. p. 324-325

হইয়াছিল, এবং লোকপালনী শক্তির পরিবর্তে এইরূপে সর্বসংহারিণী শক্তি আবির্ভূত হইয়া, করুণার সম্মোহন ভাব অপসারিত করিয়া ফেলিয়াছিল।

এলাহাবাদবিভাগের সিপাহীযুদ্ধের সম্বন্ধে একজন সদাশয় স্রলেখকঃ একটি প্রবন্ধ উপস্থিত যুদ্ধের অবসানসময়ে কলিকাতা রিবিউ নামক প্রসিদ্ধ সাময়িক পত্রে প্রকাশিত হয়। ঐ প্রবন্ধোক্ত কোন কোন বিষয় পূর্বে লিখিত হইয়াছে। যাহা হউক, প্রবন্ধের উপসংহারভাগে লেখক, এলাহাবাদ বিভাগের লোকহত্যার সম্বন্ধে এই ভাবে স্বীয় মত প্রকাশ করিয়াছেন :— “প্রত্যেক ইঙ্গরেজ কেবল স্বাধীন মানব নহেন, প্রতুত স্বাধীনতার প্রচারক। তাহারা যথেষ্টাচার গবর্ণমেন্টের কর্মচারী হইলেও, এই বলিয়া সামান্যলাভ করেন যে, গবর্ণমেন্ট পিতৃভাবে প্রজাপালন করিয়া থাকেন ‘রাজনৈতিক বিষয়ে কোন অপরাধ এ স্থানে পরিদৃষ্ট হয় না, এবং প্রকৃতিবর্গ আপনাদের অবস্থায় সন্তুষ্ট,’ আর এই সকল কথা যেন প্রচারিত না হয়। যে নরশোণিতপাত হইয়াছে, তাহা ভাগীরথীর জলপ্রবাহে বিধৌত হইবে না। অনন্ত কালক্ৰান্তেও ১৮৫৭ অব্দ স্মৃতিপট হইতে বিলুপ্ত হইয়া যাইবে না। এই সময়ে শত শত ব্যক্তিকে বলপূর্বক বিনাশ করা হইয়াছে। আমরা চারি দিকে পরিবেষ্টিত, আক্রান্ত, অপমানিত ও নিহত হইয়াছি; ইহার বিনিময়ে আমরাও আত্মরিক বলে ঐ সকল আক্রমণকারী, অবমাননাকারী ও হত্যাকারীকে বিদলিত করিয়াছি। আমরা তাহাদের সহিত বন্ধুভাবে সম্মিলিত হইবার ও তাহাদের নিকটে বন্ধুভাবে অভিনন্দিত হইবার আশা করিতে পারি নাই। তাহাদের মধ্যে তাহাদের সন্তানবর্গের পিতৃস্বরূপেও অবস্থিতি করিতে পারি নাই। তাহারা যেমন আমাদের শোণিতপাত করিয়াছে, আমরাও সেইরূপ তাহাদের শোণিতপাত করিয়াছি। আমরা তাহাদের প্রতি প্রদর্শন করিয়াছি, তাহারাও আমাদের প্রতি এরূপ ঘৃণা দেখাইয়াছে, যে, আমাদের মৃত্যু হইলেই যেন তাহারা সন্তুষ্ট হয়।

“খ্রীষ্টীয়ধর্মাবলম্বীর সহিত এতদ্দেশীয়দিগের এইরূপ যুদ্ধে, করুণা, সমবেদনা ও খ্রীষ্টধর্মের অমুশাসন সমূলে উৎপাটিত করিবার কল্পনা করা বড় উদ্যানক। তাহারা সম্প্রতি ইঙ্গলও হইতে উপস্থিত হইয়াছেন, তাঁহাদের করুণাময়ী

স্বাভাবিক সঙ্গীত নারীদিগের মুখে যখন সর্বজাতির, সর্বশ্রেণীর
সংসাহিনী শুনিয়াছেন ; তাহাদের প্রতি কিরূপ প্রতিহিংসা এদর্শিত ও
তাহারা কিরূপে দলে দলে ফাঁসীকাঠে বিলম্বিত হইয়াছে, যখন তাহার বিবরণ
জানিয়াছেন, তখন তাহারা বিস্ময়ে অভিভূত হইয়াছেন। মনুষ্যত্বের বিশ্বজনীন
ধর্ম আমাদের মধ্য হইতে অন্তর্হিত হইয়াছে। আমরা এই সকল ব্যক্তিকে
অরণ্য পশু বলিয়া অভিহিত করিয়াছি। কিন্তু এই পশুদিগের মধ্যেই
আমাদের জীবনের সর্বোৎকৃষ্ট ভাগ অতিবাহিত হইয়াছে। আমরা ইহাদের
হত হইতেই খাদ্য সামগ্রী গ্রহণ করিয়াছি। আমাদের কার্যে, ইহারা আর
আমাদের হত্যাকারী না হইলেই ভাল।

* * * * *

“তাহারা যুদ্ধক্ষেত্রে আমাদের বিরুদ্ধে দাঁড়াইয়াছিল, কিংবা আমাদের
ক্ষমতায় পরাজিত হইয়াছিল, অথবা, আমাদের তরবারিতে, কামানে ও
ফাঁসীকাঠে দেহত্যাগ করিয়াছিল, তাহাদের কাহারও সম্বন্ধে আমরা
কোনরূপ অনুসন্ধান বা কোনরূপ বিচার করি নাই। তাহাদের অনেকেই
স্পার্টাবাসীদিগের স্ত্রায়, স্পার্টাসহকারে মৃত্যুকে আলিঙ্গন করিয়াছিল,
এবং জয়োল্লাসে আপনাদের অন্তিম সময়ের প্রতীক্ষায় ছিল।
তাহারা কিরূপ শক্তিসম্পন্ন, তাহা কেবল সেই অন্তর্যামী প্রধান পুরুষই
জানিতেন। তাহাদের কেহই জীবনভিক্ষা করে নাই, কিংবা কোন
বিষয়ের বিনিময়ে জীবনরক্ষা করিতে যত্নবান্ হয় নাই। তাহারা অপরের
জীবন যেমন তুষবৎ জ্ঞান করিয়াছিল, আপনাদের জীবনও সেইরূপ তুচ্ছ বোধ
করিয়াছিল। সহস্র সহস্র ব্যক্তি আমাদের বিরুদ্ধে সমুখিত হইয়াছিল, যেহেতু,
তাহাদের অবলম্বনের আর কোন পথ ছিল না, আত্মরক্ষার আর কোন
উপায় ছিল না, এবং কোন স্থলে করুণার কোমলভাবের বিকাশ ছিল না।

“আমাদের শাসকবর্গ ভাবিয়া দেখুন, তাহারা অমূল্য ও অসংখ্য জন-
গণের শাসনভার গ্রহণ করেন নাই। বহুসংখ্য সমৃদ্ধ নগর ও অসংখ্য পল্লী
তাহাদের আবাস স্থল। তাহারা কার্যে চতুর, আচারব্যবহারে ভদ্র, যুদ্ধে
সাহসসম্পন্ন, মৃত্যুতে নির্ভর এবং ধর্ম্মানুগত বিশ্বাসে অনমনীয়। হইতে পারে
যে, তাহারা জ্ঞানানুগত বিরাগের বশবর্তী হইয়া আমাদের বিরুদ্ধে পক্ষ অব-

লম্বন করিয়াছিল। যেহেতু, তাহাদের ধারণা ও আমাদের ধারণা এক নহে তাহাদের দেবতা ও আমাদের দেবতা এক নহেন, তাহারা যে ভাবে জ্ঞান জ্ঞানের বিচার করে, আমরা সে ভাবে জ্ঞানজ্ঞানের বিচার করি না আমরা এই সকল লোককে সমূলে বিধ্বস্ত করিয়া তাহাদের স্থানে ইঙ্গরেজদিগকে উপনিবিষ্ট করিতে পারি না। আমরা সমগ্র ভারতবর্ষ জনশূন্য করিয়া, উহাকে শান্তিময় বলিয়াও নির্দেশ করিতে পারি না। অতএব আমরা যে, নিরতিশয় অপকার্য করিয়াছি, তাহা অবশ্য স্বীকার করা উচিত বিখনিয়স্তার হস্তই আমাদের রক্ষা করিয়াছে এবং এখনও রক্ষা করিতেছে সেই সঙ্গনিয়স্তা ভগবানই অপরাধের শাস্তি দিতেছেন এবং আমাদের রক্ষা করিতেছেন। আমাদের ক্ষমতা, আমাদের বিদ্যাবুদ্ধি, আমাদের মস্তিষ্কগণের অতিদ্রুততা, আমাদের বহুসংখ্য সৈন্যসামন্ত ও অস্ত্রশস্ত্র থাকিলেও ছুর্ল, নিরক্ষর, বিভ্রান্ত, বিদ্রোহী বলিয়া কথিত এই সকল ব্যক্তির প্রিয় দয়া ও ক্রমাগতদর্শন করা উচিত* ।”

উদারপ্রকৃতি, সহৃদয় লেখক এলাহাবাদবিভাগে এতদেঙ্গীয়দিগের হত্যাকাণ্ডসম্বন্ধে এইরূপ মত প্রকাশ করিয়াছেন। যতদিন জয়পরতার সম্মা থাকিবে, দয়া ও উদারতা যতদিন লোকসমাজে চিরন্তন স্নিগ্ধভাবের পরিচায়ক দিবে, এবং সাধুতা ও সন্নীতি যত দিন পাপের প্ররোচনার বিষমক না হইয়া সর্বক্ষণ অটলভাবে রহিবে, তত দিন উক্ত লেখকের লেখনীবিনিঃসৃত বাক্যাবলী উপেক্ষিত হইবে না।

সেনাপতি নীল যখন এলাহাবাদে ব্রিটিশ কোম্পানির আধিপত্য পুনঃপ্রতিষ্ঠিত করিতেছিলেন, তখন তিনি কাণপুর ও লক্ষ্ণৌস্থিত স্বদেশীয়দিগের অবশুস্তাবী বিপদের বিষয় ভাবিয়া সাতিশয় উদ্বিগ্ন হয়েন। তিনি ঐ দুই স্থলে সাহায্যকারী সৈনিকদল পাঠাইবার জন্ত সবিশেষ চেষ্টা করিতে থাকেন। কিন্তু উপস্থিত সময়ে, এ বিষয়ে বিশিষ্ট সত্বরতাসহকারে কার্য করিবার সুবিধা ছিল না। লোকের অভাবনা হইলেও আত্মরক্ষিক দ্রব্যাদির

বড় অভাব উপস্থিত হইয়াছিল। সৈন্যদিগের জন্ত যথোচিত খাদ্য সামগ্রী দক্ষিত ছিল না। এতদ্ব্যতীত অভিযানসময়ে যে সকল দ্রব্যের প্রয়োজন, তৎসমুদয় সংগৃহীত ছিল না। রসদবিভাগের কার্যের জন্ত অনেক বলদ সংগৃহীত হইয়াছিল। কিন্তু যুদ্ধের প্রারম্ভেই তৎসমুদয় উত্তেজিত সিপাহীদিগের হস্তগত হয়। এইরূপে গাড়ি ও গরুর সংগ্রহে অনেক বিলম্ব হইল। যুদ্ধের গোলযোগে সৈন্তের ব্যবহারোপযোগী তাবু সকলও হস্তান্তরিত ও স্থানান্তরিত হইয়া গিয়াছিল। এই সময়ে এক দিন যেমন সূর্যের উত্তাপে পৃথিবী বিদগ্ধ হইত, অপর দিন হয় ত, নিরন্তর বৃষ্টিপাতে চারি দিক জামিয়া বাইত, সুতরাং প্রচণ্ড উত্তাপ ও অবিরল বৃষ্টিসম্পাতের মধ্যে সৈনিকপুরুষদিগকে অগ্রসর হইতে হইত। একপ অবস্থায় দ্রব্যাদি সংগৃহীত না হইলে, তাহারা সম্ভবতঃ সহকারে নিদ্রিষ্ট হলে উপস্থিত হইতে পারিত না। কিন্তু এলাবাদের যুদ্ধে সম্পত্তি সকল বিনষ্ট হইয়াছিল, শ্রমজীবীগণ আতঙ্কে মগ্ন হইয়া ইতস্ততঃ পলায়ন করিতেছিল, ব্যবসায়ীগণ আপনাদের ব্যবসায়ের যাবতীয় নাই ক্ষতিগ্রস্ত হইয়া পড়িয়াছিল। ইহার উপর যুদ্ধের অবসানে কর্তৃপক্ষ যে সর্বাধিকারসকল কার্যে প্রবৃত্ত হইয়া ছিলেন, তাহাতে যেনেক ভীত হইয়া স্থানান্তরে আশ্রয়গোপন করিয়াছিল। সুতরাং রসদবিভাগের কর্মচারীগণ শীঘ্র শীঘ্র কার্য্য করিবার জন্ত লোক পাইলেন না, আবশ্যক দ্রব্যসংগ্রহ করিতেও সমর্থ হইলেন না। তাঁহারা দ্রব্যাদির সংগ্রহ জন্ত যে সকল ব্যক্তির সহিত পূর্বে চুক্তি করিয়াছিলেন; লাকসংহারে ইচ্ছাযুক্ত তৎপরতা দেখিয়া, তাহারাও ভয়ে পলায়ন করিয়াছিল। এই সকল কারণে সাহায্যকারী সৈন্তের অভিযানে বিলম্ব হইতে গিল।

এই সময়ে আবার একটি অপ্রত্যাশিত বিপদের সূত্রপাত হইল। সেনাপতি নীল যখন আবশ্যক দ্রব্যের প্রতীক্ষায় ছিলেন, তখন দূরত্ব বিহতিকা রোগ তাঁহার সৈনিকদলে প্রবেশ করিল। প্রচণ্ড উত্তাপে অবস্থিতি, পুষ্টিকর খাদ্যদ্রব্যের অভাব ও উত্তেজক সুরাপান, এই কারণত্রয়ীতে দূরত্ব রোগের ভয়ঙ্করভাব দিন দিন বৃদ্ধি পাইতে লাগিল। এক মাসিতে ২০ জন একসঙ্গে সমাহিত হইল। চিকিৎসালয় ও লাউটা রোগিতে

পরিপূর্ণ হইয়া গেল। সেনাপতি এই আকস্মিক বিপৎপাতে নিরতি-
 বিম্বিত হইয়া পড়িলেন। এ সময়ে এতদ্দেশীয়দিগের সাহায্য ভিন্ন কো
 কার্য্য করিবার সুবিধা ছিল না। রোগীদিগকে লইয়া যাইবার জন্ত ডুলী
 একান্ত অভাব হইয়াছিল। ডুলী পাওয়া গেলেও বাহক পাওয়া বাহী
 না। এদিকে প্রয়োজনীয় কার্য্যসম্পাদন জন্ত সৈনিককর্ম্ণচারীদিগের অমু-
 ঞ্চ ভৃত্যসংগ্রহ করা সাতিশয় দুর্ঘট হইয়াছিল। ইঙ্গরেজের বলবতী প্রতিহিং-
 দেখিয়া কেহই তাঁহাদের সম্মুখে যাইতে সাহসী হইত না। বিভীষিকা
 রাজ্য সর্ব্বত্র প্রতিষ্ঠিত হইয়াছিল, সকলেই প্রতিমুহূর্ত্তে ইউরোপীয়ের হা-
 আপনাদের প্রাণনাশের আশঙ্কা করিতেছিল। এই সময়ে একজন রেলও-
 কর্ম্ণচারী লিখিয়াছিলেন, “সেনাপতি নীল আমাদের সকল সিবি
 কর্ম্ণচারীকে দুর্গের বহির্দেশে থাকিতে আদেশ দিয়াছিলেন। এই আদে-
 শিত কঠোর হইলেও এতদ্বারা আমাদের সমূহ কষ্টের অবসান হইয়াছিল
 রাজ্যিকালে আমরা দুর্গের ঢালু স্থানে কামানের পাশ্বে নিদ্রিত থাকিতাম
 পুরুষেরা পর্যায়ক্রমে জ্বীলোক ও বালকবালিকাদিগের রক্ষার জ-
 সাক্ষীর কার্য্য করিত। এতদ্দেশীয়দিগের যে কেহ, আমাদের দৃষ্টিপথে পতি-
 হইত, আমরা কোন কথা জিজ্ঞাসা না করিয়া তাহাকেই গুলি করি-
 তাম। সৈনিকদল যদিও অতিশ্রমপ্রযুক্ত হাঁটিতে অসমর্থ ছিল, তথাপি
 সেনাপতি নীলের আদেশে তাহাদের কতিপয় ব্যক্তি দুর্গ হইতে বহির্গত
 হইয়া, আমাদের ভ্রমাবশিষ্ট বাঙ্গলার নিকটবর্ত্তী সমস্ত পল্লী ধ-
 করিয়াছিল, এবং যাহাকে ধরিতে পারিয়াছিল, তাহাকেই পথের উভ-
 পার্শ্বস্থিত বৃক্ষের শাখায় ফাঁসী দিয়াছিল। আর একদল সেই
 সহরের যে অংশে এতদ্দেশীয়েরা বাস করিত, সেই অংশস্থিত সকল
 গৃহেই আগুন দিয়াছিল। গৃহ হইতে যাহারা পলাইতে উদ্যত
 হইয়াছিল, তাহাদের উপর গুলির পর গুলিবৃষ্টি করিয়াছিল। কয়েক ঘণ্টা
 মধ্যেই আমরা এক্রপ ভয়গ্রস্ত হইয়াছিলাম যে, নিরাপদ হইবার জ-
 রেলওয়ে ষ্টেশনে যাওয়াই উচিত মনে করিয়াছিলাম। আমরা
 অস্ত্রশস্ত্রশূন্য হইয়া ঐ স্থানে গিয়াছিলাম, যে সকল এতদ্দেশীয় আমাদের
 কার্য্যে নিযুক্ত ছিল, তাহাদিগকে এক একখানি পাশ দেওয়া হইয়াছিল।

তাহারা পাশ দেখাইতে পারে নাই তাহারা নিকটবর্তী বৃক্ষে ফাঁসবদ্ধ হইয়াছিল * ।†

এইরূপ বিধ্বংসব্যাপারে এতদেশীয়েরা নিরুতিশয় ভীত হইয়াছিল, এবং দম্পিত হৃদয়ে ইউরোপীয়দিগকে সর্বক্ষণেই আপনাদের সর্বনাশে সমুদ্রত্যাগিয়াছিল। সুতরাং তাহারা ইউরোপীয়দিগের নিকটে আসিয়া তাঁহাদের কার্য সম্পাদনের ইচ্ছা করে নাই। এজন্য প্রয়োজনীয় দ্রব্যাদির সহিত প্রয়োজনীয় কার্যসম্পাদকেরও একান্ত অভাব হইয়াছিল। উপস্থিত ক্ষেত্রের প্রসিদ্ধ ইতিহাসলেখক কে সাহেব এই প্রসঙ্গে লিখিয়াছেন, এতদেশীয়দিগের সাহায্য ব্যতীত আমাদের কোন কার্য করিবার সামর্থ্য ছিল না, একরূপ হইলেও আমরা ইহাদিগকে আমাদের তাম্বুর বহুদূরে তাড়াইয়া দিতে চরপরনাই চেষ্টা করিয়াছিলাম † । ইঙ্গরেজ উপস্থিত সময়ে কিল্পে অনিষ্টকর নীতির অনুসরণ করিয়াছিলেন, তাহা এই ইতিহাসলেখকের বাক্যেই প্রতিপন্ন হইতেছে।

এইরূপ গোলযোগে সেনাপতি নীলকে জুন মাসের শেষদিন পর্যন্ত এলাহাবাদে থাকিতে হইয়াছিল। কোন ইউরোপীয় সৈন্ত এ পর্যন্ত কাণপুরের উদ্ধারে প্রেরিত হয় নাই। ঐ দিন অপরাহ্নে মেজর রেগডের তদ্বাবধানে ৪০০ শত ইউরোপীয় সৈন্ত, ৩০০ শত শিখ, ১০০ শত অশ্বারোহী ও ২টি কামান কাণপুরের অভিমুখে যাইতে উদ্যত হয়। সেনানায়ক রেগডকে বাহা বাহা করিতে হইবে, কর্ণেল নীল তৎসমুদয় লিখিয়া দেন। তিনি এই আদেশলিপিতে লিখিয়াছিলেন, পথের নিকটবর্তী বিপক্ষদিগের অধ্যুষিত সমস্ত স্থানই আক্রমণ ও ধ্বংস করিতে হইবে। কিন্তু অপর কাহারও দেহ যেন স্পর্শকরা না হয়। অধিবাসীদিগকে আপনাদের বাসগৃহে প্রত্যাবর্তন জ্ঞাত উৎসাহ দিতে হইবে, ব্রিটিশ ক্ষমতার পুনঃপ্রতিষ্ঠার সম্বন্ধে তাহাদের মনে বিশ্বাস জন্মাইতে হইবে। এই স্বত্রে অপরাধী ব্যক্তিদিগের অধ্যুষিত কতিপয় পল্লী ধ্বংসকরিবার জ্ঞাত দেখাইয়া দেওয়া হয়।

* *Martin, Indian Empire, Vol. II., p. 220.*

† *Kaye, Sepoy War, Vol. II., p. 274, note.*

সেই সকল পঞ্জীবাসীদিগকে মৃত্যুমুখে পাতিত করিতে বলা হয় এতদ্ব্যতীত আদেশলিপিতে নির্দেশ থাকে, যে সকল সিপাহী আপনাকে সম্বন্ধে সন্তোষজনক বিবরণ দিতে না পারিবে, তাহাদের সকলকেই ফাঁসি দিতে হইবে। ফতেহপুর নগরের অধিবাসিগণ গবর্ণমেন্টের বিরুদ্ধে সমুথিত হইয়াছে, অতএব ঐ নগর আক্রমণ এবং উহার পাঠানপন্নী সমগ্র অধিবাসী সহিত ধ্বংস করিতে হইবে। ফতেহপুরের সমস্ত বিপক্ষকে ফাঁসী দিতে হইবে। যদি তথাকার ডেপুটী কলেক্টরকে পাওয়া যায়, তাহা হইলে তাহাকেও ফাঁসী দিয়া তদীয় মন্তক বিচ্ছিন্ন করিতে হইবে, এবং ঐ ছিন্ন মস্তক নগরের কোন প্রধান (মুসলমানের অধিকৃত) বাড়ীতে নিবদ্ধ রাখিতে হইবে। এইরূপ ভয়ঙ্কর আদেশলিপি লইয়া, সেনানায়ক রেণড সৈনিকদল সহ কাণপুরের অভিমুখে স্থলপথে অগ্রসর হইতে উদ্যত হইলেন। এদিকে জলপথে রেণডের সহকারিতা এবং কাণপুরের বিপদাপন্ন ইউরোপীয়দিগে উদ্ধার জন্য একখানি জাহাজে কাপ্তেন স্পার্জেননামক একজন সেনানায়কে তত্বাবধানে আর একদল সৈন্ত যাত্রা করিবার উদ্যোগ করিল।

যে দিন কাণপুরের উদ্ধারার্থ সৈন্ত প্রেরিত হয়, সেই দিন একজন উন্নত পদস্থ সৈনিক পুরুষ কলিকাতা হইতে এলাহাবাদে উপনীত হইলেন। ইহা উপস্থিতিতে এলাহাবাদের ইউরোপীয়দিগের হৃদয় অধিকতর প্রফুল্ল অধিকতর আশ্বস্ত হয়। ইনি মহারাণীর সৈনিকদলের একজন সাহসিক বীর পুরুষ। অনেক স্থানের অনেক যুদ্ধে ইহার সাহস ও ইহার পরাক্রম পরিদৃষ্ট হইয়াছিল। ইনি ব্রহ্মদেশ ও আফগানিস্তানের যুদ্ধে উপস্থিত ছিলেন। মধ্যভারতবর্ষে মহারাষ্ট্রসৈন্তের অবস্থা জানিতে সমর্থ হইয়াছিলেন, এবং শুরভসম্পন্ন শিখদিগেরও সাহস ও ক্ষমতার পরিচয় পাইয়াছিলেন। সময়ে বিজয়শ্রীলাভ করাই ইহার জীবনের একমাত্র উদ্দেশ্য ছিল। ইনি এ উদ্দেশ্যসিদ্ধির নিমিত্ত কোনরূপ দুর্গতিতে কাতর হইয়া পড়িতেন না। ইহার দৃঢ়তা, ইহার কার্যতৎপরতা ও ইহার অধ্যবসায় সর্বক্ষণ অটল অনমনীয় থাকিত।

কর্ণেল হাবেলক সিপাহীযুদ্ধের প্রারম্ভে বোম্বাইতে অবস্থিতি করিতে ছিলেন। বোম্বাই হইতে তিনি মাদ্রাজে উপনীত হইলেন। এই সময়ে গবর্ণ

জেনেরল লর্ড কানিং, মাদ্রাজের প্রধান সেনাপতি স্তার পাট্রিক গ্রান্টকে
মৃত প্রধান সেনাপতি আন্সনের পদ গ্রহণ করিতে অমুরোধ করিয়াছিলেন ।
স্তার পাট্রিক গ্রান্ট এজন্ত কলিকাতায় যাইতে উদ্যত হইলেন । এদিকে
কর্ণেল হাবেলক ও মাদ্রাজে আসিয়া তাঁহার সহিত সম্মিলিত হইলেন । এইরূপে
নাহসী সৈনিক পুরুষদ্বয় একসঙ্গে মাদ্রাজ হইতে যাত্রা করিয়া, ১৭ই জুন
কলিকাতায় পদার্পণ করেন । গবর্ণর জেনেরল ইহাদের আগমনে যেরূপ
নব্বুট, সেইরূপ আশ্বস্ত হইলেন । এখন কোন বিষয়ে বিলম্ব করিবার
দময় ছিল না । বিপদ প্রতিমুহূর্ত্তে ভীষণতর হইয়া উঠিতেছিল ।
অল্পমাত্র বিলম্ব বা অল্পমাত্র গোলযোগ হইলেই বিপদের গতিরোধ
হুঁসধা হইত । সুতরাং দূরদর্শী লর্ড কানিং আর কালবিলম্ব করিলেন
না । স্তার পাট্রিক গ্রান্ট প্রধান সেনাপতির পদগ্রহণ করিলেন, কর্ণেল
হাবেলক অবিলম্বে সৈনিকদলসহ এলাহাবাদে যাইতে আদিষ্ট হইলেন । এই
দময়ে সংবাদ আসিয়াছিল যে, বারাণসীতে গোলযোগের শাস্তি
হইয়াছে, কিন্তু এলাহাবাদ এখনও উপদ্রবশূন্য হয় নাই, এবং কাণপুর
ও লক্ষৌ সাতিশর বিপদাপন্ন হইয়াছে । এজন্ত হাবেলকের প্রতি আদেশ
দেওয়া হইল যে, তিনি এলাহাবাদের উপদ্রবনিবারণ করিয়া, যত শীঘ্র সম্ভব,
কাণপুর ও লক্ষৌ যাইবেন, এবং সেই স্থানের বিপদদিগকে সমূলে বিনষ্ট
করিবার জন্ত যথোচিত উপায় অবলম্বন করিবেন । হাবেলক এইরূপ আদিষ্ট
হইয়া, চারি দল পদাতিক, এক দল অশ্বরোহী ও গোলন্দাজ সৈন্তসহ যাত্রা
করিবার আয়োজন করিলেন । অশ্ব ও কামানের অভাব প্রযুক্ত তিনি মনঃক্লম
হইলেন । অধিকন্তু পর্য্যাপ্তপরিমাণে টোটা না থাকাতো ও তাঁহার মনো-
বধ্যে দুশ্চিন্তার আবির্ভাব হইল । কিন্তু হাবেলক এই সকল অভাবের জন্ত
দময় অতিবাহিত করিলেন না, তিনি গবর্ণরজেনেরল ও প্রধান সেনাপতির
নিকট বিদায় লইয়া ২৫ শে জুন আশ্বস্তহৃদয়ে ও সাহসসহকারে আপনাক
সৈনিকদল সহ এলাহাবাদে যাত্রা করিলেন ।

৩০ শে জুন হাবেলক ও নীল যখন এলাহাবাদে একত্র হইলেন, তখন নীল
যুক্ত কার্যের বিবরণ হাবেলককে জানাইলেন । তিনি কাণপুর ও লক্ষৌর
উদ্ধার জন্ত যে ভাবে সৈন্তপ্রেরণের আদেশ দিয়াছেন, তাহা সেনাপতি

হাবেলকের অনুমোদিত হইল। এই বিচক্ষণ ও কার্যাত্মক সৈনিক পুরুষদ্বয়ের মধ্যে স্থির হইল যে, সেনানায়ক রেগড্ ঐ দিনই সৈনিকদলসহ স্থলপথে যাত্রা করিবেন। জলপথে সৈন্ত প্রেরণের যে ব্যবস্থা হইয়াছে, তদনুসারে সেনানায়ক রেগডের যাত্রার সমকালে জাহাজ ছাড়া হইবে না। যেহেতু, স্থলপথগামী সৈনিকদল অপেক্ষা জাহাজ অধিকতর সত্বরতাসহকারে অগ্রসর হইবে। এজন্ত সেনানায়ক রেগডের যাত্রার কিছুকাল পরে কাপ্তেন স্পার্জেনের অধীন সৈনিকদল যাত্রা করে।

এই রূপে ৩০শে জুন সায়ংকালে কাণপুরের ইউরোপীয়দিগের উদ্ধার জন্ত সৈনিকদল স্থলপথে যাত্রা করিল। কিন্তু উপস্থিত সময়ে সকল বিষয়েই অসুখা বিলম্ব ঘটতে লাগিল। ইঙ্গরেজ সেনাপতি এক সময়ে প্রয়োজনীয় দ্রব্যাদির অভাবে অভিযানে বিলম্ব করিতেন, অল্প সময়ে বলবতী প্রতিহিংসার পরিঃ তর্পণ জন্ত বিপদাক্রান্ত স্থানে সত্বর অগ্রসর হইতে নিরন্ত থাকিতেন। কর্তৃপক্ষের সর্বসংহারিণী নীতির দোষে এলাহাবাদে শীঘ্র শীঘ্র প্রয়োজনীয় দ্রব্য ও কার্য্যসম্পাদন জন্ত অল্পচর প্রাপ্ত হওয়া যায় নাই। এখন অগ্রগামী সৈনিকদলের অধিনায়কের জিহংসার দোষে পথে বিলম্ব ঘটতে লাগিল। কাণপুরের উদ্ধারকারী সৈন্ত তিন দিনে যতদূর অগ্রসর হইল, ততদূর কেবল ভয়ঙ্কর ও ধ্বংসাবশেষ তাহাদের বলবতী প্রতিহিংসার পরিচয় দিতে লাগিল। সেনানায়ক কিছুমাত্র বিচারবিতর্ক না করিয়া, গন্তব্য পথের উভয় পার্শ্ববর্তী পল্লীসমূহের আধবাসীদিগকে বৃক্ষশাখায় ফাঁসী দিতে লাগিলেন। সেই বৃক্ষশাখাবিলম্বিত শবরাশিতে কাণপুরে যাইবার পথ নিরতিশয় ভয়ঙ্কর হইয়া উঠিল। দুই দিনে এইরূপে বিয়াল্লিশ জনের প্রাণবায়ুর অবসান হইল। তাহাদের শব পথবর্তী বৃক্ষশাখায় ঝুলিতে লাগিল, এতদ্ব্যতীত বার জনকে বধ করা হইল। যেহেতু যখন ইঙ্গরেজ সৈন্ত কাণপুরের পথে অগ্রসর হয়, তখন ইহারা বিপক্ষদিগের দিকে যাইতেছিল। সৈনিকদল যেখানে বিশ্রাম করিতে লাগিল, সেই স্থানের পুরোভাগের সমস্ত পল্লী ভয়রাশিতে পরিণত হইতে লাগিল। অফিসরগণ এই সকল ব্যাপার দেখিয়া, সেনানায়ককে কহিলেন, যদি তিনি এই ভাবে সমস্ত পল্লী উৎসন্ন করেন, তাহা হইলে সৈন্তের খাদ্য দ্রব্যাদি পাওয়া একান্ত দুর্ঘট হইয়া উঠিবে।

কাণপুরের হত্যাকাণ্ডের পূর্বে ইঙ্গরেজ সেনাপতির আদেশে এইরূপ পল্লীদাহ ও নরহত্যা হইয়াছিল * । সুতরাং ঐ হত্যার প্রতিশোধ জ্ঞাত কাণপুরের পথবর্তী পল্লী জনশূন্য করা হয় নাই । এস্থলে সেনানায়ক কেবল বিষেষের পরিতৃপ্তির জ্ঞান নরশোণিতপাত করিতেছিলেন, কিন্তু ইহাতে যে, তাঁহাদেরই অনিষ্ট ঘটতেছিল, তদ্বিষয় তিনি ভাবিয়া দেখেন নাই । সর্বসংহারিণী প্রবৃত্তি তাঁহাকে ভবিষ্যতের দিকে দৃষ্টি রাখিতে দেয় নাই । তিনি যখন অবাধে নরহত্যা ও পল্লীদাহ করিতে করিতে অগ্রসর হইতেছিলেন, তখন (৩রা জুলাই) লক্ষ্মী হইতে স্তার হেনরি গরমের প্রেরিত একজন এতদেঙ্গীয় চর তাঁহার শিবিরে উপস্থিত হইয়া কহিল যে, কাণপুররক্ষার জ্ঞাত সমস্ত আশাভরসার অবসান হইয়াছে । নগর গুরুত্বস্তে নিপতিত হইয়াছে, সেনাপতি আত্মসমর্পণ করিয়াছেন, এবং সেনাপতি হই তথাকার সমগ্র ইউরোপীয় নিহত হইয়াছেন ।

অবিলম্বে এই ভ্রুংসংবাদ এলাহাবাদে পহঁছিল । সেনাপতি নীল ইহাতে বিশ্বাসস্থাপন করিলেন না । তিনি ভাবিলেন, এই সংবাদ নিঃসন্দেহ শত্রু-পক্ষ হইতে প্রচারিত হইয়াছে । প্রয়োজনীয় জব্যাদির সংগ্রহে বিলম্ব হইলেও তাঁহার বিশ্বাস ছিল, কাণপুরের ইউরোপীয়েরা সহসা শত্রুহস্তে নিহত ও নিপীড়িত হইবে না, এবং তথায় ব্রিটিশ কোম্পানির শাসন সহসা বিলুপ্ত হইয়া যাইবে না । এই বিলম্বেই যে, কাণপুরে সর্বনাশ ঘটবে, নীল তাহাতে বিশ্বাস করিতে পারিলেন না । কিন্তু সেনাপতি হাবেলক উপস্থিত ভ্রুংসংবাদের সত্যতাসম্বন্ধে সন্দিহান হইলেন না । দুই জন চর এলাহাবাদে উপনীত হইল, দুই জনকেই উপস্থিত সংবাদের বিষয় পৃথক পৃথক জিজ্ঞাসা করা হইল; দুইজনেই এক কথা কহিল । কোন বিষয়ে কাহারও সহিত কাহারও অনৈক্য ঘটিল না । কাণপুরে ব্রিটিশ কোম্পানির প্রাধান্তের অধঃপতন ও তত্রত্য ইউরোপীয়দিগের নিধনের সংবাদ যে, সেনানায়ক রেগডের শিবিরে উপস্থিত হইয়াছে, তাহা দুই জনেই একবাক্যে স্বীকার করিল । নীল এবিষয়ে আর কোন কথা কহিলেন না । বিষয়তাসংকৃত অমুশোচনার

*Russell, *Diary in India. comp. Kaye Sepoy War. Vol. II., p 294, note*

চিহ্ন তখন তাঁহার মুখমণ্ডলে পরিস্ফুট হইতে লাগিল। কাণপুরে উদ্ধার জ্ঞাত এলাহাবাদ হইতে সৈন্ত পাঠাইতে বিলম্ব হইয়াছিল। এখন নীল, নত শীষ সম্ভব, রেগড়কে কাণপুরে উপস্থিত হইবার জরু আশে দিতে আগ্রহপ্রকাশ করিতে লাগিলেন। কিন্তু সেনাপতি হাবেলক তাঁহার এই প্রস্তাবের অনুমোদন করিলেন না। তিনি কহিলেন, যদি কাণপুর অধিকারচ্যুত হইয়া থাকে, তাহা হইলে আক্রমণকারী বিপক্ষের অস্ত্র স্থান আক্রমণ ও অবরোধ করিতে প্রধাবিত হইবে, এবং ইহার নিশ্চিতই এলাহাবাদ হইতে কাণপুরের উদ্ধারের জ্ঞাত যে বৈজ্ঞ প্রেরিত হইয়াছে, তাহাদিগকে পথিমধ্যে আক্রমণ করিয়া বিষম অনর্থ ঘটাইবে। কিন্তু কাণপুর যে, সর্বাংশে শত্রুর হস্তগত হইয়াছে, নীল এখনও তদ্বিষয়ে সন্দিহান হইতেছিলেন, এবং এখনও উপস্থিত ভ্রুংসংবাদ বিপক্ষের কল্পনাসমূহ বলিয়া মনে করিতেছিলেন, অতরাং তিনি কাণপুরের উদ্ধারকারী সৈনিকদলের যাত্রা বন্ধ রাখিতে আপত্তি করিতে লাগিলেন। সেনাপতি হাবেলক এ দিকে রেগড়কে সমভিব্যাহারী সৈনিকদল সহ আগ্রসর হইতে নিষেধ করিয়া পাঠাইলেন। এই রণকুশল বীরপুরুষদ্বয়ের নির্দিষ্ট উভয়বিধ কার্য-প্রণালীর মধ্যে, কোনটি অধিকতর সম্ভব ও সময়োপযোগী হইয়াছিল, তাহা পরবর্তী ঘটনায় জানা যাইবে। কাণপুর ইঙ্গরেজের হস্তভ্রষ্ট হইয়াছিল, ইউরোপীয় সৈন্তের প্রায় সকলেই বিপক্ষের হস্তে প্রাণত্যাগ করিয়াছিল। কিরূপে কাণপুর ইঙ্গরেজের হস্ত হইতে পরিভ্রষ্ট হয়, মহারাষ্ট্রের শেষ পেশবা পরাক্রান্ত বাজীরাওর উত্তরাধিকারী কিরূপে ব্রিটিশ কোম্পানির বিরুদ্ধে সমুখিত হইলেন, ইঙ্গরেজ আশ্রয়কার জ্ঞাত কিরূপ সাহস ও বীরত্বপ্রদর্শন করেন, এবং শেষে কিরূপে শত্রুহস্তে নিপতিত ও নিহত হইলেন, তাহা পরে বর্ণিত হইতেছে। উপস্থিত যুদ্ধের ইতিহাসে এই ঘটনা যেরূপ মর্ম্মস্পর্শী, সেই রূপ ভয়ঙ্কর ভাবের উদ্দীপক। ইহার এক দিকে যেমন কল্পনার কাতরতা আছে, অপর দিকে সেই রূপে বীরত্ব ও সহিষ্ণুতার অটলতা রহিয়াছে, এক দিকে যেমন কার্য-তৎপরতা ও একপ্রাণতার নিদর্শন আছে, অপরদিকে সেই রূপ হঠকারিতা বা অদূরদর্শিতার চিহ্ন পরিস্ফুট রহিয়াছে।

চতুর্থ অধ্যায় ।

কাণপুর—আর হিউ হইল—ইউরোপীয়দিগের আশঙ্কা—সিপাহীদিগের উত্তেজনা—
দুঃপ্রাচীরবেষ্টিত স্থান—নামা সাহেব—সিপাহীদিগের সমুখান—তাহাদের আক্রমণ—ইন্ডিয়ান-
দিগের আত্মরক্ষার চেষ্টা—তাহাদের আত্মসমর্পণ—গঙ্গার ঘাটে হত্যা—হত্যাশিষ্টদিগের
পলায়ন—বিবিধর ।

কাণপুর গঙ্গার দক্ষিণতটে অবস্থিত । বারাণসী ও এলাহাবাদের স্থার
ইহা ভারতের পুরাত্ত্ব চিরমান্ত বা চিরপ্রসিদ্ধ নহে । ইহাতে কোনরূপ
ইতিহাসপ্রসিদ্ধ ধ্বংসাবশেষ নাই । ইহার সহিত কোনরূপ প্রাচীন ঐতি-
হাসিক ঘটনার সংস্রব নাই, বা ইহার মধ্যে কোন পুরাতন মহাপুরুষের
কোনরূপ অলোকসামান্য কার্যের আবির্ভাব ও তিরোভাব নাই । হিন্দুর
ভূতত্ত্ব এই নগরের উল্লেখ দৃষ্ট হয় না । প্রথম মোগল সম্রাট বাবর শাহ ইহার
নামনির্দেশ করেন নাই, বা আইন আকবরীতেও ইহার সম্বন্ধে কোন কথা
লিখিত হয় নাই । ভারতে যখন ব্রিটিশ কোম্পানির আধিপত্যের সূত্রপাত
হয়, তখন কাণপুরের নাম ইতিহাসে স্থানপরিগ্রহ করে । কোম্পানি ১৭৭৫
অব্দে অযোধ্যার নবাবের জন্ত এই স্থানে কতকগুলি সৈন্ত রাখিতেন । ১৮০১
অব্দের সন্ধি অনুসারে নবাব এই স্থান, অস্ত্রাস্ত্র স্থানের সহিত কোম্পানির
হস্তে সমর্পিত করেন । তদবধি কাণপুর ব্রিটিশ কোম্পানির অধিকৃত হয় । পূর্বে
এই স্থানে ঠগীপ্রভৃতি দস্যুদিগের বসতি ছিল* । ক্রমে ইহা লোকালয়ে পরি-
বেষ্টিত, সৈনিকনিবাসে সুরক্ষিত ও বাণিজ্যালক্ষ্মীর প্রসাদে শ্রীসম্পন্ন হইয়া উঠে ।

ভারতের প্রাচীন ইতিহাসে কাণপুরের নাম পরিদৃষ্ট না হইলেও, বর্তমান
সময়ের ইতিহাসে কাণপুর প্রসিদ্ধিলাভ করিয়াছে । ইহা উত্তরপশ্চিম
প্রদেশের কেন্দ্রস্থলে অবস্থিত । ইহার উত্তরে ইন্ডিয়ানের নবাধিকৃত অযো-
ধ্যাজ্য । দক্ষিণপূর্বে এলাহাবাদ । কলিকাতা হইতে এই নীমার সৈনিক-

* Asiatic Researches. Vol. XIII., p. 290

দলের আগমনের প্রস্তুত পথ রহিয়াছে। দক্ষিণপশ্চিমে আগরা ও দিল্লী। এই সীমার পার্শ্বভাগ দিয়া পঞ্জাব হইতে সৈনিকদলের আগমনের উৎকৃষ্ট পথ আছে। দক্ষিণ ও দক্ষিণপশ্চিমে যে সকল পথ আছে, তৎসমুদয় দিয়া, মাদ্রাজ ও বোম্বাই হইতে সৈনিকদল সহজে আসিতে পারে। এই সকল কারণেই বোধ হয়, কাণপুর কোম্পানির সময়ে, সৈনিকদলের একটি প্রধান আবাসস্থান হইয়া উঠে।

কাণপুর চামড়ার জিনিষের কারবারের জন্য উত্তরপশ্চিম প্রদেশে প্রসিদ্ধ। এই স্থানে বিভিন্ন প্রকার চর্মপাছুকা ও ঘোড়ার সাজ প্রস্তুত হইয়া থাকে। অস্ত্রাস্ত্র স্থান অপেক্ষা কাণপুরে এই সকল দ্রব্য অপেক্ষাকৃত সুলভ মূল্যে পাওয়া যায়। নগরের প্রান্তবাহিনী জাহুবীর তটদেশে দণ্ডায়মান হইলে বাণিজ্যপ্রসঙ্গে লোকের শ্রমশীলতা, উৎসাহ ও উদ্যমের চিত্র পরিদৃষ্ট হয়। ছোট বড় বিভিন্ন প্রকারের নৌকা, বিবিধ বাণিজ্যদ্রব্য পরিপূর্ণ হইয়া জাহুবীরক্ষে ভাসমান রহিয়াছে। কেহ কেহ দ্রব্যাদি নৌকায় লইয়া যাইতেছে, কেহ কেহ বা নৌকা হইতে দ্রব্যজাত তীরে উঠাইতেছে। সকলেই আপন আপন কার্যে শশব্যস্ত রহিয়াছে, এবং সকলেই আপনাদের কর্তব্য সম্পাদনে একাগ্রতার পরিচয় দিতেছে। এইরূপে বিভিন্ন পরিচ্ছদধারী, বিভিন্নজাতীয় লোকের সম্মিলনে গঙ্গার তটের দৃশ্য বৈচিত্র্যজনক হইয়া উঠে। কিন্তু নগরের মধ্যে এইরূপ বৈচিত্র্য পরিদৃষ্ট হয় না। একসঙ্গে বহু সংখ্য লোকের একরূপ কার্যকারিতার ক্ষেত্রও প্রত্যক্ষীভূত হয় না। উপস্থিত সময়ে কাণপুরে ষাট হাজার লোকের বসতি ছিল। ইহার সৈনিক নিবাসে ১, ৫৪ ও ৫৬গণিত পদাতিক সিপাহী ২গণিত অঝারোহী সিপাহী, সর্ব সমেত তিন হাজার এতদেশীয় সৈনিক পুরুষ অবস্থিতি করিতেছিল। পক্ষান্তরে ষাটজন ইউরোপীয় গোলন্দাজ সৈন্ত, এবং বারানসী হইতে প্রেরিত কতিপয় ইউরোপীয় সৈনিক পুরুষ ছিল। এতদ্ব্যতীত পদাতিক ও অঝারোহী সিপাহীদলে ৬৭ জন ইক্সরেজ অধিনায়ক ছিলেন *।

* যোরে টমসন সাহেব নির্দেশ করিয়াছেন, সর্বসমেত ৩০০ তিন শত ইউরোপীয় সৈনিক পুরুষ কাণপুরে অবস্থিতি করিতেছিল। ইহার মধ্যে ৩২গণিত দলের দুর্বল ও ক্রমের সাধ্য

সেনাপতি স্যার হিউ হইলর কাণপুরের সৈনিকদলের অধ্যক্ষ ছিলেন।
 নিক কাণ্ডে স্যার হিউ হইলরের বেক্রপ অভিজ্ঞতা, দেহরূপ দূরদর্শিতা
 ল। সেনাপতি হইলর, চুয়াম বৎসর কাল, সিপাহীদলে অবস্থিতি করিয়া;
 তাহাদের রীতি, নীতি ও চরিত্রবিষয়ে, অভিজ্ঞতালাভ করিয়াছিলেন।
 চনি সেনাপতি লর্ড লেকের তত্ত্বাবধানে সিপাহীদিগকে তাহাদের স্বদেশীয়-
 গের বিরুদ্ধে পরিচালিত করিয়াছিলেন, আফগানিস্তানের পার্শ্বত্যা-
 দেশে তাহাদের সাহায্যে দ্রুত আফগানদিগের পরাক্রম পর্যুদস্ত করিতে
 দ্যত হইয়াছিলেন, এবং পঞ্চনদের পবিত্র ভূমিতে তাহাদিগকে রণপণ্ডিত
 পদদিগের বিরুদ্ধে যুদ্ধ করিতে আদেশ দিয়াছিলেন। এইরূপে অর্ধ
 তাহদেরও অধিক কাল, ভারতের বিভিন্ন যুদ্ধক্ষেত্রে, তিনি আপনায় প্রিয়তম
 বিশ্বস্ত সিপাহীদিগের অধিনেতা হইয়া, সাহস ও পরাক্রম দেখাইয়াছিলেন।
 বদীন সৈনিকদলের প্রতি তাঁহার অটল অমুরাগ ছিল। সেনাপতি এতদ্বেনীয়
 একটি ইউরেশীয় নারীর সহিত পরিণয়হত্রে আবদ্ধ হইয়া, এতদ্বেনেই জীবিত-
 কালের উৎকৃষ্ট ভাগ অতিবাহিত করিয়াছিলেন। তিনি সপ্ততি বর্ষ অতিক্রম
 করিলেও তেজস্বিতা হইতে বিচ্যুত হয়েন নাই। যখন মিরাত ও দিল্লীর সংবাদ
 তাঁহার নিকট উপস্থিত হইল, তখনই তিনি বুঝিতে পারিলেন যে, কাণপুরে
 ঐরূপ বিপৎগাত অসম্ভব নহে। এই সময়ে কাণপুরে ইউরোপীয় সৈন্ত
 অধিক ছিল না। ব্রিটিশ কোম্পানির অধিকারবৃদ্ধির কুফল এক্ষণে তাঁহার
 সম্মুখে পরিস্ফুট হইতে লাগিল। কোম্পানি নিরস্তুর আপনাদের অধিকারবৃদ্ধি
 করিয়াছিলেন, কিন্তু সেই সকল অধিকার সুরক্ষিত রাখিতে হইলে, কিরূপ
 সৈনিকবলের সাহায্যগ্রহণ করিতে হইবে, তদ্বিষয় ভাবিয়া দেখেন নাই।
 যে ইউরোপীয় সৈন্ত কাণপুররক্ষার জন্য থাকিতে পারিত, তাহা নববিজিত
 অধোধ্যারক্ষার জন্য নিয়োজিত হইয়াছিল। মে মাসে যখন সিপাহীদিগের
 মধ্যে উত্তেজনার চিহ্ন লক্ষিত হইতে লাগিল, নগরে নগরে ইউরোপীয়েরা
 যখন আপনাদের প্রাণের ভয়ে উদ্ভ্রান্ত হইয়া পড়িল, তাড়িতবার্তাবহ যখন
 প্রতিদিন নানা স্থানের হুঃসংবাদ আনিয়া দিতে লাগিল, তখন হইলর

১৪ (তাহারও মতে ৩০) ভিল।—*Mowbray Thomson, Story of Cawnpur, p. 23-
 Comp. Kaye, Sepoy War. Vol II., p. 289, note.*

কাণপুরে সৈনিক বলের অল্পতা দেখিয়া নিরস্ত্রশস্ত্র উদ্বিগ্ন হইলেন । কাণপুরের বহুসংখ্য উৎকৃষ্ট অট্টালিকা, ইউরোপীয় রাজকর্মচারীদের প্রীপুত্রকন্যাশ্রুতিতে পূর্ণ ছিল । ইউরোপীয় ও ফিরঙ্গী বণিকদিগে পরিবারবর্গ নগরের স্থানে স্থানে অবস্থিতি করিতেছিল । এতদ্ব্যতীত চিকিৎসালয়ে ৩২গণিত ইউরোপীয় সৈনিকদলের কতিপয় পীড়িত সৈনিকপুরু ছিল । এখন এই সকল অসহায় ও অসমর্থ জীবের রক্ষার ভার হইলরো উপর পড়িল । বর্ধমান সেনাপতির সম্মুখে এখন যেক্রপ উৎকট কার্যক্ষেপ প্রসারিত হইল যে, সেনাপতি অর্দ্ধশতাব্দকাল কোম্পানির সৈনিকবিশিষ্টে নিযুক্ত থাকিলেও কখনও তাদৃশ উৎকট কার্যে ব্যাপৃত হয়েন নাই ।

এই সময়ে সিপাহীদের মধ্যে জাতিনাশ ও ধর্মনাশসম্বন্ধে অনেক বিষয়ের আন্দোলন হইতেছিল । মে মাসের মধ্যভাগে কয়েকখানি আটা বোঝাই নৌকা কাণপুরে উপনীত হয় । বাজারে ঐ আটা অপেক্ষাকৃত অল্পমূল্যে বিক্রীত হইতে থাকে । উপস্থিত আটা অতি পুরাতন ও ময়লা ছিল । রুটী প্রস্তুত হইলেই উহা হইতে এক প্রকার দুর্গন্ধ বাহির হইত । জনরব উঠিল, ফিরঙ্গীরা হিন্দু ও মুসলমানের ধর্ম্মনাশ করিবার জন্ত উক্ত আটায় গরু ও শূকরের অস্থিচূর্ণ মিশাইয়া দিয়াছে । এই জনরব বিশ্বাসযোগ্যে সিপাহীদের আবাসভূমিতে প্রচারিত হইল । সিপাহীরা সকলেই আপনাদের জাতি ও ধর্ম্মনাশের আশঙ্কার অধীর হইয়া উঠিল । ইহার পর আবার বসামিশ্রিত টোটার কথা লইয়া আন্দোলন হইতে লাগিল । কয়েকজন সিপাহী অভিনব টোটার প্রয়োগ-প্রণালী শিখিবার জন্ত অম্বালার সৈনিকশিকালয়ে গিয়াছিল ; তাহার কাণপুরে প্রত্যাগত হইলে, তাহাদের সজাতীয় সিপাহীরা তাহাদিগকে জাতিচ্যুত করিতে উদ্যত হইল না, বা তাহাদের সহিত এক পণ্ডিতের ডোজন করিতেও সঙ্কোচপ্রকাশ করিল না * । ৫৩ গণিত দলের মানধা-নামক একজন মুসলমান সিপাহী কতকগুলি নূতন টোটা মদে

* J. W. Shepherd, Personal Narrative of the outbreak and Massacre of Cawnpur, p. 25.

মানিয়াছিল; সে ঐ টোটা সহযোগীদিগকে দেখাইয়া কহিল যে, উহাতে
প্রাণিবিশেষের বসা নাই *। মানবাঁ সহযোগীদিগের বিশ্বাস জন্মাইবার জন্যই
অভিনব টোটার নমুনা দলস্থিত সিপাহীদিগকে দেখাইয়াছিল; কিন্তু তাহার
দ্বারা তদীয় সহযোগিগণ বিশ্বাসস্থাপন করে নাই। অভিনব টোটা হইতে
একরূপ দুর্গন্ধ বাহির হইত যে, উহা ফিরিকী, হিন্দু ও মুসলমান, সকলেরই
মতাবে অপ্রীতিকর হইয়াছিল†। সিপাহীরা নিরতিশয় কৌতূহলপর ও
সন্দেহ। অভিনব টোটার সম্বন্ধে যখন বাজারে বাজারে, সৈনিকনিবাসে
সনিকনিবাসে, নানা জনরব প্রচারিত হইতে লাগিল, তখন সিপাহীরা
কৌতূহলের আবেগে উহা শুনিয়া, আপনাদের মধ্যে নানা বিতর্ক করিতে
লাগিল। ইহার পর যখন তাহারা অভিনব টোটা সম্মুখে পাইয়া
উহার বিষম দুর্গন্ধ অনুভব করিল, তখন তাহাদের হৃদয়ে সন্দেহ
বদ্ধমূল হইয়া উঠিল। তাহারা ধর্ম্মনাশের গভীর আশঙ্কায় ফিরিকী-
দিগকে বিশ্বাসঘাতক ও আপনাদের পরম শত্রু বলিয়া মনে করিতে
লাগিল। এই সময়ে কল্লনাপর লোকের অভাব ছিলনা। যখন সম্প্রদায়-
বিশেষের মধ্যে কোন বিষয়ে সন্দেহ ও আশঙ্কার সঞ্চার হয়, তখন কল্লনাপর
লোকে নানা ভয়ঙ্কর বিষয়ের কল্পনা করিয়া, অনেকস্থলে সেই আশঙ্কা ও
সন্দেহের গতিবিস্তারে চেষ্টা করিয়া থাকে। উপস্থিত স্থলেও এইরূপ
লোকের আবির্ভাব হইয়াছিল। যখন সিপাহীরা আশঙ্কায় অধীর ও সন্দেহে
বিচলিত হইল, তখন তাহাদের মধ্যে প্রচারিত হইল যে, কাওয়াজের ক্ষেত্রে
ভূগর্ভে বারুদ রাখা হইয়াছে, হিন্দু ও মুসলমান সিপাহীদিগকে এক দিন ঐ
স্থানে সমবেত করিয়া, ভূগর্ভস্থিত প্রজ্বালিত বারুদে উড়াইয়া দেওয়া হইবে‡।

* *Mowbray Thomson, Story of Cawnpur, p. 25.*

† *Ibid. p. 25.*

‡ ১৯শদি বঙ্গের খাঁ মহম্মদ নামক একজন সিপাহী প্রচার করে যে, সিপাহীদিগকে
দগ্ধ করা হইবে, এবং তাহাদিগকে বেতন দিবার চলে একত্র করিয়া ভূগর্ভস্থিত
কিমে উড়াইয়া দেওয়া হইবে। অবারোহী সৈনিকদল খাঁ মহম্মদের কথা শুনিয়া উত্তেজিত
হইয়া উঠে। কর্তৃপক্ষ এবিষয় অবগত হইয়া উক্ত সিপাহীকে শৃঙ্খলবদ্ধ করিয়া রাখেন।—
Trivilyan, Cawnpur, p. 79.

সিপাহীরা এইরূপ বিভীষিকাময়ী বিবিধ উপকথায় বিচলিত হইতে লাগিল তাহারা এতদিন বিশ্বস্ততাসহকারে ব্রিটিশ কোম্পানির পক্ষসমর্থন করিতে ছিল, এবং শ্রদ্ধা ও প্রীতিসহকারে ভিন্নজাতীয় সেনাপতির আদেশপালনে সর্বক্ষণ প্রস্তুত ছিল। এখন নানাজনরবে তাহারা অস্থির হইয়া পড়িল। চিরভক্তিতাজন সেনাপতির প্রতি তাহাদের শ্রদ্ধা ও প্রীতি বিলুপ্ত হইল; চিরমাতা কোম্পানির বিরুদ্ধাচরণে তাহাদের একাগ্রতা ও যত্নশীলতার চিহ্ন পরিদৃষ্ট হইতে লাগিল ॥

সেনাপতি হুইলর সৈনিকদলের অধিনায়কদিগের মুখে সিপাহীদিগে চিন্তাচঞ্চল্যের বিবরণ শুনিয়া উদ্ভিগ্ন হইলেন। তিনি ভাবিয়াছিলেন, কিছুদিনে মধ্যে ঐরূপ চাঞ্চল্যতিরোহিত হইবে। কিন্তু কাণপুরে মিরাত ও দিল্লীর সংঘর্ষ পূর্ণ ছিলে সিপাহীরা অধিকতর চঞ্চল ও অধিকতর উত্তেজিত হইতে লাগিল। এই সময়ে কাণপুরের ইউরোপীয় ও ফিরঙ্গী, সকলেই সমভাবে সমস্ত হইয়া উঠিল। দিল্লীর কারাগার ভগ্ন হইয়াছিল। হৃদ্যন্ত কয়েদীরা বিমুক্ত হইয়া পরষ বিলুপ্ত জগৎ ইত্যন্ততঃ ঘুরিয়া বেড়াইতেছিল। কাণপুর হইতে দিল্লী ও আগ্রা যাইবার প্রশস্ত পথ গুজরনামক বহুসংখ্য দস্যুদলে অवरুদ্ধ হইয়াছিল। এদিকে কাণপুরের সিপাহীদিগের উত্তেজনা প্রতিদিন বর্দ্ধিত হইতেছিল। এতদ্বারা কাণপুরবাসী ইউরোপীয়গণ প্রতিমুহূর্ত্তে গুরুতর বিপদের আবির্ভাব হইয়া বলিয়া ভয়ে অভিভূত হইতেছিলেন। তাঁহারা এক দিন শুনিতে, গুজরের দলবদ্ধ হইয়া নগর আক্রমণ করিতে আসিতেছে, আর এক দিন রাজকীয় কার্যালয়ের কর্মচারীদিগকে ইত্যন্ততঃ প্রধাবিত দেখিয়া ভাবিতেন, সিপাহীরা তাঁহাদের বিরুদ্ধে সমুথিত হইয়াছে, অথবা এক দিন আপনাদের এতদেগী ভৃত্যের নিকটে কোন একটি সামান্য কথা শুনিয়াই মনে করিতেন, উত্তেজিত সিপাহীরা শস্ত্র হইয়া তাঁহাদের হত্যার জগৎ অগ্রসর হইতেছে। এইরূপে প্রতিদিনই তাঁহারা ভয়ে উদ্ভ্রান্ত হইয়া পড়িতেন। রাত্রিতেও তাঁহাদের শান্তি ছিলনা। একদা গভীর নিশীথে কতিপয় গোলন্দাজ সৈন্য কামানদ্বারা কাণপুরে আসিতেছিল। ইউরোপীয়গণ অদূরে ইহাদের অধিষ্ঠিত অরণ্য পদধ্বনি শুনিতে পাইলেন। তাঁহারা অমনি শশব্যস্তে শয্যা হইতে উঠিলেন, শশব্যস্তে বাহিরে আসিয়া আত্মরক্ষার জগৎ প্রস্তুত হইতে লাগিলেন। তাঁহারা

পাশে লাগিলেন, অঝোরোহী সিপাহীরা তাঁহাদের বিনাশার্থ দলে দলে
 আসিতেছে। শেষে যখন প্রকৃত বিষয় তাঁহাদের গোচর হইল, তখন
 তাঁহারা বিশ্বপালক ভগবানের নাম স্মরণ করিতে করিতে গৃহে প্রবেশ করি-
 লেন। কোন সময়েই তাঁহাদের আশঙ্কার বিরাম ছিলনা। দিবারাত্রি
 তাঁহারা আপনাদের সম্মুখে সংহারমূর্ত্তির বিকট ভাব দেখিতেছিলেন। কাহা-
 রও কোনও অংশে শঙ্কিত বা কোনস্থানে ধাবমান দেখিলেই, তাঁহারা
 আপনাদের সর্বনাশ হইল বলিয়া মনে করিতেন। সিপাহীগণ এই সময়ে
 হাদের বিপক্ষে যুদ্ধার্থ অগ্রসর না হইলেও তাঁহারা প্রতিমুহূর্ত্তেই যেন
 আপনাদিগকে মহাপ্রলয়ের করাল কবলে নিপতিতপ্রায় মনে করিতেন।
 হাদের কেহ কেহ বিশ্বস্ত পরিচারিকার সাহায্যে হিন্দুস্তানীদিগের পরিচ্ছদ
 স্তব্ধ করিয়া রাখিতেছিলেন; বিপদ উপস্থিত হইলে, স্ত্রী, কন্যা ও আত্মীয়দিগকে
 সকল পরিচ্ছদ পরাইয়া, নিরাপদ স্থানে পাঠাইতে ইচ্ছা করিয়াছিলেন *।
 হারা একরূপ ভীতিগ্রস্ত হইয়াছিলেন যে, তাঁহাদের স্বদেশীয়গণের কেহ যদি
 গণ বিষয়ে ব্যস্ত হইতেন, অথবা তাঁহাদের ভৃত্যগণ যদি গোপনে
 গণ বিষয়ে আপনাদের মধ্যে কথাবার্তা কহিত, অমনি তাঁহারা তাড়াতাড়ি
 রবারবর্গের সহিত গৃহ হইতে বহির্গত হইতেন। এসময়ে কারণনির্দ্ধারণে
 হাদের অবসর থাকিত না। কেহ কাহারও কোন কথা প্রকৃত উত্তর
 তে পারিত না। কেহ ঘটনার সত্যতানিরূপণের প্রতীক্ষা করিত না। অথচ
 ফলেই উদ্ভ্রান্ত, সকলেই শশব্যস্ত, ও সকলেই দিশাহারা হইয়া পড়িত।
 যাহা সম্মুখে পাইত, সে তাহাই লইয়া, আত্মীয়গণের সহিত গাড়িতে উঠিত,
 ৫ কপ্তিবন্দনায় ইউরোপীয় সৈনিকনিবাসে যাইয়া উপস্থিত হইত।
 হারা তাড়াতাড়ি গাড়ি না পাইত, তাহারা দ্রুতপদে যাইতে যাইতে

* সেকার্ড নামক একজন ইংরেজ এই সময়ে কাণপুরে রসদবিভাগে কাৰ্য্য করিতেন।
 রের ঠাকুরাণী নামে একটি হিন্দু পরিচারিকা ছিল। সেকার্ড সাহেব এই বিশ্বস্তা পরি-
 চারিকা হারা এতদেশীয় বিদ্রোহীদের মহিলাদিগের ব্যবহারোপযোগী অতি মোটা কাপড়
 রিয়া আসেন। বিপদের সময়ে তাঁহারা কভাপণ এই পরিচ্ছদ পরিয়া, হৃদযশে
 ইতে ইচ্ছা করিয়াছিল।—*Shepherd, Cawnpur*, p. ১৩.

সিপাহীযুদ্ধের ইতিহাস ।

[৬৫]

পরিশ্রান্ত, পিপাসার্ত ও ঘর্মাক্ত হইয়া, প্রতিযুদ্ধেই আপনাদিগকে কালান্তর
যুদ্ধের হস্তগত মনে করিত * ।

কাণপুরের বুদ্ধ সেনাপতি ইউরোপীয়দিগকে এইরূপ সজ্জ দিয়া
ঐহাদের সক্ষম উপায়নির্ধারণ করিতে লাগিলেন । যাবৎ স্থানান্তর হইয়া
ঐহাদের সাহায্যার্থ ইউরোপীয় সৈন্য না আইসে, তাবৎ তিনি আপনাদে
বালকবালিকা ও কুলনারীদিগকে অপেক্ষাকৃত নিরাপদ স্থানে সমবে
করিতে ইচ্ছা করিলেন । এই কার্য অনায়াসে সম্পাদনীয় ছিল না
এদিকে সময়ও সন্ধীর্ণ ছিল, সুতরাং সেনাপতি স্থান নির্দিষ্ট করিয়া আ

* সেকার্ড সাহেব ২১শে মে, বেলা ১০ ঘটিকার সময় আপনার কার্যালয়ে বাইরা বেগে
বাকী কৰ্মচারীরা সত্রে গৃহান্তমুখে প্রধাবিত হইতেছেন । তিনি শুনিলেন, উহা
উচ্চতম কৰ্মচারীর স্ত্রী, শিশুসন্তান লইয়া আরার সহিত তাড়াতাড়ি গৃহপরিত্যাগ পূর্ব
পদক্ষেপে ইউরোপীয় সৈনিকনিবাসের অভিমুখে গিয়াছেন । উক্ত প্রধান কৰ্মচারীও, ভ্রা
ত্মিককে, বহু দীর্ঘ সম্ভব, গাড়ি পাঠাইতে কাঁচা, স্ত্রীর অনুগমন করিয়াছেন । সেদ
সাংহেব বেহারাকে উহার কারণ জিজ্ঞাসা করিলেন । বেহারা কহিল, সে কিছুই জানেন
নেমসাহেবের নিকট একখানি পত্র আসিয়াছিল । যেমসাহেব উহা পড়িয়াই ভরে চীৎকার
করিয়া উঠিলেন এবং ভিলাজ্জনার বিলম্ব না করিয়া শিশুসন্তান লইয়া আরার সহিত
পরিত্যাগ করিলেন । সেকার্ড সাহেব, বিপদের আশঙ্কা করিয়া, হে নামক অস্ত্র এক
সাংহেবের নিকট সমিধেব বিবরণ জানিবার জন্য লোক পাঠাইলেন । লোক কি
আসিয়া কহিল, "সাহেব ছাউনিতে গেলেন আপনাকে ও তাড়াতাড়ি ছাউনিতে বাইরে
গেলেন । অনেক সাংহেব বিবি, সন্তান লইয়া, ভক্তগতি বারিকে বাইরেছে ।" সেকার্ড সাহেব
তদ্বিষয়ে উপরিজন কৰ্মচারীর নামে একখানি পত্র লিখিয়া রাখিয়া সত্বরপবে গৃহে
পরিবারবর্গকে বড় ব্যস্ত দেখিতে পাইলেন । অনন্তর তিনি তাড়াতাড়ি আবশ্যক
স্বার্থীতে উঠিয়া, পারবারবর্গের সহিত বারিকে উপস্থিত হইলেন । বারিক এই
সাংহেব বিবি ও তাহাদের সন্তানবর্গে পরিপূর্ণ হইরাছিল । কি জন্য তাহারা তাদ
আবান গৃহ হইতে সৈনিকনিবাসে উপস্থিত হইরাছিল, কেহই জানিত না । অল্প
পূর্ববর্ত হইয়া আত্মরক্ষার আয়োজন করিতেছিল । ছাউনিতে আসিবার সময় পথে
পরিচিত ব্যক্তির সহিত সেকার্ডের সাক্ষাৎ হইরাছিল । ইংহারাও তাড়াতাড়ি
হাইকে ছিলেন । ইংহারা সেকার্ডকে সহসা এইরূপ পলায়নের কারণ জিজ্ঞাসা
সেকার্ড নিজেই কিছু জানিতেন না, সুতরাং ইংহাদের কথা কয়েকপয়সার
না । সেবে কারণ অনুসন্ধানের সময় কেহ কেহ কহিল, বলাপায়কক
ইংহারাও করিতে হইতেছে না, কেহ কেহ কহিল, সিপাহীরা
করিয়াছে । কেহ কেহ বা কহিল, ওরোরা বিদ্রোহ
বিনা কথা লিখিত রাখিল । — *Sahib's Chronicle, p. 30*

নার বন্দোবস্ত করিতে কিছুমাত্র বিলম্ব করিলেন না। আশ্রয়কার স্থলের
 ধা, অস্ত্রাগারই সর্বাপেক্ষা উৎকৃষ্ট ও সুদৃঢ় বলিয়া পরিগণিত হইত।
 গঙ্গার তটদেশে অবস্থিত ও চারি দিকে উচ্চ পাকাপ্রাচীরে পরিবেষ্টিত
 ন। উহার মধ্যে কামান বারুদ প্রভৃতি পর্যাপ্তপরিমাণে রক্ষিত ছিল;
 উহার বিস্তৃত প্রাঙ্গনে বাসোপযোগী অনেক গুলি বড় বড় গৃহ নির্মিত
 রাখিল। অধিকন্তু, উহা কারাগার ও ধনাগারের নিকটবর্তী ছিল।
 অস্ত্রাগার সৈনিকনিবাসের প্রায় ছয় মাইল দূরে ছিল। কিন্তু
 সেনাপতি ঐ স্থান মনোনীত করিলেন না। উহার দক্ষিণপূর্বদিকে,
 নিকনিবাসের অনতিদূরে, বিস্তৃত সমতল ক্ষেত্রে ইউরোপীয় সৈনিকদিগের
 টি বৃহৎ চিকিৎসালয় ছিল। উহার একটি পাকা ও আর একটি পাকা
 প্রাচীরের উপর খড়ের চালে আচ্ছাদিত। দুইটিই একতল, এবং দুইটিই
 দিকে বারান্দায় পরিবেষ্টিত। এতদ্ব্যতীত উহার নিকটে প্রয়োজনীয়
 সাধনোপযোগী কয়েক খানি ছোট ছোট ঘর ছিল। গঙ্গা উহার
 দূরে প্রবাহিত হইতেছিল। সেনাপতি হইলর আশ্রয়কার জন্ম ঐ স্থান
 মনোনীত করিলেন। অবিলম্বে নির্দিষ্ট স্থানের চারি দিকে প্রাচীর নির্মিত
 ত লাগিল। অনেক কষ্টে চতুর্দিকে কিঞ্চিদধিক চারিফুট উচ্চ মূল্য
 গীর প্রস্তুত হইল। উপস্থিত সময়ে সূর্য্যের নিদারুণ উত্তাপে মৃত্তিকা
 ন শুষ্ক ও কঠিন হইয়া গিয়াছিল যে, উহা খনন করিবার তাদৃশ সুবিধা
 ন না। এদিকে বিলম্ব করিবার সময় ছিল না। তাড়াতাড়ি যাহা খনিত
 হইল, তাহা দ্বারাই উপস্থিত প্রাচীর প্রস্তুত হইল। কিন্তু এই প্রাচীর
 দৃশ সুদৃঢ় হইল না। যেহেতু, গুলির আঘাত লাগিলেই ইহা ভাঙ্গিয়া
 হইত। যাহা হউক, উক্ত স্থান এইরূপে প্রাচীরে পরিবেষ্টিত হইলে,
 সেনাপতি তথায় খাদ্য দ্রব্যাদি পর্যাপ্তপরিমাণে সংগৃহীত করিবার ব্যবস্থা
 রিতে লাগিলেন। কিন্তু এ ব্যবস্থাও তাদৃশ ফলোপধায়িনী হইল না।
 হারা দ্রব্যসংগ্রহের ভার গ্রহণ করিয়াছিল, তাহারা দ্রব্যাদি উপযুক্ত
 রিমাণে আনিয়া দিতে পারিল না। সেনাপতি পঁচিশ দিনের উপযোগী
 দ্রব্যসংগ্রহের আদেশ দিয়াছিলেন, যাহারা দ্রব্যসংগ্রহের ভার লইয়া
 ল, তাহাদের দোষেই হউক, অথবা সেনাপতি, কেবল সৈন্তের সন্ত

খাদ্য সংগ্রহের আদেশ দিয়াছিলেন, 'এই জন্তই হইক, শোকসংখ্যানুসারে খাদ্য দ্রব্য অল্প পরিমাণে সংগৃহীত হইল * ।

সেনাপতি আত্মরক্ষার জন্ত যে স্থান নির্দিষ্ট করিয়াছিলেন, অনেকে মতে সে স্থান আত্মরক্ষার উপযোগী বলিয়া পরিগণিত হয় নাই। ইহা নির্দেশ করিয়াছেন যে, সেনাপতি অস্ত্রাগারে সকলকে সমবেত করি আত্মরক্ষা করিলে তাঁহার প্রয়াস সর্বাংশে সফল হইত। যেহেতু, অস্ত্রাগার অস্ত্রশস্ত্রে পরিপূর্ণ ও সুদৃঢ় প্রাচীরে পরিবেষ্টিত ছিল। গাউহার নিকট দিয়া প্রবাহিত হইতেছিল। উহার বিস্তৃত প্রান্ত যে সকল গৃহ ছিল, তৎসমুদয়ে ইউরোপীয়েরা পরিবারবর্গের সহিত নিষ্কণ্টে ও বিনা গোলযোগে বাস করিতে পারিত। ঐ স্থান মনোনীত হইত অসহায় বালকবালিকা বা কুলকামিনীরা সহসা মৃত্যুমুখে নিপতি হইত না, এবং অসমর্থ ইউরোপীয়েরাও সিপাহীদিগের আক্রমণে সহ্য নিপীড়িত হইয়া পড়িত না। অধিকন্তু অস্ত্রাগারের নিকটে ধনাগার কারাগার ও অন্যান্য কার্য্যালয় ছিল। সমস্তই একসঙ্গে রক্ষিত হইত। ঠাহারা কাণপুরের উপস্থিত ভয়ঙ্কর ঘটনার বিবরণ লিখিয়াছেন, তাঁহাদের মধ্যে অনেকেই আত্মরক্ষার উপযোগী স্থানের সম্বন্ধে অস্ত্রাগারই প্রশংসা বলিয়া নির্দেশ করিয়াছেন। রণনিপুণ, অভিজ্ঞ সৈনিক কাম্বুচারী ও এতদ্ব্যতিরিক্ত অস্ত্রাগারের সম্যক উপযোগিতা স্বীকার করিয়াছেন। সেনাপতি হইলর স্থান ছাড়িয়া গঙ্গা হইতে বহু দূরে, বিস্তীর্ণ সমতল ক্ষেত্রের কিয়দংশ মৃৎপ্রাচীরে পরিবেষ্টিত করিয়া আত্মরক্ষায় উদ্যত হইয়াছিলেন। এজন্য বুদ্ধ সেনাপতি দূরদর্শিতা ও সমীক্ষাকারিতার প্রতি দোষারোপ করা হইয়াছে†। সমরবিদ্যা

* Thomson, Story of Cawnpur, p. 31.

† Trevelyan, Cawnpur p. 82 Comp. Kaye, Sepoy War. Vol. II. p. 29

‡ সেনাপতি নীল অস্ত্রাগারের সম্বন্ধে এইরূপ লিখিয়াছেন—'ইহা চারিদিকে বন্ধ ভুলির অভেদ প্রাচীরে বেষ্টিত। ইহার ভূমির পরিমাণ নয় বিঘারও অধিক। ইহা সৈনিকদিগের বাসোপযোগী গৃহ অনেক রহিয়াছে। ইহা গঙ্গার তটবর্তী। ইহা সিপাহীদের আক্রমণ হইতে রক্ষা করিতে পারা যায়। নানা সাহেব বা সিপাহী, কেহই তাঁহা (ইন্ডিয়ানদের) নিকটে আসিতে পারিত না। ঠাহারা কামান লইয়া সিপাহীদের আক্রমণ ক্রমিত্তে পারিতেন এবং কেবল আপনাদিগকে নয়, লগ্নরক্ষা করিতেও পারিতেন।'

শারদ পুরুষেরা বাহা নির্দেশ করিয়াছেন, হইলরের ছায় এক জন বুদ্ধ ও চক্ষুণ সেনাপতি যে, তাহা বুঝিতে পারেন নাই, এরূপ বোধ হয় না। জাগার সৈনিকনিবাস হইতে প্রায় ছয় মাইল দূরে ছিল। সেনাপতি রূপ দূরবর্তী স্থানে গমন করিলে সিপাহীদিগের প্রতি দৃষ্টি রাখিতে পারিতেন না, সৈনিকনিবাসে সিপাহীদিগের মধ্যে কি হইতেছে, তাহাও স্পষ্টরূপে জানিতে সমর্থ হইতেন না। সিপাহীরা উত্তেজিত হইলেও অপরাধ গুণ্যভাবে ছিল। তাহারা অপরাধ প্রকাশ্যভাবে ইউরোপীয়দিগের বিরুদ্ধে মুখিত হয় নাই। সুতরাং সেনাপতি এসময়ে সিপাহীগণ হইতে বিচ্ছিন্ন হইতে সমর্থ ছিলেন না। তাঁহাকে অস্ত্রাগারে যাইতে হইলে সিপাহীগণকেও সঙ্গে লইয়া যাইতে হইত, কিন্তু এরূপ চেষ্টায় গুরুতর বিপত্তির সম্ভাবনা ছিল। সেনাপতি যদি ইউরোপীয় সৈন্য ও কামান হ অস্ত্রাগারের অভিমুখে অগ্রসর হইতেন, তাঁহাদের বালকবালিকা কুলকামিনীরা যদি দলে দলে অস্ত্রাগারে যাইত, সিপাহীদিগকে যদি সৈনিকনিবাস পরিত্যাগ করিতে আদেশ দেওয়া হইত, তাহা হইলে বাধ হয়, সিপাহীরা স্থির থাকিতে পারিত না। তাহারা ভাবিত, ফিরিঙ্গীরা তাহাদের বিরুদ্ধে সমুখিত হইয়াছে। অবিলম্বে অস্ত্রাগারের অন্তরীক্ষে তাহাদিগকে সমূলে বিধ্বস্ত হইতে হইবে, এইরূপ ভাবিয়া, তাহারা ইউরোপীয়দিগকে আক্রমণ করিত, কিন্তু এসময়ে তাহাদের প্রবল আক্রমণ নিরস্ত করিবার সুবিধা ছিল না। ইউরোপীয় সৈন্য এত দীর্ঘ ছিল যে, সিপাহীদিগের আক্রমণে তাহারা নিমূল হইয়া যাইত। ধীরে ধীরে সেনাপতি এই সকল বিপত্তির বিষয় ভাবিয়াই, বোধ হয়, দূরবর্তী জাগারে যাইবার সঙ্কল্প পরিত্যাগ করিয়াছিলেন*। তিনি যে স্থান নির্দিষ্ট করিয়াছিলেন, সেস্থান যে বিপদসঙ্কুল ও আতঙ্করক্ষার অযোগ্য ছিল, তাহা তাহার অবিদিত ছিল না। কিন্তু অবশ্যস্তাবী ঘটনায় বাধ্য হইয়া তাঁহাকে

হইতেন। ** সেনাপতি, হইলরের একবারে এখানে যাওয়া উচিত ছিল। তেহই তাহাকে নিবাসিত করিতে পারিত না। তাহারা সমস্ত বিষয়ই রক্ষা করিতে পারিতেন।

** Kaye, Sepoy War. Vol. II, p. 295, note.

* The Mutiny of the Bengal Army. By one who has served under Sir Charles Napier, p. 125. Comp. Kaye, Sepoy War. Vol. II, p. 294.

ঐ স্থানে থাকিতে হইয়াছিল। সিপাহীদিগের প্রবল আক্রমণে সমুদ্রতীর হওয়া অপেক্ষা সাহায্যকারী সৈন্যের আগমন পর্য্যন্ত, তিনি স্থানে থাকিয়া আত্মরক্ষাকরাই প্রেরণের বোধ করিয়াছিলেন। তাঁহার নিঃস্বপ্নে সকল সংবাদ উপস্থিত হইতেছিল, তৎসমুদয়ে তিনি স্পষ্ট বুঝিয়াছিলেন, সিপাহীরা তাঁহাদের বিরুদ্ধে সমুখিত হইলেও তাঁহাদিগকে আক্রমণ করিয়া একবারে দিল্লীর অভিমুখে ধাবিত হইবে। ইহার মধ্যে কলিকাতা হইতে সৈন্য আসিতে পারে। তিনি ইহাদের সাহায্যে সহজেই কাণপুরে ইউরোপীয়দিগকে লইয়া এলাহাবাদে পহুঁছিতে পারিবেন। বৃদ্ধ সেনাপতি যাহা আশা করিয়াছিলেন, নিয়তির বিচিত্র লীলায় তাহা সম্পন্ন হয় নাই। সে পতি ইচ্ছা করিয়া, আপনাদের নিরীহ শিশুদিগকে মৃত্যুহস্তে সমর্পিত করেন নাই, বা ইচ্ছা করিয়াও আপনাদের অমূল্য জীবনবিনাশের পথ প্রশস্ত করিতুলেন নাই। তিনি যাহা ভাবিয়াছিলেন, কার্যতঃ তাহা না ঘটিলেও, তাঁহা বিশ্বাস যে, নিতান্ত অমূলক ছিল না, পরবর্তী ঘটনায় তাহা পরিষ্কৃত হইবে।

সেনাপতি আত্মরক্ষার স্থান নির্দিষ্ট করিয়া, আত্মবলবৃদ্ধি করিতে উদ্যত হইলেন না। তিনি অবিলম্বে লক্ষ্যে স্থার হেনরি লরেন্সের নিকট সৈন্য চাহিয়া পাঠাইলেন। ঐ সময়ে অযোধ্যাতেও সিপাহীদিগে উত্তেজনা দেখা যাইতেছিল। স্থার হেনরি লরেন্সের তত্ত্বাবধানে যে সৈন্য অবস্থিত করিতেছিল, তাহা অযোধ্যারক্ষার পক্ষেই পর্যাপ্ত ছিল না। তথাপি স্থার হেনরি লরেন্স কাণপুরের বৃদ্ধ সেনাপতি সাহায্য করিতে উদ্যত থাকিলেন না। তিনি অবিলম্বে দ্বাত্রিংশ ইউরোপীয় সৈনিকদলের ৮৪ জন পদাতিক ঘোড়ার গাড়িতে করিয়া কাণপুরে পাঠাইয়া দিলেন। এতদ্ব্যতীত অযোধ্যার গোলন্দাজ সৈন্যগণ লেফ্টেন্যান্ট আসেনামক সৈনিক পুরুষের তত্ত্বাবধানে দুইটি কামা প্রেরিত হইল। কাণপুরের প্রকৃত অবস্থা জানিবার জন্য স্থার হেনরি লরেন্স আপনার সেক্রেটারিকেও পাঠাইয়া দিলেন। এই সৈনিক সেনাপতি দুইলরের নির্দিষ্ট, মৃৎপ্রাচীরবেষ্টিত আত্মরক্ষার স্থানে উপস্থিত হইল। হেনরি লরেন্সের স্নদক সেক্রেটারিও যথাসময়ে আসিয়া আশঙ্কিত বিপদ হইতে আত্মরক্ষা করিবার উপায়বিধানে ব্যাপ্ত হইলেন।

কাণপুরের ইঙ্গরেজ কর্তৃপক্ষের ন্যায় হেনরি লরেন্সের সাহায্যপ্রার্থনা করেন, তখন আপনাদিগকে অধিকতর নিরাপদ করিবার জন্য কাণপুরের নিকটবর্তী বিঠুরের আর এক ক্ষমতাপন্ন ব্যক্তির নিকটেও সাহায্যপ্রার্থী হইলেন । এই ক্ষমতাশালী পুরুষ, কাণপুরবাসী ইঙ্গরেজদিগের সহিত দীর্ঘকাল সৌহার্দ্যহুত্রে আবদ্ধ ছিলেন, দীর্ঘকাল তাঁহাদিগকে সন্তুষ্ট করিয়া আসিতে ছিলেন, এবং দীর্ঘকাল, আপনার বহুমূল্য দ্রব্যাদি তাঁহাদের পরিতোষার্থে বিনিয়োজিত রাখিয়াছিলেন । কাণপুরের ইঙ্গরেজ রাজপুরুষ সেই সন্তাব ও সন্তোষিত্তি স্মরণ করিয়া বোরতর বিপত্তিকালে ইহার শরণাপন্ন হইলেন ।

মহারাজের শেষ পেশবা বাজীরাওর উত্তরাধিকারী ধুমুপুহ নানা সাহেবের বিষয় উপস্থিত ইতিহাসের প্রথম ভাগে বর্ণিত হইয়াছে । পরাক্রান্ত বাজীরাও ক্রুরপে পুনরা সিংহাসন হইতে অপসারিত হইলেন, ক্রুরপে তিনি কাণপুরের নিকটবর্তী বিঠুরনামক স্থানে আসিয়া বাস করেন, ক্রুরপে তাঁহার দত্তকপুত্র নানা সাহেব পৈতৃক বৃত্তি হইতে বঞ্চিত হইলেন, এবং শেষে ক্রুরপে ঐ দত্তক, বিলাতে একজন মুসলমান দূত পাঠাইয়াও কর্তৃপক্ষের নিকট স্ববিচার লাভে হতাশ হইয়া পড়েন, তাহা এই ইতিহাসপাঠকের অবদিত নাই । নানা সাহেব আপনার অভীষ্টসিদ্ধিতে অকৃতকার্য হইলেও, ইঙ্গরেজের সহিত সন্তাব রাখিতে উদাসীন থাকেন নাই । বাজীরাওর ৮০০০ সশস্ত্র অশ্বচর ছিল, তাঁহার জীবদ্দশায় ইহার কোনরূপ উচ্ছৃঙ্খলভাবের পন্থিচর দেয় নাই । যখন নানা সাহেব পৈতৃক সম্পত্তি লাভ করেন, বিঠুরের রমণীয় প্রাসাদ, বহুসংখ্য সশস্ত্র অশ্বচর, বাজীরাওর সঞ্চিত অর্থরাশি, যখন তাঁহার অধিকৃত হয়, তখনও তিনি উচ্ছৃঙ্খল হইয়া উঠেন নাই । ইঙ্গরেজ প্রায়ই তাঁহার বিস্তৃত প্রাসাদে আতিথ্যগ্রহণ করিতেন । নানা সাহেব অতিথির সম্মানরক্ষায় উদাসীন থাকিতেন না । ইঙ্গরেজ তাঁহার পরিচর্যায় পরিতুষ্ট হইয়া তদীয় আতিথেয়তার গৌরবঘোষণা করিতেন । তাঁহার বিঠুরে আসিয়া নানা সাহেবের পৈতৃক বৃত্তির সম্বন্ধে ব্রিটিশ কোম্পানির অন্তর্ভুক্ত চরণের কথা শুনিতে । নানা সাহেবও বোধ হয় ভাবিতেন যে, তাঁহার স্বদেশে প্রত্যাবৃত্ত হইয়া তাঁহার প্রাপ্ত অধিকারের পুনরুদ্ধারের চেষ্টা করিবেন* ।

* *Martin, Indian Empire. Vol. II., p. 249.*

মর্যাদাশালী ইঙ্গরেজ অতিথি স্বদেশে রাখা, তদীয় অভীষ্টসিদ্ধির বিষয়ে কোনরূপ চেষ্টা করুন, বা না করুন, নানা সাহেবের বিজৃত প্রাসাদ অতিথিশূণ্য থাকিত না। তদীয় প্রাসাদের পরিদর্শকদিগের খাত খুলিলে শত শত ইঙ্গরেজের নাম পাওয়া যাইত। ইহার অনেকদিন নান সাহেবের গৃহে অবস্থিতি করিয়া, নানারূপ সুখাদ্য দ্রব্যে পরিতৃপ্ত হইতেন একজন ইঙ্গরেজ কর্মচারী একদা নানা সাহেবের একখানি শকটে বিষ্ঠা উপনীত হইলেন। তিনি উক্ত শকটের সবিশেষ প্রশংসা করিলে, নানা সাহেব তাঁহাকে কহেন,—“অধিকদিন অতীত হয় নাই, আমার ইহা অপেক্ষাও উৎকৃষ্ট গাড়িঘোড়া ছিল, কিন্তু আমি ঐ গাড়ি দান্ন করিয়াছি, ঘোড়াও মারিয়া ফেলিয়াছি।” উক্ত কর্মচারী ইহার কারণ জিজ্ঞাসা করাতে, নানা সাহেব কহিলেন, “কাগপুরের এক জন সাহেবের একটি শিশু সন্তান সাতিশয় পীড়িত হইয়াছিল, সাহেব ও মেমসাহেব বায়ুপরিবর্তনের জন্ত সন্তানটিকে লইয়া, বিষ্ঠুরে আসিতেছিলেন। আমি তাঁহাদিগকে আনিবার জন্ত আমার উক্ত গাড়ি পাঠাইয়াছিলাম। পথে গাড়ীতে সন্তানটির মৃত্যু হইল। গাড়ীতে মৃত শিশু থাকাতে এবং গাড়ির সহিত ঘোড়ার সংস্পর্শ হওয়াতে, আমি উক্ত গাড়ি ও ঘোড়া কখনও ব্যবহার করি নাই।” কর্মচারী জিজ্ঞাসা করিলেন, “ঘোড়া আপনার কোন খ্রীষ্টীয় বা মুসলমান বন্ধকে ব্যবহার করিতে দিলেন না কেন?” নানা সাহেব উত্তর করিলেন, “না, আমি এইরূপ করিলে এ বিষয় সাহেবের গোচর হইত, সাহেব আমাকে ক্ষতিগ্রস্ত দেখিয়া দুঃখিত হইতেন।” ইঙ্গরেজ কর্মচারী এই ঘটনার উল্লেখ করিয়া শেষে লিখিয়াছেন, “বিষ্ঠুরের এতরূপ প্রকৃতির মহারাজা সাধারণতঃ নানা সাহেব নামে প্রসিদ্ধ ছিলেন। তিনি আমাদের সমক্ষে ক্ষমতাপন্ন বলিয়া পরিগণিত হইতেন না, কিংবা নির্যোধ বলিয়াও প্রতিপন্ন ছিলেন না।”

উপস্থিত সময়ে নানাসাহেবের বয়স ৩৬ বৎসর হইয়াছিল। যৌবনের কাব্যপটুতা ও আলস্তশূন্যতা তাঁহাতে পূর্ণমাত্রায় বিরাজ করিতেছিল। তিনি কাব্যপটু ও অনলস হইলেও তাদৃশ দূরদর্শী ও অভিজ্ঞ ছিলেন না। অপরের

নির্দিষ্ট কার্যপ্রণালীর সঙ্গতি বা অসঙ্গতির পরিজ্ঞানে তাঁহার বুদ্ধি ছিলনা, বা অপরেব অবলম্বিত কৰ্ত্তব্যপথের গুণাগুণফলনির্দ্ধারণে তাঁহার অভিজ্ঞতা ছিল না। তিনি যে পথে অগ্রসর হইতেন, যে কার্যসাধনে ব্যাপ্ত থাকিতেন বা যে বিষয় অবলম্বনীয় বলিয়া মনে করিতেন, তৎসমুদয়ই অপরের পরামর্শে নির্দ্ধারিত হইত। একজন স্ত্রী ও সৌখীন মুসলমান তাঁহার প্রধান মন্ত্রণাদাতা ছিলেন। তিনি প্রধানতঃ ইহারই পরামর্শে পরিচালিত হইতেন।

আজিমউল্লা খাঁর বিষয় পূর্বে একবার লিখিত হইয়াছে। আজিমউল্লা নবীন বয়সে ইঙ্গরেজ রাজপুরুষের থানা যোগাইবাব ভার গ্রহণ করুন, বা কাপ্পুরের বিদ্যালয়ে দশ বৎসর শিক্ষা করিয়া, উক্ত বিদ্যালয়ের শিক্ষক ও পরে একজন ইঙ্গরেজ সৈনিক কর্মচারীর মুন্সী হইউন, * তিনি সৌন্দর্যময়ী আকৃতি ও প্রীতিপ্রদ আলাপের গুণে ইঙ্গলণ্ডের বিলাসিনীসমাজে সুপরিচিত ছিলেন। কিন্তু তাঁহার অভিজ্ঞতা অতি সঙ্কীর্ণ সীমায় আবদ্ধ ছিল। তিনি অনর্গল ইঙ্গরেজী বলিতে পারিতেন, ফরাসী ও জর্মন ভাষাতেও কথাবার্তা কহিতেন। নানা সাহেব এজ্ঞ তাঁহাকেই উপযুক্ত পাত্র মনে করিয়া, আপনার কার্যে নিযুক্ত করেন, কিন্তু তিনি বিলাতে যাওয়া প্রভুর কার্যসাধনে সমর্থ হন নাই। বিলাতের কর্তৃপক্ষ যখন তাঁহার প্রার্থনাপূরণে অগ্রসর হইলেন না, তখন তিনি আত্মপরিতোষসাধন জন্ত অল্প পথ অবলম্বন করিলেন। তাঁহার প্রভুর প্রদত্ত প্রচুর অর্থ ছিল, তাঁহার বাক্পটুতা ও স্বরমাধুর্য ছিল, সর্বোপরি তাঁহার দেহের অসামান্য সৌন্দর্য্যগৌরব ছিল। তিনি এই সকলের সাহায্যে বিলাসসাগরে ভাসমান হইলেন। বিলাসিনীদিগের অলুগ্রহে ও আদরে তাঁহার যৌবনকান্তি অধিকতর গৌরবান্বিত হইয়া উঠিল। তিনি ইঙ্গলণ্ড হইতে তুরস্কের রাজধানীতে উপনীত হইলেন, এই সময়ে ক্রীমিয়ার যুদ্ধে সমগ্র ইউরোপ আন্দোলিত হইতেছিল। কোতুলপার মুসলমান দূত ইউরোপের বীরপুরুষদিগের বীরত্বদর্শন জন্ত সমরভূমির নিকটবর্তী হইলেন। তিনি ইঙ্গরেজের

* Kaye, Sepoy War, p. 312. Shepherd, Cawnpur, p. 9.

ফরাসীর বীরত্বব্যঞ্জক মুখশ্রী দেখিলেন, ক্রিশ্চিয়ানীদিগের কামানের গোলায় ইঙ্গরেজদিগকে বিশৃঙ্খল হইতে দেখিয়া মনে মনে লজ্জিত হইলেন। আজিমউল্লা যাহাদের নিকট ব্যর্থমনোরথ হইয়াছিলেন, যাহাদের বিচারে আপনার প্রতিপালক প্রভুকে পৈতৃক বৃত্তি হইতে বঞ্চিত দেখিয়া ছিলেন, এখন তাঁহাদিগকে ইউরোপের সমরভূমিতে ইউরোপীয় বীরের-বন্দ অপেক্ষা নিকৃষ্ট বলিয়া মনে করিলেন*। তাঁহার বিশ্বাস জন্মিল যে, তিনি স্বদেশে আসিয়া ইহাদের ক্ষমতা পর্য্যদন্ত করিতে পারিবেন। আজিমউল্লা স্বদেশে প্রত্যাগত হইলেন। তাঁহার পূর্বতন বিশ্বাস অপনীত হইল না। তিনি বিচূরে আসিয়া নানা সাহেবকে আপনার ভূয়োদর্শিতার কল জানাইলেন। পৈতৃক বৃত্তি বন্ধ হওয়াতে নানা সাহেব গভীর মনোবেদনার অস্থির হইয়াছিলেন। তদীয় দূত যখন অকৃতার্থ হইয়া ফিরিয়া আসিলেন, তখন তাঁহার অধীরতা বর্দ্ধিত হইল। তিনি ইঙ্গরেজ কর্তৃপক্ষের উপর জ্বাতক্রোধ হইলেন। লর্ড ডালহৌসীর অবৈধ কার্যের ফল এখন পরিস্ফুট হইল। এদিকে আজিমউল্লা ইউরোপে ভ্রমণ করিয়া, যে ভূয়োদর্শিতাসংগ্রহ করিয়াছিলেন, তদ্বারা তিনি স্বীয় প্রভুকে বিচলিত করিয়া তুলিলেন। নানা সাহেব তত্ত্বজ্ঞ বা দূরদর্শী ছিলেন না, সুতরাং তিনি স্বীয় দূতের অর্জিত জ্ঞান যথার্থ কি না, ভাবিয়া দেখিলেন না। মন্বাস্তিক মনোবেদনার, ও আজিমউল্লার হৃদয়গ্রাহিনী কথায়, তাঁহার মানসিক ভাবের পরিবর্তন ঘটিল। কাণপুরের ইতিহাস শোণিতাক্ষরে রঞ্জিত হইবার সূচনা হইল।

বিচূরের রাজপ্রাসাদে নানা সাহেবের আরও কয়েক জন সহচর ছিলেন। তাঁহার ভ্রাতা বালরাও ও বাবাতউঐ স্থানে থাকিতেন। তাঁহার ভ্রাতৃপুত্র রাও সাহেব তদীয় আশ্রয়ে কালাতিপাত করিতেন,

* ক্রীমিয়ার ১৮৫৫-৫৬ অব্দে ক্রিশ্চিয়ান সহিত ফ্রান্স, ইংলণ্ড, তুরস্ক ও সার্দিনিয়ায় সম্মিলিত সৈন্যের যুদ্ধ হয়। ১৮ই জুন শিবান্তোপোল নামক স্থানের যুদ্ধে সম্মিলিত সৈন্য পরাজিত হয়। এই সময়ে আজিমউল্লা কনস্টান্টিনোপোলে ছিলেন। সংবাদপত্রে বিখ্যাত লেখক রাসেল সাহেবও এই সময়ে ঐ নগরে গিয়াছিলেন। তাঁহার সহিত আজিমউল্লা সাক্ষাৎ হয়। আজিমউল্লা তাঁহাকে কহেন, “বিখ্যাত ক্রীমিয়া নগর ও যে সকল পরাক্রম

করিতেছি, কিন্তু সাহেব আমাকে অমূল্য সম্মানরত্নের সহিত বিঠুরে রাখা প্রেরণের মনে করিতেছেন” * ।

নানা সাহেবের প্রতি কাণপুরের কলেজের সাহেবের এইরূপ অটু বিশ্বাস ও প্রগাঢ় প্রীতি ছিল। এই বিশ্বাস ও প্রীতি প্রযুক্তই তিনি ধনাগার রক্ষার ভার নানা সাহেবের হস্তে সমর্পিত করিতে উদ্যত হয়েন কথিত আছে, নানা সাহেব যখন লক্ষৌ নগরে উপনীত হয়েন, তখন তত্রত রাজকীয় প্রধান কর্মচারীরা তাঁহার প্রতি সর্বতোভাবে বিশ্বাসস্থাপনে উদ্বুদ্ধ হয়েন নাই। নানা সাহেব সহসা লক্ষৌ হইতে প্রস্থান করিলে অযোধ্যা রাজসংক্রান্ত প্রধান কর্মচারীর মনে গভীর সন্দেহ জন্মে। এজন্ত, উহা কর্মচারী কাণপুরের ইন্সপেক্টর সেনাপতিকেও সাবধান হইতে কহেন এবিষয় অযোধ্যার প্রধান কমিশনের স্তার হেনরি লরেন্সেরও অনুমোদিত হয়।† যাহা হউক, হিলস্‌ডন সাহেব অবশ্য নানা সাহেবের সৌজতে মুগ্ধ হইয়াছিলেন, নানা সাহেবের সদাচারে পরিতোষলাভ করিয়াছিলেন এবং নানা সাহেবের সদমুষ্ঠানে তাঁহার একান্ত পক্ষপাতী হইয়া উঠিয়াছিলেন বাজীরাদ লোকান্তরিত হইলে, নানা সাহেব যখন পৈতৃক সম্পত্তির অধিকারী হয়েন, তখন তিনি কাণপুরের রাজপুরুষদিগের সমক্ষে কোন অংগ অবিনয় বা অসৌজন্তের পরিচয় দেন নাই। লর্ড ডালাহৌসীর সংকীর্ণ রাজনীতিতে তিনি মর্শ্বাহত হইয়াছিলেন বটে, কিন্তু তাঁহার বিশ্বাস ছিল যে, এক সময়ে তাঁহার প্রগাঢ় অধিকারের পুনরুদ্ধার হইবে। তিনি ষাঁহাদের সহিত সম্বাবহার করিতেছেন, ষাঁহাদিগকে সন্তুষ্ট করিতে নিরন্তর প্রয়াস পাইতেছেন, এবং ষাঁহাদের সমক্ষে সৌজন্তের একশেষ দেখাইতেছেন তাঁহার অবশ্য এক সময়ে তদীয় গ্রাম্যভূগত স্বত্বরক্ষায় যত্নবান হইবেন তিনি ইহা ভাবিয়াই বর্তমানে সন্তুষ্ট ও ভবিষ্যতের আশায় উৎসাহাশ্রিত ছিলেন। তাঁহার অনভিজ্ঞ ও কোতূহলপর মুসলমান মন্ত্রী ক্রীমিয়ার যুগ দেখিয়া, যে জ্ঞানলাভ করিয়াছিলেন, সেই জ্ঞানের মোহিনী শক্তির

* *Martin, Empire in India, Vol. II, p. 251.*

† *Gubbins, Mutinies in Oudh, p. 32.*

যদি তিনি আকৃষ্ট না হইতেন, বা তাঁহার বাল্যকৌড়াসহচরের মন্ত্রণায় যদি তদীয় মতিভ্রংশ না ঘটিত, তাহা হইলে, বোধ হয়, তিনি পূর্বতন সৌজন্য ও সদ্যবহার হইতে বিচ্যুত হইতেন না। কাণপুরের বিস্তৃত ক্ষেত্রও বোধ হয়, ইউরোপীয়ের শোণিতে রঞ্জিত হইত না, এবং কাণপুরের প্রাস্তবাহিনী পবিত্রসলিলা জাহ্নবীও বোধ হয়, নিঃসহায় বালকবালিকা ও নিরপরাধা কুলকামিনীদিগের দেহনিঃসৃত শোণিতস্রোতে কলুষিত হইয়া উঠিতেন না।

নার্না সাহেব যথোচিত শিষ্টতা দেখাইয়া কাণপুরের ইন্সপেক্টর কর্তৃপক্ষের সাহায্য করিতে উদ্যত হইলেন। রাজকীয় কর্মচারিগণ কি জ্ঞাত সহসা তাঁহার সাহায্যপ্রার্থী হইয়াছিলেন, কি জ্ঞাত তাঁহাকে এই দৃষ্টকালে, আপনাদের প্রধান অবলম্বনরূপ মনে করিয়াছিলেন, এই স্থলে তাহার উল্লেখ করা আবশ্যিক। দেওয়ানী ও সৈনিক কর্মচারিগণ এ সময়ে ধনাগারের অর্থরাশি সুরক্ষিত করিতে নিরতিশয় চেষ্টা করিতেছিলেন। তাঁহারা যে স্থান প্রাচীরে পরিবেষ্টিত করিয়া, আত্মরক্ষার্থ সজ্জিত হইতেছিলেন, সেই স্থানে ধনাগারের মুদ্রা আনিয়া রাখিলে উহা উত্তেজিত সিপাহীদিগের হস্তচ্যুত হইয়া পড়িত। কিন্তু এসময়ে যে সকল সিপাহী ধনাগাররক্ষা করিতেছিল, তাহারা আপনাদের বিশ্বস্ততা ও রাজভক্তির উল্লেখ করিয়া কহিল, “আমরা ধনাগাররক্ষা করিতে যথাসম্মতি যত্ন করিব। টাকা স্থানান্তরে অপসারিত হইলে, আমাদের রাজভক্তিতে কলঙ্কস্পর্শ হইবে, আমাদের বিশ্বস্ততারও অবমাননা ঘটিবে। আমরা উপস্থিত থাকিতে বিপক্ষদিগের কেহই ধনাগার বিলুপ্ত করিতে পারিবে না। আমাদের হস্তে ইহা নিরাপদে রহিয়াছে।” কর্তৃপক্ষ নাগাররক্ষকদিগের এই কথার প্রতিবাদ করিতে ইচ্ছা করিলেন না। এসময় তাহাদের প্রতি কোন বিষয়ে অবিখ্যাসের চিহ্ন দেখাইলে বা তাহাদের কথার কোন অংশে প্রতিবাদ করিলে, তাহারা হয় ত প্রকাশ্যভাবে বিরুদ্ধাচরণে অগ্রসর হইত, এবং কর্তৃপক্ষের মনোগত ভাব বন্ধিতে পারিয়া, প্রকাশ্যভাবে আপনাদের রক্ষণীয় দ্রব্য আপনাই আত্মসাৎ করিত। বুদ্ধ সেনাপতি, ইহা ভাবিয়া ধনাগাররক্ষকদিগের মতের

বিরুদ্ধে কোন কার্য্য করিলেন না। বিপুল অর্থ পূর্ববৎ ধনাগারের
 রছিল। কিন্তু বিপদের সময়ে ধনাগাররক্ষক সিপাহীদিগের প্রতি সম্পূর্ণরূপে
 বিশ্বাসস্থাপন করা, অনুচিত মনে করিয়া, কর্তৃশক্তি কতিপয় সশস্ত্র সৈনিক পুরু
 ধনাগারের নিকটে রাখিবার সঙ্কল্প করিলেন। কাণপুরের কলেজের হিলব্রুড
 সাহেবের সহিত নানা সাহেবের বিলক্ষণ সদ্ভাব ছিল। কলেজের সাহেব এজ
 নানা সাহেবের সাহায্যপ্রার্থী হইলেন। নানা সাহেবও সাহায্যদানে অগ্রসর
 হইলেন। ধনাগার বিষ্ঠুরে যাইবার পথের ক্রিয়দূরে ছিল। অবিলম্বে নান
 সাহেবের দুই শত সশস্ত্র অশুচর দুইটি কামান লইয়া ধনাগার ও অস্ত্রাগারে
 নিকটবর্তী নবাবগঞ্জ নামক স্থানে উপস্থিত হইল। এইরূপে কাণপুরের কর্তৃপক্ষ
 ব্রিটিশ কোম্পানির অর্থরক্ষার উপায়বিধান করিলেন। এই উপায়ের
 পরিশেষ সিপাহীদিগের অদৃষ্ট অধিকতর প্রসন্ন হইয়া উঠিল। নানা সাহেবকে
 নিকটে কলেজের সাহেবের সাহায্যপ্রার্থনাকরার সম্বন্ধে নানার সহচর তাঁতীর
 ভোপী এইরূপ নির্দেশ করিয়াছেন;—“১৮৫৭ খ্রীঃ অব্দের মে মাসে কাণপুরে
 কলেজের সাহেব বিষ্ঠুরে নানা সাহেবের নিকটে এক খানি পত্র প্রের
 করেন। পত্রে লিখিত থাকে যে, “আপনি যদি অশুগ্রহ করিয়া, আমা
 জী ও সন্তানদিগকে ইঙ্গলণ্ডে পাঠাইয়া দেন, তাহা হইলে বড় ভা
 হয়।” নানা সাহেব এই প্রস্তাবে সম্মত হইলেন। চারি দিবস পরে
 কলেজের সাহেব আবার নানা সাহেবকে সৈন্ত ও কামানসহ কাণপুরে
 আসিতে লিখেন। নানা সাহেব তিন শত সৈন্ত ও দুইটি কামান লইয়
 কাণপুরে গমন করেন। আমিও সেই সঙ্গে কাণপুরে যাই। কলেজের সাহে
 এই সময়ে তাঁহার বাটীতে ছিলেন না, প্রাচীরপরিবেষ্টিত স্থানে অবস্থিতি
 করিতেছিলেন। তিনি আমাদিগকে তাঁহার বাড়ীতে থাকিতে বলিয়া
 পাঠান। আমরা তদনুসারে তাঁহার বাটীতে সেই রাত্রি অতি
 বাহিত করি। প্রাতঃকালে কলেজের সাহেব আসিয়া নানা সাহেবকে
 তাঁহার নিজের গৃহে অবস্থিতি করিতে কহিলেন। ঐ বাটী কাণপুরে ছিল।
 আমরা তদনুসারে ঐ বাটীতে বাস করিতে লাগিলাম। এইরূপে চারি
 দিন অতিবাহিত করিলাম। কলেজের সাহেব কহিলেন, সিপাহীরা কথার
 যেরূপ অবস্থা হইয়া উঠিয়াছে, তাহাতে বিশেষ সৌভাগ্য যে, নান

সাহেব তাঁহাদের সাহায্যার্থ উপস্থিত হইয়াছেন। তিনি তাঁহার অল্পচরগণের খরচপত্রের বিষয় সেনাপতিকে বলিবে। কলেজের সাহেব আপনার কথারক্ষা করিলেন। সেনাপতিও ঐ বিষয় আশ্রয় লিখিয়া পাঠাইলেন। সে স্থান হইতে উত্তর আসিল যে, নানা সাহেবের অল্পচরদিগের ব্যয়নির্বাহের বন্দোবস্ত করা হইবে” *। এইরূপে ২২শে মে নানা সাহেব ব্রিটিশ গবর্ণমেন্টের সম্পত্তিরক্ষার ভার গ্রহণ করিলেন।

যে দিন নানা সাহেবের হস্তে ধনাগাররক্ষার ভার সমর্পিত হয়, তাহার পূর্বে দিন লক্ষ্যে হইতে সাহায্যকারী সৈনিকদল কাণপুরে পঁহছে। এ দিকে সেনাপতির আদেশে ইউরোপীয় কুলকামিনী, বালকবালিকা ও রোগাতুরগণ প্রাচীরপরিবেষ্টিত স্থানে আশ্রয়গ্রহণ করে। এই সময়ে গোলযোগের একশেষ হয়। বগী, পালকী, গাড়ি প্রভৃতি বিবিধ যান ক্রমান্বয়ে আশ্রয়স্থানের প্রশস্ত প্রাঙ্গণে উপস্থিত হইয়া থাকে। শিশুদিগের রোদন-ধ্বনিতে, কুলকামিনীদিগের অর্জিনাদে, ইত্যন্ততঃ ধাবমান লোকের উচ্চৈঃস্বরে ও যানসমূহের ঘর্ষর শব্দে, সমগ্র সৈনিকনিবাস সমাকুল হইয়া উঠে। এই সময়ে সকলেই শশব্যস্ত, সকলেই আসন্ন বিপদে সন্ত্রস্ত, সকলেই আপনাদের জীবন ও সম্পত্তিরক্ষার জন্ত বিহ্বলচিত্ত হইয়া, ইত্যন্ততঃ ধাবিত হইতে থাকে। ছোট বড়, ভদ্র ইত্যর, উচ্চশ্রেণীর রাজপুরুষ ও নিম্নশ্রেণীর কর্মচারী, সকলেই সমভাবে একক্ষেত্রে দণ্ডায়মান হইয়া একবিধ কার্যসাধনে প্রবৃত্ত হয়। সকলের মুখই গভীর আশঙ্কায় মলিন ও সকলের হৃদয়ই অবশুস্তাবী বিপদে অবসন্ন হইয়া উঠে। ২২ শে তারিখ বাজারের সমস্ত দোকান ৪।৫ বার বন্ধ হয়। ঐ দিন সেনাপতির নিকটে নিরন্তর নানারূপ অস্বস্তি ও ভয়ঙ্কর সংবাদ উপস্থিত হইতে থাকে। এক ব্যক্তি যে সংবাদ লইয়া আইসে, ১০ মিনিট পরে অপর ব্যক্তি সেই সংবাদ মিথ্যা বলিয়া তদপেক্ষা ভয়ঙ্কর সংবাদ প্রচার করে। এইরূপে সমস্ত দিন অতিবাহিত হয়। তৎপর দিনও ঐরূপ নানা ভয়ঙ্কর জনরব প্রচারিত হয়। এই সময়ে বৃদ্ধ সেনাপতির প্রশান্তভাবে ব্যতিক্রম হয় নাই। সেনাপতির আবাসগৃহের দ্বার ও গবাক্ষ সকল সমস্ত

* *Kaye, Sepoy War: Vol.-II., p. 300, note.*

স্নাত্তি উল্লুখিত থাকিত । সেনাপতি স্বয়ং স্থানান্তরে বাইবার ইচ্ছা করেন নাই, পরিবারবর্গকেও স্থানান্তরিত করিতে সম্মত হইলেন নাই । সেনাপতি ব্যতীত কাগপুরের আর কতিপয় রাজপুরুষও এই সময়ে আপনাদের গৃহে রাতি-যাপন করিতেন ।

ইঙ্গরেজেরা যখন আশ্রয়স্থানের আয়োজন করিতেছিলেন, সৈনিক-চিকিৎসালয়ের বিস্তৃত ক্ষেত্র যখন মৃৎপ্রাচীরে পরিবেষ্টিত এবং ঐ প্রাচীরের স্থানে স্থানে যখন কামানসকল স্থাপিত হইতেছিল, তখন সিপাহীরা নানা লোকের কথায় ও নানা স্থানের সংবাদে অধিকতর উত্তেজিত ও অশান্ত হইয়া উঠে । ইহাদের মধ্যে দ্বিতীয় অখারোহীদলই সর্বপ্রথম বিপক্ষতাচরণে আগ্রহপ্রকাশ করে । ইহারা ক্রমে আপনাদের পরিবারবর্গ ও সম্পত্তি স্থানান্তরে প্রেরণ করে । আপনাদের চিরসহচর ও চিরপরিচিত লোটা ব্যতীত, ইহারা আর কিছুই আপনাদের গৃহে রাখে নাই । এই দলে অনেক মুসলমান সৈনিকপুরুষ ছিল । ইহারাও সমভাবে উত্তেজিত হইয়া উঠিয়াছিল । হিন্দুদিগের আর ইহাদেরও আশঙ্কার অবধি ছিল না । ইহারা মসজিদে সমবেত হইয়া, উপস্থিত বিষয়ে আপনাদের মধ্যে পরামর্শ করিত । ২৪ শে মে ইহাদের প্রসিদ্ধ পুরুষ ইদের দিন ছিল । এজন্য ইউরোপীয়েরা ভাবিয়াছিলেন যে, ঐ দিন ইহারা তাহাদের বিরুদ্ধে সম্মুখিত হইবে । কিন্তু ঐ দিন বিনা গোলযোগে অতিবাহিত হইল । মুসলমান সৈনিকপুরুষেরা উত্তেজিত হইলেও, ঐ দিন শান্তিভঙ্গ করিল না । তাহারা প্রশান্তভাবে আপনাদের ধর্ম্মানুযায়িত কার্য সম্পন্ন করিল, এবং প্রশান্তভাবে ও সন্তোষসহকারে আপনাদের অধ্যক্ষদিগকে অভিযান ও অভিনন্দন করিয়া, যথোচিত বিনীতভাবে পরিচয় দিল । তাহাদের অধিনায়কগণও তাহাদিগকে প্রত্যভিনন্দিত করিলেন ।

কিন্তু ইহাতেও সেনানায়ক ও সিপাহীদিগের মধ্যে সন্তোষ স্থাপিত হইল না । সিপাহীরাও উত্তেজনা ও আশঙ্কা হইতে নিবৃত্তিলাভ করিতে পারিল না । কর্তৃপক্ষের প্রতিকাৰ্য্যই তাহাদের উত্তেজনা পরিবর্তিত ও আশঙ্কা বলবতী হইতে লাগিল । তাহারা দেখিল, ইঙ্গরেজেরা তাহাদিগকে নিরস্তর সন্ধিভাবে নিরীক্ষণ করিতেছেন । আশ্রয়স্থানের জন্ত প্রশস্ত ক্ষেত্র প্রাচীরে পরিবেষ্টিত

রিয়াছেন। স্থানান্তর হইতে কামান সকল আনীত হইতেছে। ইউরোপীয় সৈনিক পুরুষেরা অস্ত্রপরিগ্রহ পূর্বক আশ্রয়স্থান উপায়বিধান করিতেছে। ইহা দেখিয়া তাহারা স্থির থাকিতে পারিল না। তাহারা ভাবিল, হয় ত ঐ সকল সজ্জিত কামানে এক সময়ে তাহাদিগকে উড়াইয়া দেওয়া হইবে। ইহার উপর বসায়ুক্ত টোটা ও অস্থিচূর্ণমিশ্রিত ময়দার কথা তাহাদের নিদারুণ অন্তর্দাহের কারণ হইয়া উঠিল। তাহারা আবার ভাবিতে লাগিল, ফিরিঙ্গীর অধিকারে, ফিরিঙ্গীর অত্যাচারে, তাহাদের জাতিনাশ ও ধ্বংসনাশের সহিত প্রাণান্ত পর্য্যন্ত ঘটবে। যে দিন গোলন্দাজ সৈন্য কামান লইয়া লক্ষ্যে হইতে কাণপুরে উপস্থিত হয়, সে দিন এতদেদেশীয় অধারোহী সৈনিকপুরুষেরা এরূপ উত্তেজিত হইয়া উঠে যে, তাহারা আপনাদের পিস্তল গুলিপূর্ণ করিয়া যুদ্ধার্থ প্রস্তুত হইতে থাকে। ঐ কামান কি জন্ত তাহাদের আবাসভূমির অভিমুখে আসিতেছে, তাহা তাহারা জানিতে পারে নাই। সহসা কামানের আবির্ভাব ও তৎপার্শ্বে ইউরোপীয় সৈনিক পুরুষদিগের সমাবেশ দেখিয়া, তাহারা আশঙ্কায় অধীর হয়। তাহারা ভাবিতে থাকে, ঐ কামানে এই মুহূর্ত্তেই তাহাদের প্রাণবায়ুর অবসান হইবে। এইরূপ দুর্ভাবনার তাহাদের মানসিক শাস্তি তিরোহিত হয়। তাহারা তাড়াতাড়ি গৃহ হইতে বহির্গত হইয়া, আপনাদের অস্ত্র সকল সজ্জিত করিতে থাকে। দেখিতে দেখিতে গোলন্দাজ সৈন্য কামান লইয়া তাহাদের আবাসগৃহ অতিক্রম পূর্বক নির্দিষ্ট স্থানে চলিয়া গেল, কিন্তু ইহাতেও তাহাদের হৃদয় আশস্ত হইল না। কামান চলিয়া গেলে জনসাধারণের অনেকে আপনাদের গৃহ হইতে বহির্গত হইয়া কারণ জানিবার জন্ত কাওয়ারের ক্ষেত্রে সমবেত হইল। কয়েকজন সিপাহীও আসিয়া তাহাদের সহিত মিশিল। গোলযোগ দেখিয়া রসদ-বিভাগের একজন ইঞ্জরেজ কর্মচারী সেই স্থানে উপস্থিত হইলেন। সেই সময়ে সিপাহীদিগের কথোপকথনে তিনি স্পষ্ট বুঝিতে পারিলেন যে, কামান সকল চলিয়া যাওয়াতে, তাহাদের আশঙ্কা দূর হইয়াছে। তাহারা এতক্ষণ আপনাদের সর্বনাশের চিন্তায় অস্থির ছিল। তাহাদের সে অস্থিরতা এখন অন্তর্হিত হইয়াছে। তাহারা অন্তঃপর আপনাদের মধ্যে এই বিষয়ে কথাবার্তা করিতেছে। এই অবসরে উক্ত ইঞ্জরেজ কর্মচারী তাহাদের নিকটবর্তী

হইয়া কহিলেন, “অযোধ্যা হইতে যে সকল অস্বারোহী সৈনিক পুরুষ এ সকল কামানের সঙ্গে আসিতেছিল, তাহারা পূর্বে কোনরূপ ঔদ্ধত্য প্রকাশ করে নাই। রাজভক্তির অবমাননা করিতেও তাহাদের প্রবৃত্তি দেখা দা নাই। কর্তৃপক্ষ তাহাদিগকে ভাল ভাবিয়াই ফতেগড়ে পাঠাইয়া ছিলেন* কি জ্ঞাতাহারা রাজভক্তি হইতে বিচ্যুত হইল, এবং কি জ্ঞানই বা আপনাদের অধিনায়কদিগকে নিহত করিল?” তাঁহার এই বাক্যে সিপাহীরা উত্তেজনা সহকারে নানা ভাবে নানা কথা কহিতে লাগিল। এক জন বলিল, “অধিনায়কেরাই যে, বিশ্বাসঘাতক হইয়াছিলেন, তদ্বিষয়ে সন্দেহ নাই। ঐ সকল অধিনায়ক, সিপাহীদিগকে নিরস্ত্র ও তাহাদের অশ্বসকল তাহাদিগহইতে ছিনাই লইবার চেষ্টা করিয়াছিলেন। এবিষয়ে অকৃতকার্য হওয়াতে তাঁহারা উহাদিগকে বেতন লইবার জ্ঞাত যুদ্ধবেশ ও যুদ্ধাস্ত্রের পরিবর্তে সামান্তবেশে এই স্থানে আসিতে আদেশ দেন। এই পর্য্যন্ত বলিয়াই বক্তা ঘাড় নাড়িয়া পুনর্বার গভীরভাবে কহিল, “কিন্তু সিপাহীরা সেরূপ পাত্র নহে; তাহারা সহজে এই স্থানে আসিবার লোক নয়।” আর এক ব্যক্তি কহিল, “আফিসরগণ যদি বিশ্বাসঘাতক না হইয়া থাকেন, তাহা হইলে তাঁহারা কিজন আবাসস্থান প্রাচীরে পরিবেষ্টিত করিতেছেন? তাঁহারা যদি পূর্বের গ্রাম আমাদের সহিত ভালব্যবহার করেন, তাহা হইলে আমরাও কখনও কোন অংশে তাঁহাদের অনিষ্ট করিব না। কিন্তু এখন সেই ভাল ব্যবহারের পরিবর্তে তাঁহারা বিবিধ কৌশলে আমাদের জাতিনাশ করিবার ইচ্ছা করিতেছেন।” বক্তা অতঃপর তাহার সহযোগীদিগের প্রতি মুখ ফিরাইয়া কহিল, “দেখ, আমাদের বিরুদ্ধে কিরূপ গুরুতর ষড়যন্ত্রের অমুষ্ঠান হইতেছে। তাহারা জানে যে, আমরা কখনও নূতন টোটাগ্রহণ করিব না, এজন্য আমাদের জাতিচ্যুত করিবার অভিপ্রায়ে গাভী ও শূকরের অস্থিচূর্ণ মিশ্রিত ময়দা রুড়কি হইতে প্রেরিত হইতেছে।” তৃতীয় ব্যক্তি বলিল, “আমি স্পষ্ট দেখিতে পাইতেছি, আমাদের উপর আফিসরদিগের কিছুমাত্র বিশ্বাস নাই, তাঁহারা অস্ত্রাগার ও ধনাগাররক্ষ

* ফতেগড়ের বিবরণ পরে লিখিত হইবে।

সিপাহীদিগকে অপসারিত করিয়া সেই স্থলে ইউরোপীয়দিগকে রাখিবার চেষ্টা করিয়াছিলেন। সিপাহীরা, এতদিন বিশ্বস্ত ছিল, এখন সহসা তাহারা অশিস্ত বলিয়া প্রতিপন্ন হইল।” সিপাহীদিগের মধ্যে যখন এইরূপ কথোপকথন হইতেছিল, তখন সিপাহীরা রসদবিভাগের উক্ত কর্মচারীর চারিদিকে দাঁড়াইয়াছিল। ঐ কর্মচারী তাহাদিগকে শান্ত করিবার অনেক চেষ্টা করিলেন, কিন্তু তাহারা কিছুতেই শান্ত হইল না। তিনি তাহাদিগকে গবর্ণমেন্টের সহুদেয় যতই বুঝাইতে লাগিলেন, তাহারা ততই গভীর আশঙ্কা ও তন্মূলক অধীরতা প্রকাশ করিতে লাগিল। তাহারা মিরাতের ঘটনার উল্লেখ করিয়া স্পষ্টাক্ষরে কহিল, “তথাকার সিপাহীরা দশ বৎসরের জন্ত কারারুদ্ধ হইয়াছে, এবং শৃঙ্খলাবদ্ধ হইয়া গুরুতর পরিশ্রম-সহকারে পথ প্রস্তুত করিবার কার্যে নিয়োজিত রহিয়াছে। যেহেতু, তাহারা নূতন টোটা দাঁতে কাটিতে অসম্মত হইয়াছিল। কাণপুরে ইউরোপীয় সৈনিকদল উপস্থিত হইলেই আমাদেরও সেই দশা ঘটবে। আমরা সে পর্য্যন্ত অপেক্ষা করিব না, আমাদের অধোগতির একশেষ হইয়াছে। এই সেই রাত্রিতে এক জন আফিসর আমাদের দলের কতিপয় সাদ্রীর দিকে গুলি নিক্ষেপ করিল। বিচারক তাহাকে পাগল বলিয়া ছাড়িয়া দিলেন *। আমরা যদি কোন ইউরোপীয়ের দিকে গুলিনিক্ষেপ করিতাম, তাহা হইলে আমাদের ফাঁসী হইত।” সিপাহীদিগকে এইরূপ উত্তেজিত ও অধীর দেখিয়া, পূর্বোক্ত কর্মচারী কহিলেন, “তোমরা আপনাদের সর্বনাশের মূত্রপাত করিতেছ। ব্রিটিশ কোম্পানি ব্যতীত আর কাহার নিকট এরূপ উচ্চ ও সম্মানিত কর্ম পাইবে?” একজন সিপাহী তিলান্ন মাত্র বলিল না করিয়া এই কথার উত্তরে বলিল, “আমরা মুসলমান।

* সিপাহীর এই কথা অমূলক নহে। একদা রাত্রিকালে অখ্যারোহী সৈনিকদলের একজন সিপাহী পাহারা দিতেছিল। এমন সময়ে একটি ইউরোপীয় সৈনিক পুরুষ আপনার বাজনা হইতে বাহির হইয়া, মদ্যপান প্রযুক্ত মত্তভাবেই হটক, অথবা ভয়েই হটক, ঐ সাদ্রীর প্রতি গুলিনিক্ষেপ করে। কিন্তু গুলি লক্ষ্যভ্রষ্ট হয়। পরদিন প্রাতঃকালে সিপাহী উক্ত সৈনিক পুরুষের বিরুদ্ধে অভিযোগ উপস্থাপিত করে। এই বিষয়ের বিচার জন্ত সামরিক বিচারালয়ের অধিবেশন হয়। মত্তপ্রযুক্ত অভিযুক্ত সৈনিকের বুদ্ধিভ্রংশ হইয়াছিল, এই হেতুতে বিচারক তাহাকে দণ্ডিত না করিয়া ছাড়িয়া দেন। — *Trevelyan, Cawnpur, p. 92-93.*

আমরা সজাতীয় ভূপতির কর্ম করিব, সজাতীয়ের সহিত কিরূপ ব্যবহার করিতে হয়, তাহা অবশ্যই তাঁহার বিদিত আছে।” আর একজন সিপাহী আপনার শ্মশ্রুণ মুখমণ্ডল বিকৃত করিয়া সাতিশয় উত্তেজনার পরিচয় দিতে লাগিল। রসদবিভাগের পূর্বোক্ত কর্মচারী তাহাকে নিরতিশয় উত্তেজিত দেখিয়া কহিলেন, “যদি তোমরা এই সকল কার্যসাধনে দৃঢ়প্রতিজ্ঞ হইয় থাক, তাহা হইলে বণিক, কেরানী প্রভৃতি যে সকল ব্যক্তির সহিত তোমাদের কোনরূপ সংশ্রব নাই, তাহাদের অনিষ্টসাধনে কেন প্রবৃত্ত হইবে?” তাঁহার এই কথায় পূর্বোক্ত সিপাহী দৃঢ়তার সহিত কহিল, “ওঃ! তোমর সকলেই এক। তোমাদের সকলের জাতিই এক। তোমরা খলসর্প। তোমাদের কেহই রক্ষা পাইবে না।” এই সময়ে একজন হাবিলদার বা নায়ক ইক্বরেজ কর্মচারীর সম্মুখে আসিয়া, তাঁহাকে কহিলেন, “আপনি এই নির্দোষের কথায় কর্ণপাত করিবেন না, আপনার কার্যে গমন করুন; আমাদের মধ্যে আর আসিবেন না।” হাবিলদার যখন এই কথা বলিতেছিলেন, তখন আরও কতিপয় ব্যক্তি ইক্বরেজ কর্মচারীকে সে স্থান হইতে শীঘ্র শীঘ্র যাইতে বলিল। কর্মচারী সিপাহীদিগকে নিরতিশয় উত্তেজিত দেখিয়া শঙ্কিত হইয়াছিলেন। চারি দিকে ঐ উত্তেজিত সিপাহীগণে পরিবেষ্টিত হওয়াতে তাঁহার আশঙ্কা বলবতী হইয়াছিল, সুতরাং তিনি তথায় অধিকক্ষণ থাকিলেন না। পূর্বোক্ত হাবিলদারের কথায় তাড়াতাড়ি সে স্থান হইতে প্রস্থান করিলেন। তিনি যখন যাইতে লাগিলেন, তখন এক ব্যক্তি উপহাসপূর্বক উচ্চৈঃস্বরে তাঁহাকে বলিতে লাগিল, “তোমার কোন ভয় নাই। তুমি শীঘ্র যাইয়া মুসলমানের বেশপরিগ্রহ কর, স্থূল ও দৃঢ় যষ্টি হস্তে লও এবং গোঁপে তা দিতে দিতে “আল্‌হাম্‌দ-লিল্লা রব্‌বেল্‌ আলমিন্‌” (মুসলমানদিগের উপাসনাবাক্যের একটি অংশ) এই কথা বলিয়া বেড়াও, তুমি নিরাপন্ন থাকিবে।” এই বাক্যে উপস্থিত ব্যক্তিগণ উচ্চ হাস্য করিয়া উঠিল। ইক্বরেজ কর্মচারী উহাতে কর্ণপাত করিলেন না, আপনার প্রাণ লইয়া সম্মুখদে গৃহাভিমুখে গমন করিলেন* ।

* *Shepherd, Cawnpur Massacre, p., 17-19*

এইরূপে সিপাহীরা উত্তেজিত হইয়া উঠিল। ইউরোপীয়েরা
 প্রবলভাবী বিপদ হইতে আত্মরক্ষার জন্ত যতই আয়োজন করিতে লাগিলেন,
 সিপাহীরা ততই সন্দিগ্ধ হইতে লাগিল। পূর্বে উক্ত হইয়াছে, তাহারা
 ক্রমে সেনাপতিকে আত্মরক্ষার স্থান প্রাচীরে পরিবেষ্টিত করিতে দেখিয়া,
 স্থির থাকিতে পারে নাই। ইহার পর যখন তাহারা দেখিল, ইউরোপীয়গণ
 লে দলে এই স্থানে সমবেত হইতেছে, কামান সকল স্থানান্তর
 হইতে আনীত হইতেছে, বর্ষীয়ান্ সেনাপতি দিবারাত্র এই স্থানে
 সামরিক কার্যের স্বব্যবস্থায় মনোযোগী হইতেছেন, খ্রীষ্টধর্ম্মাবলম্বিগণ
 সম্মুখে দিগ্বিদিক-জ্ঞানশূন্য হইয়া এই স্থানে আশ্রয়গ্রহণ করি-
 তেছে, তখন তাহাদের প্রভুর প্রতি বিশ্বাস ও প্রভুর সম্বন্ধে কর্তব্য-
 বুদ্ধি সমূলে বিনষ্ট হইল। বর্ষীয়ান্ সেনাপতি আপনাদিগকে রক্ষা করিবার
 জন্ত যে মৃগায় প্রাচীর নিশ্চিত করিলেন, সে প্রাচীর তাহাদের রক্ষার উপযোগী
 হইল না। অথচ, ঐ প্রাচীর সিপাহীদিগকে সন্দেহাকুল করিয়া তুলিল।
 অধিকন্তু সিপাহীরা ইউরোপীয়দিগের ভীতিব্যাকুলতা স্পষ্ট দেখিতে পাইল।
 এই ব্যাকুলতা দর্শনে তাহাদের উদ্বেগ হইল যে, তাহারা এতদিন যাহা-
 দিগকে সাহসী, দৃঢ়তাসম্পন্ন ও সর্বাংশে কার্যকুশল মনে করিতেছিল,
 তাহারাও আশঙ্কায় অবসন্ন হইয়া পড়ে, এবং আপনাদিগকে সর্ববিষয়ে
 অবলম্বনশূন্য ভাবিয়া প্রতি মুহূর্ত্তে আত্মহার ও দিশাহারা হইতে থাকে।
 এরূপ বিপত্তিবিচলিত ব্যক্তিদিগের পরাজয় অসাধ্য নহে। এইরূপ ভাবিয়া
 সিপাহীরা ইউরোপীয়দিগকে অবজ্ঞার ভাবে দেখিতে লাগিল। শেষে যখন
 কামানরক্ষক ইউরোপীয় সৈনিক পুরুষেরা, আপনাদের কামান সকল
 যথাস্থানে সন্নিবেশিত করিল, এবং সমর্থ ইউরোপীয়গণ অস্ত্রপরিগ্রহ করিতে
 লাগিল, তখন সিপাহী ও তাহাদের অধিনায়কদিগের মধ্যে বিশ্বাস,
 অমুরাগ ও শ্রদ্ধার সমস্ত বন্ধন বিচ্ছিন্ন হইয়া গেল। উভয়ের মধ্যে আর
 কোন বিষয়ে ঘনিষ্ঠতা রহিল না। সৌহার্দ ও বিশ্বস্ততার স্থলে
 বিষম শত্রুতা ও ঘোরতর অবিশ্বাসের আবির্ভাব হইল। ইঙ্গরেজ, সিপাহীকে
 আততায়ী বলিয়া মনে করিতে লাগিলেন, সিপাহীও ইঙ্গরেজের প্রতিকার্য্যে
 আশঙ্কা ও শত্রুতার চিহ্ন দেখিতে লাগিল।

মে মাসের শেষ সপ্তাহে চারি দিকে আশঙ্কা ও উদ্বেগের নিদর্শন প্রত্যক্ষীভূত হইলেও কোনরূপ শাস্তিভঙ্গ হইল না। মহারানীর জন্ম দিনে ইঙ্গরেজ সেনাপতি সিপাহীদিগের উত্তেজনাবৃদ্ধির আশঙ্কায় তোপধ্বনি করিতে বিরত থাকিলেন। ঐ দিনে কাণপুরের কাওয়ার্জের ক্ষেত্রে সৈনিক পুরুষের সমাগম হইল না, কেহ সৈনিক পদ্ধতি অনুসারে কোনরূপ উৎসব সম্পন্ন করিল না। সমগ্র সৈনিকনিবাস প্রশান্তভাবে রহিল, সমগ্র সৈনিক পুরুষ নীরবে আপনাদের অধীশ্বরীর জন্মদিন অতিবাহিত করিল। ত্রিপঞ্চাশ দলের একটি ইউরোপীয় সৈনিক পুরুষের জী বাজারে যাইয়া আবশ্যক দ্রব্য ক্রয় করিতেছিল, এমন সময়ে একজন সামরিকপরিচ্ছদশূন্য সিপাহী সেই স্থলে তাহাকে কহিল,—“তোমরা আর ঘন ঘন এখানে আসিও না, তোমরা আর এক সপ্তাহও জীবিত থাকিবে না।” সৈনিক পুরুষের জী সৈনিকনিবাসে যাইয়া এই কথা সকলকে জানাইল। কিন্তু সে সময় উহা তামূশ বিশ্বাসযোগ্য বলিয়া বিবেচিত হইল না। ইহার পূর্বে, একশ রাত্রিকালে এতদ্দেশীয় প্রথম পদাতিদিগের গৃহে আগুন লাগিয়াছিল; ইউরোপীয়দিগের অনেকে উহা বিপক্ষতাচরণের পূর্বসূচনা মনে করিয়া, ছয়টি কামান সেই স্থলে স্থাপিত করিয়াছিলেন। সিপাহীর অগ্নিনির্করণে আদিষ্ট হইয়াছিল। তাহারা এই আদেশপালনে উদাসীন থাকে নাই। অবিলম্বে অগ্নি নির্করণিত হইয়া যায়। শেষে উহা আকস্মিক ঘটনা বলিয়া প্রতিপন্ন হয়। এইরূপে ইঙ্গরেজ প্রায় প্রতি বিষয়েই বিপদের আবির্ভাব দেখিতেছিলেন। এদিকে ইঙ্গরেজের বিদ্রোহী মিষ্টভাবী আজিমউল্লাও ইঙ্গরেজের অনুষ্ঠিত কার্য দেখিয়া উপহাসের সহিত আত্ম-বিদ্বেষবুদ্ধির পরিচয় দিতে ক্রটি করেন নাই। ইঙ্গরেজের আত্মরক্ষার স্থলের চতুর্দিকে যখন মৃতপ্রাচীর নির্মিত হইতেছিল, তখন আজিম উল্লাহ সহিত তাঁহার একজন সুপরিচিত, তরুণবয়স্ক ইঙ্গরেজ সৈন্যধ্যক্ষের (লেপ্টেন্যান্ট দানিয়াল) সাক্ষাৎ হয়। এই সময়ের কিছু পূর্বে মিরাতের সিপাহীদিগের অভ্যুত্থানসংবাদ কাণপুরে পৌঁছিয়াছিল। আজিমউল্লা মৃতপ্রাচীর দেখা-ইয়া লেপ্টেন্যান্ট দানিয়ালকে জিজ্ঞাসিলেন, “আপনার সমতল প্রান্তরে যে স্থান প্রস্তুত করিতেছেন, উহা কি নামে অভিহিত করিয়া থাকেন।”

নিয়াল কহিলেন, “আমি জানিনা।” এই কথা শুনিয়া আজিমউল্লা বলিয়া
ঠিলেন, “উহা নিরাশার্হণ বলিয়া অভিহিত করা উচিত।” অমনি ইঙ্গরেজ
দনানায়ক উত্তর করিলেন, “না না। আমরা উহা বিজয়দুর্গ বলিব।”
আজিমউল্লা এই কথার উত্তরে আর কিছু বলিলেন না। কেবল, “আহা!
হাহা!” বলিয়া ইঙ্গরেজ সেনানায়কের প্রতি তীব্র বিদ্রোষাত্মক ভাবপ্রকাশ
করিলেন *। লেপ্টেন্যান্ট দানিয়াল নানা সাহেবের সান্ত্বনায় প্রিয়পাত্র
হলেন। নানা একদা মহামূল্য হীরকাসুন্দরীকে আপনার অঙ্গুলি হইতে
মোচিত করিয়া তাঁহাকে উপহার দিয়াছিলেন।

এই সময়ে কাণপুরে নানকচাঁদনামক একজন উকিল ছিলেন।
পেশবা বাজীরাওয়ের এক জন ভ্রাতুষ্পুত্র, খুল্লতাতে সম্পত্তির অংশ পাই-
য়ার জন্ত নানা সাহেবের বিরুদ্ধে মোকদ্দমা উত্থাপিত করেন। পেশবার
ভ্রাতুষ্পুত্রের পক্ষে মোকদ্দমা চালাইবার ভার নানকচাঁদের উপর
সমর্পিত হয়। নানকচাঁদ নানা সাহেবের বিরোধী ও ব্রিটিশ
গবর্ণমেন্টের পক্ষপাতী ছিলেন। তিনি আপনার রোজনামাচার ১৫ই মে
হইতে কাণপুরের প্রধান প্রধান ঘটনার বিবরণ লিপিবদ্ধ করেন। যে
সকল সিপাহী ধনাগাররক্ষার ভার গ্রহণ করিয়াছিল, তাহারাও যে, এসময়ে
কোম্পানির রাজনীতির উপর দোষারোপ করিয়াছিল, তাহা নানকচাঁদ স্বীকার
করিয়াছেন †। যাহা ইউরোপে মাসে নানাকরূপ ঘটনার আবির্ভাব ও নানাকরূপ
সংবাদ প্রচারিত হইলেও উক্ত মাসের শেষ দিন পর্যন্ত সিপাহীরা প্রকাশ্য-
ভাবে গবর্ণমেন্টের বিরুদ্ধে সমুখিত হয় নাই। সেনাপতি হইলর ইহাতে
চািবলেন, বিপদ অন্তর্হিত হইয়াছে। অতঃপর তিনি স্ত্রার হেনরী লরেন্সের
সাহায্যার্থ লঙ্কোতে সৈন্ত পাঠাইতে সমর্থ হইবেন, ইহা ভাবিয়া কাণ-
পুরের বৃদ্ধ সেনাপতি ১লা জুন গবর্ণর জেনারলকে লিখিলেন, “এলাহাবাদ
হইতে ইউরোপীয় সৈন্ত আনিবার জন্ত আমি অদ্য ৮০ খানি গরুর গাড়ি

* Mowbray Thomson, *Story of Cawnpur*, p. 57. Comp. Trevelyan, *Cawnpur*, p. 83.

† Trevelyan, *Cawnpur*, p. 78-79. ধনাগাররক্ষক ত্রিপকাশ দলের সিপাহীরা
ভিত্তক ও বিষত ছিল।

পাঠাইলাম। আমার বিশ্বাস, অতি অল্পদিনের মধ্যেই কাণপুর নিরাপন্ন হইবে। কেবল ইহাই নয়, আবশ্যক হইলে আমি লক্ষ্মীতেও সাহায্যার্থ সৈন্য পাঠাইতে পারিব। আমি এখন গৃহ পরিত্যাগপূর্বক আমাদের প্রাচীরবেষ্টিত স্থানে সন্নিবেশিত তাম্বুতে অবস্থিতি করিতেছি। যাবৎ সাধারণ শান্ততাব অবলম্বন না করে, তাবৎ এই তাম্বুতেই থাকিবার ইচ্ছা আছে গ্রীষ্ম ভয়ঙ্কর হইয়া উঠিয়াছে, জরের প্রাদুর্ভাব কমিয়া আসিয়াছে কিন্তু উত্তেজনা ও অবিশ্বাস এরূপ প্রবল হইয়াছে যে, সরলতা ও সাবধানতা সহকারে যে কোন বিষয়েরই অনুষ্ঠান হউক না কেন, সমস্ত বিষয়ের সাধারণের মধ্যে অর্থাস্তর ও ভাবাস্তর উপস্থিত হইয়া থাকে * *। বর্তমান সময়ে অবিবেচনাপূর্বক সামান্য একটি কার্য করিলে অগ্নি প্রজ্জ্বলিত হই উঠিতে পারে। আমার বিশেষ সৌভাগ্য যে, এরূপ সঙ্কটকালে আমরা সহিত সমগ্র সৈনিক দলের বিশিষ্ট পরিচয় আছে * *। আমি ৫২ বৎসর কাল, তাহাদের মধ্যে কার্য করিয়া, তাহাদের স্বত্বরক্ষা করিয়া আসিতেছি আমরা এই আত্মপ্রশংসা মার্জনা করিবেন, কাণপুরের স্তায় স্থানে শাবিরক্ষায় আমার কৃতকার্য হইবার সম্ভাবনা আছে, আমি কেবল তজ্জ্ঞাই এবিষয়ে উল্লেখ করিতেছি। লোকে কহিতেছে যে, আমি তাহাদের মধ্যে থাকিতে তাহারা অপরের দৃষ্টান্তের অনুসরণের নিরন্তর রহিয়াছে * * এইরূপ বিশ্বাসে ও এইরূপ আত্মপ্রসাদে বৃদ্ধ সেনাপতি লক্ষ্মীতে সাহায্যকারী সৈন্য পাঠাইতে উদ্যত হইলেন। ৮৪গণিত ইউরোপী সৈনিকদলের কতিপয় সৈনিক পুরুষ বারাণসী হইতে মে মাসে শেষ সপ্তাহে কাণপুরে উপস্থিত হইয়াছিল। ইহারা ৩৯৯ জন লক্ষ্মীতে প্রেরিত হইল। এ সম্বন্ধে সেনাপতি গবর্ণর জেনেরেলের নিকট তাহা এই মর্মে সংবাদ পাঠাইলেন, “স্ত্রীর হেনরি লরেন্স উদ্বেগ প্রকাশ করিতে আমি এই মাত্র আমার ক্ষুদ্র দল হইতে মহারাণীর ৮৪গণি পদাতিদলের ৫০ জন সৈনিক ও ২জন অধিনায়ককে ডাক গাড়িতে লইয়া পাঠাইলাম। অধিক গাড়ি পাওয়া গেল না। এই সৈন্য পাঠাইয়া দেওয়া

আমার কিয়দংশে বলহীন হইল বটে, কিন্তু আমার বিশ্বাস, অপর ইউরোপীয় সৈনিকদলের আগমন পর্যন্ত আমি এই স্থানে আশ্রয়লা করিতে পারিব।” উক্ত ক্ষুদ্র সৈনিকদল কাণপুরের সৈনিকনিবাস হইতে যাত্রা করিল। তাহারা যখন নৌসেতু উত্তীর্ণ হইয়া, অযোধ্যার রাজধানীর অভিমুখে অগ্রসর হইতে লাগিল, তখন উত্তেজিত সিপাহীরা কাণপুরস্থিত ইন্সপেক্টরের বলহীন হইল দেখিয়া, মনে মনে আনন্দিত হইল, এবং আশ্রয়লা বল-বহলতায় স্বাভীষ্টসাধনে অধিকতর সাহসসম্পন্ন হইয়া উঠিল। তাহারা প্রতিমুহূর্ত্তে স্বপ্নময়ের প্রতীক্ষা করিতে লাগিল এবং প্রতি মুহূর্ত্তেই আপনাদিগকে ফিরঙ্গীর হস্ত হইতে বিমুক্ত ও দিল্লীর বৃদ্ধ মোগলের অধিকারে সর্বসম্পত্তির অধিকারী করিয়া তুলিতে সচেষ্ট হইতে লাগিল।

জুন মাসের প্রারম্ভে সিপাহীরা আর নিশ্চেষ্টভাবে বসিয়া থাকিল না। তাহারা আপনাদের সকল কার্য্য পরিণত করিতে উদ্যত হইল। এই সময়ে অখারোহিদনই সমধিক উত্তেজিত হইয়া উঠিয়াছিল, ইহারা পদাতিদলকেও আপনাদের গ্রাম উত্তেজিত করিতে ক্ষান্ত থাকিল না। বাজারে, সৈনিকনিবাসে, নানারূপ ষড়যন্ত্র হইতে লাগিল। বিঠুররাজের অমুচরবর্গ নবাবগঞ্জে অবস্থিতি করিতেছিল, রাজা স্বয়ংও ঐ স্থলে ছিলেন। কথিত আছে, ষড়যন্ত্রকারিগণ তাহাদের সহিত সম্মিলিত হইতেও কুণ্ঠিত হইল না। এই স্থানে অস্ত্রাগার, ধনাগার ও কারাগার ছিল। ষড়যন্ত্রকারিগণ তৎসমুদয় আপনাদের পুরোভাগে দেখিয়া অভিনব আশায় উদ্যমসম্পন্ন হইতে লাগিল। তাহারা ধনাগারের নিকটে অস্ত্রাগার ও অস্ত্রাগারের পার্শ্বে কারাগার দেখিয়া, উহা অধিকার করা অনায়াসসাধ্য বলিয়া মনে করিতে লাগিল। এই সময়ে তাহাদের উৎসাহদাতার অভাব ছিলনা, তাহাদের বলবৃদ্ধির উপকরণও দূরবর্ত্তী ছিলনা। জোবালা-এসাদ নামে নানা সাহেবের একজন অমুজীবী ছিল। মহম্মদ আলি নামক এক জন মুসলমান নামা সাহেবের চাকরি ছাড়িয়া ঘোড়ার ব্যবসায় আরম্ভ করিয়াছিল। ইহারা এখন সিপাহীদিগের পক্ষ অবলম্বন করিল। দ্বিতীয় অখারোহিদনের স্ববাদের টীকা সিংহ আপনার ক্ষমতায়, কার্য্যনৈপুণ্যে ও

ইঙ্গরেজের প্রতি বোরতর বিদ্বেষবুদ্ধিতে সহযোগীদিগের মধ্যে প্রাধান্যলাভ করিয়াছিলেন। এখন স্ববাদার টীকা সিংহের সহিত জোবালা প্রসাদের পরামর্শ হইতে লাগিল। এই সময়ে আজিমউল্লাও নিশ্চেষ্ট ছিলেন না। ইনি নানা সাহেবকে আপনার মতামতসারে পরিচালিত করিতে লাগিলেন। বড়যন্ত্রকারিগণ কোথায় কি ভাবে পরামর্শে প্রবৃত্ত হইয়াছে, কোন্ সময়ে কোন্ কার্যসাধনের সঙ্কল্প করিয়াছে, তাহার নিরূপণ করা হুঁসাধ্য। এ সম্বন্ধে অনেকে নানা কথা বলিয়াছেন, অনেকেই নানা মত প্রকাশ করিয়াছেন। এই সকল মতের পরস্পর সামঞ্জস্য নাই*। শিবচরণ দাস নামক এক ব্যক্তি বলিয়াছে, “অশ্বারোহি-দলের সমুখানের তিন কি চারি দিবস পরে, স্ববাদার টীকাসিংহ নানা সাহে-বের সহিত সাক্ষাৎ করিয়া তাঁহাকে কহেন, “আপনি ইঙ্গরেজের অন্ত্রাগার ও ধনাগাররক্ষার জন্ত এখানে আসিয়াছেন। আমরা, হিন্দু ও মুসলমান সকলেই আমাদের ধর্মরক্ষার জন্ত একতাবদ্ধ হইয়াছি। বাঙ্গালার সমগ্র সিপাহী-দলই এক উদ্দেশ্য সাধনের জন্ত এক ক্ষেত্রে দণ্ডায়মান হইয়াছে, আপনি এ সম্বন্ধে কি বলেন?” নানা সাহেব উত্তর করেন “আমিও সৈনিক-দলের হাতে রহিয়াছি†।” আর একজন নির্দেশ করিয়াছে, “জুন মাসে এক দিন সন্ধ্যা অতীত হইলে মহারাজ নানা সাহেব তাঁহার ভ্রাতা বালরাও ও মন্ত্রী আজিমউল্লাহ সহিত গঙ্গার ঘাটে গমন করেন। এই স্থানে তাঁহার গুপ্তচরগণ টীকাসিংহ ও তদীয় সহযোগীদিগকে আনয়ন করে। সকলে নৌকায় বসিয়া, দুই ঘণ্টাকাল পরামর্শ করেন‡।” এইরূপ বিসংবাদী বিবরণ হইতে সত্যনির্ণয় অনায়াসসাধ্য নহে। “বড়যন্ত্র-

* উত্তরপশ্চিম প্রদেশের পুলিশকমিশনার কর্ণেল উইলিয়াম্স এবিষয়ে অনেকের সাক্ষ্য গ্রহণ করেন। তিনিও অনেকের শুনা কথার উপর বিশ্বাস স্থাপন করিতে পারেন নাই।—*Kaye, Sepoy War. Vol. II, p. 306, note.*

† *Kaye, Sepoy War. Vol. II p., 306. note, Comp. Trevelyan, Cawnpur p., 89.*

‡ *Trevelyan, Cawnpur, p. 89*

কারিগণ, আপনাদের বস্ত্রতার মোহিনীশক্তিতে নানা সাহেবকে বিমুগ্ধ করুক, বা না করুক, নৌকায় আত্মগোপন করিয়া কার্যপ্রণালীর অবধারণে উদ্যত হউক, বা না হউক, তাহাদের কেহ কল্লনার সম্মোহনভাবে ও আশার তৃপ্তিদায়ক মন্ত্রে প্রফুল্ল হইয়া বিলাসিনী প্রণয়িনীর নিকটে আত্মগোঁড় প্রকাশ করুক, বা নাই করুক, জুন মাসের প্রথম চারি দিন যে, অন্ধারোহিদলের উত্তেজিত সিপাহীগণ আপনাদের মধ্যে পরামর্শ করিয়াছিল, তদ্বিবর ইতিহাসে নির্দিষ্ট আছে *। নানা সাহেবের অনুচরগণ ইহাদের সহিত সম্মিলিত হইয়াছিল। হয়ত, ইহারা এই অনুচরদিগের মুখেই শুনিয়াছিল যে, বিঠুররাজ তাহাদের পক্ষসমর্থন করিতেছেন, তাঁহার অর্থরাশি ও তাঁহার সৈনিকদল, সমস্তই তাহাদের সাহায্যার্থ রাখিয়াছেন। অনুচরদিগের এইরূপ কথায় ইহারা উৎসাহান্বিত হইয়াছিল, এবং কালবিলম্ব না করিয়া আপনাদের অধিনায়কদিগের সমক্ষেই আপনাদিগকে স্বাধীনতার সম্মানিত পদে অধিষ্ঠিত করিতে প্রয়াস পাইয়াছিল।

সেনাপতি হুইলর দীর্ঘকাল বাক্সালার সিপাহীদিগের মধ্যে অবস্থিত করাত, তাহাদের ভাষায় সম্পূর্ণ অধিকারলাভ করিয়াছিলেন। তিনি যখন হিন্দুস্থানীতে কথা কহিতেন, তখন তাঁহার স্বর, উচ্চারণপ্রণালী ও বাক্য-বিন্যাসে বোধ হইত যেন, হিন্দুস্থানী লোকের মুখ হইতে হিন্দুস্থানী ভাষা বহির্গত হইতেছে। বুদ্ধ সেনাপতি সিপাহীদিগের আবাসভূমিতে বাইরা, মেহসহকারে তাহাদিগকে শান্তভাবে থাকিতে উপদেশ দিতেন। উত্তেজিত সিপাহীরা উদাসীনভাবে তাঁহার কথা শুনিত। শেষে এই উপদেশে কোন ফল হইল না, গভীর উত্তেজনায়, নিরন্তর শত্রুবুদ্ধিতে ও বিদ্বেষপর লোকের কুপরামর্শে সিপাহীরা সেনাপতির বাক্যলঙ্ঘন করিয়া ফিরিঙ্গীর অধীনতাশাশ বিচ্ছিন্ন করিয়া ফেলিল। কেহ কেহ এ বিষয়ে কালবিলম্ব করিতে ইচ্ছা করিল না। কেহ কেহ বিলম্বে কার্যসিদ্ধি হইবে বলিয়া,

* কথিত আছে, আজিমখানকে একটি বারবিলাসিনী বস্ত্রীরকলের অধারোহীদিগের প্রিয়পাত্রী ছিল। সবস উদ্দীন নামক একজন সোনার তাহার গৃহে উপস্থিত হইয়া তাহাকে কহে, হুই এক দিনের মধ্যেই নানা সাহেবের সর্বস্বর কড়ী হইবেন। আমরাত তোমার গৃহ ঘোরে পরিপূর্ণ করিয়া দিব।—*Travels in, Cawnpur, p. 89.*

সহযোগীদিগকে আপাততঃ নিরস্ত থাকিতে বলিল। এইরূপে তাহারা তাহাদের মধ্যে কে সর্বপ্রথম গবর্ণমেন্টের বিরুদ্ধাচরণে অগ্রসর হইবে, স্থির করিতে না পারিয়া, কয়েকদিন আপনাদের মধ্যে তর্কবিতর্ক করিল। অঝারোহী সৈনিক-দলের একজন এতদ্দেশীয় আফিসর একদিন উক্ত সৈনিকদলকে অস্ত্র শস্ত্রে সজ্জিত ও বিরুদ্ধাচরণে প্রবর্তিত করিবার চেষ্টা করিল। এই উদ্দেশে ঐ অধিনায়ক সঙ্কেত করিবার জন্ত তেরী গ্রহণ করিল, কিন্তু আর একজন অধিনায়ক উক্ত ভেরী তাহার হস্ত হইতে ছিনাইয়া লইল *। এইরূপে সিপাহীরা সঙ্কল্পিত কার্যসাধনে প্রথমে দোলায়মানচিত্ত হইতে লাগিল। অঝারোহিদল ওরা জুন, রাত্রিতে কোম্পানির বিরুদ্ধে সমুথিত হইবার ইচ্ছা করিল, কিন্তু তাহাদের স্ববাদার ভবানীসিংহের চেষ্টায় সেই ইচ্ছা ফলবতী হইল না। স্ববাদার ভবানীসিংহ ইঙ্গরেজ সেনাপতির যে রূপ অহুরক্ত; সেইরূপ বিমস্ত ছিলেন। বয়সের পরিপকতায় তাঁহার অভিজ্ঞতা ও দূরদর্শিতার বুদ্ধি হইয়াছিল। তিনি ওরা জুন স্বীয় দলের সিপাহীদিগকে শাস্তভাবে রাখিলেন। সিপাহীরা সেই রাত্রিতে কোনরূপ গোলযোগ করিল না, তাহার পরদিনও তাহাদের বিরুদ্ধাচরণের চিহ্ন অভিব্যক্ত হইল না। তাহারা পূর্ববৎ দোলায়মানচিত্তে ঐ দিন অতিবাহিত করিল +। শেষে রাত্রিকালে তাহাদের পূর্বতন সঙ্কল্প দৃঢ়তর হইয়া উঠিল। তাহারা যদিহামত ইউরোপীয় আফিসরকে সৈনিক বিচারালয়ে দোষভার হইতে বিমুক্ত দেখিয়া কহিয়াছিল যে, একদিন তাহাদের পিস্তল হইতেও সহস্রা গুলি নিক্ষিপ্ত হইতে পারে ‡। এখন তাহাদের সেই কথা কার্যে পরিণত হইয়া উঠিল। তাহারা আপনাদের বৃদ্ধ স্ববাদারের আদেশাশ্রুবর্তী হইল না; ইঙ্গরেজ আফিসর বা বৃদ্ধসেনাপতির দিকে দৃষ্টিপাত করিল না। ৪ঠা জুন রাত্রিতে দ্বিতীয় অঝারোহিদল কোম্পানির

* *Kaye, Sepoy War, Vol. II., p. 305, note.*

† *Shepherd, Cawnpur Massacre, p. 22.*

‡ এই বিষয়ে পূর্বে লিখিত উল্লিখিত। যে আফিসর স্বাধানে প্রস্তুত হইয়া গুলি করিয়া করিয়াছিল বিচারালয়ে সে সুজ্ঞান করিতে সিপাহীরা অধিকতর উত্তেজিত হইয়া, এই কথা বলিয়াছিল।

বিরুদ্ধে সমুখিত হইল * । বুদ্ধ স্বেচ্ছাদার বৃথা তাহাদিগকে শাস্তভাবে থাকিতে কহিলেন, বৃথা রাজভক্তির সম্মানরক্ষার উপদেশ দিলেন, বৃথা পরিণামে ঘোরতর বিপদের ভয় দেখাইলেন । তাহাদের চিন্তবৃত্তির আর পরিবর্তন হইল না । তাহারা বুদ্ধ স্বেচ্ছাদারকে তাহাদের সঙ্গে বাইতে,— নচেৎ মৃত্যুর জ্ঞাত প্রস্তুত হইতে কহিল । বর্ষায়ান বীরপুরুষ প্রশান্ত ও গভীর স্বরে তাহাদের কথার প্রতিবাদ করিলেন এবং নির্ভয়ে আপন দলের পতাকা ও সৈনিকনিবাসস্থ গবর্ণমেন্টের টাকারক্ষার নিমিত্ত দণ্ডায়মান হইলেন । কিন্তু তাঁহার প্রয়াস সফল হইল না । উত্তেজিত অশ্বারোহি- দলের কতিপয় ব্যক্তি, তাঁহাকে তরবারির দ্বারা সাংঘাতিকরূপে আঘাত করিল । নিদারুণ আঘাতে তিনি মৃতপ্রায় ও ভূপতিত হইলেন । সিপাহীরা তাঁহাকে তদবস্থ রাখিয়া, টাকা ও অস্ত্রশস্ত্র লইয়া অশ্বারোহণে প্রস্থান করিল । এদিকে তাহাদের দলের দুই জন অশ্বারোহী প্রথম পদাতিদলে উপস্থিত হইয়া উচ্চৈঃস্বরে কহিল, “আমাদের স্বেচ্ছাদার প্রথম দলের স্বেচ্ছাদারকে সাদরসম্ভাষণ করিয়া ঐ দলের বিলম্বের কারণ জানিতে ইচ্ছা করিয়াছেন । অশ্বারোহিদল আবাসগৃহ পরিত্যাগ পূর্বক গন্তব্যপথে সজ্জিত হইয়াছে ।” কিন্তু তাহারা আপনাদের যে স্বেচ্ছাদারের নামে প্রথম পদাতিদলের স্বেচ্ছাদারকে সাদর সম্ভাষণ করিল, সেই স্বেচ্ছাদার যে, রক্তাক্তদেহে ভূপতিত রহিয়াছিলেন, তাহা প্রথম পদাতিদল জানিতে পারিল না । অশ্বারোহী সৈনিক দলের কথায় প্রথম পদাতিদলও তাড়াতাড়ি অস্ত্রপরিগ্রহ পূর্বক আপনাদের দ্রব্যাদি লইয়া উক্ত অশ্বারোহিদলের প্রস্থানের দুই এক ঘণ্টা পরে তাহাদের অনুগমন করিল । ইহাদের অধিনায়ক অবিলম্বে ঘটনাস্থলে উপস্থিত হইয়া, ইহাদিগকে হিন্দুস্থানীতে কহিলেন, “বাবালোক ! বাবালোক ! তোমাদের একরূপ ব্যবহার সম্ভব নয়, তোমরা কখনও একরূপ ঘোরতর অপকর্ম করিও

* টম্‌সন সাহেব লিখিয়াছেন, অশ্বারোহিদল ৬ই জুন রাত্রিতে গবর্ণমেন্টের বিরুদ্ধে সমুখিত হইয়াছিল ।—*Story of Cawnpur*, p. 38. কিন্তু কে সাহেবের মতে ৩য় জুন রাত্রিতে উহারা সমুখিত হয় ।—*Kaye Sepoy War. II, p. 306.*

না” কিন্তু তাঁহার এই কথায় কোন ফল হইল না। পদাতিদলের সকলেই অঝারোহিদলের অমুসরণপূর্বক নগরের উত্তরপশ্চিম দিক্‌বর্তী নবাবগঞ্জ নামক স্থানের অভিমুখে প্রস্থান করিল। ঐ স্থানে ধনাগার, কারাগার ও অস্ত্রাগার ছিল। দিল্লীতে যাইবার পথ ঐ স্থান দিয়াই ছিল। স্ততরাং উত্তেজিত সিপাহীগণ আর কোন দিকে দৃষ্টিপাত না করিয়া ঐ স্থানে অগ্রসর হইতে লাগিল। তাহারা পথবর্তী গৃহাদি ভস্মীভূত করিয়া ফেলিল। দ্রব্যাদি লুণ্ঠিয়া লইল। তাহাদের পথের সমুদয় স্থলে সর্ক-বিশ্বসের চিহ্ন পরিদৃষ্ট হইতে লাগিল। কিন্তু তাহাদের আফিসরগণ অক্ষত-শরীরে থাকিলেন। অস্ত্রাশ্রয়ী ঐষ্টদম্বাবলম্বীও নিরাপদে রহিল। ইঙ্গরেজের বিরুদ্ধাচারী সিপাহীরা সে সময়ে ইঙ্গরেজের শোণিতপাতে আগ্রহপ্রকাশ না করিয়া, স্তরিতগতিতে অভীষ্ট স্থানে যাইতে লাগিল।

দুই দল সিপাহী নবাবগঞ্জের সমীপবর্তী হইলে নানা সাহেবের অমুচরেরা সর্কাস্তঃকরণে তাহাদের কার্যের অমুমোদন করিল, এবং সর্কাস্তঃকরণে তাহাদের সাহায্য করিতে যত্ববান হইয়া উঠিল। ত্রিপঞ্চাশ দলের কতিপয় সিপাহী এ সময়ে ধনাগাররক্ষা করিতেছিল। এই সৈনিকদল চিরন্তন রাজভক্তি হইতে বিচ্যুত হয় নাই। ইহারা উত্তেজিত সিপাহীদিগের বিরুদ্ধে দণ্ডায়মান হইল। ইউরোপীয়েরা দূর হইতে ইহাদের বন্দুকের শব্দ শুনিতে পাইলেন। কিন্তু সেনাপতি ইহাদের সাহায্য জল্প কাহাকেও পাঠাইয়া দিলেন না *। ধনাগাররক্ষক বিশ্বস্ত সিপাহীরা অল্পসংখ্যক ছিল। তাহারা আক্রমণকারীদিগের ক্ষমতানাশে সমর্থ হইল না। ধনাগারের ধনরাশি বিলুপ্ত হইল; কারাগারের কয়েদীরা মুক্তিলাভ করিল; রাজকীয় কার্যালয়ের কাগজপত্র ভস্মীভূত হইয়া গেল। অস্ত্রাগারের বান্ধব-কামানপ্রভৃতি উত্তেজিত সিপাহীদিগের হস্তগত হইল। সিপাহীরা অবিলম্বে সমস্ত টাকা হাতীতে ও গরুর গাড়ীতে বোঝাই করিল, এবং সম্ভবতাসহকারে মোগলের রাজধানী দিল্লীগমনে কৃতসঙ্কল্প হইয়া উঠিল।

সেনাপতি নীল নির্দেশ করিয়াছেন যে, কাণপুরের অস্ত্রাগারে কি কি দ্রব্য

* Thomson, Story of Cawnpur, p. 401

ছিল, তাহা সেনাপতি হইলর জানিতেন না। এইরূপ অজ্ঞতাশ্রয়ক
পরিশেষে বিষয় অনর্থক উৎপত্তি হয়। নীল এ সম্বন্ধে বাহা লিপিবদ্ধ
করিয়াছেন, তাহার ভাবার্থ এই, সেনাপতি হইলরের এইরূপ অমূলক
বিশ্বাস ছিল যে, নানা সাহেব তাঁহার সাহায্য করিবেন। বিপক্ষ সিপাহী-
দিগের সকলেই দিল্লীর অভিমুখে অগ্রসর হইয়াছিল। নানা সাহেব তাহাদিগকে
ফিরাইয়া আনেন। সেনাপতি হইলর আপনাকে সমগ্র বিপক্ষদলে
পরিবেষ্টিত দেখেন। তাঁহাদের তোপখানার তোপসকল হইতে চারিদিকে
গুলিবাঁটি আরম্ভ হয়। আপনাদের তোপখানার ঐ সকল তোপের অন্তিম
সেনাপতি হইলর বা তদীয় সহযোগীদিগের বিদিত ছিল না। কিছুকাল
পূর্বে অস্ত্রাগারপরিদর্শন ও তথায় কি কি দ্রব্য রহিয়াছে, তাহার বিজ্ঞাপন
দ্ব্য কতিপয় আফিসর প্রেরিত করেন। ইহারা তাম্বু প্রভৃতি সামান্য দ্রব্য
লইয়াই ব্যস্ত ছিলেন। কামানরক্ষার স্থান পরিদর্শন বা অস্ত্রাগারে প্রবেশ
করেন নাই। ফল কথা, এই সকল বিষয় ইহাদের মনেই উদিত হয় নাই।
ইহারা সেনাপতিকে বিজ্ঞাপিত করেন যে, অস্ত্রাগারে কিছুই নাই। কিন্তু
কে সাহেব স্বীয় ইতিহাসে লিখিয়াছেন যে, অস্ত্রাগারের দ্রব্যাদি কাপপুরেব
গোলন্দাজ সৈনিকপুরুষদিগের অবদিত ছিল, এরূপ বোধ হয় না। যুদ্ধের
প্রারম্ভে সেনাপতি ও তাঁহার সহযোগীগণ অস্ত্রাগার উড়াইয়া দিবার সঙ্কল্প
করিয়াছিলেন। এ বিষয়ে বন্দোবস্ত হইয়াছিল। কিন্তু উহা কার্যে পরিণত
হয় নাই। উত্তরপশ্চিম প্রদেশের পুলিশ কমিশনার কর্ণেল উইলিয়ম্ নির্দেশ
করিয়াছেন যে, রিলেনামক এক ব্যক্তি অস্ত্রাগার উড়াইয়া দিবার নিমিত্ত
প্রেরিত হইয়াছিলেন, কিন্তু অস্ত্রাগাররক্ষক সিপাহীরা তাঁহাকে উক্ত কার্য
করিতে দেয় নাই *।

দ্বিতীয় অশ্বারোহিদল এবং প্রথম পদাতিকদল ব্রিটিশ কোম্পানির বিরুদ্ধা-
চরণে প্রবৃত্ত হইলে, অল্প দুই দল সহসা তাহাদের অনুসরণ করিল না।
প্রথম দুই দল নবাবগঞ্জে উপস্থিত হইয়া, যখন অপর দুই দলকে
তাহাদের অনুবর্তী হইতে দেখিল না, তখন তাহাদের মনে সন্দেহের

* Kaye, Sepoy War. Vol. II. p. 308, note.

আবির্ভাব হইল। এদিকে প্রাতঃকাল পর্যন্ত ত্রিপঞ্চাশ ও ষট্‌পঞ্চাশ সিপাহীদল, অপর দুই দলের সহিত সম্মিলিত হইবার কোন উদ্ভোগ করিল না। ইহাদের আফিসরেরা সমস্ত রাত্রি ইহাদের সহিত অতিবাহিত করিলেন। রাত্রি ২টা হইতে তৎপর দিন পর্যন্ত ইহারা কাওয়ারজের ক্ষেত্রে সম্মিলিত থাকিল। এতোক আফিসরই আপনাদের নির্দিষ্ট দলের পুরোভাগে অবস্থিতি করিতে লাগিলেন। ষট্‌পঞ্চাশদলের অধিনায়ক আপনার সৈনিকদল, দ্বিতীয় অখারোহিদলের আবাসগৃহাভিমুখে পরিচালিত করিলেন। অখারোহীরা এই স্থানে যে সকল অশ্ব ও অস্ত্র পরিত্যাগ করিয়া গিয়াছিল, তৎসমুদয় সংগৃহীত হইল। অনন্তর অধিনায়কগণ উক্ত দুই দলের সিপাহীদিগকে তাহাদের আবাসগৃহে যাইতে আদেশ দিয়া, আপনার প্রাচীরবেষ্টিত স্থানে গমন করিলেন। সিপাহীরা সামরিক পরিচ্ছদ উন্মোচিত করিয়া আপনাদের খাদ্যসামগ্রীর আয়োজন করিতে লাগিল। এই অবসরে দ্বিতীয় অখারোহিদলের লোক আসিয়া, তাহাদিগকে নবাবগঞ্জে যাইতে অহুরোধ করিল। উক্ত চর সৈনিকনিবাসে আসিয়া ত্রিপঞ্চাশ পদাতিকদলের সিপাহীদিগকে কহিল যে, তাহাদের দলের যে সকল লোক ধনাগারে রহিয়াছে, তাহারা, যাবৎ স্বীয় দলের লোক আসিয়া আপনাদের প্রাপ্য অংশ গ্রহণ না করে, তাবৎ কাহাকেও টাকা ভাগ করিতে দিতেছে না *। এই দলের স্ববাদার ও জমাদারগণ, ব্রিটিশ কোম্পানির একান্ত অহুরক্ত ছিলেন। কোম্পানির বিরুদ্ধে সমুখিত হইতে, ইঙ্গরেজের শোণিতপাত করিতে বা সম্পাত লুঠিয়া লইতে ইহাদের ইচ্ছা ছিল না। এই সময়ে ইঙ্গরেজ অধিনায়কেরা যদি সৈনিকনিবাসে উপস্থিত থাকিতেন, তাহা হইলে ইহারা সমগ্র সৈনিকদল স্বব্যবস্থিত রাখিতে সমর্থ হইতেন। কিন্তু সেনানায়কগণ ভবিষ্যতের দিকে দৃষ্টিপাত না করিয়া, সৈনিকদল পরিত্যাগ-পূর্বক আপনাদের প্রাচীরবেষ্টিত আবাসস্থানে অবস্থিতি করিতেছিলেন। তাহাদের অল্পপস্থিতিতে ষট্‌পঞ্চাশ পদাতিকদল, দ্বিতীয় অখারোহিদলের

* ক্যাপ্টেন টমসন লিখিয়াছেন, ইহারা সর্বপ্রথম ধনাগারদ্বার চেষ্টা করিয়াছিল। বোধ হয়, কোনরূপ সাহায্য না পাওয়াতে শেষে উত্তেজিত সিপাহীদিগের কথাই স্মরণ হয়।

লোকের কথাই সত্যিই উদ্ভিজিত হইয়া উঠে। অনেকে, সরকারী ভবিল যে স্থলে থাকে, সেই স্থলে গমন করে। অনেকে পতাকা ও অস্ত্রশস্ত্র অধিকার করিতে উদ্যত হয়। ঐ দলের সুবাদার সরকারী টাকা রক্ষার জন্য নির্ভয়ে ও অটলসাহসে স্বীয় দলের উদ্ভিজিত সিপাহীদিগের সম্মুখে দণ্ডায়মান হইলেন। কিন্তু বিপক্ষেরা সংখ্যায় অধিক হওয়াতে ধনরক্ষক রাজতন্ত্র সুবাদারের ক্ষমতা পৰ্য্যদস্ত হয়। উদ্ভিজিত সিপাহীরা টাকা ও অস্ত্রাদি অধিকার করে এবং কালবিলম্ব না করিয়া, নবাবগঞ্জের অভিমুখে ধাবিত হয়। কিন্তু এই দলের অনেকে গবর্ণমেন্টের পক্ষসমর্থনে উদ্যত ছিল। ইহারা কোন সময়ে আপনাদের প্রভুক্তি হইতে বিচ্যুত হয় নাই। ইহাদের হৃদয় কোন সময়ে ফিরিঙ্গীবিদ্বেষে বিচলিত হয় নাই। ইহারা আপনাদের ইচ্ছায় অধিনায়কের আদেশানুসারে কার্য্য করিবার জন্য কাওয়ারজের প্রশস্ত ক্ষেত্রে সমবেত হইয়াছিল। ত্রিপঞ্চাশ পদাতি-দলও কোম্পানির অধীনস্থ ছিল। ইহারা অপরাপর দলের তায় সহসা ইঙ্গরেজের বিরুদ্ধে সমুথিত হয় নাই, এবং সহসা আবাসগৃহ পরিত্যাগ-পূর্ব্বক নবাবগঞ্জে ঘাইয়া কোম্পানির অর্থে আপনাদিগকে সমুদ্র করিবার চেষ্টা করে নাই। ইহাদের রাজতন্ত্র এ সময়েও অকলঙ্কিতভাবে ছিল। কিন্তু বৃদ্ধ সেনাপতির বৃদ্ধির দোষে শেষে ইহাদের অনেকে অনিচ্ছাসত্ত্বেও নবাবগঞ্জস্থিত উদ্ভিজিত সিপাহীদিগের সহিত সম্মিলিত হয়। ইহারা যখন নিঃশঙ্কচিত্তে আপনাদের আহারীয় প্রস্তুত করিতেছিল, এবং কোন অংশে উদ্ভেজনার চিহ্ন না দেখাইয়া আপনাদের প্রশান্তভাবেরই পরিচয় দিতেছিল, তখন সেনাপতি হইলর অমূলক আশঙ্কাগ্রস্ত হইয়া, ইহাদের প্রতি কামানের গোলাবৃষ্টি করিতে আদেশ দিলেন। তিনি সিপাহীদিগের সকলকেই সমভাবে অবিখন্ত, সমুদ্ভেজিত ও ইঙ্গরেজের সর্ব্বনাশে প্রতিজ্ঞাবদ্ধ ভাবিয়া-ছিলেন। ষট্‌পঞ্চাশ পদাতিদলের অনেকে যে, তাঁহাদের পক্ষসমর্থনে রুতসঙ্কল ছিল, তাহা তিনি মনে করেন নাই। ত্রিপঞ্চাশদলও যে, রাজতন্ত্রের পরিচয় দিতেছিল, তাহাও তিনি বুঝিতে পারেন নাই। সবিশেষ বিবেচনা করিয়া কার্য্য করিলে যেস্থলে আশ্রয়বলের বৃদ্ধি হইত, সে স্থলে ঠঠকারিতার দোষে অধুরক্ত ব্যক্তিগণও বিরক্ত ও বিপক্ষ হইয়া উঠে।

এই সময়ে প্রধান প্রধান নগরে ইউরোপীয় সৈন্তের সংখ্যা অধিক ছিল না। সংখ্যার অল্পতাপ্রযুক্ত ইঙ্গরেজেরা প্রায় সকল স্থলেই সিপাহীগণ অপেক্ষা হীনবল ছিলেন। কাণপুরের সেনাপতি যদি, অমূলক আতঙ্কে অধীর হইয়া, উক্ত সিপাহীদিগকে সৈনিকনিবাস হইতে নিষ্কাশিত না করিতেন, তাহা হইলে উহার, অসময়ে তাঁহার প্রধান সহায় হইয়া উঠিত। কিন্তু সেনাপতি সবিশেষ পর্যালোচনা না করিয়া, আপনার বলহ্রাস করিলেন। তাঁহার আদেশে অল্পরক্ত সিপাহীদিগের প্রতি কামানের গোলা নিক্ষিপ্ত হইতে লাগিল। সিপাহীরা সামরিক পরিচ্ছদ ও অস্ত্রপরিভ্যাগপূর্বক নিরুদ্বেগে আপনাদের খাদ্য সংগ্রহ করিতেছিল। অকস্মাৎ কামানের গোলায় তাহারা সঙ্গত হইয়া পড়িল। তাহাদের সেনাপতি যে, সহসা এইরূপ কঠোরতাপ্রকাশ করিবেন, এবং দয়ায় ও সদাশয়তায় জলাঞ্জলি দিয়া, তাহাদিগকে বস্ত্র পশুর জায় বধ করিতে উদ্যত হইবেন, তদ্বিশয়ে সর্বপ্রথম তাহাদের বিশ্বাসস্থাপনে প্রবৃত্তি হইল না। তাহারা আপনাদিগকে নির্দোষ বলিয়া জানিত। এখন সেনাপতি কি জ্ঞাত তাহাদিগকে কোম্পানির কার্য হইতে বহিষ্কৃত করিতে উদ্যত হইয়াছেন, তাহা তাহারা বুঝিতে পারিল না। এদিকে গোলাবৃষ্টির বিরাম হইল না। এক বার, দুই বার, তিন বার, যখন প্রজ্বলিত পিণ্ড সকল তাহাদের সম্মুখে আসিয়া পড়িল, তখন তাহাদের পূর্বতন বিশ্বাস দূরীভূত হইল। তাহারা খাদ্যসামগ্রী পরিভ্যাগপূর্বক গোলযোগে উদ্ভ্রান্ত হইয়া পলাইতে লাগিল। কেহ কেহ নবাবগণে যাইয়া তত্রত্য সিপাহীদিগের সহিত মিশিল। কিন্তু সকলে এই পথের অনুসরণ করিল না। তাহাদের দল বিচ্ছিন্ন ও বিক্ষিপ্ত হইয়া পড়িল বটে, কিন্তু অনেকেই এরূপ অবস্থাতেও রাজভক্তি হইতে বিচ্যুত হইল না। তাহারা কামানের গোলায় বিরাম না হওয়া পর্য্যন্ত, নিকটবর্তী কোনস্থানে আশ্রয়গোপন করিয়া রহিল, শেষে আপনাদের প্রভুর কার্যসাধনজন্য তাঁহাদের প্রাচীরবেষ্টিত আশ্রয়স্থান স্থানে গমন করিল এবং অপূর্ণ বিশ্বস্ততা দেখাইয়া বৃদ্ধ সেনাপতিকে বিস্মিত করিয়া তুলিল। তাহারা প্রাণান্ত পর্য্যন্ত এই বিশ্বস্ততার সম্মানরক্ষা করিয়াছিল। কাণপুরের বৃদ্ধ সেনাপতি যদি এসময়ে দূরদর্শিতার সহিত কার্য করিতেন, তাহা

হইলে, ঐ দলের সকল সিপাহীই প্রাণান্ত পর্য্যন্ত তাঁহার পার্শ্বে দণ্ডারমান থাকিত ।

কাণপুরের সিপাহীরা এইরূপে নবাবগঞ্জে বাইয়া, দিল্লীস্থিত সিপাহী-দিগের সহিত সম্মিলিত হইবার ইচ্ছা করিল । তাহারা শুনিয়াছিল, সিপাহীরা ফিরিস্তীদিগকে দিল্লী হইতে বহিস্কৃত করিয়াছে । দিল্লীতে বুদ্ধ মোগলের ক্ষমতা ও প্রাধান্ত পুনঃপ্রতিষ্ঠিত হইয়াছে । এক সময়ে তাহাদের স্বদেশীয়গণ মোগলের সৈনিকদলে প্রবেশ করিয়া, যেরূপ সৌভাগ্যের অবিকারী হইত, এখন দিল্লীস্থিত সিপাহীরা মোগলের সরকারে সেইরূপ সৌভাগ্যসম্পন্ন হইয়া উঠিয়াছে । সুতরাং কাণপুরের সিপাহীরা স্বদেশের ও সম্রাজ্ঞীর গৌরবের স্থল, বুদ্ধ মোগলের রাজধানীতে বাইতে উদ্যত হইল । তাহারা ধনাগার বিলুপ্তি করিয়া, অনেক অর্থ পাইয়াছিল । অন্ত্রাগার অধিকার করিয়া, যুদ্ধসংক্রান্ত দ্রব্যাদি প্রচুরপরিমাণে হস্তগত করিয়াছিল, এখন তাহারা বিলম্ব না করিয়া মোগল সম্রাটের অধিকার সুরক্ষিত করিতে সচেষ্ট হইল । কথিত আছে, নানা সাহেব নবাবগঞ্জের নিকটবর্তী স্থানে অবস্থিতি করিতেছেন শুনিয়া, তাহাদের কেহ কেহ তথায় উপস্থিত হইয়া, নানা সাহেবকে কহিয়াছিল, “মহারাজ ! যদি আপনি আমাদের সহিত মিলিত হইয়েন, তাহা হইলে এই রাজ্য আপনার হইবে । আপনি আমাদের শত্রুদলে মিশিলে আপনাকে মৃত্যুর জন্ত প্রস্তুত হইতে হইবে ।” ইহা শুনিয়া নানা সাহেব উত্তর করিয়াছিলেন, “ইস্পরেকদের পক্ষে থাকিয়া কি করিব ? আমি সর্বাত্মক তোমাদের পক্ষে রহিয়াছি ।” সিপাহীরা অতঃপর তাঁহাকে তাহাদের সহিত দিল্লীতে বাইতে অনুরোধ করিল । নানা সাহেব সম্মতিপ্রকাশ করিলেন এবং সিপাহীদিগের যে কয়েক জন দূত স্বরূপ হইয়া তাঁহার সম্মুখে উপস্থিত হইয়াছিল, তাহাদের প্রত্যেকের মস্তকে হস্ত দিয়া জাতীয় গৌরবরক্ষা করিতে প্রতিশ্রুত হইলেন । অনন্তর তাহারা ধনাগারের দশ লক্ষ টাকা হস্তগত করিল । কারাগারের দ্বার উন্মোচিত করিয়া ফেলিল । কেহ কেহ একটি হাতীর উপর বিজয়পতাকা তুলিয়া, চারিদিক প্রদক্ষিণ পূর্ব্বক নৌসেতু ত্যাগ করিল । নিকটে ইউরোপীয়দিগের যে সকল গৃহ ছিল, তৎসমুদয় ভস্মীভূত হইল । এইরূপে

তাহারা টাকা বোঝাই গরুর গাড়ি সঙ্গে লইয়া, আপনাদের মহিলাদিগকে অস্ত্রাশ্রয় গরুর গাড়িতে তুলিয়া, জয়োল্লাসে দিল্লী যাইবার পথে কল্যাণপুর-নামক স্থানে উপনীত হইল * । এই সময়ে নানা সাহেবের প্রধান মন্ত্রণাদাতা ঘটনাস্থলে আবির্ভূত হইলেন । তাঁহার মন্ত্রণায় নানা সাহেবের মত পরিশুদ্ধিত হইল । তৎসঙ্গে উত্তেজিত সিপাহীদিগের নির্দারিত কাণ্ড-প্রণালীও পরিবর্তিত হইয়া গেল ।

আজিম উল্লা খাঁ নানা সাহেবকে বুঝাইতে লাগিলেন, যদি তিনি সিপাহী-দিগের সহিত দিল্লীতে গমন করেন, তাহা হইলে মোগলের দরবারে তাঁহার কিছুমাত্র প্রাধাত্য থাকিবে না । দিল্লীতে তাঁহাকে সম্রাটের অধীন হইয়া থাকিতে হইবে । দরবারের অনুচিত আধিপত্যপ্রিয় ও ঈর্ষ্যাপন্ন মুসলমান-দিগের কোশলে হয়ত তিনি, আপনার ক্ষমতা হইতে বিচ্যুত হইয়া পড়িবেন । এরূপ অবস্থায় সিপাহীরা তাঁহাকে পরিত্যাগ করিতে পারে, সম্রাটও তাঁহাকে তিরস্কৃত ও অপদস্থ করিতে পারেন । কিন্তু কাণপুরে থাকিলে তাঁহার কোনরূপ লাঞ্ছনা হইবার সম্ভাবনা নাই । এ সময়ে কাণপুরের ইঙ্গরেজেরা সর্বাংশে নিঃসহায় ও নিরবলম্ব হইয়া পড়িয়াছে । সুতরাং কাণপুরে থাকিলে সমগ্র কাণপুর ও উহার চতুঃপার্শ্ববর্তী ভূভাগে তাঁহার আধিপত্যপ্রতিষ্ঠা হইবে । ইঙ্গরেজের ক্ষমতা ও ইঙ্গরেজের প্রভুত্ব বিলুপ্ত হইয়া যাইবে । ক্রমে সমগ্র উত্তর ভারতবর্ষ তাঁহার অধীন হইবে । তিনি বহুসংখ্য সৈন্তের অধিনায়ক ও বহুবিস্তৃত সাম্রাজ্যের অধিপতি হইয়া, সূখে রাজত্ব করিতে পারিবেন । এক শতাব্দী পূর্বে ইঙ্গরেজেরা ঠিক এই সময়ে, পলাসীর যুদ্ধক্ষেত্রে আপনাদের ক্ষমতা বন্ধমূল করিয়াছিল । কাণপুরে তিনিও ঐরূপে আপনার সাম্রাজ্যপ্রতিষ্ঠায় রূতকার্য্য হইবেন । অন্ধকূপে তাহাদের দুর্গতির একশেষ হইয়াছিল । এখন তিনিও প্রকৃষ্টপদ্ধতিক্রমে কাণপুরে অন্ধকূপের ব্যাপারসম্পাদনে সমর্থ হইবেন । যে সকল খ্রীষ্টধর্ম্মাভ্যাস কুকুর পরাক্রান্ত মহারাজারকে অপদস্থ ও রাজবংশসম্বৃত ব্রাহ্মণকে প্রতারিত করিয়াছে, এইরূপে তিনি তাহাদিগকে সমুচিত শিক্ষা দিতে পারিবেন ।

* Trevelyan, Cawnpur, p. 104-105.

মুসলমান মন্ত্রী এইরূপ অপূর্ণ যুক্তিতে ও উদ্দীপনাময়ী বক্তৃতায় নানা সাহেবের হৃদয় আকৃষ্ট হইল। নানা সাহেব কাণপুরে ইঙ্গরেজদিগের অবস্থার বিষয় জানিতেন। ইঙ্গরেজেরা লক্ষ্যেতে যে, বিপদাপন্ন হইয়াছেন, ইহাও তাঁহার বিদিত ছিল। সুতরাং তিনি বুঝিয়াছিলেন যে, লক্ষ্যে হইতে কাণপুরস্থিত ইঙ্গরেজদিগের সহসা সাহায্যপ্রাপ্তির আশা নাই। গঙ্গা ও যমুনার তটবর্তী বারাণসী, এলাহাবাদ, বা আগ্রা হইতেও সাহায্যকারী সৈন্য আসিতে পারিবে না। স্থান হিউ হইলর নগরান্তরের সৈন্যে আশ্রয়বলবৃদ্ধি করিতে সমর্থ হইবেন না। এদিকে চারি দল অশিক্ষিত সিপাহী ও বিঠুরের অশুচিবর্গ তাঁহার পক্ষসমর্থন করিতেছে। কামান, বারুদ ও লক্ষ লক্ষ টাকা তাঁহার অধিকারে রহিয়াছে। এরূপ অবস্থায় তিনি সকল বিষয়েই কৃতকার্য হইতে পারিবেন, গৌরবাঘিত পেশবা পদ অধিকার করিতেও অসমর্থ হইবেন না। মন্ত্রিবর আজিমউল্লা তাঁহাকে বলিয়াছিলেন যে, ইউরোপে ইঙ্গরেজদিগের ক্ষমতাহ্রাস হইতেছে, এখন তিনি দেখিলেন যে, ভারতবর্ষেও ইঙ্গরেজেরা ক্ষমতাচ্যুত হইয়া পড়িতেছেন। যে যে স্থলে সিপাহীরা তাঁহাদের বিরুদ্ধে সমুখিত হইতেছে, সেই সেই স্থলেই তাঁহাদের সৈনিকদলের অল্পতা দৃষ্টিগোচর হইতেছে; তাঁহারা সিপাহীদিগের ভয়ে চারি দিকে পলায়ন করিতেছেন। ইহাতে নানা সাহেবের আশা বলবতী হইল। তিনি আজিম উল্লার মন্ত্রণায় বিমুগ্ধ হইয়া, সম্মুখে আশ্রয়সৌভাগ্যের হৃদয়রঞ্জক দৃশ্য দেখিতে লাগিলেন। লর্ড ডালহৌসীর রাজনীতির দোষে তিনি যে, শ্রায্য অধিকারে বঞ্চিত হইয়াছেন, ইহা তাঁহার মনে নিরন্তর জাগরুক ছিল। তিনি ইঙ্গরেজের প্রতি সমুচিত সৌজন্ত দেখাইলেও ইঙ্গরেজ গবর্ণমেন্টের রাজনীতির প্রতি আস্থাবান ছিলেন না। ষাঁহাদের বিচারে তাঁহার স্বত্ব নষ্ট হইয়াছিল, তাঁহাদিগকে তিনি শ্রায়ণ ও সমদর্শী বলিয়া মনে করিতেন না। সুতরাং কুমন্ত্রীর মন্ত্রণায় তাঁহার হৃদয় উত্তেজিত হওয়া বিচিত্র নহে। বিঠুরের লোক ও উত্তেজিত সিপাহীরা, আপনাদের মধ্যে যেরূপ কার্য্যপ্রণালী অবধারিত করিয়াছিল, তৎসম্বন্ধে সাধারণতঃ উক্তরূপ বিবরণ প্রাপ্ত হওয়া গিয়াছে। ইঙ্গরেজের লিখিত ইতিহাসেও ঐরূপ বিবরণ পরিদৃষ্ট হয়। কিন্তু নানা সাহেবের বাল্যকালের

সহচর তাঁতিয়া তোপী এ সম্বন্ধে অল্পরূপ বিবরণ প্রকাশ করিয়াছেন। তাঁহার মতে সিপাহীরা নানা সাহেবকে আবদ্ধ করিয়া, তাহাদের অভিমত কার্যে প্রবর্তিত করিয়াছিল। তিনি উল্লেখ করিয়াছেন, “দুই দিন পরে তিন দল পদাতি ও দ্বিতীয় অশ্বরোহিদল ধনাগারে আসিয়া, নানা সাহেব ও আমাকে চারিদিকে পরিবেষ্টিত ও অবরুদ্ধ করে এবং ধনাগার ও অস্ত্রাগারের যাবতীয় দ্রব্য লুণ্ঠিয়া লয়। সিপাহীরা দুই লক্ষ এগার হাজার টাকা নানা সাহেবের হস্তে সমর্পিত করিয়া, আপনাদের লোককে উক্ত ধনাগার-রক্ষায় নিযুক্ত করে। নানা সাহেব এই সকল সান্নীর তত্ত্বাবধায়ক হইলেন। আমাদের নিকট যে সকল সিপাহী ছিল, তাহারা আগন্তুক সিপাহীদিগের সহিত সম্মিলিত হয়। ইহার পর সিপাহীরা আমাকে, নানা সাহেবকে ও আমাদের সমস্ত অল্পচরকে সঙ্গে লইয়া, দিল্লীর অভিমুখে প্রস্থান করে। কাণপুর হইতে তিন ক্রোশ গেলে নানা সাহেব সিপাহীদিগকে কহেন, ‘অদ্য দিবস প্রায় শেষ হইয়াছে, অতএব অদ্য এই স্থানেই অবস্থিতি করা যাউক। আগামী কল্যা পুনর্বার যাত্রা করা যাইবে।’ সিপাহীরা ইহাতে সন্মত হয়, পর দিন প্রাতঃকালে সিপাহীরা নানা সাহেবকে তাহাদের সহিত দিল্লীতে যাইতে কহে। নানা সাহেব অসম্মত হইলেন। ইহাতে সিপাহীরা কহে, “আমাদের সহিত কাণপুরে আসিয়া যুদ্ধ করুন।” নানা সাহেব এ প্রস্তাবেও আপত্তি-প্রকাশ করেন। কিন্তু সিপাহীরা তাঁহার কথায় কর্ণপাত না করিয়া, তাঁহাকে বন্দী করে, এবং কাণপুরে প্রত্যাবৃত্ত হইয়া যুদ্ধে উদ্যত হয়*। তাঁতিয়া তোপীর এই কথায় প্রতিপন্ন হইতেছে যে, নানা সাহেব সিপাহীদিগের সহিত সম্মিলিত হইয়া, যুদ্ধ করিতে সন্মতিপ্রকাশ করেন নাই। সিপাহীরা এই জন্তই তাঁহাকে বন্দী করিয়া, কাণপুরে উপস্থিত হয়। নানা সাহেব উপায়ান্তর না দেখিয়া, ইঙ্গরেজের বিরুদ্ধ পক্ষ অবলম্বন করেন। তিনি যে, অনিবার্য ঘটনায় বাধ্য হইয়া, উত্তেজিত সিপাহীদিগের পরিপোষক হইয়াছিলেন, তাহা পুরোক্ত উভয় বিবরণেই প্রতিপন্ন হইতেছে। আজিম উল্লা তাঁহাকে পরামর্শ না দিলে উত্তেজিত সিপাহীরা হয়ত দিল্লীর অভিমুখে গমন করিত।

* *Kaye, Sepoy War. Vol II., 310, note.*

কাণপুরের ইউরোপীয়েরাও নিরাপদে এলাহাবাদে যাইতে পারিতেন । আর তাঁতিয়া ভোঁপী যে বিবরণ প্রকাশ করিয়াছেন, তদনুসারে সিপাহীরা নানা সাহেবকে বন্দী না করিলে, নানা সাহেব কখনও তাহাদের পক্ষসমর্থন করিতেন না । সুতরাং উভয় দিকেই নানা সাহেবকে বলপূর্বক ব্রিটিশ গবর্ণমেন্টের বিপক্ষে টানিয়া আনা হইয়াছিল । ঘটনাচক্রে পতিত হইয়া, নানা সাহেব নিজের ইচ্ছা না থাকিলেও ইঙ্গরেজের বিরুদ্ধে দণ্ডায়মান হইয়াছিলেন ।

আজিম উল্লাহ মন্ত্রণায় ও সিপাহীদিগের উত্তেজনার নানা সাহেব, তাঁহার ভ্রাতা বালরাও ও বাবাজীকে সঙ্গে লইয়া, সিপাহীদিগের পক্ষাবলম্বনে কৃতনিশ্চয় হইলেন । সিপাহীরা তাঁহাকে আপনাদের রাজা বলিয়া সম্মানিত করিল । কথিত আছে, রাজা সিপাহীদিগকে একএকটি সোণার তাগা দিতে সম্মত হইয়াছিলেন । এখন এই রাজার নামেই সকল কার্যের অন্তর্ধান হইতে লাগিল । উত্তেজিত সিপাহীরা আপনাদের এই রাজার নামে ভয়ঙ্কর কার্যসাধনে বদ্ধপরিকর হইয়া উঠিল । রাজার নামে ভিন্ন দলের অধিনায়কগণ নির্দোষ হইলেন, এবং তাঁহারা এই রাজার নামেই স্ব স্ব দলের পরিচালনে ব্যাপ্ত হইতে লাগিলেন । সুবাদার টকা সিংহ পূর্বাধি উত্তেজিত সিপাহীদিগের পক্ষসমর্থন করিতেছিলেন, সুতরাং তিনি সেনাপতি হইয়া, অখারোহিদলের পরিচালনভার গ্রহণ করিলেন । জমাদার দৌলরঞ্জন সিংহ ও সুবাদার গঙ্গাদীন যথাক্রমে ত্রিপঞ্চাশ ও ষট্‌পঞ্চাশ পদাতিদলের অধিনায়ক হইলেন । যে তিন জন অধ্যক্ষ নির্দোষ হইলেন, তাঁহারা সকলেই হিন্দু, এজন্য কেহ কেহ নির্দেশ করিয়াছেন যে, যুদ্ধোদ্যত, উত্তেজিত সিপাহীদিগের মধ্যে হিন্দুগণই অধিকতর বিদ্রোহবুদ্ধি ও শত্রুতার পরিচয় দিয়াছিল, মুসলমানগণ নহে* । কিন্তু এই সময়ে হিন্দু ও মুসলমান, উভয়েরই ধীরতা অন্তর্হিত হইয়াছিল । দ্রুত লোকে হিন্দুর আরাধ্য গাভী ও মুসলমানের অম্পৃশ্য

* Trevelyan, Cawnpur, p. 107. Comp. Kaye, Sepoy War. Vol. II. p. 315. note.

শূকরের উল্লেখ করিয়া, উভয়কেই সমভাবে উত্তেজিত করিয়া তুলিয়াছিল। কাণপুরের অখারোহিদল সর্বপ্রথম ইঙ্গরেজের বিপক্ষে সমুখিত হয়। ইহারা প্রধানতঃ মুসলমান। যাহা হউক, মহারাষ্ট্রীয় ব্রাহ্মণ মহারাজ নানা সাহেবের নামে সেনানায়কগণ নির্বাচিত হইয়াছিলেন। ইহাতে বোধ হয়, নানা সাহেবের প্রীতির জন্ত হিন্দুদিগের হস্তে অধ্যাক্ষতা সমর্পিত হইয়াছিল।

৬ই জুন শনিবার প্রাতঃকালে নানা সাহেবের নামে সেনাপতি হইলরের নিকট পত্র আসিল *। উহাতে লিখিত ছিল, নানা সাহেব শীঘ্রই তাঁহাদের আশ্রয়স্থান আক্রমণ করিবেন। উত্তেজিত সিপাহীরা যখন দিল্লীর অভিমুখে প্রস্থান করে, তখন সেনাপতি ও তদীয় সহযোগীগণ ভাবিয়াছিলেন যে, তাঁহারা নিরাপদে এলাহাবাদে যাইতে পারিবেন। কিন্তু এখন তাহাদের সে আশা অন্তর্হিত হইল। উন্নত সিপাহীদল কাণপুরে প্রত্যগমন করিতে লাগিল। তাহাদের অভিনব অধিনায়কেরা তাহাদিগকে ফিরঙ্গীর বিরুদ্ধে অধিকতর উত্তেজিত করিতে লাগিলেন। এইরূপে হিন্দু ও মুসলমান সিপাহী এক উদ্দেশ্যসাধনে কৃতনিশ্চয় হইয়া, প্রবলবেগে ইঙ্গরেজদিগের আশ্রয়স্থান হইলরের দিকে আসিতে লাগিল। সহসা এইরূপ বিপত্তিজালে পরিবেষ্টিত হওয়াতে বৃদ্ধ সেনাপতি হুশিভায় অবসন্ন হইয়া পড়িলেন। সিবিল কর্মচারী ও সৈনিকদলের অধিনায়কেরাও এই আকস্মিক ঘটনায় স্তম্ভিত হইলেন। এখন আর বিলম্ব করিবার সময় ছিল না। অধিনায়কদিগের অনেকে সিপাহীদিগের আবাসস্থল পর্য্যবেক্ষণ করিতেন, রাত্রিতেও সেই স্থলে শয়ন করিয়া থাকিতেন। শেষে তাঁহারা আপনাদের বাঙ্গলার গিয়াছিলেন। সেনাপতির আদেশে এই সকর অধিনায়ক প্রাচীরবেষ্টিত স্থানে সমাগত হইলেন। তাঁহাদের আশ্রয়স্থান স্থান সামান্য মৃৎপ্রাচীরে বেষ্টিত ছিল। পূর্বে উক্ত হইয়াছে, উহার নিকটে

* যোত্র উমসন সাহেব লিখিয়াছেন, ৭ই জুন রবিবার সিপাহীরা ইঙ্গরেজদিগকে আক্রমণ করে — *Story of Cawnpur*, p. 61. কিন্তু কর্ণেল উইলিয়মসের সংগ্রহীত বিবরণে এমন হইয়াছে, সিপাহীরা ৬ই জুন কাণপুরে প্রত্যাবৃত্ত হয়। ঐ দিনই তাহারা প্রাচীরবেষ্টিত স্থান আক্রমণ করে। — *Kaye*, p. 313, note. *Comp. Trevelyan, Cawnpur*, p. 114.

অস্ত্রাগার ছিল না। কারাগার ও ধনাগার দূরবর্তী ছিল। গঙ্গাও দূরে প্রবাহিত হইতেছিল। সমতলক্ষেত্রে যে মৃতপ্রাচীর নির্মিত হইয়াছিল, তাহা দুর্ভেদ্য ছিল না। এসম্বন্ধে মানক চাঁদ উল্লেখ করিয়াছেন, সাহেবেরা জনভিষ্মের স্থায় কার্য্য করিয়াছিলেন। তাঁহারা নগরের বহির্ভাগে সমতল ক্ষেত্রে প্রাচীর নির্মিত করিয়াছিলেন। যদি সিপাহীরা তাঁহাদের বিরুদ্ধে যুদ্ধে উদ্যত হয়, তাহা হইলে তাহারা যে, সহজে প্রাচীরের চারি দিক বেষ্টিত করিতে পারিবে, তাহা তাঁহারা ভাবিয়া দেখেন নাই। অস্ত্রাগার ও ধনাগার অরক্ষিত অবস্থায় থাকাতে, সিপাহীগণ কামান ও টাকার সাহায্যে বলীয়ান হইয়া উঠে। যেরূপ প্রবাদ আছে, সাহেবেরাও সেইরূপ শত্রুর হস্তে তরবারি দিয়া আপনাদের মাথা বাড়াইতে দিয়া-ছিলেন*। যাহা হউক, ইঙ্গরেজেরা এখন এইরূপ অযোগ্যস্থানরক্ষার জন্ত যথোচিত উপায় অবলম্বন করিতে লাগিলেন। প্রত্যেক ব্যক্তির হস্তে নির্দিষ্ট কার্য্যভার সমর্পিত হইল। প্রত্যেক ব্যক্তিই নির্দিষ্ট কার্য্যসম্পাদনে দৃঢ়প্রতিজ্ঞ হইয়া উঠিল।

ইউরোপীয়েরা যখন প্রাচীরবেষ্টিত স্থানে নির্দিষ্ট কার্য্যে নিযুক্ত হইলেন, তখন সিপাহীরা দলে দলে তাঁহাদের সম্মুখবর্তী হইতে লাগিল। তাহারা ধনাগারের অর্থে আপনাদিগকে নম্র করিয়াছিল। অস্ত্রাগারের কামান সকলও তাহাদিগকে বলীয়ান করিয়া তুলিয়াছিল। তাহারা পথে যে সকল খ্রীষ্টধর্ম্মাবলম্বীকে দেখিতে পাইল, তাহাদিগকে নিহত করিয়া, ইঙ্গরেজের আশ্রয়স্থান আক্রমণে উদ্যত হইল। নানা সাহেবের পর বুদ্ধ ইঙ্গরেজ সেনাপতির হস্তগত হইলে, ইউরোপীয়েরা প্রতি মুহূর্ত্তে আক্রমণের প্রতীক্ষা করিতে লাগিলেন। আশঙ্কায় ও উদ্বেগে প্রাতঃকাল অতিবাহিত হইল। দিনমণি ক্রমে পূর্বদিক পরিত্যাগ করিয়া, পশ্চিমাভিমুখে অগ্রসর হইতে লাগিলেন, তখনও আক্রমণের লক্ষণ গোচর হইল না। অবশেষে মধ্যাহ্নে কামানের শব্দ শ্রুতি-গোচর হইল। ইউরোপীয়েরা তখন বৃত্তিতে পারিলেন যে, বিপক্ষগণ

* Trevelyan, Cawnpur, p. 106-107.

আপনাদের সঙ্কলিত কার্যের অল্পাংশ করিয়াছে। অবিলম্বে বংশীধ্বনি হইল। ধ্বনি শুনিবা মাত্র সকলে সজ্জিত হইয়া, আপনাদের নির্দিষ্ট স্থলে দাঁড়াইল। এদিকে বিপক্ষগণ হইতে মুহুমূর্ছঃ কামানের গোলা আসিয়া ইঙ্গরেজের আশ্রয়স্থান স্থানে পড়িতে লাগিল। বিপক্ষ ইউরোপীয় মহিলা ও নিরীহ বালকবালিকাৱা ভয়ঙ্কর শব্দ শুনিয়া কাতরস্বরে চীৎকার করিতে লাগিল। ইঙ্গরেজ এখন এই অসহায় জীবগণের রক্ষার জন্য আশ্রয়-প্রার্থনা উৎসর্গ করিলেন, তাঁহারা সংখ্যায় অতি অল্প হইলেও আপনাদের স্থান হইতে বিচলিত হইলেন না। তাঁহাদের সাহস ও একাগ্রতা বর্দ্ধিত হইল, তাঁহারা প্রশান্তভাবে আপনাদের নির্দিষ্ট স্থানে দণ্ডায়মান থাকিয়া, আশ্রয়-রক্ষা করিতে লাগিলেন। তাঁহারা এই সময়ে বিরূপ বিব্রত হইয়াছিলেন, আপনাদের বালকবালিকা ও মহিলাকুলের কাতরতায় প্রতিক্রিয়া করিয়া গভীর বিষাদগ্রস্ত হইয়া পড়িয়াছিলেন এবং আপনাদের ক্ষুদ্র দলের অনেককে মৃত্যুমুখে নিপতিত দেখিবা, বিষম অন্তর্দাহে বিরূপ নিপীড়িত হইয়াছিলেন, তাহা পরবর্তী বিবরণে হৃদয়ঙ্গম হইবে। এই বিবরণের প্রতিফল হইয়াছে করুণার কাতরতা, বিষাদের মলিনতা ও বীরত্বের একাগ্রতার সমাবেশ রহিয়াছে।

উত্তেজিত সিপাহীগণ মহারাজ নানা সাহেবের নামে ৬ই হইতে ২৬শে জুন পর্যন্ত উদ্যম ও উৎসাহসহকারে অবিশ্রান্ত গোলাবর্ষণ করে। ইহাদের আক্রমণে ইঙ্গরেজদিগের দুর্দশার একশেষ হয়। ইঙ্গরেজেরা যেরূপ অসহনীয় কষ্টভোগ করিয়াছিলেন, ইতিহাসপ্রসিদ্ধ কোন সময়-ভূমিতে কোন আক্রান্ত সৈনিকদল, বোধ হয় সেরূপ কষ্টভোগ করে নাই। জ্যৈষ্ঠ মাসের প্রচণ্ড তপন যেন তাঁহাদের মস্তকের উপর অনলময় চক্রা-তপ বিস্তার করিয়াছিল। নিদারুণ বায়ুপ্রবাহ যেন প্রতিমুহূর্তে তাঁহা-দিগকে প্রজ্জ্বলিত চুল্লীর উত্তাপে বিদগ্ধ করিতেছিল। বন্দুক ও কামান যেন স্পর্শে স্পর্শে অগ্নিতপ্ত লৌহের ঝাঝ প্রতীয়মান হইতেছিল। এদেশে যে সময়ে ইঙ্গরেজদিগের অবসাদ উপস্থিত হয়, উদ্যম ও উৎসাহ শিথিল হইয়া পড়ে, সামরিক কার্যে ওদাসীন্য জন্মে; যে সময়ে তাঁহাদের মহিলা ও বালকবালিকাৱা স্ফুর্জিতকরাজিপরিসৃত শীতল স্থানে বা স্নিগ্ধ

পার্বত্য প্রদেশে অবস্থিত। করিয়া শাস্তিস্থল উপভোগ করে, এবং তাঁহারা নিজেও উক্ত সময়ে ঐরূপ স্থানে বিবিধ আমোদে পরিতৃপ্ত হইয়া থাকেন, সেই সময়ে তাঁহাদিগকে ভয়ঙ্কর শত্রুর সম্মুখে থাকিয়া, দুঃসাধ্য কার্যের জন্ত জীবন উৎসর্গ করিতে হইয়াছিল। তাঁহাদের মহিলাগণ ও বালকবালিকাদিগের কষ্টের অবধি ছিল না। মহিলারা এসময়ে প্রাতঃকালে ও বৈকালে গাত্রমার্জন ও সন্দর্ভ পবিচ্ছদপরিবর্তন করিতেন। ভূতারা সর্বদা তাঁহাদের কষ্টশান্তির জন্ত বাতাস দিতে বা শীতল দ্রব্যাদি সংগ্রহ করিতে ব্যস্ত থাকিত। এখন তাঁহাদের তৃপ্তিকর উক্তরূপ কার্য বন্ধ হইল। তাঁহারা অস্নাত অবস্থায় এক পরিচ্ছদে সময় অতিবাহিত কবিতো লাগিলেন। তাঁহাদের শিশুসন্তানগুলি পানীয় জল ও খাদ্যের অভাবে প্রতিদিন বিবর্ণ ও বিগুহ হইয়া যাইতে লাগিল। এদিকে শত্রু পক্ষ হইতে গোলাবর্ষা পব গোলা আসিয়া, তাঁহাদের সম্মুখে পড়িতে লাগিল। আহতদিগের নিদারুণ আর্তনাদে, নিহতগণের ভয়ঙ্কর দৃশ্যে, প্রতিদিনই তাঁহারা অবসন্ন ও হতাশ হইতে লাগিলেন। তাঁহাদের রক্ষার আর কোনরূপ উপায় রহিল না। প্রাণের দায়ে ও প্রাণাধিক সন্তানগুলির শোচনীয়ভাবে, তাঁহারা কামিনীজনোচিত কমনীয়তা ও শালীনতা হইতে বিচ্যুত হইলেন। তাঁহাদের বেশপারিপাট্য অন্তর্হিত হইল। তাঁহারা ভয়ে অভিভূত হইয়া, অনেক সময়ে অনাবৃতদেহে সেই ভীষণ স্থলে কালযাপন কবিতো লাগিলেন।

আক্রান্ত ইঙ্গরেজগণ প্রতিদিনই আপনাদের মহিলাদের ও বালক-বালিকাগণের উক্তরূপ শোচনীয় দশা দেখিতে লাগিলেন, এবং প্রতিদিনই ঐরূপ শোচনীয় দৃশ্যের মধ্যে বহুসংখ্য আক্রমণকারীর সম্মুখে আত্ম-রক্ষা করিতে লাগিলেন। মুৎপ্রাচীরের ভিন্ন ভিন্ন স্থানে কামান সকল স্থাপিত হইয়াছিল। প্রতি কামানের পনের পদ অন্তরে পদাতিগণ দণ্ডায়মান ছিল। যাহারা সৈনিকদল ভুক্ত নয়, তাহারাও পদাতিশ্রেণীতে সন্নিবেশিত হইয়াছিল। সেনাপতি হইলরের আদেশে সমর্থ ব্যক্তি মাঝেই আত্মরক্ষার জন্ত অস্ত্রধারণ করিয়াছিল। প্রত্যেক পদাতির পাশ্বে গুলিভরা ও সঙ্গীনযুক্ত তিনটি করিয়া বন্দুক ছিল। শিক্ষিত

সৈনিক পুরুষেরা প্রত্যেকে সাত আটটি বন্দুক লইয়াছিল। কামান সকল অনাবৃত স্থানে থাকিতে গোলন্দাজ সৈনিক পুরুষদিগকে সর্বক্ষণ শত্রুপক্ষের বন্দুকের সম্মুখে থাকিতে হইয়াছিল। এদিকে প্রাচীরবেষ্টিত স্থানে বালক-বালিকা ব্যতীত অনেকেই পীড়িত অবস্থায় ছিল। ইহাদেরও নিয়মিতরূপে গুলিবার উপায় ছিল না। কাণপুরের বৃদ্ধ সেনাপতি এইরূপ নানা অসুবিধার মধ্যে সিপাহীদিগের আক্রমণে আত্মরক্ষা করিতে লাগিলেন। তিনি আত্ম-রক্ষাকারীদিগকে যে যে স্থলে সন্নিবেশিত করিয়াছিলেন, তাঁহার বিনামূল্যে মতিতে কেহই সেই সেই স্থল পরিত্যাগ করিতে পারিত না। কাণপুরের উপস্থিত ঘটনার বিবরণলেখক মোত্রে টমসন্ সাহেব নিদাকণ গ্রীষ্মে নিপীড়িত হইয়া ব্রিগেডিয়ার জাকের নিকট কাফিপানের জন্ত মুহূর্তকাল স্থানান্তরে যাইবার অনুমতি চাহিয়াছিলেন। কিন্তু সেনাপতির আদেশানুসারে ব্রিগেডিয়ার তাহার প্রার্থনাপূরণে সম্মত হইলেন নাই। এইরূপে নিরন্তর নির্দিষ্ট স্থানে দণ্ডায়মান থাকিয়া, অল্পসংখ্যক ইউরোপীয়গণ বিপক্ষের প্রচণ্ড গোলাবৃষ্টির মধ্যে আপনাদের অধিষ্ঠিত স্থানরক্ষা করিতে লাগিল। কামানের ভয়ঙ্কর শব্দে, সিদ্ধিপান-প্রমত্ত সিপাহীদিগের ভৈরব নিনাদে, প্রথম দিন প্রাচীরের মধ্যস্থিত কুলকামিনী ও বালকবালিকারা করুণকণ্ঠে রোদন করিতে লাগিল। শেষে প্রতিদিনই এরূপ ভয়ঙ্কর শব্দ শুনিতে শুনিতে ও বিকট দৃশ্য দেখিতে দেখিতে, তাহারা উহাতে অভ্যস্ত হইয়া রোদনসংবরণ করিল বটে, কিন্তু তাহাদের যাতনার নিরুত্তি হইল না। দিনের পর দিন অতিবাহিত হইতে লাগিল, প্রতিদিনই নূতন নূতন কষ্ট আসিয়া তাহাদিগকে উন্মত্তপ্রায় করিয়া তুলিতে লাগিল।

এ দিকে সিপাহীদিগের অধিনায়কগণ, আপনাদের কার্যে উদাসীন ছিলেন না। টীকা সিংহ শনিবার সমস্তদিন অজ্ঞাগার হইতে, কামান সকল ষণাস্থানে পাঠাইয়া দেন। এক একটি কামান যেমন উপস্থিত হয়, অমনি উহা ইঙ্গরেজদিগের প্রাচীরবেষ্টিত স্থানের পুরোভাগে স্থাপিত হইতে থাকে। রবিবার প্রাতঃকালে হিন্দী ও উর্দু ভাষার ঘোষণাপত্র প্রচারিত হয়। উহা হিন্দু ও মুসলমানদের মধ্যে বিতরিত হইতে থাকে। ঐ ঘোষণাপত্রে হিন্দু ও মুসলমানকে সমভাবে, আপনাদের পবিত্র ধর্ম রক্ষা করিবার জন্ত অহুয়ো

করা হয়। দূরদর্শী হিন্দু ও মুসলমান, ঐ ঘোষণাপত্রে বিচলিত না হইলেও, নগরের অনভিজ্ঞ ও উত্তেজিত জনসাধারণ ইঙ্গরেজের অর্থে আপনাদিগকে সমুদ্র করিবার আশায়, সিপাহীদিগের সহিত সম্মিলিত হইতে সঙ্কুচিত হয় নাই। এই বিপ্লবে প্রধানতঃ জনসাধারণই সিপাহীদিগের দল পরিশুদ্ধ করিয়াছিল। অধিকন্তু, যে সকল ভূস্বামী আপনাদের চিরন্তন অধিকার হইতে বিচ্যুত হইয়াছিলেন, তাঁহারাও বিপ্লবের গতিবিস্তার করিতে সঙ্কুচিত হয়েন নাই। যদি কেবল সিপাহীগণ হইতে এই বিপ্লবের উৎপত্তি হইত, তাহা হইলে ইঙ্গরেজ সহজে উহার গতিরোধে সমর্থ হইতেন। যে হেতু, অনেক সিপাহী আপনাদের রাজভক্তি হইতে বিচ্যুত হয় নাই। ইঙ্গরেজ সেনাপতি অনেক সময়ে তাহাদের প্রতি বিশ্বাসস্থাপন না করিলেও তাহারা প্রাণপণে আপনাদের বিশ্বস্ততার পরিচয় দিয়াছিল। কিন্তু ভারতের অধিকার-ভ্রষ্ট ভূস্বামী ও জনসাধারণের উপর প্রভুত্বস্থাপন, ইঙ্গরেজের স্বসাধ্য ছিল না। ইহারা যখন দলে দলে উত্তেজিত সিপাহীদিগের সহিত মিশিতে লাগিল, নগরে নগরে, পল্লীতে পল্লীতে, যখন ইহাদের উচ্ছৃঙ্খলভাবের পূর্ণ বিকাশ হইতে লাগিল, খ্রীষ্টধর্মাবলম্বিগণ যখন ইহাদের আক্রমণে দেহভ্যাগ করিতে লাগিল, তখন সকল স্থানে এক সময়ে শান্তি স্থাপন একান্ত দুঃসাধ্য হইয়া উঠিল। অধিকারচ্যুত ভূস্বামী ও জনসাধারণ উত্তেজিত না হইলে এই বিপ্লব তাড়িতবেগে সর্বস্থানে প্রসারিত হইত না, এবং সিপাহীদিগের সহিত ঐ সকল ব্যক্তির সম্মিলন না হইলে, উহা অধিকতর ভয়ঙ্কর হইয়া উঠিত না। ফলতঃ, এইরূপ গভীর উত্তেজনা প্রযুক্তই সিপাহীযুদ্ধে ইঙ্গরেজের সর্বস্বাস্ত ও প্রাণান্ত ঘটয়াছে*।

* ঘোষণাপত্র প্রচারিত হইলে উত্তেজিত মুসলমানেরা ফিরঙ্গীর শোণিত-পাতে দৃঢ়প্রতিজ্ঞ হইয়া উঠিল। পর দিন অর্থাৎ ৮ই জুন সোমবার গঙ্গার

* কেহ কেহ যেমন মনে করিয়া থাকেন, উপস্থিত বিপ্লব যদি সেইরূপ কেবল সৈনিক দিগের সম্মুখান বলিয়া পরিগণিত হইত, অধিকারচ্যুত রাজারা এবং দেশের কৃষিজীবী, পল্লী-বাসী রাইয়তগণ যদি সিপাহীদিগের সহিত এক উদ্দেশ্যে সম্মিলিত হইয়া না উঠিত, তাহা হইলে সিপাহীদিগের অতি অল্প সংখ্যকই ইঙ্গরেজের বিরুদ্ধাচরণ করিত।—*Red Pamphlet. Comp. Kaye, Vol. II., p. 290, note. Indian Empire, II. p. 240*

খালের দক্ষিণে মুসলমানের অর্ধচন্দ্রশোভিত সবুজ পতাকা উড্ডীন হইল। মুসলমানের সম্মানিত পুরোহিত ঐ পতাকার নিম্নভাগে উপবিষ্ট হইয়া, বিধর্মীর পরাক্রমনাশের জন্য, বিজয়িনী শক্তির উদ্বোধন করিতে লাগিলেন। কথিত আছে, দ্বিতীয় অখারোহিদলের প্রণয়িনী আজিজন যুদ্ধ-বেশে বিভূষিত ও অশ্বপৃষ্ঠে অধিষ্ঠিত হইয়া নিরঙ্কোশিত তরবারি হস্তে লইয়া, উক্ত আরাধনাস্থলে বাইতে কুণ্ঠিত হয় নাই* ।

পূর্বে উক্ত হইয়াছে ইঙ্গরেজদিগের প্রাচীরবেষ্টিত স্থানে অল্পমাত্র সৈনিকপুরুষ ছিল। স্বেচ্ছাপ্রসূত সৈনিকপুরুষের সংখ্যাও অধিক ছিল না। এতদ্ব্যতীত অনেক কুলকামিনী ও বালকবালিকা ঐ স্থানে অবস্থিতি করিতেছিল। পক্ষান্তরে বিপক্ষেরা সংখ্যায় অধিক ছিল† ।

* *Trevelyan, Cawnpur, p. 137.* আজিজন মুসলমান বারবিলাসিনী, দ্বিতীয় অখারোহিদলের মুসলমান সিপাহীদিগের পরমপ্রিয়পাত্রী বলিয়া কথিত ছিল। পূর্বে এবিষয়ের উল্লেখ হইয়াছে।

† প্রাচীরবেষ্টিত স্থানে ২১০টি ইউরোপীয় সৈনিক পুরুষ ছিল। এতদ্ব্যতীত প্রায় এক শত অফিসর ছিলেন। বাণিজ্যব্যবসায়ী ও অন্যান্য প্রকার লোক লইয়া সর্বসমেত ৪৫০ জন ইউরোপীয় অবস্থিতি করিতেছিলেন। বালক বালিকা ও কুলকামিনীর সংখ্যা ৩০০ ছিল।—*Mutiny of the Bengal Army, By one who has served under Sir Charles Napier, p. 130.* রসদবিভাগের কর্মচারী সেকার্ড সাহেব ঘটনাকালে উপস্থিত ছিলেন। তিনি নিম্নলিখিতরূপে ইউরোপীয় ও এতদদেশীয়দিগের সংখ্যা নির্দেশ করিয়াছেন :—

| | | |
|--------------------------------|-----|------------|
| ইউরোপীয় সৈনিক পুরুষ | ... | ২১০ |
| এতদেশীয় সৈনিক দলের এতদেশীয় | | |
| বাদ্যকারক | ... | ৪৪ |
| অধিনায়ক প্রায় | ... | ১০০ |
| সৈনিক দলের বহির্ভূত লোক প্রায় | ... | ১০১ |
| স্ত্রীলোক ও শিশুসন্তান প্রায় | ... | ৫৪৬ |
| | | <hr/> ১০০০ |

এতদ্ব্যতীত ২৫১০ জন এতদেশীয় ভৃত্য ও কতিপয় প্রভুভক্ত বিষন্ত সিপাহী ও অফিসর ছিল।—*Shepherd, Cawnpur massacre, p. 26-27.* ইলমেস সাহেব ভৃত্যের সংখ্যা ৫০ এবং বিষন্ত সিপাহী ও অফিসরের সংখ্যা ২০ বলিয়া নির্দেশ করিয়াছেন।—*Holmes, Indian Mutiny, p. 239, note.* ট্রিভিলিয়ান সাহেব নির্দেশ করিয়াছেন সর্বসমেত ১০০০ লোক প্রাচীরবেষ্টিত স্থানে ছিল।—*Trevelyan, Cawnpur, p. 118.*

বিপক্ষ সিপাহীদিগের সংখ্যা যত্নরূপে নির্ণীত হয় নাই। এক দল অখারোহী ও দুই দল পদাতি বিকস্মাচরণে প্রবৃত্ত হইয়াছিল। পরে অন্য পদাতিদলের (৫৩ গণিত দলের) কেহ

উত্তেজিত জনসাধারণও এসময়ে তাহাদের দলে মিশিয়া আক্রান্ত ইউরোপীয়দিগকে বিপদগ্রস্ত করিয়া তুলিয়াছিল। সিপাহীরা পর্যায়ক্রমে বিশ্রাম ও গুলিবৃষ্টি করিতে লাগিল, কিন্তু আত্মরক্ষাকারীদিগের বিশ্রাম করিবার সময় রহিল না। আক্রান্ত ইউরোপীয় সৈন্য কামানের পার্শ্বে থাকিয়া বা বন্দুক হস্তে করিয়া, সিপাহীদিগের গোলার আঘাতে যখন একে একে অনন্ত নিদ্রায় অভিভূত হইতে লাগিল, তখন স্বেচ্ছাপ্রবৃত্ত সৈন্য আসিয়া তাহাদের স্থান অধিকার করিতে লাগিল। ইহারা আপনাদের সম্মান, আপনাদের জীবন ও জীবনাধিক শিশুসন্তানদিগের রক্ষার জন্য বিপক্ষের সম্মুখীন হইতে কাতর হইল না। এ সময়ে ইঙ্গরেজ বীরপুরুষগণ যেরূপ সাহস ও বীরত্বের পরিচয় দিয়াছিলেন, আত্মজীবনে উপেক্ষা করিয়া, যেরূপ হুঃসাধ্যকার্যসাধনে উদ্যত হইয়াছিলেন, এবং অবিশ্রাম গোলাবৃষ্টির মধ্যে থাকিয়াও শিশুসন্তান ও পীড়িত ব্যক্তিদিগের

কেহ ইহাদের সহিত মিলিত হয়। ইহাদের অধিকাংশ আফিসর (স্ববাদার বা জমাদার) ইঙ্গরেজের পক্ষে ছিলেন। অথারোহিদল (রেজিমেন্ট) ছয় ভাগে (টুপে) (এখন ৮ ভাগে) বিভক্ত। ইহাদের মধ্যে নিম্নলিখিতরূপে এতদেশীয় লোক আছে :—

| | | | |
|--------------|-----|-----|-----|
| আফিসর | ... | ... | ১৩ |
| অধস্তন আফিসর | ... | ... | ৫৪ |
| ভিত্তি | ... | ... | ৬ |
| ভেরীবাদক | ... | ... | ৬ |
| সৈনিকপুরুষ | ... | ... | ৫০৪ |

পদাতিকদল (রেজিমেন্ট) ৮ ভাগে (কোম্পানিতে) বিভক্ত। সমগ্র দলে এই সকল লোক আছে :—

| | | | |
|------------|-----|-----|---------------------|
| স্ববাদার | ... | ... | $১ \times ৮ = ৮$ |
| জমাদার | ... | ... | $১ \times ৮ = ৮$ |
| হাবিলদার | ... | ... | $৬ \times ৮ = ৪৮$ |
| নায়ক | ... | ... | $৬ \times ৮ = ৪৮$ |
| ভেরীবাদক | ... | ... | $১ \times ৮ = ৮$ |
| সৈনিকপুরুষ | ... | ... | $৮০ \times ৮ = ৬৪০$ |

(১ম ভাগ জন্মভূমিতে প্রকাশিত “আমার জীবনচরিত” হইতে উদ্ধৃত। জন্মভূমি, ৫৬৭ ও ৫৭২ পৃষ্ঠা।)

উল্লিখিত হিসাবে বিপক্ষ সিপাহীদিগের সংখ্যা কিয়দংশে অনুমিত হইবে। এতদ্ব্যতীত নানী সাহেবের অনুচর, কাণপুর ও অযোধ্যার অনেক লোক সিপাহীদিগের সহিত মিলিত হইয়াছিল।

শুশ্রূষায় ধ্বংস করিয়াছিলেন, ঐতিহাসিকগণ বিশ্বাস ও প্রীতির সহিত তাহার বর্ণনা করিয়া থাকেন। আক্রমণকারী সিপাহীরা প্রতিদিন উদ্যম ও উৎসাহসহকারে গোলারুটি করিতে লাগিল। প্রতিদিনই আক্রান্তগণ অধিকতর নিপীড়িত হইতে লাগিল। সিপাহীরা দিবসে অবিশ্রান্তভাবে কামানের গোলারুটি করিত। প্রাতঃকাল হইতে সন্ধ্যা পর্য্যন্ত সকল সময়েই প্রজ্বলিত পিণ্ডসকল প্রাচীরবেষ্টিত স্থানে নিপতিত হইত। উহার প্রচণ্ড আঘাতে প্রতিদিনই কেহ নিহত কেহ বা সাংঘাতিকরূপে আহত হইত, এবং উহার জ্বালাময়ী শিখায় আক্রান্তদিগের অধ্যুষিত স্থানের কোন কোন অংশ দগ্ধীভূত হইয়া যাইত। রাত্রিকালে আক্রমণকারিগণ অন্ধকারে আত্মগোপন করিয়া মৃৎপ্রাচীরের সম্মুখে আসিত, এবং মুহূর্ত্তে মুহূর্ত্তে বন্দকের গুলিচিহ্ন করিয়া ইউরোপীয়দিগকে নিপীড়িত করিত। স্মতরাং ইউরোপীয়েরা দিবসে ও রাত্রিতে, সকল সময়েই আত্মরক্ষায় প্রস্তুত থাকিত। একদা কামানের প্রজ্বলিত গোলায় বারুদ রাখিবার একখানি গাড়ির ছাদ উড়িয়া গেল এবং বারুদ ইত্যাদি রাখিবার স্থানের নিকটে গাড়ির কাঠে আগুন ধরিল। ডিলাফোসীনামক একজন তরুণবয়স্ক সৈনিক পুরুষ ইহা দেখিয়া স্থির থাকিতে পারিল না। অচিরেই অগ্নিনির্করণ না হইলে, ভয়ঙ্কর কাণ্ড সংঘটিত হইবার সম্ভাবনা ছিল। স্মতরাং বীরযুবক মুহূর্ত্ত মাত্র বিলম্ব না করিয়া প্রজ্বলিত গাড়ির নিকটে গেল, যে কাঠে আগুন ধরিয়াছিল, তাহা নিজ হাতে টানিয়া ফেলিয়া দিল, এবং জলের অভাবে কঠিন মৃত্তিকা বহুশিখার উপর নিক্ষেপ করিতে লাগিল। কিয়ৎক্ষণ এইরূপ চেষ্টায় অগ্নি নির্করিত হইয়া গেল।

শিক্ষিত সৈনিকদলের মধ্যেই কেবল এইরূপ সাহস ও বীরত্বের নিদর্শন লক্ষিত হয় নাই। বাহারা ইতঃপূর্বে সৈনিকদলে প্রবেষ্ট হয়েন নাই, যথানিয়মে সামরিক কার্য শিক্ষা করেন নাই, রণস্থলের করাল দৃশ্য ও কঠোর নিয়মের সহিত পরিচিত হইয়া উঠেন নাই, তাঁহারাও এ সময়ে অবচলিতভাবে সাহস ও বীরত্বের পরিচয় দিতে লাগিলেন। সৈনিক পুরুষ ব্যতীত অশ্রাব্যসারী ইউরোপীয়েরা আত্মরক্ষার স্থলে আশ্রয় গ্রহণ

করিয়াছিলেন। ইহাদের মধ্যে রেলওয়ের কতিপয় ইঞ্জিনিয়ার ছিলেন, ইহারা বন্দুক হস্তে করিয়া, অটলসাহসে বিপক্ষদিগকে নিরস্ত করিতে লাগিলেন। ইহাদের মধ্যে একজন বিপক্ষের গুলির আঘাতে সাংঘাতিকরূপে আহত হইলেন। গুলি মুখে লাগাতে তিনি মুখ তুলিতে পারিতেন না। ইহাকে দুঃসহ যাতনায় নিরস্তর অধোমুখে থাকিতে হইত। শেষে এই আঘাতেই ইহার প্রাণবায়ুর অবসান হয়। ধর্মপ্রচারকও এসময়ে উদাসীন রহিলেন না। তিনি আত্মরক্ষার জন্ত অস্ত্র পরিগ্রহ করিলেন না, বা শত্রুর পুরোভাগে দণ্ডায়মান থাকিয়া, সাহসের পরিচয় দিতে উদ্যত হইলেন না। অগ্র কার্য্যে তাঁহার একাগ্রতা ও শ্রমশীলতাপ্রকাশ হইতে লাগিল। তিনি আহতদিগের শুশ্রূষা করিতে লাগিলেন, পীড়িতদিগকে ধর্মোপদেশে বলীয়ান করিয়া তুলিতে লাগিলেন এবং অবসন্ন আত্মরক্ষাকারিগণ ও ভয়ব্যাকুল কুল-কামিনীদিগের সমক্ষে ঈশ্বরের মহিমাকীর্তন করিয়া, তাহাদের হৃদয় শান্ত, কর্তব্যজ্ঞান উদ্দীপ্ত ও উৎসাহ বৃদ্ধি করিতে লাগিলেন।

যখন দোরতর বিপদ উপস্থিত হয়, জীবন ও সম্পত্তি যখন প্রতিমূহর্ত্তেই ধ্বংসোন্মুখ হইয়া উঠে, স্বাধীনতা ও সার্বভৌমত্ব আধিপত্য যখন সংশয়দোলায় অধিষ্ঠিত হয়, তখন বীরত্বপ্রসিদ্ধ জাতির সকল শ্রেণীর মধ্যেই একাগ্রতা, দৃঢ়প্রতিজ্ঞা, কর্তব্যনিষ্ঠা ও স্বার্থত্যাগপ্রবৃত্তি বলবতী হইয়া উঠে। কার্ণেজের বীরজননী রমণীগণ এক সময়ে স্বদেশের জন্ত আপনাদের সৌন্দর্য্যের প্রধান অঙ্গ কেশসমূহের ছেদন করিয়াছিলেন। বীরেন্দ্র-সমাজের বরগীষ ভারতের মহিলাকুলও পরাক্রান্ত শত্রুর আক্রমণ হইতে স্বদেশরক্ষা করিতে অবলীলায় বহুমূল্য আভরণরাশি যুদ্ধের ব্যয়ের জন্ত উন্মুক্ত করিয়া দিয়াছিলেন*। কাণপুরের অবরুদ্ধ ইউরোপীয় কামিনীরাও এসময়ে

* রোমীরের কার্ণেজ আক্রমণে উদ্যত হইলে ধর্মুর ছিলা প্রস্তুত করিবার জন্ত কার্ণেজ বীররমণীরা আপনাদের কেশছেদন করিয়া দিয়াছিলেন। যখন হুলতান মহম্মদ চতুর্থবার ভারতবর্ষ আক্রমণ করেন, তখন লাহোরের ভূপতি অনঙ্গপাল আক্রমণকারীর বিক্ষেপে দণ্ডায়মান হইলেন। এই সময়ে হিন্দু মহিলারা যুদ্ধের ব্যয়ের জন্ত আপনাদের অলঙ্কার উন্মোচিত করিয়া পাঠাইয়াছিলেন।

পরাক্রান্ত ও সহায়সম্পন্ন শত্রুর সম্মুখে আত্মবলবৃদ্ধির উপায়বিধানে উদাসীন থাকেন নাই। প্রতিদিন ভয়ঙ্কর কাণ্ড দৃষ্টিগোচর হওয়াতে, তাঁহাদের সাহসবৃদ্ধি হইয়াছিল। আত্মপক্ষের ব্যক্তিদিগকে প্রতিদিন বীরত্বের পরিচয়স্বচক ছঃসাধ্য কার্যসাধনে উদ্যত দেখাতে, তাঁহাদেরও তেজস্বিতার বিকাশ হইয়াছিল। তাঁহারা আর পূর্বের ত্রায়, ভয়ে সর্বদা অভিভূত থাকেন নাই, এবং পূর্বের ত্রায় কর্তব্যবিমূঢ় হইয়া, চারিদিক অন্ধ-কারময় বোধ করেন নাই। কিরূপে শত্রু পরাজিত হইবে, কিরূপে প্রাণাধিক শিশুসন্তানগুলি আসন্ন মৃত্যুর হস্ত হইতে মুক্তিলাভ করিবে, কিরূপে আপনাদের নিরাপদে ও অক্ষতশরীরে আত্মীয়স্বজনের সহিত সম্মিলিত হইতে পারিবেন, এখন তাঁহারা ইহারই উপায় দেখিতে লাগিলেন। সিপাহীদিগের নিরন্তর গোলাবৃষ্টিতে, কামানে ছিদ্র হওয়াতে বড় অস্ত্রবিধা ঘটয়াছিল। বীরান্ধনারা এজত আপনাদের পাগের মোজা সকল অকাতরে দিতে লাগিলেন। এ সময়ে তাঁহাদের অঙ্গচ্ছদ অধিক ছিল না, তথাপি তাঁহারা আপনাদের চিরব্যবহার্য ও লজ্জাসগ্রম রক্ষার চিরাবলখন দ্রব্যগুলি দিতে বিমুখ হইলেন না। তাঁহাদের প্রদত্ত মোজার ছিদ্র সকল বন্ধ করিয়া দেওয়া হইল। আবার ঐ সকল কামান হইতে আক্রমণকারী সিপাহী-দিগের উপর গোলাবৃষ্টি হইতে লাগিল। কয়েকজন সিপাহী প্রাচীরবেষ্টিত স্থানে অবরুদ্ধ ছিল*। একটি সৈনিক পুরুষের স্ত্রী সাহসসহকারে নিকোশিত তরবারি হস্তে করিয়া, তাহাদের পাহারা দিতে লাগিলেন। যাবৎ এই মহিলা সম্মুখে ছিলেন, তাবৎ অবরুদ্ধগণ পলাইতে সমর্থ হয় নাই। শেষে এক ব্যক্তি আসিয়া তাহাদের পাহারার ভার গ্রহণ করিলে তাহারা কোন স্মরণে পলায়ন করে। কিন্তু এইরূপ স্বার্থত্যাগ ও সাহসের পরিচয় দিলেও মহিলাদিগের যাতনার পরিসীমা রহিল না। তাঁহাদের

* ঐ মহম্মদ নামক যে সিপাহী সহযোগীদিগকে উত্তেজিত করিবার অপরাধে অবরুদ্ধ হয়, সে ইহাদের মধ্যে ছিল।

কেহ কেহ আসন্নপ্রসব ছিলেন। তাঁহারা অবরোধের সেই ভয়ঙ্কর সময়ে, সেই কোলাহলময় বিপত্তিপূর্ণ স্থানে সন্তান প্রসব করিলেন। এ সময়ে তাঁহাদের শুক্রবার লোক ছিল না। তাঁহারা প্রসবযাতনায় যেরূপ কাতর হইলেন, নবজাত শিশুর জীবনরক্ষার জন্য তদপেক্ষা অধিকতর কাতরতাপ্রকাশ করিতে লাগিলেন। বিশ্বপালক ভগবান ব্যতীত এসময়ে তাঁহাদের আর কোন রক্ষক ছিলো না। তাঁহারা নীরবে ও কাতরনয়নে সেই সর্বনিরন্তর মঙ্গলময়ী ইচ্ছার উপর নির্ভর করিয়া রহিলেন। অনেকে আপনাদের শিশুসন্তানগুলি বর্দ্ধশা দেখিয়া দিনে দিনে অবসন্ন হইতে লাগিলেন। তাঁহারা পরম আদরে যাহাদের লালনপালন করিতেছিলেন, স্তম্ভ দিয়া যাহাদিগকে পরিবর্দ্ধিত করিয়া তুলিতেছিলেন, এবং যাহাদের সহস্র বদনে আর্ধ আধ কথা শুনিয়া, আপনাদিগকে চরিতার্থ মনে করিতেছিলেন, সেই বাৎস্যের ধন, স্ত্রীতির পুতলী, মেহের অবলম্ব সন্তানরত্ন সকল তাঁহাদের বক্ষঃস্থল হইতে অপহৃত হইতে লাগিল। কোন সৈনিক পুরুষের জ্যে দুইটি সন্তান দুই বাছতে লইয়া স্বামীর সহিত বেড়াইতেছিলেন, সহসা একটি গুলি আসিয়া, তাহার স্বামীর দেহভেদ পূর্বক তদীয় বাহ্যুগল ভগ্ন করিয়া ফেলিল। স্বামী তৎক্ষণাৎ ভূপতিত ও গতাস্ব হইলেন। তাঁহার প্রিয়তমা বনিতাও মৃতস্বামীর পার্শ্বে পড়িয়া গেলেন। সন্তানদ্বয়ের একটি সাংঘাতিকরূপে আহত হইল। অভাগিনী বিধবা অতঃপর গৃহে নীত হইলেন। তাঁহার হস্তদ্বয় ভগ্ন হইয়া গিয়াছিল, স্তম্ভরাং শিশু দুইটিকে কোলে লইবার সামর্থ্য ছিল না। তিনি যাতনায় কাতর হইয়া শয্যায় শুইয়া রহিলেন। শিশু দুইটি তাঁহার বুকের উভয় পার্শ্বে থাকিয়া, স্তম্ভপান করিতে লাগিল; কিন্তু মাতার হাত তুলিবার শক্তি রহিল না। কল্পনায় ইহা অপেক্ষা অধিকতর শোচনীয় দৃশ্য অঙ্কিত হইতে পারে না, উদ্ভাবনায় ইহা অপেক্ষা অধিকতর করুণ-রসোদীপক চিত্র উদ্ভূত হইতে পারে না। এইরূপ শোচনীয় ব্যাপার প্রতিদিনই অবরুদ্ধদিগের দৃষ্টিপথবর্তী হইতে লাগিল। একদা অপর এক জন সৈনিকের জ্বর হাতের কবুহীতে বন্ধকের গুলি প্রবিষ্ট হইল। সৈনিক পুরুষ ইতঃপূর্বেই নিহত হইয়াছিলেন। অবিলম্বে সাংঘাতিক

আবাতজনিত প্রচণ্ড জরে তাঁহার স্ত্রীও লোকান্তরিত হইলেন। এইরূপে প্রায় প্রতিদিনই অবলাগণের প্রাণবায়ুর অবসান হইতে লাগিল। সে সকল শিশু হাঁটিতে পারিত, বালমূলভ চাপল্য প্রযুক্ত তাহারা এক স্থানে স্থির থাকিতে পারিত না। তাহারা কিরূপ বিপদাপন্ন হইয়াছে, তাহা তাহারা বুঝিত না। গৃহ হইতে বহির্গত হইলেই বে, তাহাদের প্রাণ যাইবে, তাহা তাহারা জানিত না। অবোধ শিশুগণ এ দুঃসময়েও পূর্বের তায় আনন্দ সহকারে খেলার জন্ত আগ্রহপ্রকাশ করিত। তাহারা খেলা করিতে সহ্য প্রাপ্তনে আসিলেই নিরন্তর গুলিগুটিতে মৃত্যুমুখে নিপতিত হইত। এইরূপে নিরীহস্বভাব, সদানন্দময় শিশুগুলিও অনন্তনিদ্রায় অভিভূত হইতে লাগিল।

এদিকে সেনাপতি হইলর প্রতি মুহূর্তেই স্থানান্তর হইতে সাহায্যকারী সৈন্তের প্রতীক্ষা করিতেছিলেন। তাঁহার আশা ছিল, পঞ্জাব হইতে স্তার জন লরেন্স সৈন্ত পাঠাইবেন। এলাহাবাদ হইতে সেনাপতি নীল তাঁহার সাহায্যার্থে উপস্থিত হইবেন। লক্ষ্যে হইতে স্তার হেনরি লরেন্সও তাঁহার সাহায্যার্থ সৈন্ত পাঠাইয়া দিবেন। কিন্তু দুর্ভাগ্যক্রমে এসময়ে কোন স্থান হইতেই সাহায্যকারী সৈনিক পুরুষের সমাগম হইল না। পঞ্জাব হইতে স্তার জন লরেন্সের পত্র আসিল। তিনি লিখিলেন, পঞ্জাবরক্ষার জন্ত সৈন্তসংখ্যাই পর্যাপ্ত নহে, সুতরাং তিনি কাহাকেও এসময়ে পাঠাইতে পারেন না। বুদ্ধ সেনাপতির আশা ছিল, সেনাপতি নীল ১৪ই জুন কাণপুরে উপস্থিত হইবেন, কিন্তু ১৪ই জুন ধীরে ধীরে অতীত হইতে লাগিল, সেনাপতি হতাশ হইয়া, সন্ধ্যাকালে লক্ষ্যেতে বিচারপতি গারিস্ সাহেবের নিকট পত্র পাঠাইলেন। পত্রের শেষাংশে লিখিত হইল,—“নগরের সমগ্র খ্রীষ্টধর্মাবলম্বী প্রাচীরবেষ্টিত স্থানে আমাদের আশ্রয় নিকটে রহিয়াছে। মহত্বসহকারে ও আশ্চর্যরূপে আমাদের আত্মরক্ষা হইতেছে। আমরা সাহায্য, সাহায্য, সাহায্যের ভিখারী। এখন যদি সাহায্যকারী দুই শত লোক প্রাপ্ত হই, তাহা হইলে বিপক্ষদিগকে পরাজিত করিয়া, আপনাদেরও সাহায্য করিতে পারি।” কিন্তু এই দুই শত লোকও লক্ষ্যে হইতে আসিল না। বর্ষায়ান সেনাপতি ধীরভাবে অদৃষ্টের নিকট অবনতমস্তক হইলেন। তাঁহার সহযোগীরাও ধীরভাবে আপনাদের দশাবিপর্যায়কে আলিঙ্গন করিলেন। একে একে

তাহাদের সমস্ত আশা নির্মূল হইল। সুতরাং তাঁহারা শেষে আপনাদের সাহস, পরাক্রম, দৃঢ়প্রতিজ্ঞতা, সর্বোপরি আত্মতাগের উপর নির্ভর করিলেন। তাঁহাদের উদ্যম, উৎসাহ এখন পূর্ণমাত্রায় বিকাশ পাইল। তাঁহারা আত্মরক্ষার জন্য ধীরভাবে আত্মজীবন উৎসর্গ করিতে প্রবৃত্ত হইলেন।

ক্রমে এক সপ্তাহ অতীত হইল, এক সপ্তাহ কাল ইউরোপীয়েরা প্রবল শত্রুর সম্মুখে, অবিশ্রান্ত গোলাবৃষ্টির মধ্যে, আপনাদের প্রাচীরবেষ্টিত স্থান রক্ষা করিল। সপ্তাহান্তে আক্রান্তগণ আর এক ঘোরতর বিপদে ব্যতিব্যস্ত হইয়া পড়িল। পূর্বে উক্ত হইয়াছে, প্রাচীরবেষ্টিত স্থানের দুইটি বড় গৃহের একটিতে খড়ের চাল ছিল। দুইটি গৃহই রুগ্ন, অসমর্থ, বুদ্ধ, স্ত্রীলোক ও বালকবালিকাগণে পরিপূর্ণ ছিল। খড়ের চাল টালি বা ইট দ্বারা আচ্ছাদিত করিবার সবিশেষ চেষ্টাকরা হইয়াছিল, কিন্তু উহাতে চাল সর্বাংশে আচ্ছাদিত হয় নাই। এক দিন অপরাহ্নে সহসা খড়ের চাল জলিয়া উঠিল। অসমর্থ ও রুগ্ন ব্যক্তিগণ ঐ গৃহে আশ্রয় লইয়াছিল। সুতরাং এ সময়ে তাহারা সাতিশয় বিপদাপন্ন হইল। এদিকে আক্রমণকারিগণ ইউরোপীয়দিগের অধ্যুষিত গৃহ প্রচণ্ড অনলের জ্বালাময়ী শিখায় পরিবাপ্ত দেখিয়া, অধিকতর উৎসাহসহকারে গুলিবৃষ্টি করিতে লাগিল। সেই ভয়ঙ্করী রাত্রিতে অনলস্বরূপ দিগুণ উজ্জ্বল হইয়া, আক্রান্ত ক্ষুদ্র সৈনিক দলকে নিরতিশয় উবিগ্ন করিয়া তুলিল। আহত ও রুগ্নগণের আত্মরক্ষার কোন সামর্থ্য ছিল না। ইউরোপীয়েরা এখন এই সকল অসমর্থ জীবের রক্ষার্থ বন্ধপরিকর হইলেন। তাঁহারা বিপদে দিশাহারা না হইয়া, প্রাণপণে উহাদিগকে স্থানান্তরে লইয়া গেলেন। এ দিকে খড়ের চাল দেখিতে দেখিতে ভস্মীভূত হইল। দুইটি গোলন্দাজ সৈনিক পুরুষ প্রজ্জ্বলিত অনলের মধ্যে দেহত্যাগ করিল। কিন্তু আক্রান্তগণ গৃহদ্বাৰে ইহা অপেক্ষাও অধিকতর ক্ষতিগ্রস্ত হইল। স্ত্রীলোক ও বালকবালিকাদিগের আর আশ্রয়স্থান রহিল না। তাহারা এখন গৃহশূন্য হইয়া অনাবৃতস্থানে, অরক্ষিত অবস্থায় পড়িয়া রহিল। কানবিশ ও মদের বাক্সের আচ্ছাদন চট মাত্র, এখন তাহাদের দিবসের প্রচণ্ড রৌদ্র ও রাত্রির দ্রুত হিম হইতে

রক্ষার প্রধান সম্বল হইল। কিন্তু বিপক্ষের নিরন্তর গোলাবৃষ্টিতে ঐ আচ্ছাদনও অচিরে বিনষ্ট হইয়া গেল। গৃহদাহে কেবল বালকবালিকা ও রোগান্তরা আশ্রয়শূন্য হইল না। আহত ও পীড়িতদিগের যাতনাশাস্তির উপকরণগুলিও ভস্মীভূত হইয়া গেল। ঔষধাদি, অস্ত্রচিকিৎসার যন্ত্রাদি কিছুই রক্ষা পাইল না। যাহারা আহত হইতে লাগিল, অস্বাভাবে তাহাদের ক্ষত স্থান হইতে গুলি বহিষ্কৃত করিবার উপায় রহিল না। যাহারা রোগে শয্যাশায়ী হইল, ঔষধাদির অভাবে তাহাদের রোগশাস্তির সুবিধা ঘটিল না। অসহনীয় যাতনা, অকালমৃত্যু, প্রতিদিনই এই সকল অসহায় জীবের উপর পরাক্রমপ্রকাশ করিতে লাগিল। ইহারা যাতনার কঠোরতা হইতে নিষ্কৃতিলাভের জন্ত প্রতি মুহূর্ত্তে মৃত্যুকেই পরম সুস্বাদু বলিয়া মনে করিতে লাগিল।

গৃহদাহে যাহারা আশ্রয়শূন্য হইয়াছিল, তাহাদের মধ্যে ত্রিপঞ্চাশ পদাতিদলের কতিপয় সিপাহী ছিল। পূর্বে উক্ত হইয়াছে, দ্বিতীয় অশ্বারোহীদের স্রব্দার ভবানীসিংহ আপনার অধীন সৈনিকদলের বিরুদ্ধে দণ্ডায়মান হইয়াছিলেন। উক্ত সৈনিকদল ইঙ্গরেজের বিরুদ্ধে সমুথিত না হইতে পারে, তজ্জন্ত তিনি সবিশেষ চেষ্টা করেন। এজন্ত বৃদ্ধ স্রব্দার উত্তেজিত অশ্বারোহীদের অস্বাভাতে অবসন্ন হইয়া পড়েন। এই অবস্থায় তাঁহাকে প্রাচীরবেষ্টিত স্থানে লইয়া যাওয়া হয়। ভবানীসিংহ আহত হইয়াও আপনার প্রতিপালক প্রভুর পক্ষ পরিত্যাগ করেন নাই। তিনি সেই ভয়ঙ্কর সময়ে, বিপদাপন্ন স্থানে প্রভুর পার্শ্বে অবস্থিতি করিতেছিলেন। অবরোধের প্রথমাবস্থায় বিপক্ষের কামানের গোলার আঘাতে তাঁহার মৃত্যু হয়। এই রূপে প্রভুভক্ত, বর্ধীয়ান্, বীরপুরুষ প্রভুর কার্যসাধন জন্ত প্রভুর নিকটেই প্রাণত্যাগ করেন। এদিকে ত্রিপঞ্চাশ পদাতিদলের প্রভুভক্ত সিপাহীরা নিরাশ্রয় হইয়া পড়ে। ইহারাও এতদিন স্বশ্রেণীরও স্বধর্মের লোকের বিরুদ্ধে দণ্ডায়মান হইয়া, ইঙ্গরেজের পক্ষসমর্থন করিতে ছিল। শেষে গৃহদাহ হইলে সেনাপতি ইহাদিগকে স্থানান্তরে বাইতে আদেশ দেন। যেহেতু, ইহাদের আশ্রয়স্থান ছিল না। খাদ্য সামগ্রীরও অভাব উপস্থিত হইয়াছিল। উক্ত দলের ভোলাধী নামক সিপাহী এ সময়ে উল্লেখ করিয়াছে, “আমরা এই হইতে ৯ই কি ১০ই জুন

পর্যন্ত আমাদের গৃহরক্ষা করি। বিপক্ষের গোলার আগুনে উহা দগ্ধ হইলে আমরাদিগকে উক্ত স্থান পরিত্যাগ করিতে হয়। আমার বোধ হয়, গোলায় কোন দাঙ্গ পদার্থ জড়ান ছিল, ঐ পদার্থের সহিত খড়ের চালের সংযোগ হওয়াতে অগ্নিকাণ্ড উপস্থিত হয়।” রামবক্স নামক উক্ত দলের আর একব্যক্তিও এসম্বন্ধে এইরূপ বিবরণ প্রকাশ করে। ইহার মতে ৯ই কি ১০ই জুন অপরাহ্ন ৪টার সময়ে ঘরে আগুন লাগে *। যাহা হউক অনুমান ৮০ কি ১০০ জন সিপাহী ছিল। এতদ্ব্যতীত ইহাদের সহিত দশ জন এতদেশীয় অধিনায়ক অবস্থিতি করিতেছিলেন †। ইহারা সকলেই অবরোধের স্থান পরিত্যাগ করিতে আদিষ্ট হইলেন। আফিসরেরা বিষম্বদনে বিদায় গ্রহণ করিলেন। সিপাহীরা কাতরভাবে স্থানান্তরে যাইতে প্রস্তুত হইল। মেজর হিলসডন্ সাহেব (কলেজের হিলসডন্ সাহেবের ভ্রাতা) সকলকেই কয়েকটি টাকা ও বিশ্বস্ততার নিদর্শনজ্ঞাপক এক খানি প্রশংসাপত্র দিলেন। সিপাহীরা উহা লইয়া আপনাদের গৃহভিমুখে প্রস্থান করিল। কেহ কেহ পথে বিনষ্ট হইল। কেহ কেহ অক্ষতশরীরে আবাসপল্লীতে গমন করিল। ইহাদের কেহই কখনও প্রভুভক্তি হইতে স্থলিত হয় নাই। কেহই উত্তেজিত সিপাহীদিগের সহিত সম্মিলিত হইয়া, ব্রিটিশ কোম্পানির বিরুদ্ধে অস্ত্রপরিগ্রহ করে নাই। ইহারা বিদেশী ও বিজাতি প্রভুকে রক্ষা করিবার জন্ত স্বদেশীয় ও সজাতীয়দিগের বিরুদ্ধে দণ্ডায়মান হইয়াছিল, প্রভুর আদেশে ঘোরতর বিপত্তিকালেও স্বদেশীয়গণের পক্ষাবলম্বন না করিয়া, স্থানান্তরে গিয়াছিল, এবং আত্মীয়স্বজনশৃঙ্খল হইয়া পথে অকাতরে আত্মবিসর্জন করিয়াছিল, তথাপি আপনাদিগকে “নিমক-হারাম” বলিয়া পরিচিত করিতে উদ্যত হয় নাই। কাণপুরের বৃদ্ধ সেনাপতি যদি ইহাদিগকে কোনরূপে আপনার নিকটে রাখিতেন, তাহা হইলে ইহাদের দ্বারা সমুহ উপকার হইত। ইহারা স্বার্থত্যাগে কাতর ছিল না, অসহনীয় কষ্টস্বীকারেও পরায়ুখ ছিল না, অসময়ে প্রভুর পক্ষ-

* *Kaye, Sepoy War. Vol. II., p. 325, note.*

† *Ibid*

সমর্থনেও অনিচ্ছু ছিল না। ইহাদের সাহস, পরাক্রম ও আত্মত্যাগ, ইহাদিগকে সর্বক্ষণ বিপদে অনমনীয়, যাতনায় অটল ও হৃদশায় অবিচলিত রাখিয়াছিল। ইহারা উপস্থিত সময়ে, ইঙ্গরেজের পার্শ্বে থাকিলে নিঃসন্দেহ তাঁহাদের বলবৃদ্ধি হইত।

দিনের পর দিন অতিবাহিত হইতে লাগিল। প্রতিদিনই আক্রান্ত সৈনিকদলের বলহ্রাস ও আক্রমণকারী সিপাহীদিগের গোলাবৃষ্টি অধিকতর ভয়ঙ্কর হইয়া উঠিতে লাগিল। প্রাচীরবেষ্টিত স্থানে ইউরোপীয়েরা কিরূপ অম্লানভাবে দুঃসহ কষ্টভোগ করিয়াছিলেন, ইউরোপীয় কুলকামিনীরা বিপদে কিরূপ অবসন্ন হইয়াছিলেন, ইউরোপীয় বালকবালিকারা কিরূপ যাতনায় দৈবহুদ্ভিন্ন, বৃত্তচ্যুত কুসুমের স্থায় পরিম্লান হইয়াছিল, তাহার করুণ-রসাত্মক মর্শ্বস্পর্শী বিবরণ হতাবশিষ্টদিগের মধ্যে এক জন প্রাঞ্জল ভাষায় লিখিয়া গিয়াছেন*। কয়েক সপ্তাহ পূর্বে জেলার যে রাজপুরুষের আদেশে সকলে মস্তক অবনত করিত, যে সেনাপতির ইঙ্গিতে সহস্র সহস্র সৈনিকপুরুষ পরিচালিত হইত, যে ইঙ্গরেজ কর্মচারীর প্রভুত্বে ভৃত্যগণ সর্বদা সশঙ্ক থাকিত, এখন সিপাহীদিগের গোলার আঘাতে তাঁহাদের কাহারও হস্তদ্বয় ভগ্ন হইল, কাহারও পদদ্বয় বিকল হইয়া পড়িল, কাহারও বা মুখ বিকৃতভাব ধারণ করিল। একে একে অনেকেই ক্রমে ক্ষমতাশূন্য হইতে লাগিলেন। একে একে অনেকেরই প্রাণবায়ুর অবসান হইতে লাগিল। পার্শ্ববর্তী বিশ্বস্ত ভৃত্যেরা বড় সাহেবকে এইরূপে নিগৃহীত ও নিপীড়িত দেখিয়া, বিশ্বাসসহকারে আপনাদের মধ্যে ঐ বিষয় লইয়া আলাপ করিতে লাগিল। অমনি তাহাদের সম্মানিত আর একজন সাহেব আহত হওয়াতে তাহাদের আলাপ বন্ধ হইল; পর মুহূর্ত্তে আবার তাহারা, সন্নিহনে আর একজন সাহেবকে গুলির আঘাতে ভূপতিত দেখিল। প্রতিক্ষণেই এইরূপ ঘটনার আবির্ভাব হইতে লাগিল। মৃত্যু যেন সুপরিচিত বান্ধবের স্থায় প্রতিক্ষণেই যাতনার শাস্তির জন্ত সকলকে আলিঙ্গন করিতে লাগিল। কলেক্টর হিলসর্ডন্ সাহেব গৃহের বারেন্দার দাঁড়াইয়া নানা সাহেবের

* Capt. Mowbray Thomson, Story of Cawnpur.

সহিত সন্ধি স্থাপনের চেষ্টা করিতেছিলেন। তাঁহার যুবতী ভার্যা তৎপাশ্বে দণ্ডায়মান ছিলেন। অমনি কলেঙ্কর সাহেব গোলার আঘাতে প্রিয়তমার পদতলে পতিত ও গতাস্থ হইলেন। কয়েক দিন পরে গোলার আঘাতে দেওয়ালের কিয়দংশ ভগ্ন হইয়া হিলসডন্ সাহেবের পত্নীর মাথায় পড়িল। ঐ আঘাতে হতভাগিনী বিধবারও সমস্ত জালাময়গার অবসান হইল। সেনাপতি স্মার হিউ হইলরের পুত্র লেপ্টেন্যান্ট হইলর আহত হইয়া একটি গৃহে শয়ান ছিলেন। তাঁহার পিতা, মাতা, ভগিনীগণ পাশ্বে অবস্থিতি করিতেছিলেন। একটি ভগিনী পদপ্রান্তে বসিয়া পাখার বাতাস দিতেছিলেন। সহসা কামানের গোলা সেই স্থলে পতিত হওয়াতে সেনাপতির আহত পুত্রের মাথা উড়িয়া গেল। পুত্রবৎসল বর্ষীয়ান পিতা, মেহময়ী বর্ষীয়সী জননী ও প্রীতিময়ী ভগিনী বাম্পাকুলনেত্রে এই শোচনীয় ঘটনা চাহিয়া দেখিলেন। লিওসে নামক একটি সৈনিক পুরুষের মুখ গোলার আঘাতে বিকৃত হইল। নেত্রদ্বয় নষ্ট হইয়া গেল। হতভাগ্য সৈনিক পুরুষ অন্ধ হইয়া কিয়ৎকাল জীবিত রহিল, পরিশেষে মৃত্যু আসিয়া তাহার কষ্টের পরিসমাপ্তি করিল। আর এক জন সৈনিকের গুলির আঘাতজনিত ক্ষত স্থান মারাত্মক হইয়া উঠিল। শেষে সন্ন্যাসরোগে তাহার মৃত্যু হইল। তাহার জী ও কঙ্কালগুলি অসহায় অবস্থায় সেই ভয়ঙ্কর স্থানে পড়িয়া রহিল। কিয়দ্দিনের মধ্যে গুলির আঘাতে অভাগিনী বিধবার মৃত্যু হইল। তাহার একটি কন্যাও আহত হইল। কাপ্তেন হালিডেনামক আর এক সৈনিক পুরুষ তাঁহার নির্জীব ও ক্ষুধার্ত্ত জীর জন্ত একবাটি ঘোড়ার মাংসের ঝোল লইয়া যাইতেছিলেন। সহসা গুলির আঘাতে তাঁহার মৃত্যু হইল। এক ঘণ্টার মধ্যে অপরূপ সৈনিকেরা বিপক্ষের নিষ্কপ্ত গুলির আঘাতে কিরূপে নিপীড়িত হইয়াছিল, কাপ্তেন টমসন্ সাহেব তাহার এইরূপ বিবরণ দিয়াছেন, “এক জন সৈনিক আর এক জন আহত সৈনিককে দেখিতে গিয়াছিল, সে যখন ঐ ব্যক্তির সহিত কথা কহিতেছিল, তখন উরুদেশে আহত হইয়া ভূপতিত হইল। আমি তাহার কাঁধে হাত দিয়া কোমর ধরিয়া তুলিলাম। যখন এইরূপ অবস্থায় অনাবৃত স্থল দিয়া তাকে গৃহে লইয়া যাইতেছিলাম, তখন আমার দক্ষিণ

দ্বন্ধে একটি গুলি লাগাতে আগরা উভয়েই ভূতলশায়ী হইলাম। আর ছই ব্যক্তি আসিয়া, আগাদিগকে টানিয়া ঘরে লইয়া গেল। আমি যখন গুলির আঘাতে নিপীড়িত হইয়া পড়িয়া রহিলাম, তখন এক জন সৈনিক আমার গুশ্বার জন্ত সেই স্থানে আসিল। সহসা একটি গুলি তাহার স্বন্ধ ভেদ করিল। সেই আঘাতেই হতভাগ্যের মৃত্যু হইল*।” এক দলের তিন জন অফিসর এক স্থানে অবস্থিতি করিতেছিলেন। উপযুপরি গোলায় আঘাতে তিন জনেরই মাথা উড়িয়া গেল। আর এক ব্যক্তি গুলির বৃষ্টির মধ্যে অনাবৃত স্থল দিয়া যাইতেছিল, অমনি গুলির আঘাতে মৃত্যুমুখে নিপতিত হইল। বৃদ্ধ সেনাপতির সহযোগিগণ এইরূপে প্রতিদিনই অনন্ত নিদ্রায় অভিভূত হইতে লাগিল। সেনাপতি আপনার বলক্ষয়ে সাতিশয় বিষম হইলেন। কেহ কেহ অধ্যুষিত স্থান রক্ষার সময়ে নিহত হইল। কেহ কেহ পীড়িতের গুশ্বা করিতে যাইয়া চিরনিদ্রিত হইল। কেহ কেহ বা তৃষ্ণার্তকে পানীয় ও ক্ষুধার্তকে আহারীয় দিবার সময়ে মৃত্যুমুখে পতিত হইল। প্রাচীরের বহির্ভাগে একটি কূপ ছিল। শবরাশি ঐ কূপে নিক্ষিপ্ত হইতে লাগিল। প্রতি রাত্রিতেই বিপক্ষের আক্রমণভয়ে এইরূপে তাড়াতাড়ি সমাধি হইতে লাগিল। অবরুদ্ধদিগের অন্তর্দ্বারের বিরাম ছিল না। দিবসে তাহাদের মস্তকের উপর প্রচণ্ড মার্কণ্ড নিরন্তর অলককণা বিকীর্ণ করিত। রাত্রিতেও শত্রুর নিক্ষিপ্ত প্রজলিত অগ্নিময় পিণ্ডসকল আসিয়া তাহাদিগকে বিদগ্ধ করিয়া তুলিত। তাহাদের জীবনাধিক সন্তান, প্রিয়তমা প্রণয়িনী ও প্রীতিভাজন আত্মীয়স্বজনের মৃতদেহ প্রতিদিন একটি বিস্তৃত কূপে নিক্ষিপ্ত হইত। তাহারা এইরূপ শোচনীয় অবস্থায়, এইরূপ শোচনীয় দৃশ্যে দিন দিন বিশীর্ণ ও বিষম হইতে লাগিল।

এদিকে ইউরোপীয়দিগের কামানের গোলায় আক্রমণকারীদিগের অনেকে নিহত হইলেও তাহাদের একবারে বলহ্রাস হয় নাই। স্থানান্তর হইতে অনেকে আসিয়া তাহাদের সহিত মিশিতে থাকে। আজিমগড়ের সপ্তদশ পদাতিদলের সিপাহীরা তাহাদের নিকট উপস্থিত হয়। কাণ-

* Thomson, Story of Cawnpur, p. 106-107.

পুরের অনতিদূরে চৌবেপুরনামক পল্লীতে লক্ষ্যের সিপাহীদলগ্ৰস্ত কতকগুলি অখ্যারোহী ও পদাতি অবস্থিতি করিতেছিল। কথিত আছে, ইহারও কাণপুরের সিপাহীদিগের সহিত সম্মিলিত হয়। এতদ্ব্যতীত বারাণসী ও এলাহাবাদের সিপাহীদিগেরও অনেকে কাণপুরে আইসে। মির নবাব নামক একজন সম্ভ্রান্ত মুসলমান ভূস্বামী দুইদল সৈন্তের সহিত নানা সাহেবের সাহায্যার্থ সমাগত হইলেন। লর্ড ডালহৌসীর পরবাক্য্যাদিকারের সময়ে তিনি এই সৈন্তসংগ্রহ করেন। কিন্তু সে সময়ে তাঁহার হৃদয়গত বিদ্বেষ-নলের বিকাশ হয় নাই। এখন সুর্যোগ বুঝিয়া তিনি ডালহৌসীর কার্য্যের প্রতিশোধ দিতে উদ্যত হইলেন। এইরূপে অনেক স্থান হইতে অনেকে আসিয়া আক্রমণকারীদিগের দলবৃদ্ধি করে।

আক্রমণকারিগণ যত্নপূর্ব্বক আপনাদের ব্যহ নিষ্কাণ করিয়াছিল। মৃৎ প্রাচীরের উত্তরদিকে ইঙ্গরেজদিগের কীড়াগৃহের নিকটে কামান স্থাপিত হইয়াছিল। ননী নবাব নামক একজন ধনী মুসলমান এই স্থানের অধ্যক্ষতাগ্রহণ করিয়াছিলেন। পূর্ব্ব হিন্দু সিপাহীরা ইহার ও বাকর আলী নামক আর একজন মুসলমানের গৃহ বিলুপ্তি করে। ননী নবাব ও বাকর আলী উভয়েই কারারুদ্ধ হইলেন। মুসলমান সিপাহীরা এজ্ঞা বিরক্ত হওয়াতে উভয়েই মুক্তিলাভপূর্ব্বক নানাসাহেবের সমান সম্মানলাভ করেন। এই অবধি ইহার উত্তেজিত সিপাহীদিগের পরিপোষক হইলেন। কথিত আছে, আজিজন অস্ত্র-পরিগ্রহপূর্ব্বক এই স্থানে কামানের পার্শ্বে দণ্ডায়মান হইয়া অখ্যারোহীদিগকে উৎসাহিত করিতেছিল। প্রাচীরের দক্ষিণপূর্ব্ব দিকে মীর নবাব আপনার কামান স্থাপিত করিয়া, নিরন্তর গোলাবর্ষণ করিতেছিলেন। পূর্ব্বদিকে বাকর আলী সন্নিবেশিত কামানের তত্ত্বাবধানে নিয়োজিত ছিলেন। দক্ষিণ-পশ্চিম দিকে একটি বৃহৎ অট্টালিকা ছিল। ইঙ্গরেজেরা উহা “সাবে-ডার হাউস” নামে অভিহিত করিতেন। ক্রমে সাধারণের মধ্যে উহা “সবেদা কুঠী” নামে প্রসিদ্ধ হয়। ইঙ্গরেজের কীড়াগৃহের দিকে যেমন মুসলমানেরা প্রবল ছিল। সবেদা কুঠীর দিকে সেইরূপ হিন্দুর প্রাধান্ত ছিল। এই কুঠীতে নানাসাহেব পারিষদবর্গসহ অবস্থিতি করিতেছিলেন। সেনাপতি টাকাসিংহের শিবির এই স্থানে ছিল। সেনাপতি এই স্থানের

কামানসমূহের তত্ত্বাবধান করিতেন। তৃতীয়া তোপীপ্রভৃতি এই স্থানে ফিরিঙ্গীদিগকে সম্মুখে বিনষ্ট করিবার জন্য আপনাদের কুটমন্ত্রণাভাষা বিস্তার করিতেন। এইরূপে হিন্দু ও মুসলমান একত্রে সম্বন্ধ হইয়া ইংরেজের আশ্রয়স্থান অবরুদ্ধ করিয়াছিল। আর নানা সাহেব ইহাদের ভয়েই ইহাদের পক্ষাবলম্বন পূর্বক নামেমাত্র সর্বময় কর্ত্তা হইয়াছিলেন।

শান্তিরক্ষণ ও বিচারকার্যনির্বাহের জন্য নানা সাহেবের নামে বিভিন্ন ব্যক্তি নিয়োজিত হইয়াছিলেন। হুলাস সিংহনামক এক ব্যক্তি প্রধান শান্তিরক্ষক হইয়াছিলেন। বাবাজি প্রধান বিচারকের পদ গ্রহণ করিয়া ছিলেন। আজিমুল্লা ও জোয়ালাপ্রসাদপ্রভৃতিও প্রাড়িবিবাকের কার্য করিতেছিলেন। কিন্তু ইহারা উত্তেজিত জনসাধারণ বা উচ্ছত সিপাহীদিগের উচ্ছৃঙ্খলতানিবারণে সমর্থ হইয়েন নাই। ইহাদের মতের বিরুদ্ধে নানাসাহেবের কিছুই করিবার সামর্থ্য ছিল না। ইহারা নানা সাহেবের নামে যথেষ্টভাবে সমুদয় কার্য করিতেছিলেন।

২১শে জুন অযোধ্যার উত্তেজিত অধিবাসিগণ আক্রমণকারীদের নিকটে উপস্থিত হওয়াতে, তাহারা ঐ দিন বিপক্ষদিগকে আক্রমণ করে। ২৩শে জুন আক্রমণকারিগণ পূর্বোপেক্ষা অধিকতর উৎসাহসহকারে যুদ্ধের আয়োজন করে। এক শতাব্দ পূর্বে লর্ড ক্লাইব এই সময়ে পলাশীর আশ্রয়স্থানে আপনাদের আধিপত্যপ্রতিষ্ঠা করিয়াছিলেন। শত বৎসর পরে সিপাহীরা সেই আধিপত্যভিত্তি বিপর্যস্ত করিবার মানসে বহুপরিকর হইল। লর্ড ক্লাইব যেক্রমে বাঙ্গালার নবাবকে পদানত করিয়াছিলেন, সিপাহীরা ফিরিঙ্গীদিগকেও সেইরূপে আপনাদের পদানত করিতে কৃতসঙ্কল্প হইল। অযোধ্যার ও পদাতির দলবদ্ধ হইয়া, ইউরোপীয়দিগকে আক্রমণ করিল। তাহারা সমুখভাগে কার্পাসের বড় বড় বস্তা-সকল গড়াইয়া লইয়া যাইতে লাগিল। ইংরেজদিগের গির্জা তাহাদের এক পার্শ্বে ছিল। অপর পার্শ্বে অসম্পূর্ণ নূতন সৈনিকালয় রহিয়াছিল। উভয় দিকে এইরূপ গৃহ ধাক্কাতে তাহাদের আক্রমণের বিস্তার সুবিধা ঘটিয়াছিল। তথাপি তাহারা কৃতকার্য হইতে পারিল না। তাহারা প্রবলপরাক্রমে যুদ্ধ করিয়াছিল, কিন্তু তাহাদের

সহযোগিগণ সাধারণতঃ রণপারদর্শী ছিল না। তাহারা সাময়িক পরিচ্ছদে সজ্জিত হয় নাই। অন্তঃশস্ত্রে বলীয়ান হইয়া উঠে নাই, বা রণকৌশলেও অভিজ্ঞতালাভ করে নাই। সুতরাং তাহারা সহজেই চারি দিকে বিক্ষিপ্ত হইয়া পড়িল। দলভঙ্গ হওয়াতে সিপাহীরাও হটিয়া গেল। ইঙ্গরেজ আপনাদের অধ্যুষিত স্থানরক্ষা করিলেন, কিন্তু আর এক বিপদে তাহারা পূর্বাপেক্ষা অধিকতর নিপীড়িত ও অধিকতর বিব্রত হইয়া পড়িলেন।

এই সময়ে অবরুদ্ধগণ দুই তিন বার সাহায্যলাভের চেষ্টা করে। কিন্তু তাহাদের চেষ্টা ফলবতী হয় নাই। ২৪শে জুন একজন ফিরঙ্গী সৈনিক ছদ্মবেশে, এলাহাবাদ হইতে সাহায্যকারী সৈন্তের প্রত্যাশায়, প্রাচীরবেষ্টিত স্থান পরিত্যাগ করে। শেষে অকৃতকার্য হইয়া, ফিরিয়া আইসে। ঐ দিন রসদবিভাগের সেকার্ডমাহেব বদলু নামধারণ পূর্বক বাবুর্জির বেশে যাত্রা করেন। সিপাহীরা তাঁহাকে অবরুদ্ধ করে। হতভাগ্য বদলুর প্রতি তিন বৎসরের জন্ত কঠিন পরিশ্রমের সহিত কারাবাসের আদেশ হয়*। এইরূপে হতভাগ্য অবরুদ্ধগণ আপনাদের প্রতিচেষ্টাতেই হতাশ হইয়া পড়ে। মানুষ বিপত্তিকালে বারংবার হতাশ হইলেও তাহার আশা বিরাম হয় না। মরুভূ বিহারী, তুষার পথিক প্রতিমুহুর্তে স্নানার্থী মরীচিকার উদ্ভ্রান্ত হইলেও আবাব দূরে শ্রামল তৃণসমাচ্ছাদিত ভূখণ্ডের মধ্যবর্তী জলাশয় তাহার দৃষ্টি-পথবর্তী হয়। পথিক আবাব আগন্তুহৃদয়ে সেই জলাশয়ের অভিমুখে ধাবিত হইতে থাকে। সে যতই অগ্রসর হয়, জলাশয় তাহাকে প্রতারিত করিবার জন্যই যেন দূরে—অতিদূরে সরিয়া যাইতে থাকে। তথাপি হতভাগ্যের আশার নিবৃত্তি হয় না। হতভাগ্য অবরুদ্ধগণও বারংবার এলাহাবাদের দিকে দৃষ্টিপাত করিয়া সাহায্যকারী সৈন্তের প্রতীক্ষা করিতে লাগিল; কিন্তু এলাহাবাদ হইতে কেহই আসিল না; হতভাগ্যেরা একবার হতাশ হইয়াও আবাব আশাবিত্তহৃদয়ে সেই দিকে চাহিয়া রহিল। এদিকে

* জুলাই মাসে সেনাপতি হাভেলক কাণপুরে আসিলে সেকার্ড মাহেব মুক্তিলাভ করেন। বটপকাণ পনাতিলের খোদাবক্স নামক একজন জমাদার ইঙ্গরেজের পক্ষে ছিলেন। তিনিও বিপাকভর্ত্তক অবরুদ্ধ হন। হাভেলকের আগমনে তাহার মুক্তিলাভ হয়। খোদাবক্স শেষে ব্রিটিশ গবর্নমেন্ট কর্তৃক পুত্রকৃত হন।

তাহাদের খাদ্যসামগ্রী অন্ন হইয়া আসিল। এতদেদ্বীয়গণ তাহাদিগকে খাদ্যসামগ্রী দিবার জন্ত যথোচিত চেষ্টা করিয়াছিল। অবরোধকারী সিপাহীদিগের জন্ত তাহাদের চেষ্টা সর্বাংশে সফল হয় নাই। একজন রুটী-ওয়ালা একঝুড়ি রুটী লইয়া, প্রাচীরবেষ্টিত স্থানে যাইতেছিল। পথে সিপাহীগণ তাহাকে চিনিতে পারিয়া অবরুদ্ধ করিল। জহরী নামক আব-কারী বিভাগের একজন কর্মচারী স্বযোগক্রমে রুটী, ডিম, হুগ্ধ ও ঘৃত পাঠাইয়া দিতেছিল। ১৪ই জুন রাত্রিতে দ্রব্যবাহক পনর ব্যক্তি ধৃত হয়। ইহাদের মধ্যে দুইটি স্ত্রীলোক ছিল। হতভাগ্যেরা সিপাহীদিগের কামানের মুখে আত্মবিসর্জন করিল, তথাপি জহরীর নাম প্রকাশ করিল না*। বিশ্বস্ত এতদেদ্বীয়গণ পরের জন্ত এইরূপ অমানভাবে আত্মত্যাগ করিয়াছিল। এতদেদ্বীয় ভৃত্যেরা এই দুঃসময়ে আত্মজীবনে উপেক্ষা করিয়া ইউরোপীয়দিগের পার্শ্বে থাকিতেও পরাশ্রয় হয় নাই। প্রাচীরবেষ্টিত স্থানে ইহাদের অনেকের প্রাণ বিনষ্ট হয়। একদা একটি গোলায় তিন জন জীবনবিসর্জন করে। আর একজন প্রভুর জন্ত গৃহান্তরে খাদ্য সামগ্রী লইয়া যাইতেছিল, সহসা গুলির আঘাতে মৃত্যুমুখে পতিত হয়। একটি আয়া শিশুসন্তান ক্রোড়ে করিয়া রহিয়াছিল, সহসা কামানের গোলায় তাহার পদদ্বয় ভগ্ন হইয়া যায়। এইরূপ বিপদের সময়েও প্রভুভক্ত বিশ্বস্ত ভৃত্যগণ আপনাদের প্রভুদিগকে পরিত্যাগ করে নাই। অবরুদ্ধগণ এতদেদ্বীয়দিগের সাহায্যেও যখন খাদ্যদ্রব্য পাইল না, তখন নিদারুণ দুর্ভিক্ষে তাহাদের যাতনার একশেষ হইতে লাগিল। এ সময়ে যে কোন জীব তাহাদের দৃষ্টিগোচর হইত, তাহারা তাহারই মাংসে জঠরানলশান্তি করিতে সচেষ্ট হইত। একদা গ্রামের একটি কুকুর তাহাদের সম্মুখে আসিল, তাহারা অমনি উহা বধ করিয়া ঝোল প্রস্তুত করিল। এই অপূর্ণ ঝোল তাহারা আগ্রহের সহিত গ্রহণ করিতে লাগিল। অশ্বারোহীদের একটি বৃদ্ধ অশ্ব অল্প সময়ে

* Trevelyan Cawnpur, p. 173.

† Thomson Story of Cawnpur, p. 111.

তাহাদের খাদ্যের জন্ত সমানীত হইল। একদা একটি ধর্ম্মের ঝাঁড় চরিতে চরিতে তাহাদের প্রাচীরের নিকটে আসিল। তাহারা নিদারুণ ক্ষুধার কাতর হইয়া উহার পবিত্রতার মর্যাদারক্ষা করিল না। অবশ্য ঝাঁড় তাহাদের গুলিতে গতাস্থ হইল। তাহারা আপনাদের ঐ আদরণীয় খাদ্য প্রাচীরের অভ্যন্তরে আনিতে যত্নশীল হইল। আট দশজন দড়ী লইয়া প্রাচীরের বাহিরে আসিল এবং ঝাঁড়ের শৃঙ্গে ও পশ্চাচ্চাগের পদদ্বয়ে রজ্জ্ববদ্ধ করিয়া প্রাচীরের অভ্যন্তরে টানিয়া আনিল। সিপাহীদিগের গুলিতে কেহ কেহ আহত হইল, তথাপি কেহই পরম প্রীতিকর খাদ্য হস্তচ্যুত করিল না। অবরুদ্ধগণ এইরূপে যাহা নিকটে পাইতে লাগিল, তাহাই উদরসাৎ করিতে লাগিল। শেষে এইরূপ পণ্ড ও আর তাহাদের দৃষ্টিপথবর্তী হইল না। তাহারা প্রতিদিন যে পরিমাণে খাদ্য সামগ্রী পাইত, জুন মাসের শেষ সপ্তাহে প্রতিদিন তাহার অর্দ্ধাংশ করিয়া পাইতে লাগিল*। খাদ্যের অভাব অপেক্ষা জলের অভাবই তাহাদের নিরতিশয় কষ্টদায়ক হইয়া উঠিল। প্রাচীরবেষ্টিত স্থানে একটি মাত্র কূপ ছিল। কূপের ৬০৭০ ফীট নীচে জল পাওয়া যাইত। এই কূপও আক্রমণকারী সিপাহীদিগের লক্ষ্যভ্রষ্ট ছিল না। নিরন্তর গুলিবৃষ্টিতে কূপের দেয়াল নষ্ট হইয়া গিয়াছিল। যাহারা জল তুলিতে যাইত, সিপাহীরা তাহাদিগকেই লক্ষ্য করিয়া গোলাবৃষ্টি করিত। এইরূপে ভিস্তিগণ জীবনবিসর্জন করিতে লাগিল। গ্রীষ্মের নিদারুণ উত্তাপে জলের অভাবে সকলের অসহনীয় কষ্ট উপস্থিত হইল। অপেক্ষাকৃত সবল ব্যক্তিগণ নীরবে যাতনাতোগ করিতে লাগিল বটে, কিন্তু স্ত্রীলোক, শিশু সন্তান ও পীড়িতগণ স্থির থাকিতে পারিল না। তাহাদের হৃদয়বিদারক কাতরস্বরে সমগ্র সৈনিকনিবাস পরিপূর্ণ হইল। অনেকে মর্যাস্তিক যাতনায় উন্নত হইল। একটি মহিলা অনশনে ও পিপাসায় নিপীড়িত হইয়া, আপনার দুইটি শিশু সন্তান দুই বাহতে লইয়া, যে স্থানে নিরন্তর গুলিবৃষ্টি

* ধর্ম্মন আত্মসমর্পণের প্রস্তাব চলিতেছিল, তখন প্রতিদিন এইরূপ আবেগটা করিয়া থাইলেও খাদ্যত্রয়া চারি দিনের অধিক বাইবার সম্ভাবনা ছিল না। — *Story of Cawnpur*, p. 134.

হইতেছিল, সেইখানে উপস্থিত হইল। অভাগিনী অসহনীয় যন্ত্রণা হইতে নিষ্কৃতিলাভের জন্ত গুলির আঘাতে শিশু সন্তানের সহিত আত্মবিসর্জনে দ্বিপ্রতিজ্ঞ হইয়াছিল, কিন্তু একজন সৈনিক অভাগিনীকে আত্মহত্যা করিতে দিল না। অভাগিনী তীব্র যাতনানলে নিরন্তর বিদগ্ধ হইয়া, জীবনপরিত্যাগের জন্ত সেই স্থান হইতে অপসারিত হইল*। রাত্রিতেও কুপ হইতে জল তুলিবার সুবিধা ছিল না। জল তোলার শব্দ শুনিতেই আক্রমণকারিগণ সেই দিকে গোলাবৃষ্টি আরম্ভ করিত। ভিত্তিগণ যখন নিহত হইল, তখন জন্ ম্যাক্ফিলপ্ নামক একজন, সিবিল কর্মচারী জল তুলিবার ভার গ্রহণ করিলেন, কিন্তু এক সপ্তাহ অতীত হইতে না হইতে গুলির আঘাতে হতভাগ্য কর্মচারীর মৃত্যু হইল। তিনি বহুমূল্য পানীয় একজন মহিলাকে দিতে প্রতিশ্রুত হইয়াছিলেন, আসন্নকালেও প্রতিশ্রুতি পালনে তাঁহার ঔদাসীন্ধ্য রহিল না। তিনি কাতরস্বরে সেই তৃষ্ণার্তমহিলার জীবনরক্ষার জন্ত সেই অমূল্য পানীয় দিতে বলিষা অনন্ত নিদ্রায় অভিভূত হইলেন। এইরূপে খাদ্য ও পানীয়ের অভাবে প্রতিদিনই অবরুদ্ধদিগের জীবনীশক্তির হ্রাস হইতে লাগিল। শিশুসন্তানগুলি বিগুৰ্ম্ম মুখে জলের পুরাতন থলিয়া, আর্দ্র কান্‌বিশ্ বা চৰ্ম্ম চুষিতে লাগিল। একবিন্দু জলে বিগুৰ্ম্ম ওষ্ঠ আর্দ্র করিবার জন্ত উহারা ঐ সকল দ্রব্য মুখ হইতে সহজে বহিষ্কৃত করিল না। আত্মরক্ষাকারিগণ ঈদৃশ শোচনীয় দৃশ্যে অবসন্ন হইতে লাগিলেন। অনশনে, অনিদ্রায়, পানীয়ের অভাবে, শত্রুর নিরন্তর গোলাবৃষ্টিতেও তাহারা ধীরতারক্ষা করিতেছিলেন। কিন্তু প্রাণসম্মা প্রণয়িনী ও প্রাণাধিক শিশুসন্তানগুলির হৃদয়াপেক্ষা, তাঁহারা দ্বিপ্রথাকিতে পারিলেন না। তাঁহারা জামা ও মোজার অধিকাংশই আহতদিগের ক্ষতস্থান বান্ধিবার জন্ত দিয়াছিলেন। সুতরাং তাঁহাদের গাত্রচ্ছদ বা পদাবরণ অধিক ছিল না। এদিকে জলের অভাবে শিশুদিগের গাত্র মার্জিত হইত না। মহিলাদিগের পরিচ্ছদও পরিষ্কৃত করিবার সুবিধা ছিল না। খাদ্য ও পানীয়ের অভাবে যেকোন সকলে বিগুৰ্ম্ম ও কঙ্কালমায়ে

* *Martin, Indian Empire. Vol. II, p. 257.*

পর্যাবসিত হইতে লাগিল, পরিত্যক্ত পরিচ্ছদের অভাবে সেইরূপ সকলে পঙ্কিলভাবে পরিপূর্ণ হইয়া উঠিল। তাহাদের সৌন্দর্য্য, মাধুর্য্য সমস্তই হস্তহীত হইল। বিপক্ষেরা যখন সর্ববিষয়ে তাঁহাদের এইরূপ অভাবের বিষয় জানিতে পারিল, তখন তাহাদের পূর্বাপেক্ষা অধিকতর আশার সঞ্চার হইল। তাহারা উদ্দেশ্যসিদ্ধির বিষয়ে অসন্নিধ হইয়া, সুসময়ের প্রতীক্ষা করিতে লাগিল।

তিন সপ্তাহ এইরূপে অতিবাহিত হইল। তিন সপ্তাহের মধ্যে অবরুদ্ধগণ আত্মপক্ষের আড়াইশত ব্যক্তিকে পূরোক্ত কূপে সমাহিত করিলেন*। তিন সপ্তাহকাল তাঁহারা অসহনীয় কষ্ট অশ্রুতপূর্ব্ব যাতনাভোগ করিলেন। কোন স্থান হইতে তাঁহাদের সাহায্যজ্ঞ সৈন্ত আসিল না। এদিকে শত্রুর গোলাবৃষ্টিতে ও অতিসারপ্রভৃতি রোগে তাহাদের সংখ্যা অল্প হইল। তাঁহাদের কামান সকল অকর্ম্মণ্য হইয়া পড়িল। তাঁহাদের বারুদ, গোলা প্রভৃতি প্রায় নিশেষ হইয়া আসিল। তাঁহাদের খাদ্যদ্রব্যের একান্ত অভাব উপস্থিত হইল। অনশনে অধ্যুষিত স্থান রক্ষা করা অসম্ভব ছিল। স্ত্রীলোক, বালকবালিকা ও রুগ্ন ব্যক্তিদিগকে লইয়া, শত্রুর ব্যুহভেদ পূর্ব্বক স্থানান্তরে গমনেরও সুবিধা ছিল না। সুতরাং তাঁহারা সর্ববিষয়ে সর্বোপায়ে হতাশ হইয়া পড়িলেন। যখন তাঁহারা বিষমভাবে ও কাতরনয়নে আপনাদের অবস্থায় পরিতপ্ত হইতেছিলেন, তখন সহসা একটি খ্রীষ্টধর্ম্মাবলম্বিনী মহিলা মৃৎপ্রাচীরের সমীপবর্ত্তিনী হইল। একজন ইউরোপীয় শাস্ত্রী গুপ্তচর ভাবিয়া তাহাকে গুলি করিতে উদ্যত হইল। অমনি কাণ্ডের টমসন তাঁহাকে নিবারণ করিলেন। মহিলা নানা সাহেবের শিবির হইতে একখানি পত্র লইয়া তাঁহাদের নিকট উপস্থিত হইল†। পত্রে এই কয়েকটি কথা

* সিপাহীদিগের কষ্ট ব্যক্তি নিহত হইয়াছিল, তাহা হৃদয়ঙ্গমে নির্ণীত হয় নাই। টমসন টমসন লিখিয়াছেন, যখন তিনি পত্নার ঘাটে গমন করেন, তখন একজন বিপক্ষ সিপাহীকে এ বিষয়জিজ্ঞাসা করিয়াছিলেন। সিপাহী পূর্ব্বক তাঁহাদের বলে ছিল। গাণ্ডেবের জিজ্ঞাসায় সিপাহী কহিয়াছিল, তাহাদের ৮০০ হইতে ১০০০ লোক নিহত হইয়াছিল।—*Thomson Story of Cawnpur, p. 104.*

† কেহ কেহ এই মহিলাকে খ্রিস্টধর্ম্মনামক কাণপুরের একজন ধনী সাহেবের পত্নী খি খ্রিস্টধর্ম্মের বলিয়া নির্দেশ করিয়াছেন। কেহ কেহ বা বড়ীওয়ালা লেখক সাহেবের

লিখিত ছিল, “মহারাজী বিষ্টোরিয়ার প্রজাগণ সমীপে,—লর্ড ডালহৌসীর কার্যের সহিত বাহাদের কোন অংশে কোনরূপ সংশ্রব নাই এবং বাহাদের অস্বাদিপরিভ্যাগের ইচ্ছা আছে, তাহারা নিরাপদে এলাহাবাদে বাইতে পারিবেন।” পত্রখানি আজিম উল্লাহ হস্তলিখিত। উহাতে কাহারও স্বাক্ষর ছিল না, বুদ্ধ সেনাপতি পত্র পাইয়া, আত্মসমর্থনে অনিচ্ছা প্রকাশ করিলেন। নানা সাহেব বা তদীয় মন্ত্রী আজিম উল্লাহ উপর তাঁহার বিশ্বাস ছিল না। সুতরাং তিনি অস্ত্র পরিত্যাগপূর্বক মহিলাগণ ও বালকবালিকাধিগকে লইয়া বিপক্ষের নিকটে উপনীত হইতে সম্মত হইলেন না। অপেক্ষাকৃত তরুণবয়স্ক অফিসরেরাও অস্ত্রমকাল পর্যন্ত যুদ্ধ করিবার অভিপ্রায় প্রকাশ করিতে লাগিলেন। সেনাপতি, কাপ্তেন মুর ও হুইটিং নামক দুইজন সহযোগীর সহিত উপস্থিত বিষয়ে পরামর্শ করিলেন। ইহারা উভয়েই কহিলেন, যদি জ্রীলোক, শিশুসন্তান ও বহুসংখ্যক পীড়িত ব্যক্তি নিকটে না থাকিত, তাহা হইলে শেষ পর্যন্ত যুদ্ধ করাই শ্রেয়স্কর ছিল। কিন্তু যখন এই সকল অসহায় জীবের রক্ষার কোন উপায়ই নাই, তখন আত্মসমর্পণের প্রস্তাবে সম্মত হওয়াই উচিত। সুতরাং নানা সাহেবের নামে আজিম উল্লাহ হস্তে লিখিত যে প্রস্তাব উপস্থিত হইয়াছিল, তাহা অগ্রাহ হইল না। আগন্তুক মহিলা নানা সাহেবের শিবিরে উপনীত হইয়া, প্রকাশ করিল যে, সেনাপতি হুইলর ও তাঁহার প্রধান অফিসরেরা উপস্থিত বিষয়ে পরামর্শ করিয়া উত্তর দিবেন। এই সংবাদে সিপাহীরা ইউরোপীয়দিগের প্রতি গোলানিক্ষেপে নিরস্ত থাকিল। পরদিন (২২শে) প্রাতঃকালে আজিম উল্লাহ ও নানা সাহেবের অস্বারোহিদলের অধ্যক্ষ জোয়ালা প্রসাদ ইউরোপীয়দিগের মৃৎপ্রাচীরের নিকটবর্তী হইলেন। কান্টেন মুর, হুইটিং ও ডাকঘরের কর্মচারী রোডে সাহেব সমাগত দূতবৃন্দের সহিত সমস্ত বিষয় ঠিক করিবার জন্ত গমন করিলেন। অনন্তর উভয় পক্ষের সম্মতিক্রমে অবধারিত হইল যে, ইকরেজেরা তাঁহাদের প্রাচীরবেষ্টিত স্থান, তাঁহাদের কামান ও

পত্নী বলিয়াছেন। ইহারা উভয়েই নানা সাহেবের বন্দী হইয়াছিলেন। বিবি জেববি পাকীতে আসিয়াছিলেন।—*Trevilian, Cawnpur, p. 217,*

তাহাদের টাকাকড়ি, পরিত্যাগ করিবেন। তাঁহারা আপনাদের বন্ধু ও
অস্ত্র এবং প্রত্যেকে বাটবার গুলিনিক্ষেপের উপযোগী বাকুল ও টোট
লইয়া বাইতে পারিবেন। নানা সাহেব তাঁহাদিগকে নিরাপদে নদীতটে
লইয়া বাইবেন, যাঁটে তাহাদের জন্ত নৌকা প্রস্তুত থাকিবে এবং
তাঁহাদের আহারের জন্ত পর্যাপ্তপরিমাণে আটা দেওয়া হইবে। এই
সময়ে, আজিম উল্লা ও জোয়ালা প্রসাদের সঙ্গীদিগের কেহ কেহ কহিল,
“আমরা পাঁঠা ও তেড়াও দিব।” এই সকল প্রস্তাব কাগজে লিখিত ও আজিম
উল্লা হস্তে সমর্পিত হইল। আজিমউল্লা উহা নানা সাহেবের নিকটে লইয়া
গেলেন। অপরাহ্নে একজন সওয়ার ইঞ্জরেজদিগের নিকটে উপস্থিত হইয়া
কহিল, “মহারাজ নানা সাহেব সকল প্রস্তাবেই সন্মত হইয়াছেন, তাঁহার
আদেশে অদ্য রাত্রিতেই সকলকে প্রাচীরবেষ্টিত স্থানপরিত্যাগ করিতে
হইবে।”

বৃদ্ধ সেনাপতি আবার আপত্তিপ্রকাশ করিতে লাগিলেন। সেই
রাত্রিতে যাত্রা করা অসম্ভব বলিয়া, তিনি সন্ধিপত্র ফিরাইয়া দিলেন, এবং
কহিলেন যে, পরদিন প্রাতঃকাল ভিন্ন তাঁহারা কোন ক্রমে আপনাদের
স্থানপরিত্যাগ করিতে পারেন না। সওয়ার চলিয়া গেল। কিছুক্ষণ
পরে ফিরিয়া আসিয়া কহিল, “ইঞ্জরেজদিগের বর্তমান অবস্থা মহারাজ
ধৃদ্ধপন্থ নানা সাহেবের অবিদিত নাই। মহারাজ যদি আবার গোলাবৃষ্টি
আরম্ভ করেন, তাহা হইলে সকলকেই মৃত্যুমুখে পতিত হইতে হইবে।”
কিন্তু ইঞ্জরেজেরা এই ভয়প্রদর্শনে বিচলিত হইলেন না। তাঁহারা দৃঢ়তার
সহিত অখারোহীকে কহিলেন, “আমরা অটলভাবে বীরশয্যায় শয়ন করিব,
তথাপি এই রাত্রিতে স্থানপরিত্যাগ করিব না।” অখারোহী প্রতিগমন
করিল। কিয়ৎকাল পরে আবার প্রত্যাবৃত্ত হইয়া কহিল, নানা সাহেব
তাঁহাদের কথায় সন্মত হইয়াছেন। পরদিন প্রাতঃকালে সকলকে এলাহা-
বাদে যাত্রার জন্ত প্রস্তুত থাকিতে হইবে। বিপদের শিবির হইতে তিন
ব্যক্তি আসিয়া প্রতিভূস্বরূপ সেই রাত্রিতে ইঞ্জরেজদের নিকটে রহিল।
ইহাদের মধ্যে জোয়ালা প্রসাদ ছিলেন। তিনি মুখে বৃদ্ধ সেনাপতির
নিকটে বিশিষ্ট সৌজন্দের পরিচয় দিলেন। দীর্ঘকাল সিপাহীদিগের মধ্যে

পাকিয়াও যে, সেনাপতিকে শেষ দশায় সেই অধীন সিপাহীদিগেরই হস্তে নিগৃহীত ও নিপীড়িত হইতে হইল, তজ্জন্ত তিনি দুঃখপ্রকাশ করিতেও বিমুখ হইলেন না। স্বর্গ্য অন্তগত হইবার প্রাকালে ইকরেজেরা আপনাদের কামানসমূহ বিগন্ধের হস্তে সমর্পণ করিলেন। বিগন্ধের কতিপয় গোলন্দাজ সৈনিক সমস্ত রাত্রি সেই কামানের পার্শ্বে দণ্ডায়মান রহিল। মোকো সকল প্রস্তুত রহিয়াছে কি না, দেখিবার জন্ত ইকরেজপক্ষের তিনটি সৈনিক পুরুষ হাতীতে চড়িয়া গঙ্গার ঘাটে গমন করিলেন। কতিপয় সওয়ার তাঁহাদিগকে ঘাটে লইয়া গেল। তাঁহারা ঘাটে গিয়া, প্রায় চল্লিশখানি মোকো দেখিতে পাইলেন। কোন কোন নৌকার ছই প্রস্তুত ছিল। কোন খানির ছই প্রস্তুত হইতেছিল। খাদ্যদ্রব্যসংগ্রহেরও আরোজন হইতেছিল। ইহা দেখিয়া সৈনিক পুরুষত্রয়ের মনে কোনরূপ সন্দেহের আবির্ভাব হইল না*। সমস্তব্যাহারী অঝোরোহীরাও তাহাদের কোনরূপ অনিষ্ট করিল না। তাহারা অক্ষতশরীরে ও অসনিগ্ধভাবে আপনাদের প্রাচীরবেষ্টিত স্থানে প্রত্যাবৃত্ত হইলেন। টড্‌নামক একজন ইকরেজ নানা সাহেবকে ইংরেজকী শিক্ষা দিতেন। তিনি সন্ধিপত্র লইয়া নানার স্বাক্ষরের জন্ত সবেদা কুটাতে গেলেন। নানা আপনার শিক্ষাগুরুর বখোচিত আদর ও অভ্যর্থনা করিলেন। তাঁহার সৌজন্দের কোনও ক্রটি লক্ষিত হইল না। তিনি সন্ধিপত্র স্বাক্ষরিত করিয়া শিক্ষাগুরুর হস্তে সমর্পণ করিলেন।

* ইঁহার বখন ঘাটে উপনীত হইলেন, তখন ইঁহাদের এতদেদীয় ভৃত্যেরা বিবস্ত্রতার পরিচয় দিতে বিমুখ হইল নাই। বটপকাশ পরাতিগলের অধিনায়ক কর্ণেল উইলিয়মসের ভৃত্য করেকটি আত্মর লইয়া ইঁহাদের নিকট উপনীত হইল এবং আগ্রহসহকারে প্রভুর বৃন্দ-জিজ্ঞাসা করে। অধিনায়কের মৃত্যু হইয়াছিল। তবীর পত্নী জীবিত ছিলেন। ২৭শে জুন মধ্য ইউরোপেরেরা এলাহাবাদে বাইবার জন্ত গঙ্গার ঘাটে উপনীত হইলেন, তখন এই বিবস্ত্র ভৃত্য আপনাকে প্রভুপত্নীর নিকটে লইয়া বাইবার জন্ত বটপকাশ দলের হাখিলার আনন্দদীনকে অনুরোধ করে। আনন্দদীন ইকরেজের বিপক্ষদলে মিশিয়াছিল; এবং কৃত্যকে কহিল, সে আর অধিনায়কের পত্নীকে মুখ দেখাইতে পারে না; ইহা কহিয়া চারি জন সিপাহী দ্বারা ভৃত্যকে তাহার প্রভুপত্নীর নিকটে পাঠাইয়া দিল। ভৃত্যেরা অনিবার্য বটনার বাধ্য হইয়া, প্রভুদিগকে পরিত্যাগ করিলেও প্রভুভক্তি হইতে বিচ্যুত হয় নাই।—*Trevelyan, Cawnpur, p. 237-238.*

টড্ সাহেব নানার শিষ্টতার পরিতুষ্ট হইয়া, প্রাচীরবেষ্টিত স্থানে প্রত্যাহৃত হইলেন।

২৭ শে জুন প্রত্যুষে প্রাচীরবেষ্টিত স্থানের ইউরোপীয়েরা এলাহাবাদে যাত্রার জন্ত প্রস্তুত হইতে লাগিলেন। আপনারা অচিরাত্ম মুক্তিলাভ করিবেন, ভাবিয়া, সকলেই আশুভকালে প্রবাসাদির সংগ্রহে তৎপর হইলেন। কেহ কেহ মূল্যবান অলঙ্কারের বস্ত্র গোপনীয় স্থান হইতে বাহির করিলেন। কেই কেহ শাস্তিদায়ক ধর্মগ্রন্থ সঙ্গে লইলেন। কেহ কেহ আপনাদের চিরসইচর পিন্ডল ও বন্দুক লইয়া, বাহিরে আসিলেন। ইহাদের বিবাদ-মলিন মুখমণ্ডল আবার অভিনব আশায় প্রফুল্ল হইল। ইহারা ধীরে ধীরে একে একে আপনাদের দুঃসহ দুঃখের সাক্ষীভূত ও আপনাদের শোচনীয় অবস্থার নিদর্শনজ্ঞাপক স্থানের নিকটে বিদায়গ্রহণ করিলেন। ইহারা যাতনায় অবসন্ন, অনাহারে শীর্ণ ও দুশ্চিন্তায় মলিন হইয়াছিলেন। সৌন্দর্য-শালিনী মহিলাদিগের সৌন্দর্য্য বিনষ্ট হইয়াছিল। যুবতীর যৌবনলক্ষ্য অস্তিত্বান করিয়াছিল। বালকবালিকার কুসুমকোমল কলেবর কঙ্কাল-মাত্রে পর্য্যবসিত হইয়া গিয়াছিল। সকলের ললাটে গভীর বিবাদের রেখাপাত হইয়াছিল। সকলের মুখমণ্ডলই বিষম অন্তর্দাহে বিভক্ত হইয়া গিয়াছিল, এবং সকলের অপরিষ্কৃত ও ছিন্ন পরিচ্ছদই নিরতিশয় শোচনীয় দশার পরিচয় দিতেছিল। ইহাদিগকে গন্ধার ঘাটে লইয়া বাইবার জন্ত হাতী ও পাকী প্রস্তুত ছিল। মহিলাগণ ও বালকবালিকাদিগের অনেককে গরুর গাড়ী বা হাতীতে এবং রুগ্ন ও আহতদিগকে পাকীতে তুলিয়া দেওয়া হইল। সমগ্র ইউরোপীয়গণ কটিদেশে পিন্ডল ও স্বল্পদেশে বন্দুক লইয়া ধীরপদবিক্ষেপে অগ্রসর হইতে লাগিলেন। ধীরে ধীরে একে একে এইরূপে সর্বসমেত প্রায় ৪৫০ জন ইউরোপীয় তীরাভিমুখে গমন করিলেন*। নগরের অধিবাসিরা ইহাদিগকে দেখিবার জন্ত দলে দলে আসিতে লাগিল। ইহাদের বিশীর্ণ দেহ, ইহাদের মলিন পরিচ্ছদ, ও ইহাদের বিষন্নভাব দেখিয়া, তাহাদের অনেকে দুঃখপ্রকাশ করিতে লাগিল। অনেকে বিষ্ময়ে অভিভূত হইল, এবং

* Trotter, British Empire in India, Vol. II. p. 142.

অনেকে আপনাদের পূর্বাপেক্ষা অধিকতর ভয়ঙ্কর ভাবের পরিচর দিবার সুযোগপ্রতীক্ষা করিতে লাগিল। বর্ষীয়ান সেনাপতি জী ও কস্তাগনের সহিত পদব্রজে নদীতটে উপনীত হইলেন*।

গদার সতীচৌর ঘাটে নৌকা প্রস্তুত ছিল। এই ঘাট ইকরেজদিগের প্রাচীরবেষ্টিত স্থানের এক মাইল দূরবর্তী ও উত্তরপশ্চিম দিকে অবস্থিত। ঘাটের নিকটে হরদেবের একটি মন্দির ছিল। নিকটবর্তী সতীচৌর পল্লীর নামানুসারে ঘাট উক্ত নামে প্রসিদ্ধ হইয়াছিল। ঘাটে যাইবার পথে একটি শ্বেতবর্ণ কাষ্ঠময় সেতু ছিল। ইউরোপীয়েরা এই সেতু দিয়া ঘাটের দিকে অগ্রসর হইতে লাগিলেন। সিপাহীরা নিকটে আসিয়া তাঁহাদিগকে অনেক কথাজিজ্ঞাসা করিতে লাগিল। তাহারা এক সময়ে যে সকল অধিনায়কের আদেশানুসারে পরিচালিত হইত, তাঁহাদের মৃত্যুসংবাদ শুনিয়া হৃৎপ্রকাশ করিতেও ক্রটি করিল না। কথিত আছে, একজন আহত সেনানায়ক সকলের শেষে পাকীতে যাইতেছিলেন, তাঁহার প্রিয়তমা বনিতা পদব্রজে তাঁহার পার্শ্বে পার্শ্বে গমন করিতেছিলেন। কতিপয় উত্তেজিত সিপাহী তাঁহাদিগকে এইরূপ অসহায় দেখিয়া, পাকীবাহকদিগের গতিরোধ করিল। বাহকেরা তাহাদের কথায় পাকী নামাইল। অমনি তাহারা আপনাদের অধিনায়ককে নিহত করিল। কর্ণেলের বনিতাও তাহাদের অজ্ঞাবাগে মৃতস্বামীর পার্শ্বে দেহত্যাগ করিলেন।

* ক্যাপ্টেন টমসন লিখিয়াছেন, সেনাপতি আক্সপরিবারবর্গের সহিত পদব্রজে গিয়াছিলেন (*Thomson, Story of Cawnpur, p. 104.*) অন্তমতানুসারে সেনাপতির জীও দুহিতারা নানা সাহেবের হাতীতে (নানা, বুদ্ধ সেনাপতিকে লইয়া যাইবার জন্য এই হাতী পাঠাইয়াছিলেন) গিয়াছিলেন। সেনাপতি স্বয়ং পাকীতে নদীতটে উপনীত হইয়াছিলেন। জলের ধারে আসিয়া সেনাপতি বেহারাদিগকে কহিলেন “আমাকে নৌকার দিকে আর একটু দূর লইয়া যাও।” একজন সোয়ার তাঁহাকে বলিল “না। এইখানে পাকী হইতে বাহির হও।” সেনাপতি যেমন বাহির হইলেন, অমনি সোয়ার তাঁহার মলমলেশে অসির আঘাত করিল। সেনাপতি জলে পতিত হইলেন (*Trevelyan, Cawnpur, p. 247*). এইরূপ পরস্পরবিরোধী কথা হইতে সত্যের নির্ধারণ বড় সহজ নহে।—*Kaye Sepoy War, Vol. II. 337, note.*

উপস্থিত সময়ে ভাগীরথী জল সঙ্কীর্ণা ছিল। বর্ষার জল না হওয়াতে স্থানে-স্থানে চড়া আগিয়াছিল। এদিকে নৌকার উঠিবার সিঁড়ী ছিল না। চড়ার জন্য নৌকাও তটদেশের সহিত সংলগ্ন ছিল না। জলবুদ্ধি না হওয়াতে তটভূমিও অতি উচ্চ ছিল। ইউরোপীয়েরা হাঁটু জলে দাঁড়াইয়া মহিলা, বালকবালিকা, রোগাতুর ও আহতদিগকে নৌকার তুলিতে লাগিলেন। বেলা নয়টার মধ্যে প্রায় সকলেই নৌকায় উঠিল। তটদেশে অনেক লোক সমাগত হইয়াছিল। তাঁতিয়া তোপী তটদেশবর্তী দেব-মন্দিরের সম্মুখে অবস্থিতি করিতেছিলেন। আজিম উল্লা টাকাসিংহ প্রভৃতিও ঐ স্থানে ছিলেন। অঝারোহী সৈনিকেরা তটদেশে আপনাদের অশ্বে অধিষ্ঠিত ছিল। পদাতিক ও গোলন্দাজ সৈনিকেরাও ঐ স্থানে রহিয়াছিল। ইহারা দীর্ঘকাল নিশ্চেষ্ট ভাবে রহিল না। ভেরী বাজিয়া উঠিল। পবিত্রসলিলা জাহ্নবীতে অবিলম্বে ভীষণ সংহারকাণ্ডের অমুষ্ঠান হইল।

নৌকারূপে ইউরোপীয়েরা ভেরীধ্বনিতে চমকিত হইলেন। দেখিতে দেখিতে তাহাদের উপর গুলিবৃষ্টি হইতে লাগিল। এ দিকে ভেরী বাজিয়া উঠিলেই, নৌকার মাঝি মাল্লারা নৌকা হইতে লক্ষ দিয়া উর্দ্ধ্বাশে তীরা-ভিমুখে ধাবিত হইল। পূর্ব সন্ধেত অমুসারে তাহাদের কেহ কেহ প্রজলিত অঙ্গার নৌকার তৃণচ্ছাদিত ছইয়ের মধ্যে গুঁজিয়া দিতে ক্রটি করিল না। অবিলম্বে নৌকার ছই জলিয়া উঠিল। কথিত আছে, তাঁতিয়া তোপীর আদেশে কয়েকটি কামান নদীতটে আনীত হইয়াছিল। এখন ঐ সকল কামান হইতে গোলায় পর গোলাবৃষ্টি হইতে লাগিল। রণ ও আহত ব্যক্তি এবং বালকবালিকাগণের অনেকে প্রজলিত অনলে বিদগ্ধ হইল। মহিলারা প্রাণাধিক সন্তান গুলিকে বুকে লইয়া নদীর জলে ঝাঁপ দিল। কিন্তু অভাগিনীরা পরিত্রাণ পাইল না। অঝারোহিণ জলমধ্যে অশ্রু পরিচালিত করিয়া তাহাদের অনেককে নিহত করিল। জাহ্নবীর পবিত্র জল নিঃসংহার নির্দোষ ও নিরীহ জীবের শোণিতে রঞ্জিত হইয়া উঠিল। বাহারা দৌড়িয়া তটদেশে উপনীত হইল, তাহাদের কেহ কেহ পদাতির সজ্জন প্রাণত্যাগ করিল। কেহ কেহ অবরুদ্ধ হইল। এই শোচনীয় হত্যাকাণ্ডে উত্তেজিত

সিপাহীদিগের হৃদয়ে দয়ার উদ্রেক হইল না। অশ্রুতিগর সেনাপতিকে দেখিয়া তাহারা বিচলিত হইল না। অসহায় মহিলাদিগের হৃদয় তাহারা কাতর হইয়া পড়িল না, বা মাতার বক্ষঃস্থলস্থিত নিরীহ শিশুর বিষম ভাবেও তাহারা করুণাপ্রকাশ করিল না। যোব্রতর দিখাসঘাতকতার শাস্তিদারিনী স্বল্পবৃদ্ধীর পবিত্র সলিলে অবাধে কোমলাঙ্গী কামিনীর ও কোমলপ্রাণ শিশুদিগের শোণিতপাত হইল। হিতৈষিণী অবলা অপরের প্রাণরক্ষার জন্য আত্মবিসর্জনেও কাতর হইল না। একটি নীচজাতীয়া দরিদ্রা হিন্দু-রমণীর প্রতি দুই বৎসরের একটি ফিরিদী সন্তানের রক্ষার ভার ছিল। সন্তানের মাতা পিতা, উভয়েই অবরোধের সময়ে নিহত হইয়াছিল, কেবল এই দরিদ্রা স্ত্রীই শিশুর একমাত্র অভিভাবক ছিল; হুঃখিনী ধাত্রী শিশুটির জন্মাবধি প্রতিপালন করিয়া আসিতেছিল স্মরণ্য তাহাকে সে প্রাণের অপেক্ষা অধিক ভাল বাসিত। পিতৃহীন ও মাতৃহীন হুঃখী সন্তান, কেবল এই হুঃখিনী নারীর অন্তঃকরণেই রক্ষিত হইতেছিল।

ফিরিদী সন্তানের প্রতিপালিকা ধাত্রী শিশুটিকে জোড়ে করিয়া, আপনার পঞ্চদশ বৎসরবয়স্ক পুত্রকে সঙ্গে লইয়া, নৌকায় আরোহণ করিয়াছিল। সে উপস্থিত বিপদ হইতে রক্ষা পাইবার জন্য শিশু সন্তানটিকে বক্ষঃস্থলে চাপিয়া রাখিয়া, পুত্রের সহিত নৌকা হইতে নামিল, এবং সবগে তীরাভিমুখে অগ্রসর হইতে লাগিল। ভীষণ কামানধ্বনি ও কুতাস্তসহচর সিপাহীদিগের কলরবমধ্যে অসহায় রমণী দুইটি সন্তান লইয়া প্রাণভয়ে তটদেশ লক্ষ্য করিয়া দৌড়িতে আরম্ভ করিল, কিন্তু হুঃখিনী পরিজ্ঞাপ পাইল না। তীরে সিপাহীগণ নিকোষিত অসিহস্তে দণ্ডায়মান ছিল। ধাত্রী যেই তটদেশে উপনীত হইয়াছে, অমনি তাহাদের একজন দক্ষিণ হস্তে অসি উত্তোলন করিয়া, ফিরিদীসন্তানকে ধরিবার জন্য বাম হস্ত প্রসারণ করিল। স্নেহময়ী নারী নরঘাতকের হস্তে শিশুটিকে সমর্পণ করিল না, নিজের অজ্ঞানদান দ্বারা তাহাকে দৃঢ়রূপে জড়াইয়া, বাহ-বেশমধ্যে চাপিয়া রাখিল।

সিপাহী অসির আকালন করিয়া, তীব্রভাবে কহিল, “বালকটিকে হাতে দাঁড়া। তোমার শরীর অক্ষত থাকিবে।”

তেজস্বিনী খাত্তী গভীরস্বরে উত্তর করিল, “আমি কখনই আমার সন্তানকে তোমার হাতে দিব না। দৈবের করুণা স্মরণ করিয়া আমাকে উত্তরের প্রতি দয়াপ্রদর্শন কর।”

“বালককে সমর্পণ না করিলে দয়ার প্রত্যাশা নাই।” সিপাহী সরোবে ইহা কহিয়া, পুনরায় হস্তপ্রসারণ করিল। কিন্তু খাত্তী দৃঢ়রূপে জড়াইয়া ধরিয়া ছিল, ছাড়িয়া দিল না।

খাত্তীর পঞ্চদশবর্ষীয় পুত্র নিকটে ছিল। সে কাতরস্বরে কহিল, “না! শিশুটিকে দিয়া আপনার প্রাণরক্ষা কর।”

পুত্রের কাতর প্রার্থনার দয়াবতী রমণী আপনার প্রতিজ্ঞা হইতে স্থলিত হইল না; নির্ভয়ে অটলসাহসে উত্তর করিল, “না, তাহা কখনই হইবে না।”

এই কথা বলিবামাত্র বাতকের উত্তোলিত অসি, সবেগে তাহার মস্তকে নিপতিত হইল, দারুণ আঘাতে মস্তক বিদীর্ণ হইয়া গেল। খাত্তী অচেতন্ত হইয়া ধরাশায়িনী হইল। আর তাহার চৈতন্ত হইল না। অভাগিনী অবলা অনাথ শিশুর জন্ত নীরবে, ধীরভাবে প্রাণবিসর্জন করিল।

সিপাহী ফিরিঙ্গীশিশুটিকে বধ করিল। এক মাত্র খাত্তীপুত্রের প্রাণ রক্ষা পাইল। সিপাহী তাহার প্রতি কোন অত্যাচার করিল না।

এই ঘটনার চারি বৎসর পরে পুর্কোজ খাত্তীর পুত্র অযোধ্যার উপনীত হয়। জননীর মৃত্যুর কথা উত্থাপিত হইলে, সে কহিত, “মা আমার কথা শুনিলে প্রাণরক্ষা করিতে পারিতেন, ফিরিঙ্গী শিশুকে বাঁচাইতে যাইরা, উভয়েই হত হইলেন।

কথিত আছে, ইকরেজেরা আত্মরক্ষার স্থান পরিত্যাগ করিলে কতকগুলি লোক মূল্যবান্ দ্রব্যাদি পাইবার আশায় ঐ স্থানে গমন করে। কিন্তু তাহাদের আশা ফলবতী হয় নাই। একজন উদ্ভ্রপরিচালক সর্বপ্রথম বাইল তিনটি অকর্ণাখ্য শিশুর কামান, দুইটি স্বতের বোতল ও কিছু বরফ দেখিতে পায়। এতদ্ব্যতীত এগার জন লোক তাহার দৃষ্টিগতবর্তী হয়। হতভাগ্যেরা লেপের উপর শয়ান ছিল। অনেকের তখনও নিদ্রান বহিতেছিল।

কিন্তু কাহারও বাঁচিবার আশা ছিল না। ইউরোপীয়েরা ইহাদের কাহাকেও সঙ্গে লইয়া যায় নাই।

নদীতটে যখন ভীষণ কাণ্ডের অনুষ্ঠান হইতেছিল, তখন সৈনিক নিবাসের প্রশস্ত ক্ষেত্রস্থিত পটবাসে, নানা সাহেব অবস্থিতি করিতেছিলেন। তিনি দূরে কামান ও বন্দুকের শব্দ শুনিয়া বোধ হয় ব্যস্তাছিলেন, যে তাঁহার পারিষদবর্গ আবার ভয়ঙ্কর কার্যসাধনে প্রবৃত্ত হইয়াছে। এখন দৃষ্টিস্তায় তাহার লগাটরেখা আকৃষ্ট হইল। তিনি চিন্তাকুলহৃদয়ে পদচারণা করিতে লাগিলেন। এমন সময় একজন সওয়ারীর তীরবেগে আসিয়া সতীচৌর ঘাটের সংবাদ দিল। নানা সাহেব দীর্ঘ নিশ্বাস পরিত্যাগ করিলেন। নরনারীর হত্যার সংবাদে তাঁহার হৃদয় অবসন্ন হইল। মনোবাতনাব্যঞ্জক বিষম ভাব তাঁহার মুখমণ্ডলে প্রকাশ পাইল। তিনি ভাবিলেন, হতভাগ্যেরা জীবিত থাকিলে, তাঁহার পক্ষে বিস্তার সুবিধা হইত। যাহা হউক হত্যাকাণ্ড বন্ধ করিতে তাঁহার ইচ্ছা হইল। তিনি সমাগত সংবাদবাহক দ্বারা ঘটনাশ্রুতে এই আদেশ পাঠাইলেন যে, অবিলম্বে হত্যাকাণ্ড বন্ধ করিয়া, হতাবশিষ্টদিগকে অবরুদ্ধ করিয়া রাখা হয়। আদেশ প্রতিপালিত হইল। অনুমান ১২৫ জন অবরুদ্ধ হইয়া, যে পথে নদীতটে আসিয়াছিল, আবার সেই পথেই নগরে চলিয়া গেল। ইহাদের অনেকে আহত হইয়াছিল। জলমগ্ন হওয়াতে অনেকের বস্ত্র আর্দ্র হইয়া গিয়াছিল। অনেকের দেহ নদীকর্মে অবলিষ্ট হইয়া পড়িয়াছিল। ইহারা যখন কাণ-খুরের কারাগারে যাইতেছিল, তখন বোধ হয়, শীঘ্র শীঘ্র নিহত সহযাত্রীদিগের অনুগামী হইল না বলিয়া, আপনাদিগকে ধিকার দিতেছিল।

ভাতীয়া ভোগী ইঞ্জরেজদিগের আত্মসমর্পণ ও হত্যার সম্বন্ধে উল্লেখ করিয়াছেন—“ইতঃপূর্বে একটি জীলোক নানা সাহেবের বন্দী হইয়াছিল। নানা সাহেব ইহার দ্বারা সেনাপতি হইলার নিকটে এই বলিয়া এক খানি পত্র লিখিয়া পাঠান যে, সিপাহীরা তাঁহার আদেশপালন করেন না। সেনাপতি যদি ইচ্ছা করেন, তাহা হইলে, তিনি তাঁহাকে ও প্রাচীর-বেষ্টিত স্থানের ইউরোপীয়দিগকে নৌকায় এলাহাবাদে পাঠাইতে পারেন।

ত ইহাতে সশস্ত্র হইলেন, এবং সেই দিন অপরাহ্নে নানা সাহেবের নিকটে
 খিবার জন্ত এক লক্ষ টাকা পাঠাইয়া দেন। পর দিন আমি চল্লিশ
 নি নৌকাসংগ্রহ করি, এবং সাহেব, বিবি ও শিশুসন্তানগুলিকে নৌকায়
 লইয়া, সকলকে এলাহাবাদে রওনা করিয়া দিই। এই সময়ে সমগ্র
 আরোহী, পদাতি ও গোলন্দাজসৈন্য নদীতটে উপনীত হয়। সিপাহীরা
 দু দিয়া জলে নামিয়া, সাহেব বিবি, বালকবালিকা, সকলকেই বধ করিতে
 কে। তাহারা আগুন লাগাইয়া উনচল্লিশখানি নৌকা নষ্ট করে। এক-
 নি মাত্র রক্ষা পাইয়া কালোকাঁকুড় পর্যন্ত যায়। শেষে ঐ নৌকাও
 পুরে ফিরাইয়া আনা হয়। ঐ নৌকার আরোহীরা মৃত্যুমুখে পতিত
 । ইহাচারি দিন পরে নানা সাহেব মাতৃশ্রদ্ধ উপলক্ষে বিচূরে গমন
 ন।” উপস্থিত বিষয়ের সত্যতানিরূপণ জন্ত অনেকের সাক্ষ্যগ্রহণ করা
 । একজন কহে, “তাঁতিয়া তোপী আমার সাক্ষাতে সকলের হত্যার জন্ত
 পতি টাকা সিংহকে আদেশ করেন।” আর একজন বলে, “আমি
 তিয়া তোপীর নিকটে লুকাইয়া ছিলাম। তাঁতিয়া তোপী ইউরোপীয়-
 র হত্যার জন্ত সওয়ার পাঠাইতে দ্বিতীয় অঝারোহীদলের সুরবেদার
 পতি টাকা সিংহের প্রতি আদেশ দিয়াছিলেন।” তৃতীয় ব্যক্তি নির্দেশ
 “নানা সাহেবের আদেশে তাঁতিয়া তোপী হত্যাকাণ্ড সম্পন্ন করিয়া-
 ন।” এই সকল কথায় সিপাহীযুদ্ধের ইতিহাসলেখক কে সাহেব
 তিয়া তোপীকেই দোষী গির করিয়াছেন*। তাঁতিয়া তোপী দোষী
 ত পারেন, আজিম উল্লা বা টাকা সিংহ এই ব্যাপারে লিপ্ত থাকিতে
 ন। ইহারা নানা সাহেবের নামেই সমস্ত কার্য্য করিতেছিলেন।
 হতু, তখন সকল বিষয়ই নানা সাহেবের আদেশে সম্পন্ন হইতেছে বলিয়া
 ব্রত হইত। নানা সাহেব যে, তখন সিপাহীদিগের আয়ত্ত ছিলেন,
 তাঁতিয়া তোপীর কথাতেই প্রতিপন্ন হইয়াছে।

দিকে ঘটনা ক্রমে একখানি নৌকায় আগুন লাগে নাই। ঐ নৌকাও

তত ভারী ছিল না। স্বতরাং উহা চড়ায় লাগিলে আরোহীরা প্রাণপণে কাঁধ দিয়া ঠেলিয়া ভাসাইয়া দিতে সমর্থ হইয়াছিল। ঐ নৌকার কাপ্তেন টম্পসন, মুর, ডিলাকোসি প্রভৃতি বীর পুরুষেরা ছিলেন। ইহারা প্রাচীর বেষ্টিত স্থানরক্ষার জন্য যথোচিত সাহস ও পরাক্রম দেখাইয়াছিলেন, এখন আপনাদের অধিষ্ঠিত তরী রক্ষা করিতেও সেইরূপ সাহস ও পরাক্রম দেখাইতে উদ্যত হইলেন। সিপাহীরা তটদেশ হইতে অবিশ্রান্তভাবে গুলিবৃষ্টি করিতে লাগিল। কাপ্তেন মুর ও তৎসহযাত্রীদিগের কেহ কেহ গুলির আঘাতে প্রাণত্যাগ করিলেন। অনেকে আহত হইল। নিহত ও আহতগণ নৌকার তলদেশে পড়িয়া রহিল। আরোহীরা শবরাশি টানিয়া বাহির করিতে লাগিল, এদিকে নৌকার কোন খাদ্যদ্রব্য ছিল না। এ সময়ে গঙ্গার জলমাত্র তাঁহাদের উদরপূর্ত্তি ও তৃষ্ণানিবারণের অস্থিতীয় অবলম্ব হইল। ক্রমে দিবাবসান হইতে লাগিল। পশ্চাদ্ধাবিত আক্রমণকারীরাও পরিশ্রান্ত হইয়া পড়িল, কিন্তু ইহাতেও আরোহীদিগের কষ্ট বা বিপদের অবসান হইল না। নৌকার হাল বা দাঁড় ছিল না। মাঝি বা মাল্লায়া উপস্থিত ছিল না। কর্ণধার ও ফেপণীক্ষেপকের অভাবে, নৌকা কখন কখন স্রোতো-বেগে ভাসিয়া যাইতে লাগিল। কখন কখন চড়ায় লাগিয়া রহিল। যে স্থানে চড়ায় আবদ্ধ হইতে লাগিল, সেই স্থানেই আরোহীরা আবার উহা ভাসাইয়া দিতে প্রাণপণে পরিশ্রম করিতে লাগিল। মানুষ চিরদিনই অবস্থার দাস; যে যখন যে অবস্থায় পতিত হয়, তখন আপনাদের মঙ্গলের জন্য সেই অবস্থানুসারে বিষয়েরই কামনা করিয়া থাকে। আরোহীরা যখন কাণপুরের মৃৎপ্রাচীরের সম্মুখে থাকিয়া আত্মরক্ষা করিতেছিল, তখন তাহারা তপনের প্রচণ্ড তাপে নদীভূত হইলেও বৃষ্টির কামনা করে নাই। যে হেতু, বৃষ্টি হইলেই তাহাদের আত্মরক্ষার অবলম্বন মৃৎপ্রাচীর প্রক্ষালিত হইয়া যাইত। অবরোধকারীরা ঐ সুযোগে তাহাদের সর্পনাশসাধন করিত। কিন্তু এখন তাহারা নৌকা থাকিয়া প্রতিনিহই বৃষ্টির কামনা করিতে লাগিল। যে সকল চড়া ত্যাগ-দিগকে নিরস্তর কষ্ট দিতেছিল, নিরস্তর তাঁহাদের নৌকা আবদ্ধ করিয়া রাখিতেছিল, বৃষ্টি হইলে সেই সকল চড়া ভুবিয়া যাইত। গঙ্গার স্রোতও অপেক্ষাকৃত প্রবল হইত এবং তাহাদের অধিষ্ঠিত তরী পূর্বাপেক্ষা অধিকতর

প্রবল বেগে অগ্রসর হইতে থাকিত । কিন্তু প্রথম দিন হতভাগা আরোহীদিগের কামনা পূর্ণ হইল না । তাহাদিগকে চড়া ঠেলিয়াই যাইতে হইল । এদিকে নদীর উভয় তটে উত্তেজিত জনসাধারণ তাহাদের শোচনীয় অবস্থা অধিকতর শোচনীয় করিবার চেষ্টা করিতে লাগিল । দ্বিতীয় দিন অর্থাৎ ২৮ শে জুন কাণপুরের নিকটবর্তী নজফগড় নামক স্থানে আরোহীদিগের নৌকা আবার চড়ায় লাগিয়া গেল । আবার আরোহীদিগের প্রতি গুলিদ্রুটি হইতে লাগিল । একটি কামান নদীতটে স্থাপিত হইল । কিন্তু এই সময়ে এরূপ প্রবল বেগে বৃষ্টি হইতে লাগিল যে, বিপক্ষেরা গোলাবৃষ্টি করিতে সমর্থ হইল না । সূর্যাস্ত সময়ে কাণপুর হইতে ৫০ । ৬০ জন সশস্ত্র সিপাহী একখানি নৌকায় চড়িয়া নৌকারোহী ইউরোপীয়দিগকে আক্রমণ করিতে আসিল । ঘটনাক্রমে তাহাদের নৌকাও চড়ায় লাগিয়া গেল । এই স্লযোগে ইউরোপীয়দিগের ১৮।১৯ জন উৎসাহিত হইয়া, গুলিদ্রুটি করিতে লাগিল । ইহাতে আক্রান্তগণের ক্ষমতা পৰ্য্যদন্ত হইয়া গেল । তাহাদের অতি অল্প লোকই প্রাণ লইয়া পলায়ন করিতে সমর্থ হইল । আরোহীরা বিপক্ষদিগের নৌকা অধিকার করিল । উহাতে বারুদ টোটা প্রভৃতি পর্য্যাপ্তপরিমাণে ছিল, কিন্তু খাদ্য সামগ্রী অধিক ছিল না । জয়ন্তীর অধিকারী হইলেও ইউরোপীয়দিগের বিষমতা অন্তর্হিত হইল না । নিদারুণ জঠরানল তাঁহাদিগকে প্রতি মুহূর্ত্তেই বিদগ্ধ করিতে লাগিল ।

ক্রমে রাত্রি সমাগত হইল । আরোহীরা ক্ষুধায় অবসন্ন হইয়া, নিদ্রাভিত্ত হইল । এই সময়ে সহসা ঝটিকার আবির্ভাব হইল, নৌকা ঝটিকা-বেগে ভাসিয়া যাইতে লাগিল ; চারিদিক ঘোর অন্ধকারে আচ্ছন্ন ছিল । স্তব্ধ নৌকা কোন দিকে কোথায় যাইতেছে আরোহীরা বুঝিতে পারিল না । রাত্রি প্রভাত হইলে তাহারা দেখিল, তাহাদের আশ্রয়তরী আবার নদীতটে সংলগ্ন হইয়াছে । এই সময়ে অনেক স্থানই উচ্ছ্রাল লোকে পরিপূর্ণ হইয়াছিল । উত্তেজিত সিপাহীদিগের দেখাদেখি ইহারাও উত্তেজিত হইয়া, ফিরিঙ্গীর শোণিতপাতে আগ্রহপ্রকাশ করিতেছিল । ইহাদের বিশ্বাস জন্মিয়াছিল, কোম্পানির রাজত্ব শেষ হইয়াছে । স্তব্ধ ইহারা কোম্পানির বিপক্ষদিগের সহিত সম্মিলিত হইয়া, আপনাদের সৌভাগ্য-

রক্তির চেষ্ঠা করিতেছিল। পলায়িতদিগের নৌকা যখন তীরে গাঙ্গিল, তখন পশ্চাৎবাহমানকারী বিপক্ষগণ আসিয়া তাহাদিগকে আক্রমণ করিল। এইরূপ উদ্ধত ও উত্তেজিত লোকে আক্রান্ত হইয়া পলায়িতেরা আবার আত্মরক্ষায় উদ্যত হইল। তাহাদের কষ্টের একশেষ হইয়াছিল। আহাদের অভাবে তাহাদের দেহ বিশীর্ণ হইয়া গিয়াছিল; সম্যোচিত বিশ্রামের অভাবে তাহাদের দেহ শিথিল হইয়া পড়িয়াছিল; পুনঃ পুনঃ অস্ত্রাঘাতে তাহাদের তেজস্বিতার হ্রাস হইয়াছিল, তথাপি তাহারা নিরস্ত হইল না। কাপ্তেন টমসন্ কতিপয় সৈনিক পুরুষকে সঙ্গে লইয়া তীরে উত্তীর্ণ হইলেন। এবং নৈরাশ্রে উন্নত হইয়া, আক্রমণকারীদিগকে প্রত্যাক্রমণ করিলেন। তীরে সশস্ত্র সিপাহীর সহিত নিরস্ত্র লোকও উপস্থিত ছিল। চৌদ্দজন ইউরোপীয় সৈনিকপুরুষ সেই ঘোবতর বিপত্তিকালে বন্দুক ও সঙ্গীন লইয়া তাহাদের সম্মুখবর্তী হইল। এদিকে তাহাদের বিপন্ন সহযোগিগণ নৌকায় রহিল।

কাপ্তেন টমসন্ সহযোগীদিগের সহিত যখন নদী হইতে অগ্রসর হইয়া সিপাহীদিগকে আক্রমণ করিলেন, তখন তাহাদের নৌকা আবার ভাসিতে ভাসিতে দৃষ্টিপথবহির্ভূত হইল। অবিচ্ছিন্ন গুলিষ্টিতে আক্রমণকারী সিপাহীরা হুটিয়া গেল। টমসন্ সহযোগিবর্গের সহিত তীরে আসিয়া দেখিলেন, নৌকা অন্তর্হিত হইয়াছে; হতভাগ্য আরোহীদিগের কি দশা ঘটিয়াছে, তাহা তাহারা আর জানিতে পারিলেন না। এদিকে তাহারা যে স্থানে উপস্থিত হইয়াছিলেন, সে স্থানের ভূস্বামী বাবুরাম বক্স তাহাদের বিপক্ষ ছিলেন। বাবুরাম বক্সের আদেশে সশস্ত্র লোকে তাহাদিগকে পুনঃ পুনঃ আক্রমণ করিতে লাগিল। তাহারা আহত হইয়া দৌড়িয়া পলাইতে লাগিলেন। এইরূপে তিন মাইল যাইয়া, তাহারা সম্মুখে একটি দেবমন্দির দেখিতে পাইলেন। উপায়াস্তর না দেখিয়া হতভাগ্য পলাতকেরা ঐ মন্দিরে আশ্রয়গ্রহণ করিলেন। মন্দিরে শীতল পানীয় জল ছিল। উহাতে হতভাগ্যদিগের তৃষ্ণাশান্তি ও কথঞ্চিৎ বলবৃদ্ধি হইল। দেখিতে দেখিতে পশ্চাৎবাহমানকারীরা মন্দিরের চতুর্দিক পরিবেষ্টিত করিয়া, পলায়িতদিগকে আক্রমণ করিল। পলাতকদিগের চারি জন দ্বারদেশে থাকিয়া সঙ্গীন দ্বারা আক্রমণ

কারীদিগকে বাধা দিতে লাগিল। এতদ্ব্যতীত তাঁহাদের গুলিতে আক্রমণকারীদের কেহ কেহ গতানুগত্য হইল। এইরূপে বাতায়নহীন সন্ধীর্ণ মন্দিরে থাকিয়া হতভাগ্য ইউরোপীয়েরা আত্মরক্ষা করিতে লাগিল। উদ্বেজিত লোকে শুদ্ধ কাঠরাশি মন্দিরের প্রবেশপথে সজ্জিত করিল এবং উহাতে আগুন দিয়া, আপনারা সরিয়া দাঁড়াইল। তাহারা ভাবিয়া ছিল, ধুমতুপে আত্মরক্ষাকারীদিগের নিখাস নিরুদ্ধ হইয়া যাইবে। কিন্তু এসময়ে পবনদেব হতভাগ্যদিগের সহায় হইলেন। প্রচণ্ড বায়ুবেগে ধূমরাশি মন্দিরে প্রবেশ না করিয়া অশ্রুত ধাবিত হইল। প্রয়াস বিফল হইল দেখিয়া, আক্রমণকারিগণ অতঃপর বারুদের থলিয়া অগ্নিতে নিক্ষেপ করিতে লাগিল। সূত্রাং পলায়িতেরা আর মন্দিরে থাকিতে পারিল না। তাহারা উন্নতভাবে ও অসমসাহসে আক্রমণকারীদিগের ব্যুহভেদ করিয়া নদীতটভিত্তিমুখে দৌড়িতে লাগিল। চৌদ্দ জনের মধ্যে সাত জন প্রাণ লইয়া নদীতটে উপনীত হইল, এবং মুহূর্ত্তমধ্যে আপনাদের অস্ত্রাদি ফেলিয়া, জাহ্নবীজলে বাঁপ দিল। এই সাত জনের মধ্যে চারি জন, তটবর্তী লোকের নিকৃষ্ট গুলিতে মৃত্যুমুখে পতিত হইল। সস্তরগণটু ছিল বলিয়া, অবশিষ্ট চারি জন আত্মজীবনরক্ষা করিল। ইহারা যখন জাহ্নবীজলপ্রবাহে ভাসিয়া যাইতেছিল, তখন তীরবর্তী কতিপয় ব্যক্তি উচ্চৈঃস্বরে তাহাদিগকে কহিল, “সাহেব! সাহেব! কেন তোমরা সাঁতার দিতেছ। আমরা বদ্ধভাবে আসিয়াছি।” সস্তরগণকারিগণ সহসা তাহাদের কথায় বিশ্বাসস্থাপন করিল না। কিন্তু যখন তাহাদের প্রস্তাবক্রমে তীরবর্তী লোকে আপনাদের অস্ত্রাদি জলে ফেলিয়া দিতে উদ্যত হইল তখন সস্তরগণকারীরা ধীরে ধীরে তীরে আসিতে লাগিল। তীরবর্তী ব্যক্তিগণ অযোধ্যার অন্তঃপাতী মোরারমৌ নামক স্থানের শত্রাস্ত বৃদ্ধ ভূস্বামী রাজা দিগ্বিজয় সিংহের প্রজা। ইহারা অবসর সস্তরগণকারীদিগকে ধরিয়া তীরে উঠাইল। এই চারিজনদের মধ্যে কাপ্তেন টমসন্ ছিলেন।

রাজা দিগ্বিজয় সিংহ ব্রিটিশ কোম্পানির অধুরক্ত ও নিরতিশয় দয়ালু ছিলেন। তিনি পলায়িতদিগকে আনিবার জন্ত হাতী পাঠাইয়া দিয়াছিলেন। পলায়িতেরা তাঁহার সন্মুখে সমাগত হইলে তিনি তাহাদের যথোচিত আদর

ও অভ্যর্থনা করিলেন এবং আত্মপূর্বিক বৃত্তান্ত শুনিয়া, তাঁহাদের সাহস ও বীরত্বের নিরন্তর প্রশংসা করিতে লাগিলেন। তাঁহার আদেশে বিপন্ন অতিথিদিগের বাসজন্ত যথাযোগ্য স্থান নির্দিষ্ট হইল, দরজী অতিথিদিগের পরিচ্ছদ প্রস্তুত করিয়া দিল, চিকিৎসক আহতদিগের ক্ষতস্থানের চিকিৎসা-কার্যে নিযুক্ত হইলেন। কাপ্তেন টমসন্ প্রভৃতি পলারিতগণ তিন সপ্তাহকাল রাজা দিগ্বিজয় সিংহের আশ্রয়ে অতিবাহিত করেন। এই সময়ে তাঁহারা কখনও কোন বিষয়ে অস্থবিধাভোগ করেন নাই। তাহাদের আহারের জন্ত প্রতিদিন তিন বার করিয়া খাদ্যসামগ্রী আসিত। রাজা ও রাণী, উভয়েই প্রতিদিন তাঁহাদের কুশলজিজ্ঞাসা করিতেন। দিগ্বিজয় সিংহ পরম হিন্দু ছিলেন। স্বধর্মোচিত ক্রিয়াকলাপে তাঁহার যেরূপ বলবতী নিষ্ঠা, সেইরূপ মহীয়সী শ্রদ্ধা ছিল। বিভিন্ন জাতির মধ্যে বিভিন্ন প্রকার উপাসনাপদ্ধতি প্রচলিত আছে। এই বিভিন্নরূপ উপাসনায় যদি উপাসকের চিত্তসংঘম ও শ্রদ্ধা পরিদৃষ্ট হয়, তাহা হইলে তাঁহার অকপট ঈশ্বরভক্তিদর্শনে উদারপ্রকৃতি ভিন্নজাতীয় দর্শকের হৃদয়ও ভক্তি ও শ্রদ্ধায় আর্জ হইয়া থাকে। কিন্তু যে রাজার অবিক্রিয় দয়ালু ও যে রাজার অপরিমীম অমূল্যগ্রহে কাপ্তেন টমসন্ প্রভৃতি নিরাপদে অবস্থিতি করিতেছিলেন, সেই দয়ালু নৌম্যমুর্তি ও বর্ষায়ান ভূস্বামী যখন প্রতিদিন আপনাদের চিরপ্রচলিত পদ্ধতি অনুসারে অদূরবর্তী দেবমন্দিরে যাইয়া তদনুচিন্তে বরগীর দেবতার আরাধনায় নিবিষ্ট হইতেন, তখন উক্ত আরাধনাপদ্ধতি আশ্রিত ইউরোপীয়দিগের কেবল আমোদের বিষয়ীভূত হইত*। এ সময়ে ভক্তি ও শ্রদ্ধা তাঁহাদের হৃদয়ে আবির্ভূত হইত না, একজনের অপূর্ণ ঈশ্বরভক্তি দেখিয়াও তাঁহারা ঐশ্বরিক তত্ত্বে আকৃষ্ট বা উদারতার আনন্দ হইতেন না। বালক ক্রীড়নক দেখিয়া যেরূপ আমোদিত হয়, বুদ্ধ রাজার উপাসনাপদ্ধতি দর্শনে তাঁহাদেরও সেইরূপ আমোদলাভ হইত। তাঁহারা সাহসে ও বীরত্বে লোকসমাজে প্রসিদ্ধ হইতে পারেন, কিন্তু উদারতা,

* Thomson, Story of Cawnpur, p. 196 Comp. Trevelyan, Cawnpur, p. 268.

শিষ্টতা, গাভীরা এবং জীবনরক্ষাকারী মহাপুরুষের প্রতি হৃদয়গত শ্রদ্ধা ও ভক্তির অভাবে সন্দেহসমাজে প্রতিষ্ঠালাভে সমর্থ হইবেন না।

পলায়িতেরা যতদিন রাজা দিগ্বিজয় সিংহের আশ্রয়ে ছিলেন, ততদিন রাজার আদেশে দুর্গপ্রাচীরের বাহিরে বাইতে পারিতেন না। যেহেতু চারিদিকে উত্তেজিত জনসাধারণ ফিরিকীদিগের শোণিতপাতের জন্ত ঘুরিয়া বেড়াইতেছিল। উত্তেজিত সিপাহীরাও নিকটবর্তী পল্লীসমূহে অবস্থিতি করিতেছিল। ইউরোপীয়েরা দুর্গের বহির্ভাগে গেলেই ঐ সকল উত্তেজিত লোকের আক্রমণে নিঃসন্দেহ বিপদগ্রস্ত হইতেন। সুতরাং তাঁহারা দুর্গমধ্যেই অবস্থিতি করিতেছিলেন। রাজার সশস্ত্র অহুচরণ তাঁহাদের রক্ষার জন্য সর্বদা উপস্থিত থাকিত। কাগপুরের বিপ্লবগণ পলায়িতদিগকে তাহাদের হস্তে সমর্পণ করিবার জন্য রাজা দিগ্বিজয় সিংহকে অহুরোধ করিয়াছিল, কিন্তু শরণাগতপালক বর্ষিয়ান রাজপুত বীর সেই অহুরোধ-রক্ষার সম্মত করেন নাই। তিনি তেজস্বিতাসহকারে স্পষ্টাক্ষরে বলিয়া পাঠাইয়াছিলেন যে, তাঁহার উপর কাগপুরের কাহারও কোনরূপ কর্তৃত্ব নাই। তিনি অযোধ্যার অধিপতির করদ, সুতরাং নানাসাহেব বা কাগপুরের কাহারও কোন কথা শুনিতে প্রস্তুত নহেন। বৃদ্ধ বীরপুরুষের এইরূপ আশ্রিত-বৎসলতা, এইরূপ হিতৈষিতা ও এইরূপ পরার্থপরতার মহিমায় নিঃসহায় নিরবলম্ব ও নিপীড়িত ইউরোপীয়েরা বিপত্তিকালেও জীবিত ছিলেন।

পলায়িতদিগকে হস্তগত করিতে না পারিয়া, সময়ে সময়ে বিপ্লব সিপাহীরা তাঁহাদের সহিত সাক্ষাৎ করিতে আসিত। এই সকল সিপাহীর মধ্যে কাপ্তেন টমসনের দলভুক্ত কতিপয় সিপাহীও ছিল। ইহার কাপ্তেনকে বলিত, “কোম্পানির রাজত্বের অবসান হইয়াছে।” কাপ্তেন বলিতেন, কখনও হইবে না। ১০।৮০ হাজার ব্রিটিশ সৈন্য শীঘ্রই উপস্থিত হইবে ; ইহাদের আক্রমণে শীঘ্রই তোমাদের বিজয়গৌরব অন্তর্হিত হইবে। সিপাহী কহিত, না না। নানাসাহেব সাহায্যের জন্য রুশিয়ার সোওয়ার পাঠাইয়াছেন। ঐ সোওয়ার উদ্ভারোহণে গমন করিয়াছে। নানা সাহেব তোমাদের সকলকেই কলিকাতায় পাঠাইয়া দিবেন। সে স্থান হইতে তোমরা স্বদেশে বাইতে পারিবে। ইহার পর নানা সাহেব সমগ্র ভারতবর্ষে আধিপত্য

প্রতিষ্ঠিত করিয়া ইঙ্গলণ্ডজয়ের জ্ঞাত জাহাজে গমন করিবেন। কৌতূহল-পর সিপাহীরা প্রায়ই এইরূপ কথায় তাহাদের কাণ্ডেনের আমোদ জন্মাইত। তাহাদের বিশ্বাস ছিল, রুশিয়ার সম্রাট ভারতের হিন্দু ও মুসলমানদিগকে ফিরিক্কাদিগের হস্ত হইতে বিমুক্ত করিবেন। ফিরিক্কাীরা সকলের ধর্ম্মনাশের জন্ত ময়দার সহিত শূকরের অস্থিচূর্ণ মিশাইয়া দিতেছে। অধিকন্তু সিপাহীরা সর্বদাই বলিত, অযোধ্যা অধিকার করাতেই কোম্পানির রাজত্বশেষ হইবে। কেবল এই একটি কার্য্যেই যে, কোম্পানিকে বিপদগ্রস্ত হইতে হইয়াছে, সিপাহীরা কথোপকথনসময়ে সর্বদা তাহার উল্লেখ করিত। সুচতুর আর্জি-মুল্লার কথায় অদূরদর্শী সিপাহীরা কিরূপ উদ্ভ্রান্ত হইয়াছিল, ফ্রিমিয়ার যুদ্ধক্ষেত্রে রুশদিগের পরাক্রম দেখিয়া নানা সাহেবের এই মুসলমান সচিব উত্তেজিত সিপাহীদিগকে রুশিয়ার কিরূপ পক্ষপাতী করিয়া তুলিয়াছিলেন, আর লর্ড ডালহৌসী, অযোধ্যা ব্রিটিশ কোম্পানির অধিকারভুক্ত করিয়া আপনাকে ওয়াটলুজরী বলিয়া যে গৌরবপ্রকাশ করিয়াছিলেন, সেই আশ্বগৌরবপ্রকাশক কার্য্য হইতে পরিণামে কিরূপ বোরতর বিপদের আবির্ভাব হইয়াছিল, তাহা এই সকল অনভিজ্ঞ ও নিত্যসন্দ্বিগ্ন সিপাহীদিগের কথাতে প্রতিপন্ন হইতেছে।

বিপক্ষ সিপাহীরা দুর্গমধ্যে প্রবেশ করিয়া, কাণ্ডেন টমসন্ প্রভৃতির সহিত সর্বদা সাক্ষাৎ করিলেও তাহাদের কোনরূপ অনিষ্টসাধনে উদ্যত হয় নাই। টমসন্ প্রভৃতি ইউরোপীয়গণ যতদিন রাজ্য দিগ্বিজয় সিংহের আশ্রয়ে ছিলেন, ততদিন নিরাপদে ও নিশ্চিন্তমনে কালাতিবাহিত করিয়াছিলেন। ইহার পর আশ্রয়নাশ তাহাদিগকে স্বপক্ষের অন্ত এক ভূস্বামীর নিকটে পাঠাইয়া দেন। এই ভূস্বামীও তাহাদের প্রতি সৌজন্তপ্রকাশে বিমুখ হইলেন। এই স্থান হইতে তাহারা নিরাপদে সেনাপতি হাবেলকের সৈন্যদলের সহিত সম্মিলিত হইলেন। এইরূপে এতদ্দেশীয়দিগের অসামান্য করুণায় চারি জন ইউরোপীয় সৈনিকপুরুষের জীবন রক্ষা হয়। এই হুঃসময়ে অনেকে আপনাদের দয়ালুতার পরিচয় দিয়াছিল। ময়ুর তেওয়ারি নামক একজন সিপাহী ডনকাননামক একজন সাহেবের প্রাণরক্ষা করে। কতিপয় ব্যক্তি আপনাদের জীবন সঙ্কটাপন্ন করিয়াও দুইটি কুমারীকে আসন্ন বিপদ

হইতে বিমুক্ত করে। সিপাহীযুদ্ধের ইতিহাসে এইরূপ এক স্থলে যেমন রৌদ্রভাবের বিবরণ আছে, সেইরূপ স্থানান্তরে করুণার প্রশান্তভাবের বিকাশ রহিয়াছে। নরশোণিতলোলুপ ঘাতকের হস্তে যেমন অনেকে দেহত্যাগ করিয়াছে, পরহিতৈষী ও পরহুঃখকাতর এতদেশীয়গণও সেইরূপ অনেকের জীবনরক্ষায় অগ্রসর হইয়াছে, এবং কোন কোন স্থলে এই উদ্দেশ্যে অকাতরে ও ধীরভাবে আত্মজীবনও উৎসর্গ করিয়াছে। ফলতঃ, এতদেশীয়েরা সহায় না হইলে ইঙ্গরেজ এই ভয়ঙ্কর বিপদ হইতে সর্বোৎসাহে মুক্তিলাভে সমর্থ হইতেন না।

নৌকা হইতে তীরে উত্তীর্ণ হইয়া, চারি জন সাহসী পুরুষ যেক্রমে আপনাদের জীবনরক্ষা করিয়াছিলেন, তাহা উল্লিখিত হইল। নৌকায় তাঁহাদের যে সকল সহযোগী ছিলেন, তাঁহারা এইরূপ সৌভাগ্যের অধিকারী হইতে পারিলেন না। তাঁহাদের নৌকা শীঘ্রই ধৃত ও অবরুদ্ধ হইল। নৌকায় সর্বসমেত ৮০ জন আরোহী ছিলেন, সকলেই বন্দিভাবে তীরে উঠিলেন এবং পূর্ববৎ বন্দিভাবে গরুর গাড়িতে উঠিয়া কাণপুরে যাত্রা করিলেন। বিপক্ষেরা এইরূপে ৩০ জুন ৮০ জন ইউরোপীয়কে অবরুদ্ধ করিয়া কাণপুরে আনিল*। তাহারা এই স্থানে পুরুষদিগকে মহিলাগণ হইতে বিচ্ছিন্ন করিল। পুরুষেরা সর্ব প্রথম প্রাণদণ্ডার্থ বলিয়া বিবেচিত হইলেন। কিন্তু সিপাহীদিগের অনেকে ইহাদিগের হত্যায় অসম্মতিপ্রকাশ করিল। কথিত আছে, অযোধ্যার সিপাহীরা ইহাদিগকে কারারুদ্ধ করিয়া রাখিতেও সম্মত হইল না†। ইহাদের

* *Kaye, Sepoy War. Vol. II. p. 348, note.*

† কথিত আছে, সেনাপতি হুইলার ইহাদের মধ্যে ছিলেন। প্রথম পদাতিদলের সিপাহীরা ইহাকে গুলি করিতে আদিষ্ট হইলে, তাহারা ঐ আদেশপালনে সম্মত হয় নাই। য হেতু, বুদ্ধ সেনাপতি তাহাদের দলের গৌরববৃদ্ধি করিয়াছিলেন। পরে অস্ত্রদলের সিপাহীরা ইহাদিগকে গুলি করে।—*Trevelyan, Cawnpur, p. 278. Comp. Martin, Indian Empire. Vol. II. p. 262.* কিন্তু বুদ্ধ সেনাপতি যে, নদীতটে নিহত হইয়াছিলেন, তাহা পূর্বে উল্লিখিত হইয়াছে।

কথিত আছে, বুদ্ধ সেনাপতির কনিষ্ঠা কন্যা একজন সওয়ারের হস্তগত হয়। কেহ কেহ গিয়াছেন, উক্ত কন্যা স্বহস্তে সওয়ার ও তৎপরিবারবর্গের শিরশ্ছেদ করিয়া কুপে পতিত হইয়া আত্মহত্যা করিয়াছিল। কিন্তু এই ঘটনার পরিপোষক প্রমাণ প্রাপ্ত হওয়া যায় নাই। কলকাতা, সেনাপতির কন্যা সওয়ারের সহিত অনেক দিন ছিল। পরিশেষে তাহার কি দশা

হস্ত পৃষ্ঠদেশে আবদ্ধ ছিল। ইহারা এই অবস্থায় বিপদের গুলির আঘাতে দেহত্যাগ করিলেন। একটি পতিপরায়ণা অবলা কিছুতেই প্রাণাধিক পতিকে ছাড়িয়া দিল না। মৃত্যুসময়েও অবলা আগনার প্রাণের অধিক ধনকে আলিঙ্গন করিয়া রহিল। সেই অবস্থায় গুলির আঘাতে উভয়েরই প্রাণবিরোধ হইল। অবশিষ্ট মহিলা ও বালকবালিকারা অবরুদ্ধ অবস্থায় রহিল। গঙ্গায় ঘাটে যে সকল হতাবশিষ্ট স্ত্রীলোক ও শিশু সম্মানকে সবেদা কুটীতে নিক্ষেপ করিয়া রাখা হইয়াছিল, ইহারাও সেই স্থানে যাইয়া তাহাদের দলপুষ্টি করিল।

এ দিকে ধুমুপুঙ্খ নানা সাহেব বিঠুরে যাইয়া ১ লা জুলাই পেশবার সম্মানিত পদে অধিষ্ঠিত হইলেন। এই উপলক্ষে মহাসমারোহে বিবিধ ফিরাকলাপের অনুষ্ঠান হইল। কামানের ধ্বনিতে চারি দিক প্রকম্পিত হইতে লাগিল। নানা সাহেব এইরূপ মহোৎসবসহকারে পুরোহিতের মন্ত্রপূত সলিলে অভিষিক্ত হইয়া ললাটদেশে যথানিয়মে রাজ-তিলকধারণ করিলেন। রাত্রিকালে কাণপুর আলোকমালায় সজ্জিত হইল। সুদূর গগনতলে বিবিধ বাজী বিভিন্ন রশ্মিতরঙ্গবিকাশপূৰ্ব্বক দর্শকবৃন্দকে প্রতিমুহূর্তে চমকিত করিয়া তুলিতে লাগিল। কিন্তু এইরূপ বিজয়োৎসবেও অভিনব পেশবার মনে শান্তির আবির্ভাব হইল না। বিঠুরে কামানধ্বনিতে বাহার প্রাধান্ত ঘোষিত হইল, পুরোহিত বাহার অভিষেকের অস্ত্র সংঘতটিও মন্ত্রপাঠ করিলেন, অনুচরেরা বাহাকে পেশবার সিংহাসনে অধিষ্ঠিত দেখিয়া কোম্পানির মুদ্রক নষ্ট হইল বলিয়া মনে করিতে লাগিল, তিনি সন্ধ্যাংশে অপরের ক্রীড়াপুঙ্খলব্ধরূপ ছিলেন। আজিমুল্লা খাঁ তাঁহাকে যে পথপ্রদর্শন করিতেন, তিনি সেই পথেই চলিতেন। তাঁহার প্রাধান্তপ্রতিষ্ঠার অস্ত্র যে সকল অদ্ভুত ঘটনা উল্লিখিত হইত, তিনি তৎসমুদয়েই বিশ্বাসস্থাপনে অগ্রসর হইতেন। তাঁহার নামে সকল কার্যের অনুষ্ঠান হইলেও কোন বিষয়ে তাঁহার প্রভুত্ব ছিল না। দুরাচার মন্ত্রিগণ তাঁহার নামে অসমুচিতচিত্তে ভীষণ কার্যের অনুষ্ঠান করিতেন। কথিত আছে,

ঘটয়াছিল, জানা যায় নাই। কেহ কেহ লিখিয়াছেন, নেপালের প্রান্তে তাহার দেহত্যাগ ঘটয়াছিল।—*Martin, Indian Empire. Vol. II. p. 262-263. Trevelyan, Cawnpur. p. 254-255.*

২৮ শে জুন নানা সাহেব কাণপুরের কাওয়ারজের ক্ষেত্রে উপনীত হইলেন, সিপাহীরা জয়োল্লাসে তাঁহার সম্মুখে উপস্থিত হয়। তাঁহার ও তদীয় সেনাপতিবর্গের সম্মান জন্ত মুহুমূহঃ কামানধ্বনি হইতে থাকে। তিনি সিপাহীদিগকে পারিতোষিক স্বরূপ এক লক্ষ টাকা দিতে প্রতিশ্রুত করেন। সিপাহীরা ইহাতে পূর্য্যাপেক্ষা অধিকতর আনন্দিত হইয়া বারংবার কামানধ্বনি করিতে থাকে। কিন্তু এরূপ স্থলেও নানা সাহেবের কর্তৃত্ব ছিল না। তাঁহাকে অনিবার্য্য ঘটনায় বাধ্য হইয়াই, উদ্বেজিত সিপাহীদিগকে সন্তুষ্ট রাখিতে হইয়াছিল। সিপাহীরা পরিতুষ্ট না থাকিলে—পারিষদবর্গের ইচ্ছানুরূপ কার্য্য না হইলে তাঁহার জীবন ও সম্পত্তি কিছুই নিরাপদে থাকিবার সম্ভাবনা ছিল না। তিনি যখন বিঠুরে পেশবাপদগ্রহণের আয়োজন করিতেছিলেন, তখন কাণপুরে তাঁহার ক্ষমতা ও প্রভুত্ব সঙ্কুচিত হয় এবং মুসলমানেরা স্বপ্রধান হইয়া উঠে। ননী নবাব কাণপুরের শাসনকর্তার পদগ্রহণ করেন। ইনি ক্ষমতায় ও প্রাধিক্যে পার্শ্ববর্তী মুসলমানদিগের মধ্যে প্রসিদ্ধ ছিলেন। মুসলমানেরা ইহার সম্মান করিত। ইহার বহুসংখ্যক অনুচর ছিল, সকল অনুচরই ইহার আদেশপালনে প্রস্তুত থাকিত।

এইরূপে মুসলমানদিগের বাসনা পূর্ণ হইল। তাহাদের প্রধান ব্যক্তি একটি প্রধান কার্য্যের ভার গ্রহণ করিলেন। এ সময়ে মুসলমানেরা কোন অংশে বিরক্ত বা কোন বিষয়ে বীতশ্রদ্ধ হইলে, বিপদ অনিবার্য্য হইয়া উঠিবার সম্ভাবনা ছিল। হিন্দু ও মুসলমানেরা পরস্পর বিবাদে প্রবৃত্ত হইলে, তাহাদের একতাবন্ধন বিহীন হইয়া যাইত। সুতরাং তাহাদের বলহাস ও ইঙ্গরেজের বলবৃদ্ধি হইত। পূর্বে উক্ত হইয়াছে, নানা সাহেব পেশবা বলিয়া সম্মানিত হইলেও কোন বিষয়ে কর্তৃত্বপ্রকাশে সমর্থ ছিলেন না। ইঙ্গরেজদিগের অনেকে নিহত হইয়াছিলেন, অনেকে স্থানান্তরে আশ্রয়গোপন করিয়াছিলেন, কাণপুরে তাঁহাদের প্রাধান্ত্য বিলুপ্ত হইয়াছিল। নানা সাহেব পেশবার সম্মানিত পদে অধিষ্ঠিত হইয়াছিলেন, তথাপি এখন তাঁহার অবস্থা পূর্য্যাপেক্ষা অধিকতর শোচনীয় হইল। তিনি মুসলমানদিগের প্রাধান্ত্যসম্বন্ধে সমর্থ হইলেন না। আজিম উল্লাহ মতের বিরুদ্ধে কোন কার্য্য করিতে সাহস পাইবেন না, বা তাঁহার ভ্রাতা ও

পারিষদগণের সম্মুখে কোন বিষয়ে প্রাধান্যস্থাপন করিতে পারিলেন না । তিনি কাণপুরের সর্বময় কর্তা ও মহিমাযিত পেশবা হইলেও শীতসঙ্কুচিত বৃদ্ধের জায় আপনাতেই আপনি সঙ্কুচিত হইলেন । এখন পূর্বের জায় তাঁহার নামেই সকল কার্যের অনুষ্ঠান হইতে লাগিল । এসময়ে ইঙ্গরেজ সৈন্তের আগমন সংবাদে অনেকেই ভীত হইয়াছিল, অনেকেই আপনাদের গৃহ পরিত্যাগ পূর্বক স্থানান্তরে পলায়ন করিয়াছিল । জুন মাসে ভারতবাসী-দিগকে উৎসাহিত করিবার নিমিত্ত দিল্লী হইতে যেরূপ ঘোষণাপত্র প্রকাশিত হইয়াছিল, জুলাই মাসে জনসাধারণকে আশ্বস্ত করিবার জন্ত কাণপুর হইতে পেশবার নামে সেইরূপ ঘোষণাপত্রসমূহ প্রচারিত হইল * । উপযুক্ত পারিতোষিক না দেওয়াতে সিপাহীরা, উচ্ছ্বল ও অসন্তুষ্ট হইয়াছিল । তাহাদিগকে শৃঙ্খলাবদ্ধ ও সন্তুষ্ট করিবার জন্ত, অভিনব পেশবা পারিতোষিক দিবার বন্দোবস্ত করিলেন ।

কাণপুরের একজন ধনী মুসলমানের নির্মিত একটি হোটেল ছিল । নানা সাহেব এই বিস্তৃত প্রাসাদে আসিয়া বাস করেন । প্রাসাদের প্রবেশপথে দুইটি কামান স্থাপিত হয়, এবং উহার দ্বারদেশে সশস্ত্র সাক্ষিগণ দিবারাত্র পাহারা দিতে থাকে । অনিবার্য ঘটনায় বাধ্য হইয়া ও উপায়ান্তর না দেখিয়া, নানা সাহেব ইঙ্গরেজের বিরুদ্ধপক্ষ অবলম্বন করিয়াছিলেন । এখন ইঙ্গরেজের আক্রমণে আশ্রয়ক্ষার জন্ত সেনাপতিদিগের সহিত যুদ্ধের যথাযোগ্য আয়োজনে তৎপর হইলেন । তিনি যখন আজিমউল্লাহের পরামর্শে ইঙ্গরেজের বিরুদ্ধে দণ্ডায়মান হইয়াছিলেন, তখন আশ্রয়ক্ষার জন্ত ইঙ্গরেজের আক্রমণনিবারণ করা ভিন্ন তাঁহার আর কোন উপায় ছিল না । অভিনব পেশবা ইঙ্গরেজসৈন্তের আগমন সংবাদ শুনিয়া, এখন এই উপায়ের অবলম্বনেই কৃতনিশ্চয় হইলেন ।

নানা সাহেব যে প্রাসাদে অবস্থিতি করিতেছিলেন, তাহার অদূরে গঙ্গার খালের উত্তরদিকে একটি সঙ্কীর্ণ গৃহ ছিল । একজন ইঙ্গরেজ কণ্ঠচাষী আপনার রক্ষিতা প্রণয়িনীর জন্ত উক্ত গৃহ নির্মিত করিয়াছিলেন । এজন্য

* পরিশিষ্টে, কতিপয় ঘোষণাপত্রের অনুবাদ দেওয়া হইল ।

উহা বিবিধরনামে প্রসিদ্ধ। যয়। ক্রিয়ৎকাল পূর্বে বিবিধরে একজন সামান্য অবস্থাপন্ন ফিরিঙ্গী কেরাণী বাস করিত। বিবিধরে বাস করিবার জন্ত ২০ ফিট লম্বা, ১০ ফিট প্রস্থত দুইটি মাত্র প্রধান গৃহ ছিল। প্রাক্তন-ভূমির পরিমাণ এক এক দিকে ১৫ হস্তের অধিক ছিল না। যে সকল ইউরোপীয় মহিলা ও বালকবালিকা সবেদা কুঠীতে অবরুদ্ধ ছিল, তাহারা জুলাই মাসের প্রারম্ভে, এই সঙ্কীর্ণ বিবিধরে আনীত হইল। ইহাদের সংখ্যা দুই শতেরও অধিক ছিল। ইহারা এই সঙ্কীর্ণ গৃহে অবরুদ্ধ হইয়া, কষ্টের একশেষ ভোগ করিতে লাগিল, এদিকে আবার ইহাদের সংখ্যাও বৃদ্ধি হইল। কাণপুরের ইউরোপীয়েরা যখন প্রাচীরবেষ্টিত স্থানে থাকিয়া, প্রতিদিনই দুঃসহ যাতনায় অবসন্ন হইতেছিলেন, তখন তাঁহাদের অনতিদূরবর্তী একটি স্থানের ইউরোপীয়েরাও তাঁহাদের ভ্রায় দুর্দশাগ্রস্ত হইলেন। এই স্থানের নাম ফতেগড়। ইহা ফরক্কাবাদ বিভাগের অন্তর্গত এবং কাণপুরের ৮০ মাইল দূরে গঙ্গার দক্ষিণতটে অবস্থিত। ফতেগড়ের কথা উপস্থিত ইতিহাসের স্থানান্তরে লিখিত হইবে। এস্থলে ইহা বলিলেই পর্যাপ্ত হইবে যে, জুন মাসের প্রথম সপ্তাহে ফতেগড়ের ইউরোপীয়েরা আপনাদিগকে নিরতিশয় বিপন্ন মনে করিয়াছিলেন। তাঁহারা অধিক দিন ঐ স্থানে অবস্থিতি না করিয়া, অনেকে নৌকারোহণে কাণপুরের অভিমুখে আসিতে থাকেন। এ সময়ে কাণপুরের অবস্থা তাঁহাদের নিদিত ছিল না। তাঁহাদের কাণপুরবাসী সমধর্ম্মারা কিরূপ শোচনীয়ভাবে কালাতিবাহিত করিতেছিলেন, তাঁহাদের জীবন প্রতিমুহূর্ত্তেই কিরূপ সংশয়দোলায় অধিকৃত হইতেছিল, উত্তেজিত সিপাহীদিগের আক্রমণে প্রতিদিনই তাঁহারা কিরূপে আত্মীয়স্বজন হইতে বিচ্যুত হইতেছিলেন, ফতেগড়ের ইউরোপীয়েরা ইহার কিছুই জানিতেন না। তাঁহাদের কেহ কেহ আশ্রয়-স্থানে আশ্রয় পাইবার জন্ত একখানি নৌকায় কাণপুরে আসিতে লাগিলেন। নবাবগঞ্জের নিকটে তাঁহাদের নৌকা অবরুদ্ধ হইল। তাঁহারা বলি-ভাবে কাণপুরে নানা সাহেবের শিবিরে আনীত হইলেন। তাঁহাদের দুইটি আত্মা প্রাণের মমতা পরিত্যাগ করিয়া, এ সময়ে তাঁহাদের সঙ্গে রহিল। আর অবরুদ্ধদিগের নিষ্কর্ত্তিলাভ হইল না। পুরুষেরা তিন

জন ব্যতীত সকলেই নিহত হইলেন। মহিলা ও বালক বালিকারা বিবিধে বাইরা, তথাকার শোচনীয়দশাগ্রস্ত অবরুদ্ধদিগের সংখ্যাবৃদ্ধি করিল *।

হতভাগ্য কয়েদীরা বিবিধে আবদ্ধ হইয়া, যারপর নাই কষ্টভোগ করিতে লাগিল। ডাইল চপাটিপ্রভৃতি খাদ্য ও হুঙ্ক দেওয়া হইত বটে, কিন্তু উহাতে অবরুদ্ধদিগের পরিতোষ হইত না। এক জন ইঙ্গরেজ সৈনিকপুরুষের একটি কত্কা এই গৃহে অবরুদ্ধ ছিল। উক্ত সৈনিক পুরুষের বিশ্বস্ত ভৃত্য প্রভুর কত্কাকে দেখিবাব জন্ত সেই স্থানে উপনীত হইল। এই সময়ে কয়েদীদিগের মধ্যে খাদ্য সামগ্রী বিতরিত হইতেছিল, উক্ত খাদ্য দ্রব্য ভাল নয় দেখিয়া, সমাগত ভৃত্য, সমীপবর্তী একজন সিপাহীকে তিরস্কার করিয়া, ভাল খাদ্য দ্রব্য দিতে বলিল। এই সিপাহীও এক সময়ে তাহার প্রভুর অধীন ছিল। সিপাহী তিরস্কৃত হইয়া, ভৃত্যকে মিঠাই কিনিবার জন্ত আট আনা দিল। ভৃত্য ঐ পয়সায় বাজার হইতে মিঠাই কিনিয়া আনিয়া গৃহস্থিত কয়েক জনের হস্তে দিল, কিন্তু ঐ বিশ্বস্ত ভৃত্য তথায় অধিকক্ষণ থাকিতে পারিল না। কারাগাররক্ষকেরা তাহাকে সে স্থান হইতে বহিস্কৃত করিয়া দিল। এই ঘটনায় ভৃত্যের যেরূপ বিশ্বস্ততা ও প্রভুপরাগণতা পরিস্ফুট হইতেছে, ইঙ্গরেজের বিপক্ষ সিপাহীরও সেইরূপ অহুশোচনা ও সদয়ভাবেব নিদর্শন প্রদর্শিত হইতেছে। সঙ্ঘ-পক্ষে পরিচালিত ও ধীরতাসহকারে সংবদ্ধিত হইলে এই উত্তেজিত,

* * কতেগড় হইতে ১৯ জন সাহেব, ২০ টি বিবি ও ২৬ টি শিশু সন্তান কাণপুরের অভিমুখে গিয়াছিল।—*Trevelyan, Cawnpur, p. 283*. ট্রটার সাহেব লিখিয়াছেন, নৌকায় সর্ব-মমেত প্রায় ১৩০ জন আরোহী ছিল।—*Trotter, British Empire in India. Vol. II. p. 143*.

বাহা হউক, অবরুদ্ধ ইউরোপীয়েরা গরুর গাড়িতে নানা সাহেবের শিবিরে উপস্থিত হইলে নানা ইহাদের প্রতি দয়াপ্রদর্শনে উদ্ভাত হইয়াছিলেন। কিন্তু তাহার ভ্রাতা এবিধে অসম্মতি প্রকাশ করেন। নানা সাহেব, ভ্রাতৃবিরোধের আশঙ্কায় কোন কথা বলিতে সাহসী হন নাই।—*Trevelyan, Cawnpur, p. 284*.

কে সাহেব লিখিয়াছেন, নানা সাহেবের সাক্ষাতে পুরুষেরা নিহত হইলেন।—*Kaye, Sepoy War. Vol. II. p. 353*. কিন্তু একটি আয়া ঘটনায় উপস্থিত ছিল। সে স্বত্বে দেখিয়া বলিয়াছে, নানা সাহেব উপস্থিত ছিলেন না।—*Trevelyan, Cawnpur, p. 285*.

† *Trevelyan, Cawnpur, 299*.

ব্রাহ্ম জীবেরা তাদৃশ নিষ্ঠুরাচরণে নিঃসন্দেহ নিরন্ত থাকিত । কেহ কেহ উল্লেখ করিয়াছেন, হোসেনি খান্‌মুনায়ে একটি মুসলমান পরিচারিকা কয়েকদিগের তদ্ব্যবধানার্থে নিয়োজিতা ছিল । এই পরিচারিকা সচরাচর বেগম নামে অভিহিত হইত । হতভাগ্য অবরুদ্ধদিগের প্রতি পরিচারিকার তাদৃশ যত্ন বা সৌজন্ম ছিল না । কথিত আছে, বেগম বাড়দুয়ার দ্বারা তাহাদিগকে খাদ্য সামগ্রী দিত । তাহার আদেশে অবরুদ্ধা মহিলারা সময়ে সময়ে নানার পরিবারবর্গের জন্ম যব ভানিত । তাহাদিগকে পারিশ্রমিক স্বরূপ নিস্তব্ধ যবের কিয়দংশ দেওয়া হইত । এই রূপ শোচনীয় অবস্থার এইরূপ শোচনীয় নিকৃষ্ট কার্যে নিযুক্ত হওয়াতে, তাহাদের কষ্টের অবধি ছিল না । এদিকে অপকৃষ্ট খাদ্যভোজন ও অপকৃষ্ট সঙ্গীণ স্থানে অবস্থান-প্রযুক্ত তাহাদের মধ্যে অতিসার রোগের আবির্ভাব হইল । অনেকে ঐ রোগে প্রাণত্যাগ করিল । যাহারা জীবিত রহিল, তাহারাও তদৃশ শোচনীয় অবস্থা অপেক্ষা মৃত্যুকে শ্রেয়স্কর মনে করিতে লাগিল ।

নানা সাহেব পারিষদবর্গের সহিত যখন বিস্তৃত প্রাসাদে অবস্থিতি করিতেছিলেন, তখন তাঁহার সম্মুখে অসহায় কুলকামিনী ও শিশু সন্তানেরা অসহনীয় কষ্টে প্রতিদিনই নিপীড়িত হইতেছিল । মস্তিগণের ভয়েই হউক, বা অন্য কারণেই হউক, নানা সাহেব ইহাদের কষ্টমোচনে উদ্যত হইলেন নাই । অভিনব পেশবার অমাত্যেরা যখন এই সকল নিঃসহায়, নির্দোষ ও নিরীহ জীবের উপর প্রভুত্ব স্থাপিত করিয়া, ফিরিঙ্গীর ক্ষমতানাশ হইল বলিয়া আপনাদিগকে গৌরবান্বিত মনে করিতেছিলেন, তখন স্থানান্তর হইতে তাঁহাদের ক্ষমতা ও গৌরবনাশের জন্ম ব্রিটিশ সৈন্য আসিতে ছিল । অনতিবিলম্বে এক জন ব্রিটিশ বীরপুরুষ বিপুলোৎসাহে ও অদম্য-তেজস্বিতাসহকারে বলবতী প্রতিহিংসার তৃপ্তিসাধন জন্ম অভিনব পেশবার সৈনিকদলের সম্মুখে উপনীত হইলেন ।

পঞ্চম অধ্যায় ।

সেনাপতি হাবেলকের কাণপুরে যাত্রা—সেনানায়ক রেণ্ডের সহিত হাবেলকের সম্মিলন
—কতেহপুরের যুদ্ধ—কতেহপুরের অধিবাসীদের উত্তেজনা—ইঙ্গরেজসৈন্তের প্রতিহিংসা—
আওলখানের যুদ্ধ—বিবিধের হত্যা—কাণপুরের যুদ্ধ—কাণপুরে হাবেলকের আগমন—
নানা সাহেবের পলায়ন—ইঙ্গরেজ সৈন্তের অত্যাচার—বিত্তরে নানা সাহেবের প্রাসাদলুপ্তি—
সেনাপতি নীলের কাণপুরে উপস্থিতি—নীলের প্রতিহিংসা—কাণপুররক্ষার উপায়বিধান
—হাবেলকের লক্ষ্যযাত্রা ।

কাণপুরের পতন ও তত্রত্য ইউরোপীয়দিগের নিধনের সংবাদ পাইয়া, সেনাপতি হাবেলক, অগ্রগামী সৈনিকদলের অধ্যক্ষ রেনডকে অগ্রসর হইতে নিষেধ করিয়া পাঠাইয়াছিলেন। তদনুসারে রেণ্ড লোহঙ্কনামক স্থানে অবস্থিতি করেন। এদিকে হাবেলক রেনডের সহিত সম্মিলিত হইবার জন্ত সত্বরতাসহকারে এলাহাবাদ হইতে যাত্রা করিবার ইচ্ছা করিলেন। তিনি কলিকাতায় প্রধান সেনাপতির নিকটে তারে এই সংবাদ পাঠাইলেন, “কাণপুর আমাদের হস্তচ্যুত হইয়াছে, কেবল ঐ স্থান হইতেই লক্ষ্যরক্ষা করা যাইতে পারে * * এজন্ত আমি ঐ স্থান হস্তগত করিবার চেষ্টা করিতেছি, * ১৪,০০ ব্রিটিশ পদাতিক ও ৬টি কামান সংগৃহীত হইলেই, আমি বড় রাস্তা দিয়া অগ্রসর হইব। আর একদল সৈন্ত সংগৃহীত হইলেই কর্ণেল নীল আমার অনুগমন করিবেন। এলাহাবাদের দুর্গ উপযুক্ত ব্যক্তির হস্তে সমর্পিত হইয়াছে।” সেনাপতি হাবেলক এইরূপ সংবাদ পাঠাইয়া কাণপুরে যাত্রা করিবার বন্দোবস্ত করিতে লাগিলেন। তিনি ৪ঠা জুলাই যাত্রা করিবার ইচ্ছা করিয়াছিলেন। কিন্তু দ্রব্যাদি সংগৃহীত না হওয়াতে ঐ দিন যাত্রা করিতে পারিলেন না। যে সকল অন্তরায়গ্রস্ত সেনানায়ক রেণ্ড শীঘ্র শীঘ্র এলাহাবাদপরিভ্রমণ করিতে পারেন নাই, সেনাপতি হাবেলকের সম্মুখেও সেই সকল অন্তরায় উপস্থিত হইল। এতদ্ব্যতীত অভিযানের উপযোগী দ্রব্যাদির সংগ্রহে আরও কয়েকদিন বিলম্ব

ঘটিল। অনন্তর ৭ই জুলাইর অপরাহ্নে অভিযানের সন্ধেত হইল। সেনাপতি হাবেলক ১০০০ ইউরোপীয় পদাতিক, ১৩০ জন শিখ, কতিপয় স্বৈচ্ছাপ্রবৃত্ত অশ্বারোহী সৈনিক ও ৬টি কামান লইয়া, এলাহাবাদ হইতে যাত্রা করিলেন। যে সকল আফিসরের সৈনিকদল তাঁহাদের বিপক্ষে দণ্ডায়মান হইয়াছিল, সেই সকল আফিসর এই কাণপুরগামী সৈন্যদলে ছিলেন। যে সকল সিভিল কর্মচারীর কাছারি বন্ধ হইয়াছিল, তাঁহারাও স্বৈচ্ছাপ্রবৃত্ত অশ্বারোহী সৈনিকদলে প্রবিষ্ট হইয়া, হাবেলকের বলবৃদ্ধি করিয়াছিলেন। হাবেলক কাণপুরের উদ্ধার ও লঙ্কোরক্ষার জন্ত, এই সৈনিকদলের উপর নির্ভর করিয়া, এলাহাবাদ পরিত্যাগ করিলেন।

সেনাপতি যখন কাণপুরে যাত্রা করেন, তখন আকাশমণ্ডল মেঘে আচ্ছন্ন ছিল। অবিলম্বে প্রবলবেগে বৃষ্টি হইতে লাগিল। এই জন্ত সে দিন বা তৎপর দিন হাবেলকের সৈনিকদল অধিক দূর অগ্রসর হইতে পারিল না। অনেকে পশ্চাতে পড়িয়া রহিল। অবিরাম গতিতে অনেকের পদদেশ ক্ষীত ও যন্ত্রণাদায়ক হইয়া উঠিল। হাবেলক এজন্ত চিন্তিত হইলেন, কিন্তু এখন হুশিস্তায় অভিযান বন্ধ রাখিবার সময় ছিল না। হাবেলক কোনরূপ বাধা না মানিয়া, কাণপুরের দিকে ক্রমাগত অগ্রসর হইতে লাগিলেন। তিনি ১০ই জুলাই সংবাদ পাইলেন, বহুসংখ্য বিপক্ষসৈন্য তাহার অভিমুখে আসিতেছে। কাণপুরের পতনসংবাদে তাঁহার বিশ্বাস জন্মিয়াছিল। এখন বিপক্ষদিগের আগমনসংবাদে সেই বিশ্বাস পূর্ণাপেক্ষা দৃঢ়তর হইল।

এদিকে ইঙ্গরেজ সৈন্যকে বাধা দিবার জন্ত, নানা সাহেব মস্ত্রিগণের পরামর্শে সমস্ত বিষয়ের আরোজনে তৎপর হইয়াছিলেন। সেনাপতি টীকাসিংহ সিপাহীসৈন্য সজ্জিত করিতেছিলেন। বাবাজি খাদ্যদ্রব্য ও বারুদ প্রভৃতি লইয়া যাইবার জন্ত, গাড়িসংগ্রহ করিবার ভারগ্রহণ করিয়াছিলেন। বিপক্ষদিগের প্রতি তাম্বু ও জলনিবারক পরিচ্ছদসংগ্রহের আদেশ প্রচারিত হইয়াছিল। এইরূপে সমুদয় সংগৃহীত হইলে, জোয়ালা প্রসাদ ৯ই জুলাই, ১,৫০০ পদাতিক ও গোলন্দাজ, ৫০০ অশ্বারোহী, ১,৫০০ মশস্ত্র সাধারণলোক সহ এলাহাবাদের অভিমুখে যাত্রা করিলেন। ইহাদের সহিত ১২টি কামান

ছিল। টাকাসিংহও সৈনিকদলের পরিচালনভারগ্রহণ করিয়াছিলেন। ইঙ্গরেজসৈন্য কাণপুরের অভিমুখে আসিতেছে শুনিয়া, জোয়ালাপ্রসাদ সত্বর ফতেহপুর নগরে যাইয়া শিবিরসন্নিবেশ করিলেন।

সেনাপতি নীল কাণপুরের পতনসংবাদে বিশ্বাসস্থাপন না করিয়া, রেণড্কে সৈনিকদলসহ অগ্রসর হইতে আদেশ দিবার জন্ত প্রধান সেনাপতিকে তারে জানাইয়াছিলেন। সেনানায়ক রেণড্ এজন্ত অগ্রসর হইতে লাগিলেন। এদিকে হাবেলক রেণডের সহিত সম্মিলিত হইতে যার পর নাই চেষ্টা করিতে লাগিলেন। তিনি বুঝিয়াছিলেন, রেণড্ একাকী অগ্রসর হইলে, তদীয় সৈন্য বিপক্ষের আক্রমণে নিশ্চল হইবে। এজন্ত তাঁহার আশঙ্কা বলবতী হইল। তিনি কোন বিষয়ে কিছুমাত্র কালবিলম্ব করিলেন না। রেণডের সহিত মিলিত হইবার জন্ত অবিশ্রান্তভাবে অগ্রসর হইতে লাগিলেন। অনন্তর ১১ই জুলাই নিশীথকালে হাবেলকের সৈনিকদলের সহিত রেণডের দলের সাক্ষাৎ হইল। এই সময়ে আকাশ মেঘশ্রুত ছিল। চন্দ্রালোকে চারি দিক উদ্ভাসিত হইয়াছিল। সেই নিশ্চল আকাশতলে চন্দ্রমার স্নিগ্ধ কিরণজালের মধ্যে উভয় দল আনন্দধ্বনি করিতে করিতে উভয়ের সহিত সম্মিলিত হইতে লাগিল। প্রভাতের পূর্বেই সকলে একত্র হইল, এবং সকলেই বাদ্যকরের আনন্দজনক বাদ্যধ্বনিতে প্রফুল্ল হইয়া, অগ্রসর হইতে লাগিল। হাবেলক এই সম্মিলিত ও উৎসাহিত সৈনিকদলসহ, ১২ই জুলাই বেলা ৭ ঘটিকার সময়ে, ফতেহপুরের ৪ মাইল দূরে বেলিন্দানামক স্থানে উপনীত হইলেন। যদি সেনাপতি হাবেলক স্বরিতগতিতে অগ্রগামী সৈনিকদলের সহিত মিলিত না হইতেন, তাহা হইলে নানা সাহেবের প্রেরিত সৈন্তের সম্মুখে ঐ সৈনিকদল আত্মরক্ষা করিতে পারিত না। সেনানায়ক রেণড্ হাবেলকের উপস্থিতির পূর্বেই, ফতেহপুর অধিকার করিবার ইচ্ছা করিয়াছিলেন। তাঁহার নিকট সংবাদ আসিয়াছিল যে, ফতেহপুরে অতি অল্পমাত্র বন্দুকধারী লোক রহিয়াছে। কিন্তু ইহার পরেই অভিনব পেশবার বহুসংখ্য সৈন্য ঐ স্থানে আসিতে থাকে। যদি রেণড্ অগ্রসর হইতেন, তাহা হইলে, তাঁহার সৈন্য নিঃসন্দেহ নিশ্চল হইত। সাংঘাতিক সংবাদ জানাইবার জন্ত কোন

ব্যক্তি জীবিত থাকিত না*। কেবল সেনাপতি হাবেলকের স্বল্পমর্শিতায় ও অপরিসীম চেষ্টায়, এই বিপদের গতিরোধ হয়। রেণ্ডের সহিত হাবেলকের সৈন্য সম্মিলিত হইলে ইঙ্গরেজপক্ষে ১,৪০০ ব্রিটিশ সৈন্য, ৬০০ এতদেশীয় সহকারী সৈনিকপুরুষ ও ৮টি কামান হয়। এই সৈনিকদলকে একান্ত পরিশ্রান্ত দেখিয়া, হাবেলক তাহাদিগকে বিশ্রাম ও ভোজন করিবার আদেশ দিলেন। সেনাপতির আদেশে সৈনিকেরা অঙ্গসমূহ এক স্থানে স্তূপীকৃত করিয়া, আহারীয়ের আয়োজন করিতে লাগিল। এমন সময়ে সহসা কামানের একটি গোলা সেনাপতির সম্মুখে আসিয়া পড়িল। এদিকে গুপ্তচরেরা আসিয়া সংবাদ দিল যে, উদ্বেজিত সিপাহীসৈন্য ফতেহপুরে অবস্থিত করিতেছে। সুতরাং হাবেলকের সৈন্যের আর ভোজনের সুবিধা ঘটিল না। তাহারা ভোজ্যসামগ্রীপরিভোগপূর্বক যুদ্ধের জন্ত সজ্জিত হইল। এইরূপে ১২ই জুলাই ফতেহপুরে হাবেলক, জোয়ালা প্রসাদের সৈন্যের সম্মুখীন হইলেন। কাণপুরের সিপাহীরা ভাবিয়াছিল যে, কেবল সেনানায়ক রেণ্ডের পরিচালিত সৈনিকদলই তাহাদের সম্মুখে রহিয়াছে। ইহাতে তাহাদের দৃঢ়-বিশ্বাস জন্মিয়াছিল যে, এই যুদ্ধে তাহাদের নিশ্চিতই জয় হইবে। তাহাদের বলাধিক্যে রেণ্ডের সৈন্য নিঃসন্দেহ বিচ্ছিন্ন হইয়া যাইবে। এই আশায় তাহারা উৎসাহসহকারে যুদ্ধে অগ্রসর হইল, কিন্তু রেণ্ডের সহিত হাবেলকের সৈন্য সম্মিলিত হইয়াছে, এই বিষয় যখন তাহাদের গোচর হইল, তখন তাহারা চিন্তিত ও কিয়দংশে হতাশাস হইয়া পড়িল। কিন্তু ইহাতে তাহারা সাময়িক ধর্ম্মে জলাঞ্জলি দিল না। অবিলম্বে তাহাদের কামান হইতে গোলায় পর গোলা নিক্ষিপ্ত হইতে লাগিল। এ যুদ্ধ পিস্তলে পিস্তলে বা সঙ্গীনে সঙ্গীনে হইল না। রাইফল বন্দুকে ও কামানে ইহার প্রারম্ভ, এবং রাইফল বন্দুকে ও কামানেই ইহার পরিসমাপ্তি হইল। ইঙ্গরেজের রাইফল বন্দুকের গুলি ৩০০ গজ দূর হইতে বিপক্ষদলে আসিয়া পড়িতে লাগিল। কিন্তু কাণপুরের সিপাহীদিগের একপ উৎকৃষ্ট বন্দুক ছিল না। সুতরাং জোয়ালা প্রসাদের সৈনিকদল ব্রিটিশ বন্দুক ও কামানের

* ১৮

* *Havelock's Indian Campaign* : *Calcutta Review*, Vol. XXXII. p., 27.

সম্মুখে স্থির থাকিতে পারিল না। তাহাদের কামান হইতে মুহূর্হঃ গোলাবুটি হইলেও এ সময়ে ইঙ্গরেজপক্ষের কামানই অধিকতর কার্য্যকর হইয়া উঠিল। জোয়ালাপ্রসাদের অশ্বারোহীরা সবেগে অগ্রসর হইল। উপস্থিত যুদ্ধে এই অশ্বারোহী সৈনিকেরাই সর্বাপেক্ষা সাহস ও পরাক্রম প্রদর্শন করিয়াছিল। তাহাদের একদল, সেনাপতি হাবেলকের সন্নিগটবর্তী হইয়াছিল। এই সময়ে সেনাপতি আপনার অশ্বারোহীদিগকে অগ্রসর হইতে আদেশ দিলেন। সেনানায়ক পলিসর অশ্বারোহীদিগকে তাঁহার পশ্চাদ্বর্তী হইতে কহিয়া, সবেগে স্রীয় অধিষ্ঠিত অশ্ব বিপক্ষের দিকে পরিচালিত করিলেন। তিন জন স্বৈচ্ছাপ্রবৃত্ত সৈনিকদলের অশ্বারোহী ও প্রায় ১২জন সওয়ার (প্রধানতঃ এতদেশীয় আফিসর) তাঁহার পশ্চাদ্বর্তী হইলেন। কিন্তু অবশিষ্ট সওয়ারেরা ধীরে ধীরে যাইতে লাগিল। ইহাতে ইঙ্গরেজদিগের বোধ হইল, এই সকল সওয়ার বিপক্ষদিগের সহিত মিলিত হইবে। সেনানায়ক পলিসর সহসা অশ্ব হইতে পতনোন্মুখ হইলেন। অমনি একদল বিপক্ষ অশ্বারোহী তাঁহার দিকে আসিতে লাগিল। এতদেশীয় আফিসরেরা অধিনায়কের জীবন সঙ্কটাপন্ন দেখিয়া, তাঁহার চতুর্দিকে দণ্ডায়মান হইয়া, পরাক্রম ও বিশ্বস্ততাসহকারে যুদ্ধ করিতে লাগিলেন। এই সময়ে কাণপুরের অশ্বারোহীদিগের প্রধান দল আপনাদের অগ্রবর্তী দলের সাহায্যার্থ ধাবিত হইল। এজন্ত ইঙ্গরেজের অশ্বারোহী সৈন্ত তীরবেগে হঠিয়া গেল। যুদ্ধে নজীব খাঁ নামক একজন রেসেলদার অপর ছয় জন সওয়ারের সহিত দেহভ্যাগ করিলেন, তথাপি ইঙ্গরেজের বিপক্ষ স্বদেশবাসী অশ্বারোহীদিগের সম্মিলিত হইলেন না। কিন্তু অশ্বারোহীদিগের এরূপ পরাক্রমেও জোয়ালাপ্রসাদ বিজয়ী হইতে পারিলেন না। কথিত আছে, এলাহাবাদের মৌলবী লিকায়ৎ আলি যুদ্ধস্থলে উপস্থিত ছিলেন, তাঁহার উপস্থিতিতে বা তদীয় উৎসাহবাক্যে, মুসলমান সৈনিক পুরুষেরা, বর্ণস্থলে অধিকক্ষণ আপনাদের রণকৌশল প্রদর্শনে সমর্থ হইল না। ইঙ্গরেজের কামানের গোলা সম্মুখে থাকিতে না পারিয়া, কাণপুরের সৈন্ত আপনাদের কামান ফেলিয়া, যুদ্ধস্থল হইতে পলায়ন করিল। তাহাদের প্রায় ১৫০ জন হত ও আহত হইল। সেনাপতি হাবেলক ফতেহপুরের যুদ্ধে অস্রীয় অধিকারী হইলেন। তাঁহার দলের এতদেশীয় অশ্বারোহীরা

কাণপুরের অস্কারোহীদিগের সহিত সম্মিলনের চেষ্টা করিয়াছিল, এই সময়ে ১৫ই জুলাই তাহারা নিরস্ত্রীকৃত ও তাহাদের অস্ত্র অধিকৃত হইল* ।

কয়েক সপ্তাহ পূর্বে, ফতেহপুরে ইঙ্গরেজের প্রাধান্য অন্তর্হিত হইয়াছিল । ফতেহপুর কাণপুরের ৪০ মাইল উত্তরপশ্চিমে এবং কাণপুর ও এলাহাবাদের মধ্যভাগে অবস্থিত । ইঙ্গরেজেরা ১৮০১ খৃঃ অব্দে এই বিভাগ অযোধ্যার নবাবের নিকট হইতে গ্রহণ করেন । উপস্থিত সময়ে ফতেহপুর নগরে ১৫১৬ হাজার লোকের বসতি ছিল । ইহাদের অধিকাংশ মুসলমান । এই বিভাগের অনেকে অস্কারোহী সৈনিক দলভুক্ত ছিল । শাসনসংক্রান্ত কর্মচারীর মধ্যে ফতেহপুর নগরে একজন জজ, একজন মাজিষ্ট্রেট, কলেজের ও একজন সহকারী মাজিষ্ট্রেট ছিলেন । এতদ্ব্যতীত একজন মুসলমান ডেপুটি মাজিষ্ট্রেট এইস্থানের রাজকীয় কার্যনির্বাহ করিতেন । ইহার নাম হিকমৎ উল্লাখাঁ । স্বধর্ম্মে হিকমৎ উল্লাখাঁর যার পর নাই আস্থা ছিল । ফতেহপুরে খ্রীষ্টধর্ম্ম-প্রচারকদিগের কার্যালয় ছিল । প্রচারকেরা পল্লীবাসীদিগের অনেককে খ্রীষ্টধর্ম্মে দীক্ষিত করিয়াছিলেন । হিকমৎ উল্লাখাঁ খ্রীষ্টীয় ধর্ম্মপ্রচারের বিরোধী ছিলেন । স্বধর্ম্মে ফতেহপুরের ডেপুটি মাজিষ্ট্রেটের যেকোন আস্থা ছিল, ফতেহপুরের জজও সেইরূপ আপনার ধর্ম্মে আস্থাবান ছিলেন । বারাণসীর কমিসনের হেনরি টুকর সাহেবের ভ্রাতা, টিউডর টুকর সাহেব এই সময়ে, ফতেহপুরের প্রধান বিচারপতির পদে অধিষ্ঠিত ছিলেন । তিনি ফতেহপুরের প্রবেশপথে চারিটি প্রস্তরস্তম্ভস্থাপন করিয়াছিলেন । দুইটিতে পারসী ও হিন্দীভাষায় খ্রীষ্টীয় ধর্ম্মের দশবিধ অনুশাসন অঙ্কিত ছিল । অবশিষ্ট দুইটিতে উক্ত দুই ভাষায় খ্রীষ্টীয় ধর্ম্মগ্রন্থ হইতে, ধর্ম্মতত্ত্ব সকল বিবৃত করা হইয়াছিল । কিন্তু স্বধর্ম্মে আস্থাবান হইলেও টুকর সাহেব কাহাকেও বলপূর্ব্বক, আপনার ধর্ম্মে দীক্ষিত করেন নাই । তিনি উদারহৃদয়, দয়ালু ও পরোপকারপরায়ণ ছিলেন । যে স্থানে দুঃখী ও নিরন্নলোক তাঁহার দৃষ্টিপথবর্ত্তী হইত, সেই স্থানেই তিনি তাহাদের অভাবমোচনে অগ্রসর হইতেন । প্রগাঢ় ধর্ম্মজ্ঞানের সহিত দয়া ও দানশীলতার সংযোগ হওয়াতে, তিনি সর্ব্বজাতির ও সর্ব্বশ্রেণীরই অধিগম্য ছিলেন । রোগান্ত ও দুঃখান্ত লোকে

* Havelock's Indian Campaign: Calcutta Review. Vol. XXXII p. 29.

তাহার পুত্রহানীর ছিল, এজন্য অনেকেই ফতেহপুরের টুকরের প্রতি শ্রদ্ধা-প্রদর্শন করিত। খ্রীষ্টীয় ধর্মের বিস্তারে যত্নশীল হইলেও টুকর অনেকেই যথোচিত সম্মানের পাত্র ছিলেন।

এলাহাবাদে বর্ষ পদাতিদলের প্রায় ৭০ জন সিপাহী ফতেহপুরের ধনাগার-রক্ষা করিতেছিল। মে মাসের শেষভাগে ঘটপঞ্চাশ পদাতিদলের কতকগুলি সিপাহী ও দ্বিতীয় অশ্বারোহিদলের কতিপয় সওয়ার কোম্পানির টাকা লইয়া ফতেহপুরে উপস্থিত হয়। এই দুই দলের লোক শেষে কাণপুরে ব্রিটিশ কোম্পানির বিরুদ্ধে সমুথিত হইয়াছিল। ইহাদের সহিত ফতেহ-পুরবাসী ৬ষ্ঠ দলের সিপাহীদিগের কোনরূপ ষড়যন্ত্র হইয়াছিল কিনা, জানা যায় নাই। যাহা হউক, ইহারা কোম্পানির টাকা লইয়া বিনা উত্তেজনার এলাহাবাদে চলিয়া যায়। এই সময়ে ফতেহপুরের অধিবাসীরা নানাবিধ জনশ্রুতিতে ক্রমে উত্তেজিত হইয়া উঠে। তাহাদের মধ্যে প্রচারিত হয় যে, খ্রীষ্টধর্মাবলম্বীরা নগরের সমগ্র অধিবাসীর ধর্মনাশে রুতনিশ্চয় হইয়া, গাড়ি বোঝাই শূকর ও গাভীর অস্থি আনিয়া, সমুদয় কুপে নিক্ষেপ করিয়াছে। কতিপয় রাজকীয় কর্মচারী এই জনরবের বিষয় মাজিষ্ট্রেটের গোচর করেন। মাজিষ্ট্রেট উহাতে উপহাস করিয়া কহেন, খ্রীষ্টধর্মে কাহাকেও বলপূর্বক দীক্ষিত করিবার উপদেশ নাই। স্মরণ্য উক্ত ধর্মাবলম্বীরা এ বিষয়ে অপরাধী হইতে পারে না। কিন্তু মাজিষ্ট্রেটের এইরূপ কথায় উত্তেজনার গতি নিরুদ্ধ হইল না। মিরাতের সংবাদ পাইয়া, ফতেহপুরবাসীরা অধিকতর উত্তেজিত হইয়া উঠিল, এজন্য ফতেহপুরের ইন্সপেক্টর শঙ্কিত হইলেন। তাহারা আপনাদের পরিবারবর্গকে এলাহাবাদে পাঠাইয়া দিলেন। এতদেন্দীয় খ্রীষ্টধর্মাবলম্বীদিগের পরিবারবর্গকেও কোন নিরাপদ স্থানে পাঠাইয়া দিতে বলা হইল। ফতেহপুরের ইউরোপীয়েরা এই জুন কাণপুরের দিকে কামানের শব্দ শুনিয়া, ভীত হইলেন, এবং কালবিলম্ব না করিয়া, সকলে মাজিষ্ট্রেটের গৃহে আশ্রয়গ্রহণ করিলেন। যেহেতু তাহারা শুনিতে পাইয়াছিলেন যে, দ্বিতীয় অশ্বারোহিদল ও ঘটপঞ্চাশদলের কতকগুলি সিপাহী এলাহাবাদ হইতে কাণপুরের অভিমুখে আসিতেছে। ইহারা ফতেহপুরে আসিয়া, তাহাদিগকে আক্রমণ করিবে। ঐ সকল

সিপাহী কতেহপুরে আসিয়া, ধনাগার লুণ্ঠনের চেষ্টা করিল, কিন্তু ধনাগার রক্ষক ৬ষ্ঠ দলের সিপাহীরা এ পর্যন্ত বিশ্বস্তভাবে ছিল, তাহারা আক্রমণকারীদিগকে তাড়াইয়া দিল। ৭ই জুন এলাহাবাদের সংবাদ কতেহপুরে উপস্থিত হইল। এই সংবাদে ধনাগাররক্ষক সিপাহীরা আর কতেহপুরে থাকিল না। তাহারা যখন শুনিল, তাহাদের এলাহাবাদস্থিত দলের লোক কোম্পানির বিপক্ষ হইয়াছে, তখন তাহারা বিশিষ্ট শৃঙ্খলার সহিত কাণপুরের দিকে চলিয়া গেল। এ সময়ে ফিরিঙ্গীর শোণিতপাতে তাহাদের আগ্রহ হইল না। ফিরিঙ্গীর সম্মুখে কালাস্তকের ছায় বিকটভাবে দণ্ডায়মান হইতেও তাহাদের প্রবৃত্তি জন্মিল না। তাহারা কতেহপুরবাসী ইউরোপীয়দিগের কাহারও কোনরূপ অনিষ্ট না করিয়া, ধনাগার পরিত্যাগ করিল।

অনন্তর ৯ই জুন সহসা প্রবল ঝটিকার আরম্ভ হইল। এক দিকে এলাহাবাদ, অপর দিকে কাণপুর, দুই দিকের ভীষণ বিপ্লবসাগরের দুইটি প্রচণ্ড তরঙ্গ আসিয়া কতেহপুর ভাসাইয়া দিল। কতেহপুরের হিন্দু ও মুসলমানদিগের অনেকে, উত্তেজিত সিপাহীদিগের সহিত মিশিল। মুসলমানেরা খ্রীষ্টধর্মের প্রচারে সাতিশয় বিরক্ত হইয়াছিল, তাহারা এখন স্বেচ্ছায় বক্রিয়া, দলে দলে খ্রীষ্টধর্মাবলম্বীদিগের বিরুদ্ধে আসিতে লাগিল। উত্তেজিত সিপাহীরা কারাগারের দ্বার উদ্বাটিত করিল। কয়েদীরা চারি দিকে বাইয়া, অরাজকতাবৃদ্ধি করিতে লাগিল। ধনাগার বিলুপ্ত হইল। কাছারিগৃহ সমুদয় কাগজপত্রের সহিত ভস্মীভূত হইয়া গেল। খ্রীষ্টধর্মপ্রচারের কার্যালয় আক্রান্ত হইল। ইউরোপীয়েরা যখন দেখিলেন, যে তাঁহাদের প্রাধান্ত অন্তর্হিত হইয়াছে, নগরের উন্নত লোকে প্রতিমুহূর্তে ভয়ঙ্কর কার্যসাধনের নিমিত্ত দলবদ্ধ হইতেছে, তখন তাঁহারা হতাশ হইয়া, আত্মরক্ষার জন্য স্থানান্তরে বাইতে উদ্যত হইলেন। এই সময়ে কতেহপুরে ১০ জন ইউরোপীয় অবস্থিতি করিতেছিলেন। ইহাদের নয় জন ৯ই জুন অপরাহ্নে অস্বাভাবিকভাবে কতেহপুর হইতে যাত্রা করিলেন। চারি জন বিশ্বস্ত সওয়ারী ইহাদের সঙ্গী হইল। ইহারা বাঁদা, কালিঙ্গর প্রভৃতি ভিন্ন ভিন্ন স্থান দিয়া, বাইশ দিনে এলাহাবাদে উপনীত হইলেন।

কেবল এক জন মাত্র ইজরেক রাজপুরুষ আপনার স্থানে অটল রহিলেন।

এক জন ইন্দুরেজ রাজপুরুষ আপনার রক্ষণীয় স্থান পরিত্যাগ করিলেন না। বিচারপতি রবট টুকর প্রাণপণে ফতেহপুররক্ষায় দৃঢ়প্রতিজ্ঞ হইলেন। তিনি অবিলম্বে অশ্বপৃষ্ঠে আরোহণ করিলেন, এবং কতিপয় পুলিশসৈন্য সঙ্গে লইয়া, উত্তেজিত লোকদিগকে নিরাকৃত করিতে উদ্যত হইলেন। তাঁহার সাহস, উদ্যম, সর্বোপরি তাঁহার কর্তব্যনিষ্ঠা, কিছুতেই দূরীভূত হইল না। তিনি সৈনিকবিভাগে নিযুক্ত না থাকিলেও, অস্ত্রপরিগ্রহ-পূর্বক, যুদ্ধবীর সেনাপতির পদে অধিষ্ঠিত হইলেন। তাঁহার পরাক্রমে কতিপয় বিপক্ষ নিহত হইল, তিনি নিজেও আহত হইলেন। তাঁহার সহযোগীরা যখন ফতেহপুর হইতে যাত্রা করেন, তখন তিনি কাছারিগৃহে ছিলেন। তিনি এইস্থানে থাকিয়াই উত্তেজনায় গতিরোধ অথবা গবর্ণমেন্টের কার্যসাধন জন্ত দেহত্যাগে কৃতসঙ্কল্প হইলেন।

কিন্তু তেজস্বী বিচারপতির উদ্দেশ্য সিদ্ধ হইল না। রবট টুকর যে গবর্ণমেন্টের কার্যসাধনে নিয়োজিত হইয়াছিলেন, সেই গবর্ণমেন্টের জন্তই অগ্নানভাবে আত্মবিসর্জন করিলেন। তিনি কিরূপে দেহত্যাগ করেন, তৎসম্বন্ধে অনেকেই অনেক মত প্রকাশ করিয়াছেন। ফতেহপুরের মাজিষ্ট্রেট সেরার সাহেব উল্লেখ করিয়াছেন, ডেপুটি মাজিষ্ট্রেট হিকমৎ উল্লাহ আদেশে বিচারপতি টুকরকে গুলিকরা হয়। ঐ সময়ে হিকমৎ উল্লাহ সেই স্থলে কোরাণপাঠ করিতেছিলেন। কিন্তু এ বিষয় সম্পূর্ণরূপে বিশ্বাসযোগ্য বলিয়া প্রতিপন্ন হয় নাই। কেহ কেহ নির্দেশ করিয়াছেন, বিচারপতি টুকর মুসলমান ডেপুটি মাজিষ্ট্রেটকে আপনার নিকটে আসিতে আদেশ করেন। হিকমৎ উল্লাহ মুসলমানদিগের সবুজ বর্ণের পতাকা উড়াইয়া, পুলিশসৈন্য সমভিব্যাহারে কাছারিগৃহে উপনীত হইলেন। মুসলমানেরা বিচারপতিকে আপনারদের ধর্মগ্রহণ করিতে অনুরোধ করে। বিচারপতি অসম্মত হইলেন। এজন্ত উত্তেজিত মুসলমানগণ অগ্রসর হইয়া, তাঁহাকে মৃত্যুমুখে পাতিত করে। অল্প মতান্তরসারে ১০ই জুলাই বেলা ৯ ঘটিকার সময়ে ধনাগার বিলুপ্তি হয়, অপরাহ্নে সৈয়দ মহম্মদ হোসেননামক এক ব্যক্তি এক দল উত্তেজিত মুসলমানের অধিনায়ক হইয়া, টুকর সাহেবকে আক্রমণ করে। টুকর কাছারির ছাদে আশ্রয়গ্রহণপূর্বক ক্রিয়ৎক্ষণ আত্মরক্ষা করেন।

শেষে আক্রমণকারীরা তাঁহার আশ্রয়গৃহে আগুন দেয়। দেখিতে দেখিতে ধূমরাশিতে চারিদিক পরিব্যাপ্ত হয়। তাহার, ধূমের সাহায্যে আত্মগোপন-পূর্ব্বক ছাদে উঠিয়া, বিচারপতিকে নিহত করে। উপস্থিত বিষয়ে বিভিন্ন জনে এইরূপ বিভিন্ন কথার উল্লেখ করিয়াছেন। যাহা হউক, বিচারপতি টুকের যে, কাছারিগৃহে প্রাণত্যাগ করিয়াছিলেন, তাহিষয়ে বোধ হয়, মতবৈধ নাই। তিনি সাহস ও পরাক্রমসহকারে ঐ স্থলে আত্মরক্ষা করিতেছিলেন। বিপক্ষের নিক্ষিপ্ত গুলিতে পতিত ও গতাস্ব না হওয়া পর্য্যন্ত, তিনি একাকী বিপক্ষের সম্মুখে অবিচলিতভাবে দণ্ডায়মান থাকিয়া, বন্দুক ভরিতেছিলেন ও ছুড়িতেছিলেন। শেষে তাঁহার ক্ষমতা অন্তর্হিত হয়। বহুসংখ্য মুসলমানের আক্রমণে তিনি সেই কাছারিগৃহেই প্রাণত্যাগ করেন। উত্তেজিত মুসলমানগণ যখন আপনাদের এই কার্য্যে আপনারাই আয়োদ্যপ্রকাশ করিতেছিল, তখন জুইজন হিন্দুর সহিত তাহাদের সাক্ষাৎ হয়। হিন্দুদ্বয় টুকেরের ভ্রাতা, ভ্রাতৃপুত্র ও দয়ানীল ব্যক্তির হত্যার জন্ত অকুতোভয়ে মুসলমানদিগকে তিরস্কার করে। এইরূপ তিরস্কারে উত্তেজিত দলের ক্রোধ বদ্ধিত হয়। তাহার পূর্ব্বাপেক্ষা অধিকতর উত্তেজিত হইয়া, তিরস্কারকারী হিন্দুদ্বয়কে নিহত করে* ।

ফতেহপুর পাঁচ সপ্তাহকাল অরাজক অবস্থার থাকে। লোকে নানা সাহেবের প্রাধান্ত্বস্বীকার করিলেও, যথেষ্টাচারে নিরস্ত হয় নাই। সকলেই স্বপ্রধান হইয়া, আপনাদের ইচ্ছানুসারে কার্য্য করিতে থাকে। হাবেলক ফতেহপুরে উপস্থিত হইলে, অধিবাসীরা প্রাণভয়ে পলায়ন করে। এ সময়ে ইঙ্গরেজ প্রতিহিংসার তৃপ্তিসাধনে বিমুখ হয়েন নাই। পূর্ব্বে উক্ত হইয়াছে, ফতেহপুরের মাজিষ্ট্রেট সেরার সাহেব এলাহাবাদে উপনীত হইয়াছিলেন। তিনি এলাহাবাদ হইতে আবার সেনাপতি হাবেলকের দলে প্রব্রিষ্ট হয়েন। সেরার সাহেব এ সময়ে যাহা যাহা দেখিয়া ছিলেন, তৎসমুদয়ের বিশদ বর্ণনা করিয়া গিয়াছেন। তিনি ফতেহপুরে প্রত্যগমন সময়ে যাহা লিখিয়াছেন, তাহার ভাবার্থ এই—“আমাদের

* *Kaye, Sepoy War. Vol. II. p.367.*

পথবর্তী অনেক পল্লীই বিদগ্ধ হইয়াছিল। কোথাও একটি মানুষও পরিদৃষ্ট হয় নাই। * * * কুটারের পরিবর্তে কেবল কৃষ্ণবর্ণ ভগ্নস্তূপ রহিয়াছিল। মানুষের অস্তিত্বজ্ঞাপক কোনরূপ শব্দ কোথাও শ্রুতিগোচর হয় নাই। মানবের কণ্ঠস্বর বা তাহাদের অবলম্বিত বিবিধ কার্যের পরিচয়সূচক শব্দের পরিবর্তে সকল স্থল ভেকের ধ্বনিতে, ঝিল্লীরবে ও সহস্র সহস্র উড়ীয়মান পতঙ্গের শব্দে পরিপূর্ণ হইয়াছিল। * * * সময়ে সময়ে বায়ুপ্রবাহে বৃক্ষশাখা-বিলম্বিত শব্দসমূহের দুর্গন্ধ অম্লভূত হইতেছিল। এই সকল ভীষণ দৃশ্য এবং এইরূপ জনশূন্যতা ও সর্ববিশ্বাস, বাহারা প্রত্যক্ষ করিয়াছেন, আমার বোধ হয়, তাহারা কখনও উহা ভুলিতে পারিবেন না।” ইঙ্গরেজ প্রতিনিধিসাথ অধীর হইয়া, ক্রুর সর্ববিশ্বাসের রাজ্যবিস্তার করিয়াছিলেন, তাহা এই বর্ণনায় পরিস্ফুট হইতেছে*। এখন ফতেহপুর নগর প্রায় জনশূন্য হইয়াছিল। কয়েক সপ্তাহ পূর্বে যে স্থল, উত্তেজিত লোকের কোলাহলে পরিপূর্ণ ছিল, তাহা এখন নীরবে আপনার অধূর্ন প্রশান্ততাবের পরিচয় দিতে ছিল। রাজপথে কাহাকেও দেখা যাইত না। দোকানে কেহ ক্রয়বিক্রয়ে ব্যাপ্ত থাকিত না। অনেক দোকান ও অনেক গৃহ বিবিধ দ্রব্যে পরিপূর্ণ ছিল। অধিশামীরা উহা লইয়া যাইবার স্বেচ্ছা প্রাপ্ত হয় নাই। সমাগত ইউরোপীয় ও শিখসৈনিকেরা ক্ষয়সমুদয় বিলুপ্তি করিল। বৃহৎ বৃহৎ অট্টালিকা তোপে বিধ্বস্ত ও তৃণাচ্ছাদিত গৃহসমূহ অগ্নিতে ভস্মীভূত হইল।

ইঙ্গরেজ যেমন প্রতিনিধিসাথ পরিচালিত হইয়া, সংহারকার্য সম্পন্ন করিয়াছেন, এতদেশীয় উত্তেজিত লোকেও সেইরূপ ইঙ্গরেজের প্রতি গভীর বিদ্বেষপ্রযুক্ত, ইঙ্গরেজের অধ্যুষিত বা ইঙ্গরেজের নিশ্চিত গৃহ ও ইঙ্গরেজের প্রবর্তিত সভ্যতার চিহ্ন বিনষ্ট করিবার চেষ্টা করিয়াছে। হাবেলকের দলভুক্ত আর এক ব্যক্তি এবিষয়ের এইরূপ বর্ণনা করিয়াছেন— “তাহারা (এতদেশীয় উত্তেজিত লোকে) আমাদের বাঙ্গলা দগ্ধ করিয়াছে, আমাদের ধর্মমন্দির অপবিত্র করিয়া ফেলিয়াছে। * * * বাহা

* *Kaye, Sepoy War. Vol. II. p. 368.*

† *Martin, Indian Empire. Vol. II. p. 376.*

ইংলণ্ডজাত বা খাহার সহিত ইঙ্গরেজী সভ্যতার সংশ্লিষ্ট আছে, বিপ্লবকারীরা তৎসমুদয়ই বিনষ্ট করিয়াছে। টেলিগ্রাফের তার বিচ্ছিন্ন ও তারের স্তম্ভসমূহ উৎখাত হইয়াছে। বাঙ্গলাসমূহ ভস্মীভূত হইয়া গিয়াছে। পথের দূরবজাপক প্রোথিত প্রস্তরকীলক (মাইল ষ্টোন) যদিও বিপ্লবকারীদিগের নিরতিশয় প্রয়োজনীয়, তথাপি উহা ইঙ্গরেজের প্রবর্তিত বলিয়া, বিনষ্ট হইয়াছে*।” সেরার সাহেব বিদগ্ধ ও পরিত্যক্ত পল্লীসমূহের শোচনীয় ভাবের বর্ণনা করিয়াছেন। আর হাবেলকের দলস্থিত এই লেখক, একদৈর্ঘ্য উত্তেজিত লোকের ফিরিশ্চীসিদ্ধেবের এইরূপ পরিচয় দিয়াছেন। জনসাধারণ যখন ইঙ্গরেজের বিরুদ্ধে উত্তেজিত হইয়াছিল, তখন স্বদেশ হইতে ইঙ্গরেজের সহিত ইঙ্গরেজের ধর্ম, ইঙ্গরেজের রীতিনীতি ও ইঙ্গরেজের সভ্যতার সমুদয় চিহ্নের বিলোপে দৃঢ়প্রতিজ্ঞা করিয়াছিল। আর ইঙ্গরেজ যখন প্রতিহিংসায় অধীর হইয়া, কার্যক্ষেত্রে প্রবেশ করিয়াছিলেন, তখন তাঁহারা জনসাধারণের সংশ্লিষ্ট সমুদয় বিষয়ই সমূলে, বিনষ্ট করিয়া ফেলিয়া ছিলেন। ভয়াবহ বিপ্লবে দুই দিকেই লোকাকীর্ণ সমৃদ্ধ জনপদ মহাশ্মশানে পরিণত হইয়াছিল।

ফতেহপুরের যুদ্ধের সংবাদ কাণপুরে পৌঁছছিল। বালরাও ইঙ্গরেজ সেনাপতির গতিরোধের জন্ত প্রেরিত হইলেন। তিনি কাণপুরের বাইশ মাইল দক্ষিণে আওঙ্গনামক পল্লীতে শিবিরসন্নিবেশ করিলেন। ফতেহপুরের যুদ্ধে সেনাপতি হাবেলক বিপক্ষদিগের বারটি কামান হস্তগত করিয়াছিলেন। এখন এই সকল কামান বিপক্ষদিগের বিরুদ্ধে পরিচালিত হইল। ১৪ই জুলাই অপরাহ্নে ইঙ্গরেজের শিবিরে সংবাদ আসিল যে, বালরাও সৈন্যসহ ছয় মাইল দূরবর্তী আওঙ্গ পল্লীতে রহিয়াছেন। হাবেলক সংবাদ পাইয়া, তাঁহার অভিযুখে অগ্রসর হইতে লাগিলেন। ১৫ই জুলাই বেলা নয় ঘটিকার সময়ে উভয় দলে যুদ্ধ উপস্থিত হইল। এই যুদ্ধে ইঙ্গরেজের কামান পূর্ণাংগ অধিকতর কার্যকর হইয়া উঠিল। ইঙ্গরেজের রাইফল বন্দুকও বিপক্ষের বন্দুকের ক্ষমতা নষ্ট করিয়া ফেলিল। বালরাওর অশ্বারোহিদল প্রবলবেগে অগ্রসর হইল। কিন্তু রাইফল বন্দুকের অবিচ্ছিন্ন

* *Calcutta Review* Vol. XXXII. p. 27-28.

শুলিবৃষ্টিতে তাহাদের গতিরোধ হইয়া গেল। তাহারা ঘুরিয়া ইঙ্গরেজ সৈন্যদলের পশ্চাভাগ আক্রমণ করিল। এখানেও তাহাদের প্রাধান্ত বন্ধ হইল না। এই যুদ্ধে বালরাওর সৈনিকদল সাতিশয় পরাক্রম প্রকাশ করিয়াছিল। দুই ঘণ্টা কাল বোরতর যুদ্ধের পর ইঙ্গরেজের কামানে ও বন্দুকে তাহাদের পরাজয় হইল*।

আওঙ্গ্‌গ্রামের কয়েক মাইল অন্তরে একটি ক্ষুদ্র নদী আছে। এই নদী পাণ্ডু নামে কথিত হইয়া থাকে। পার হইবার জন্য নদীর উপর একটি সেতু ছিল। পাণ্ডু নদী যদিও স্বর্গীর্ণ, তথাপি বর্ষার জলে পরিপূর্ণ হওয়াতে ঐ সেতুভিন্ন পার হইবার অন্য উপায় ছিল না। বালরাও পশ্চাভাগে গমন পূর্বক নদীর অপর তটে উত্তীর্ণ হইয়া, উক্ত সেতু তোপে উড়াইয়া দিবার চেষ্টা করিতে লাগিলেন। সেনাপতি হাবেলক এই সংবাদ প্রাপ্তি-মাত্র সেতুর দিকে অগ্রসর হইলেন। প্রচণ্ড হর্ষের প্রথর উত্তাপের মধ্যে দুই ঘণ্টা কাল গমন করিয়া, ইঙ্গরেজসৈন্য সেতুর সম্মুখবর্তী হইল। বালরাও সেতুর নিকটে দুইটি বৃহৎ কামান স্থাপিত করিয়াছিলেন। বিপক্ষ সৈনিকদল তাঁহার দৃষ্টিপথবর্তী হইবামাত্র ঐ কামানদ্বয় হইতে গোলাবৃষ্টি হইতে লাগিল। ইঙ্গরেজদিগের কামান বড় ছিল না; সুতরাং উহার দ্বারা দূর হইতে গোলানিক্ষেপের সুবিধা হইল না। এজন্য ইঙ্গরেজসৈন্য প্রবলবেগে ক্রিয়দ্রু অগ্রসর হইয়া কামান ছুড়িতে লাগিল। সমস্যা বালরাওর তোপ হইতে গোলানিক্ষেপ বন্ধ হইল। ইঙ্গরেজের তোপে সিপাহীদিগের কামান ভরিবার উপযুক্ত যষ্টিসমূহ নষ্ট হইয়া গিয়াছিল। উহার অভাবে সিপাহীরা আর কামান ভরিতে পারিল না। বিপক্ষদিগের তোপ বন্ধ দেখিয়া, সেনাপতি হাবেলক সেনানায়ক রেণডকে ইউরোপীয় পদাতিকদলসহ অগ্রসর হইতে আদেশ দিলেন। রেণড তীব্রবেগে অগ্রসর হইলেন। এদিকে তাঁহাদের কামান বালরাওর অশ্বারোহিদলের গতিরোধ করিল। সেতু ইঙ্গরেজের অধিকৃত হইল। বালরাও স্বল্পদেশে আহত হইয়া রণস্থল পরিত্যাগ করিলেন। তাঁহার পাঁচটি কামান ইঙ্গরেজসৈন্যের অধিকৃত হইল। এই যুদ্ধে ইঙ্গরেজপক্ষের বিশিষ্ট ক্ষতি হইয়াছিল। সেনানায়ক রেণড যখন

* *The Mutiny of the Bengal Army. p 150.*

আপনার সৈনিকদল সেতুর সম্মুখে পরিচালিত করিতেছিলেন, তখন উরুদেশে সাংঘাতিকরূপে আহত হইলেন। এই আঘাতে দুই দিনের মধ্যে তাহার প্রাণবিয়োগ হয়*। সিপাহীরা পাণ্ডু নদীর তটে ইঙ্গরেজ সৈনিক-দলের সশস্ত্রবর্তী হইয়া, অসামান্য ভেজস্বিতা ও পরাক্রমের সহিত যুদ্ধ করিয়াছিল। উপযুক্ত সেনাপতিকৰ্ত্ত্বক পরিচালিত হইলে তাহারা বিপক্ষ-দিগের গতিরোধে অসমর্থ হইত না†। সিপাহীযুদ্ধের সকল স্থলেই এইরূপ উপযুক্ত সেনাপতির একান্ত অভাব লক্ষিত হইয়াছিল।

বালরাও আহত হইয়া, কাণপুরে গমন করিলেন। ১৫ই জুলাই অপরাহ্নে অভিনব পেশবার সতামণ্ডপে আবার পরাজয়ের সংবাদ প্রচারিত হইল। এই সংবাদে আমোদ ও উৎসবের স্রোত মন্দীভূত হইল। ক্রুরপ্রকৃতি মন্ত্রিগণ এই সংবাদে আরও চিন্তিত হইলেন। বিবাদের কালিমা আবার তাহাদের মুখমণ্ডলে বিকাশ পাইল। কার্য্যপটুতা ও সূক্ষ্মদর্শিতা থাকিলে, বালরাও, ইঙ্গরেজ সেনাপতির উপস্থিতির পূর্বেই পাণ্ডু নদীর সেতু বিনষ্ট করিতে পারিতেন। কিন্তু কার্য্যক্ষেত্রে জেদশী পটুতা বা সন্নীক্ষা-করিতা পরিদৃষ্ট না হইলেও, তদীয় পৃষ্ঠদেশের ক্ষত স্থান পেশবার পারিষদ-বর্গের নিকটে তাঁহার রণকুশলতার পরিচয় দিতে লাগিল। সেনাপতি হাবেলক পাণ্ডুনদী উত্তীর্ণ হইয়া, কাণপুরের অভিমুখে আসিতেছেন, এখন কি কর্তব্য, তাহার নির্দ্ধারণজ্ঞ মন্ত্রিগণ অবিলম্বে সমবেত হইলেন। কিন্তু তাঁহারা একমত হইতে পারিলেন না। কেহ বিচূরে ঘাইয়া আশ্রয়ক্ষার উপায় করিতে বলিলেন, কেহ ফতেগড়ের উত্তেজিত সিপাহীদিগের সহিত সন্মিলিত হইতে পরামর্শ দিলেন, কেহ বা কাণপুরের পথে দণ্ডায়মান হইয়া, বিপক্ষদিগের গতিরোধ করিতে কহিলেন। অনেক বিচারবিতর্কের পর, এই শেষোক্ত মতই পরিগৃহীত হইল। তদনুসারে যুদ্ধের আয়োজন

* কে সাহেব লিখিয়াছেন, মেজর রেণ্ড আওঙ্গ্রামের যুদ্ধে আহত হইলেন—*Kaye, Sepoy War. Vol. II. p. 369.* কিন্তু অল্প মতে সেনানায়ক রেণ্ড পাণ্ডু নদীর সেতু অধিকার করিবার সময়ে আহত হইয়াছিলেন।—*Mutiny of the Bengal Army, p. 150. Martin, Indian Empire. Vol. II. p. 376.*

† *Martin, Indian Empire. Vol. II. 376.*

হইতে লাগিল। এই সময়ে কুমতী আবার কুমতীর পরাকাষ্ঠা দেখাইতে উদ্যত হইলেন। ফিরিকীবিদ্বেষে তাঁহার হৃদয় কলুষিত হইয়াছিল। দয়াশীলতা, মেহপরতা পরহুঃখকাতরতা প্রভৃতি প্রকৃত মনুষ্যোচিত গুণ সমূলে বিনষ্ট হইয়া গিয়াছিল। তিনি প্রলয়কালীন কালাস্তকের ছায় কাণপুরে কেবল সংহার-কার্যের অমুষ্ঠানেই ব্যাপ্ত ছিলেন; এখন এই শেষ বার সেই ভীষণ কার্যের শেষাংশ সম্পাদনে অগ্রসর হইলেন।

ক্রুরপ্রকৃতি মুসলমান সচিব আজিমুল্লা বিবিধরের হতভাগ্য কয়েদীদিগের সম্বন্ধে উদাসীন ছিলেন না। তিনি নানা সাহেবকে কহিলেন, ইঙ্গরেজ সেনাপতি তাঁহাদের কুলকামিনী ও বালকবালিকাদিগের বিমুক্তির জন্য আসিতেছেন, যদি এই সময়ে উহাদের হত্যা করা হয়, তাহা হইলে সেনাপতি বিফলমনোরথ হইয়া, সৈন্তসহ আপনা হইতেই ফিরিয়া যাইবেন। ব্রিটিশসৈন্ত ক্রমে ভারতবর্ষ পরিত্যাগ করিবে*। নানা সাহেব নামে মহাপরাক্রান্ত ও মহামহিমাম্বিত পেশবা ছিলেন, কিন্তু কার্যে আজিমুল্লাই সর্বাধিপতি ও সর্বময় প্রভু হইয়া উঠিয়াছিলেন। স্তবরাং তাঁহার অভিপ্রায়সিদ্ধির কোন বিঘ্ন উপস্থিত হইল না। কথিত আছে, পুনঃ পুনঃ নরনারী ও শিশুসন্তানের হত্যার সংবাদে নানা সাহেবের মাতৃ-দেবীরা নিরতিশয় ব্যথিতহৃদয় হইয়াছিলেন। তাঁহারা এই বলিয়া ভয় দেখাইয়াছিলেন যে, যদি আবার হত্যাকাণ্ড অমুষ্ঠিত হয়, তাহা হইলে তাঁহারা, সন্তানগণের সহিত প্রাণীদের গবাঙ্কদেশ হইতে ভূপতিত হইয়া, প্রাণত্যাগ করিবেন। এই বলিয়া তাঁহারা কয়েককাল আহারপানপরিত্যাগ করেন। কিন্তু তাঁহাদের এইরূপ কাতরতাতেও আজিমউল্লা নিরস্ত হইলেন না। বিবিধরের হতভাগ্য অবরুদ্ধদিগের অদৃষ্টচক্র পূর্নাপেক্ষা অধিকতর নিয়গামী হইল।

এই শোচনীয় ঘটনার কথা সংক্ষেপে বর্ণনীয়। অবরুদ্ধদিগের মধ্যে ৪১৫ জন পুরুষ ছিলেন। ইহারা ১৫ই জুলাই অপরাহ্নে কারাগার হইতে বহির্দেশে আনীত ও নিহত হইলেন। আজিম উল্লা প্রথমতঃ অনেক চেষ্টা করিয়াও মহিলা ও বালকবালিকাদিগের হত্যার জন্য লোকসংগ্রহ করিতে

* Thomson, *Story of Cawnpur*, p. 212-213. Comp. Russell, *Diary in India*, Vol. II., p. 167.

পারিলেন না*। অধারোহী সিপাহীরা আর আপনাদের হস্ত কলুষিত করিতে সম্মত হইল না। পদাতিরাও অসম্মতিপ্রকাশ করিল। অবশেষে কারাগাররক্ষক ৬ষ্ঠ পদাতিদলের সিপাহীরা ভয়ঙ্করকার্যসাধনে আদিষ্ট হইল। তাহারা গবাক্ষদেশ দিয়া গুলি করিতে লাগিল। কিন্তু শেষে তাহাদেরও এই নৃশংস কার্যসাধনে প্রবৃত্তি হইল না। তাহারা নিরস্ত থাকিল। তাহা-
দিগকে কামানের মুখে উড়াইয়া দিবার ভয় প্রদর্শিত হইল, তথাপি তাহারা নিরীহ জীবের শোণিতপাতে আর অগ্রসর হইল না†। অনন্তর কারাগারের তত্ত্বাবধায়িকা বেগম, কয়েক জন কসাই ও অল্প নরঘাতক লোক, সঙ্কসমেত পাঁচ জনকে লইয়া আসিল। ইহারা সন্ধ্যাকালে তরবারির আঘাতে হতভাগ্য জীবদিগের প্রাণসংহার করিতে লাগিল। অনেকে নির্দয় নরঘাতকদিগের অস্ত্রাঘাতে অবিলম্বে দেহত্যাগ করিল। কেহ কেহ অর্দ্ধমৃতাবস্থায় পড়িয়া রহিল। রাত্রিকালে ভীতিব্যঞ্জক চীৎকারের বিরাম হইল বটে, কিন্তু মর্মান্তিক কাতরতাপ্রকাশক ধ্বনির বিরাম হইল না। ১৬ই জুলাই প্রাতঃকালে নিহত ও আসন্নমৃত্যুদিগের দেহ, নিকটবর্তী কূপে নিক্ষিপ্ত হইল। কথিত আছে, আহত মহিলাদিগের কাহারও কাহারও কথা কহিবার সামর্থ্য ছিল। তাহারা কাতরস্বরে আপনাদের যন্ত্রণার অবসান করিবার প্রার্থনা করিতে লাগিল। কয়েকটি বালক অক্ষতশরীরে ছিল। শরীরের ধ্বংসতা ও ঘনসন্নিবিষ্ট মহিলাদিগের মধ্যে অবস্থিতিপ্রযুক্ত ইহাদের দেহে অঙ্গস্পর্শ হয় নাই। ইহারা এখন সবিষ্ময়ে ও সত্যে কূপের পার্শ্বে দৌড়িতে লাগিল। ঘটনাস্থলে কতিপয় ব্যক্তি উপস্থিত ছিল, কিন্তু হতভাগ্য শিশুদিগের প্রাণরক্ষা করিতে কেহই সাহসী হইল না। হত, আহত ও অস্ত্রাঘাতশূন্য, সকলেই সেই কূপে সেই সাধারণ সমাধিতে সমাহিত হইল‡। আজিম উল্লার মজ্জণায় ও আজিম উল্লার চেষ্টায়, এইরূপে কাণপুরের শেষ হত্যাকাণ্ড সম্পন্ন হইল। নিহত ইউরোপীয় কুলকামিনীদিগের কাহারও

* *Martin, Indian Empire. Vol. II., p. 381.*

† *Ibid, pp. 381, 382.*

‡ ষষ্ঠ পদাতিদলে কিচেটনামে একজন ফিরঙ্গী বাদ্যকার ছিল। উত্তেজিত মুসলমান সিপাহীরা তাকে মুসলমানধর্মপরিগ্রহ করিতে বলে। কিচেটও তাহাতে সম্মত হয়।

কম্পন্ন বিনষ্ট হয় নাই। কেহই পরপুরুষের সংস্পর্শে কলঙ্কিত হইলেন নাই। কাহারও ছদ্মনিহিত জীবনাধিক অমূল্য রত্ন অপহৃত হয় নাই, বা কেহই নিকৃতদেহ ও গোরবস্ত্র হইয়া অবস্থিত করেন নাই *। বিপক্ষেয়া, কেবল তাহাদের শোণিতপাতের জন্ত আগ্রহপ্রকাশ করিয়াছিল, সুতরাং কেবল শোণিতপাত করিয়াই নিরস্ত হইয়াছিল। কিন্তু গভীর উত্তেজনায় অধীর ও ঘোরতর বিদ্বেষে পরিচালিত হইলেও, তাহারা এই সকল নিঃসহায় ও নির্দোষ জীবের শোণিতপাতপূর্বক নিঃসন্দেহ অপকর্মের একশেষ করিয়াছে। ভারতবর্ষীয়েরা চিরদিনই অমুক্তত, চিরদিনই বিন্দুপ্রভৃতির জন্ত প্রসিদ্ধ। এই শাস্ত ও বিন্দুস্বভাব ভারতবর্ষীয়েরাই একসময়ে উত্তেজনার আবেগে কোমলাঙ্গী মহিলা ও কোমলপ্রাণ শিশুদিগকেও তরবারির আঘাতে ছিন্ন বিচ্ছিন্ন করিয়াছে। পৃথিবীর যে যে স্থলে ভীষণ বিপ্লবের পূর্ণবিকাশ হইয়াছে, সেই সেই স্থলেই এইরূপ লোমহর্ষণ ঘটনার আবির্ভাব দেখা গিয়াছে। ভারতবর্ষের ত্রায় নিরীহজীবপ্রধান ভূখণ্ডে মহাবিপ্লবে

একজ্ঞ তাহার প্রাণবিনষ্ট হয় নাই। সে কাণপুরের এই দ্বিতীয় হত্যাকাণ্ড দর্শন করে। ফিটেট কহিয়াছে :—“পরদিন (১৬ই জুলাই) বেলা ৮ ঘটিকার সময় বাড়ুদারেরা দ্বুতদেহ নিকটবর্তী কূপে নিক্ষেপ করিতে আদিষ্ট হয়। তাহারা শবগুলি চূলে ধরিয়া টানিয়া বাহির করে। স্ত্রীলোকদিগের মধ্যে কেহ কেহ জীবিত ছিল। * * * তিনটি শিশুও জীবিত ছিল। আমি একটি শিশুকে জীবিতাবস্থায় কূপে নিক্ষেপ করিতে দেখিয়াছি। * * * আমার বিশ্বাস, অন্ত্যস্ত জীবিত শিশু ও স্ত্রীলোক এইরূপে নিক্ষিপ্ত হইয়াছে।”—*Martin, Indian Empire. Vol. II., p. p. 362, 382.*

বিবিধের ২১০ জন অবরুদ্ধ ছিল। ইহাদের মধ্যে হত্যার পূর্বে ১২ জনের মৃত্যু হয়। হত্যার সময়ে ১২৮ জন অবরুদ্ধ ছিল।—*Kaye, Sepoy War. Vol. II., p. 356, note.*

* *Kaye, Sepoy War. Vol. II. p. 373.* কে সাহেব যখন স্বীয় সিপাহীযুদ্ধের ইতিহাসে উপস্থিত বিষয় লিখেন, তখন আয়লওর অজচ্ছদনসংক্রান্ত বিষয় তাহার গোচর হয়। কতিপয় উচ্চতরভাব আয়ল ও বাসী ওকনের নামক একব্যক্তির গৃহে গমন করে। বাহার উপর উহাদের বিদেহ ছিল, তাহাকে না পাওরাতে উহার ওকনের নাসিকাচ্ছেদ করে (*Ibid., p. 374, note*)। উদ্ধত ও উত্তেজিত সিপাহীরা এরূপ কার্য করে নাই।

উল্লসন সাহেব লিখিয়াছেন, “যখন প্রাচীরবেষ্টিত স্থানের অবরোধকার্য শেষ হয়, তখন আমাদের সন্দরী ও বুঝতী কামিনীরা দীর্ঘকাল অব্যবৃত্ত স্থানে ও নিরস্ত্রের ছন্দবস্থায় থাকতে এরূপ অপরিপকৃত হইয়াছিলেন যে, কোনও সিপাহী তাহাদিগকে স্পর্শ করিয়া অপরিপকৃত হইতে ইচ্ছা করে নাই” (*Story of Cawnpur, p. 212*)। কিন্তু বিপক্ষেয়া স্বয়ং জিয়াবাদের পরিচালিত হইয়াছিল; তখন তাহাদের মনে অন্ত কোন ভাবের উদ্বোধন হওয়া সম্ভবপর নহে।

কোমলতার স্থলে ক্রুরতা ও নিরীহভাবের স্থলে ক্রুর জিহ্বাসার আবির্ভাব হইয়াছিল, তাহা উপস্থিত ঘটনাতেই প্রতিপন্ন হইতেছে।

নানা সাহেব ১৬ই জুলাই অখারোহী, পদাতি, ও গোলন্দাজে প্রায় পাঁচ হাজার সৈন্ত লইয়া, ইঙ্গরেজ সেনাপতির গতিরোধে অগ্রসর হইলেন। তিনি কাণপুরের প্রায় ৪ মাইল দক্ষিণে, অহরুনা নামক পল্লীতে উপনীত হইয়া, সেনাসম্মিলন করিতে লাগিলেন। এই স্থানের দুইটি প্রধান পথ দুই দিকে গিয়াছিল। দক্ষিণ দিকে একটি পথ, কাণপুরের সৈনিক নিবাসের দিকে প্রসারিত ছিল। বাম দিকে দিল্লীর দিকে বড় রাস্তা গিয়াছিল। বামে জাহ্নবী প্রবাহিত হইতেছিল, দক্ষিণে একটি প্রাচীরবেষ্টিত পল্লী ও বিস্তৃত আম্রকানন ছিল। বামে গঙ্গার দিকে ঢালু স্থানে বৃহৎ বৃহৎ কামান স্থাপিত হইল। দক্ষিণে আম্রকানন ও পল্লীর দিকেও কামানসমূহ সম্মিলিত হইল। পথের সন্ধিস্থলে ও উহার উভয়পার্শ্বে পদাতিগণ—পদাতিদিগের পশ্চাতে অখারোহিদল অর্দ্ধচন্দ্রাকারে স্থানপরিগ্রহ করিল। উভয় পথের সন্ধিস্থলের দক্ষিণে বহুসংখ্য অখারোহী অবস্থিতি করিতে লাগিল, যে হেতু তাহারা ভাবিয়াছিল যে, ইঙ্গরেজসেনাপতি দিল্লীগামী প্রশস্ত পথ দিয়াই অগ্রসর হইবেন। নানা সাহেব যে, স্বয়ং যুদ্ধের জন্ত প্রস্তুত হইয়াছেন, সে সংবাদ ইঙ্গরেজের শিবিরে ১৫ই জুলাই রাত্রিতে উপস্থিত হইয়াছিল। কাণপুর, ইঙ্গরেজসৈনিকদের আরও ২২ মাইল দূরে ছিল। সেই রাত্রি ও পরদিন প্রাতঃকালে ১৪ মাইল পথ অতিক্রান্ত হইল। ইঙ্গরেজ সৈন্ত পথবর্তী আম্রকাননে, আহারীয় দ্রব্য প্রস্তুত করিল। তাহারা আহারপানে শ্রান্তিবিনোদন করিলে বেলা ২ ঘটিকার সময় আবার অভিযানের সঙ্কেত হইল। দুই মাইল পথ অতিক্রান্ত হইলে, বিপক্ষসৈন্ত তাহাদের দৃষ্টপথবর্তী হইল। সেনাপতি হাবেলক, নানা সাহেবের বলবহলতা ও সৈন্ত-সম্মিলনপারিপাট্য দেখিয়া, বিস্মিত হইলেন। তিনি সমরনীতিবিশারদ বীর-পুরুষ ছিলেন, ভূমিষ্ঠ হইয়া, যুদ্ধবিদ্যার আলোচনাতেই কালাতিপাত করিতে-ছিলেন, এখন বিপক্ষের ব্যুহভেদ জন্ত তাঁহাকে, অনেক প্রয়াসস্বীকার করিতে হইল। তাঁহার মনোমধ্যে নানা চিন্তা উদ্ভিত হইতে লাগিল। অবশেষে তিনি বিপক্ষদিগকে সৈন্তদলসহ একবারে আক্রমণ না করিয়া, অত্যাধিক

সমরচাতুরীর পরিচয় দিতে উদ্যত হইলেন। তাঁহার ১০০০ ইউরোপীয় সৈন্য ও ৩০০ শিখ সৈনিকপুরুষ ছিল। ইহারা একবারে বিপক্ষদিগকে আক্রমণ করিলে সম্ভবতঃ সমূলে বিনষ্ট হইয়া যাইত। সুতরাং সেনাপতি এপ্রণালী পরিত্যাগ করিলেন। তাঁহার আদেশে সর্বপ্রথম স্বেচ্ছাপ্রবৃত্ত সৈন্যদলভুক্ত অশ্বারোহীরা যাইতে লাগিল। তাহাদের পশ্চাতে কামান পরিচালিত হইল, কামানের পার্শ্বে পার্শ্বে পদাতিরা গমন করিতে লাগিল। তাহাদের মস্তকের উপর প্রচণ্ড মার্ত্তও নিরন্তর অনলকণা-নিষ্ক্ষেপ করিতে লাগিল। অনেক আতপতাপে অবসন্ন ও ভূপতিত হইল, তথাপি হাবেলকের সৈন্যদল নিরন্তর থাকিল না। তাহারা মদিরাপানে প্রমত্ত হইয়া, উৎসাহিতচিত্তে অগ্রসর হইতে লাগিল। নানা সাহেবের সৈন্য যখন বিপক্ষের অগ্রগামী অশ্বারোহীদিগকে বৃক্ষতল হইতে নিষ্ক্রান্ত দেখিল, তখনই তাহারা, তাহাদের দিকে গোলায় পর গোলাবৃষ্টি করিতে লাগিল। কিন্তু এই গোলা সর্বপ্রথম তাদৃশ কার্য্যকর হইল না। পশ্চাদ্বেশী সৈনিকেরা অক্ষত রহিল। হাবেলক, দূর হইতে সমভিব্যাহারী সেনানায়কদিগকে উৎক্লিষ্ট ধূলিরাশির মধ্যে, আপনার হস্তস্থিত তরবারির অগ্রভাগ দ্বারা, বিপক্ষের ব্যূহসন্নিবেশপ্রণালী বুঝাইয়া দিয়াছিলেন। এখন সেনানায়কেরাও সেনাপতির নির্দিষ্ট প্রণালী অনুসারে অগ্রসর হইতে লাগিলেন। ইঙ্গরেজ সৈন্য অর্দ্ধ মাইল অগ্রসর হইলে, কাণপুরের সৈন্য, সর্বপ্রথম যে দিকে গোলাবৃষ্টি করিতেছিল, সে দিকের পরিবর্তে বিপক্ষের অন্তর্দিকে গোলাবৃষ্টি করিতে লাগিল। হাবেলক এ পর্য্যন্ত আপনাদের কামান সজ্জিত করিয়া গোলানিষ্ক্ষেপে উদ্যত হইলেন না। তিনি এবিষয়ে সূক্ষ্মতার প্রতীক্ষা করিতে লাগিলেন। তাঁহার সৈন্যদল কণ্ঠিত ক্ষেত্র দিয়া যাইতে লাগিল, তাঁহার কামানসমূহও ঐ স্থান দিয়া, অতিকণ্ঠে পরিচালিত হইতে লাগিল। এই সময়ে, কাণপুরের সিপাহীরা উপযুগ্যপরি গোলাবৃষ্টি করিতেছিল। তাহাদের গোলা একপ তীব্রবেগে আসিয়া পড়িতে লাগিল যে, ইঙ্গরেজসৈন্য আর অগ্রসর হইতে পারিল না। আপনাদের কামান দ্বারা, বিপক্ষের কামানের ক্ষমতা যাবৎ তিরোহিত না হয়, তাবৎ তাহারা, গমনে নিরন্তর থাকিল।

কিন্তু সিপাহীদিগের তোপ বন্ধ করা ইঙ্গরেজসৈন্তের অসাধ্য হইল। ইঙ্গরেজ, বিপক্ষদিগের তোপের সম্মুখে আপনাদের তোপস্থাপনে সাহসী হইলেন না। এ দিকে সিপাহীদিগের তোপ হইতে পুনঃ পুনঃ গোলাবৃষ্টি হইতেছিল। তাহাদের বাদ্যকরেরা উৎসাহসূচক বাদ্যধ্বনি করিয়া, তাহাদিগকে অধিকতর উৎসাহিত করিতেছিল। বাদ্যকরণ ইঙ্গরেজের নিকটে যে সমরবাদ্যশিক্ষা করিয়াছিল, এখন তাহারা সেই সমরবাদ্যেই সিপাহীদিগকে ইঙ্গরেজের পরাজয়সাধনে উৎসাহিত করিতে লাগিল। সেনাপতি হাবেলক অতঃপর সঙ্গীনের সাহায্যে বিপক্ষের তোপ অধিকার করিতে ইচ্ছা করিয়া, ইউরোপীয় পদাতিদিগকে অগ্রসর হইতে করিলেন। তাঁহার ঝটলওবাসী পদাতিসৈন্য অগ্নিচক্র গুলিবৃষ্টি করিতে করিতে অগ্রসর হইল। কিছুতেই তাহাদের গতিরোধ হইল না। তাহারা বিপক্ষের প্রায় একশত গজ অন্তরে আসিলে, সেনাপতি আক্রমণের আদেশ দিলেন। অমনি উন্নত পদাতিগণ সঙ্গীন দ্বারা সিপাহীদিগের ব্যুভেদে প্রবৃত্ত হইল। তাহারা আর একবারও বন্দুকধ্বনি করিল না। কেবল সঙ্গীনে সঙ্গীনে বিপক্ষদিগকে বিভাড়িত করিতে লাগিল। সেনাপতি হাবেলক সঙ্গে থাকিয়া তাহাদিগকে উৎসাহিত করিতে লাগিলেন। কামান অধিকৃত হইল। সিপাহীরা পার্শ্ববর্তী পল্লী হইতে হটিয়া গেল। তাহারা বামদিকে বিভাড়িত হইলে তাহাদের অধারোহী সহযোগীরা অগ্রসর হইল। তাহারা অর্দ্ধচন্দ্রাকারে বিপক্ষদিগের পার্শ্বদেশ পরিবেষ্টিত করিল। যদি এই সময়ে কোন অভিজ্ঞ বীরপুরুষ তাহাদের পরিচালনভার গ্রহণ করিতেন, তাহা হইলে ইঙ্গরেজসৈন্তের জীবন সঙ্কটাপন্ন হইয়া উঠিত *। কিন্তু সূক্ষ্ম পরিচালকের অভাবে তাহারা ক্রমে স্বীয় দল হইতে বিচ্ছিন্ন হইতে লাগিল। যদিও তাহাদের এক দলের পর আর এক দল হটিতে লাগিল, তথাপি তাহারা গুলিবর্ষণে নিরস্ত হইল না। ইঙ্গরেজ সেনানায়কদিগের একজন কোনরূপ অসমীক্ষাকারিতা দেখাইলে, অমনি আর একজন

* Martin, Indian Empire. Vol. II. p. 377.

বিজ্ঞাদেবেগে আসিয়া তাঁহার সহায় ও সংপথপরিচালক হইতে লাগিলেন * ; কিন্তু সিপাহীদিগের মধ্যে এরূপ দূরদর্শী পরামর্শদাতা ছিল না ; সুতরাং তাহারা অনেক সময়ে গোলযোগে উদ্ভ্রান্ত হইতে লাগিল। এদিকে তেজস্বী শিখেরা যুদ্ধস্থলে ইউরোপীয় সৈনিকপুরুষের ছায় পরাক্রমপ্রকাশ করিতে লাগিল। সিপাহীরা পরিচালকবিহীন হইয়া ইহাদের সম্মুখে স্থির থাকিতে পারিল না। ক্রমে তাহারা দক্ষিণ দিকের দল হইতেও বিচ্ছিন্ন হইতে লাগিল। কামানের পর কামান তাহাদের অধিকারচ্যুত হইল। নানা সাহেব কাণপুরের সৈনিকনিবাসের পথে একটি বৃহৎ কামান স্থাপিত করিয়া ছিলেন। শেষে সিপাহীরা এই কামান হইতে গোলাবৃষ্টি করিতে লাগিল কিন্তু সেনাপতি হাবেলক পদাতিদিগের সঙ্গীনে ঐ কামান ও উহার পার্শ্ববর্তী পল্লী অধিকার করিলেন। সমস্ত প্রয়াস ব্যর্থ হইল দেখিয়া, নানা সাহেব যুদ্ধস্থল পরিত্যাগ করিলেন। প্রায় আড়াই ঘণ্টাকাল যুদ্ধ করিয়া, সিপাহীরা নানাদিকে ধাবিত হইল। সেনাপতি হাবেলক কাণপুরের যুদ্ধে বিজয়ী হইলেন। এই যুদ্ধে ইঙ্গরেজের পক্ষে ১০৮ জন এবং সিপাহীদিগের ২৫০ জন হত ও আহত হইয়াছিল। সিপাহীরা যুদ্ধে বিলক্ষণ পরাক্রমপ্রকাশ করিয়া ছিল। সঙ্গীনে সঙ্গীনে যুদ্ধের সময়ে তাহারা যথোচিত দৃঢ়তার পরিচয় দিয়াছিল। তাহারা কামানের পার্শ্বে স্থিরভাবে দণ্ডায়মান থাকিয়া গোলানিষ্ক্ষেপ করিয়াছিল †। এই যুদ্ধে সেনাপতি হাবেলক অস্বাভাবিক সৈনিকে বলীয়ান ছিলেন না। তাঁহার কামানও এ যুদ্ধে কার্যকর হইয়া নাই। তিনি কেবল পদাতিদিগের সঙ্গীনের বলে এই যুদ্ধে বিজয়প্রাপ্তি অধিকারী হইয়াছিলেন। তাঁহার পদাতিদল বহুবিস্তৃত স্থানে পরস্পর বিচ্ছিন্ন হইয়া পড়িয়াছিল। যদি সিপাহীরা শৃঙ্খলাভ্রষ্ট না হইত, তাহা হইত

* মেজর টিকেনসন্ আপনার সৈন্যদল লইয়া বিপক্ষের মধ্যে এরূপ স্থানে উপস্থিত হইয়াছিলেন যে, একটি গোলাতেই তাঁহার দল নির্মূল হইত। অমনি মেজর নর্থ তাঁহার পার্শ্বে আসিয়া তাঁহাকে সাবধান করেন। মেজর নর্থের পরামর্শে টিকেনসন্ সৈনিক সহ অপেক্ষাকৃত ভাল স্থানে উপনীত হইলেন।—*Indian Empire, Vol. II, p., 377.*

† *Mutiny of the Bengal Army, p., 153.*

তাহারা বিপক্ষদিগকে নিৰ্মূল করিতে পারিত * । কিন্তু পরাজিত হইলেও সিপাহীরা, সাহস ও পরাক্রমের জ্ঞান অতীতদৰ্শী ঐতিহাসিকের নিকটে প্রশংসালভ্য করিবে । কাণপুরের যুদ্ধ পঞ্চনদের চিরপ্রসিদ্ধ ফিরোজ-সহরের যুদ্ধের শ্রেণীতে সমাবেশিত হইয়াছে † । সিপাহীরা বাহাদুরের নিকটে সমরকৌশল অভ্যাস করিয়াছিল, ঘটনাক্রমে উত্তেজিত হইয়া, আপনাদের স্বাধীনতারক্ষার জ্ঞান তাহাদেরই বিধ্বংসে অগ্রসর হয় । তাহাদের প্রভু-ভক্তির অসম্মান হইতে পারে ; কিন্তু তাহাদের পরাক্রম, তাহাদের সাহস ও তাহাদের রণকৌশলের কখনও অনাদর হইবে না ।

হাবেলকের সৈন্য ক্ষুৎপিপাসায় নিরতিশয় কাতর হইয়াছিল । রজনীসমাগমে তাহারা কাণপুরের সৈনিকনিবাসের ২ মাইল অন্তরে বিশ্রাম করিতে লাগিল । ১৭ই জুলাই প্রাতঃকালে, সেনাপতি সৈনিকদলসহ কাণপুর অধিকার করিতে যাত্রা করিলেন । পথে তিনি কাণপুরের শোচনীয় ঘটনার বিবরণ জানিতে পারিলেন । চরেরা তাঁহার সৈনিকদলে আসিয়া সংবাদ দিল যে, তিনি বাহাদুরের উদ্ধারের আশায় অগ্রসর হইতেছেন, তাহারা মানবের সমস্ত ক্ষমতার বহির্ভূত হইয়াছে । বিবিধরের মহিলা ও শিশুসন্তানেরা ঘাতকের হস্তে আত্মবিসর্জন করিয়াছে । এই শোচনীয় সংবাদ অবিলম্বে সমগ্র সৈনিকদলে প্রচারিত হইল । তাহাদের জয়োল্লাস এই সংবাদে অন্তর্হিত হইয়া গেল । সেনাপতি হাবেলক দুঃখিতহৃদয়ে সৈনিকদলসহ কাণপুরের অভিমুখে যাইতে লাগিলেন । অগ্রগামী দল যখন সৈনিকনিবাসের নিকটবর্তী হইল, তখন দূরে ধূমস্তূপদর্শনে তাহাদের বোধ হইল, যেন মেঘরাশি ব্যোমযানের আকারে ভূগর্ভ হইতে উথিত হইতেছে । মুহূর্তমধ্যে প্রচণ্ড শব্দ তাহাদের শ্রুতিগোচর হইল, তৎসঙ্গে তাহাদের পদতলস্থিত ভূমি কম্পিত হইতে লাগিল । তাহারা স্পষ্ট বুঝিতে পারিল, বিপক্ষেরা অস্ত্রাগারে অগ্নিসংযোগ করিয়া পলায়ন করিয়াছে ।

* *Calcutta Review*. Vol. XXXII. p. 30.

† *Ibid*. p. 30.

ইঙ্গরেজের যে অস্ত্রাগার সিপাহীদিগের বলবৃদ্ধি করিয়াছিল, ষাঁহার বৃহৎ বৃহৎ কামানের গোলায় ইঙ্গরেজ সৈন্য অনন্ত নিদ্রায় অভিভূত হইয়াছিল, তাহা এইরূপে বিধ্বস্ত হইল।

১৭ই জুলাই কাণপুরে আবার ব্রিটিশ পতাকা উড্ডীন হইল। হাবেলক কাণপুর অধিকার করিয়া, উদ্দীপনাময়ী ভাষায় আপনার সৈন্তের রণদক্ষতা ও কষ্টসহিষ্ণুতার প্রশংসা করিলেন। তাঁহার সৈনিকদলে অতিসার রোগের প্রাচুর্য্য হওয়াতে, কেহ কেহ প্রাণত্যাগ করিল। যুদ্ধে অনেকেই আহত হইয়াছিল, এখন আবার রোগে অনেকে অবসন্ন হইয়া পড়িল। এই সময়ে হাবেলক সংবাদ পাইলেন যে, নানা সাহেব বিঠুরে সৈন্যসংগ্রহ করিতেছেন। এই সংবাদে তিনি চিন্তিত হইলেন। হুশিস্তায় তাঁহার প্রশস্ত ললাটফলক আকুঞ্চিত ও মুখমণ্ডল পরিমল হইল। কিন্তু শেষে ইহা অমূলক বলিয়া প্রতিপন্ন হইল। সেনাপতি আশ্বস্ত হইলেন। তদীয় পরাক্রান্ত বিপক্ষ জয়াশায় বিসর্জন দিয়া, আত্ম-গোপন করিলেন।

নানা সাহেব যুদ্ধস্থল হইতে কতিপয় সওয়ারের সহিত বিঠুরে গমন করিয়াছিলেন। এই স্থলে অমুচরেরা তাঁহাকে পরিত্যাগ করিতে লাগিল। তাঁহার সর্কবিষয়ে প্রধান মন্ত্রণাদাতা মুসলমান সচিব পলায়নে উদ্যত হইলেন। নানা আর বিঠুরের প্রাসাদে থাকিতে সাহসী হইলেন না। তিনি অস্ত্র-প্রচারিণী মহিলাদিগের সহিত গঙ্গাপার হইয়া, পলায়নের আয়োজন করিতে লাগিলেন। কথিত আছে, এই সময়ে সাধারণে প্রচারিত হইয়াছিল যে, নানা সাহেব জাহুবীগর্ভে আত্মবিসর্জন করিয়াছেন। বোধ হয়, নানা সাহেব তীরবর্তী উদাসীন গঙ্গাপুত্রদিগকে কহিয়াছিলেন, আমার নৌকা গঙ্গার মধ্যভাগে আসিলে যখন নৌকাস্থিত দীপ নির্ক্ষিপিত হইবে, তখনই আমি গঙ্গার গর্ভে আত্মবিসর্জন করিব। এই বলিয়া তিনি নৌকায় আরোহণ করিয়াছিলেন। নির্দিষ্ট স্থলে উপস্থিত হইলে, নৌকাস্থিত দীপনির্ক্ষিপণ হইল। তীরবর্তী লোকে ভাবিল, গঙ্গার গর্ভে তাঁহার প্রাণবায়ুর অবসান হইয়াছে। কিন্তু নানা সাহেব অন্ধকারের মধ্যে অপরের অলক্ষিতভাবে গঙ্গা উত্তীর্ণ হইয়া, পলায়ন করিলেন। কাণপুর ইঙ্গরেজের অধিকৃত হইল।

নানা সাহেব বিঠুরের আশ্রয় প্রদান করিলেন *। এখন ইঙ্গরেজের বলবতী প্রতিহিংসার তৃপ্তিসাধনের সুযোগ উপস্থিত হইল।

ব্রিটিশ সৈনিকপুরুষেরা সহিষ্ণুতা ও ধীরতার জন্ত প্রসিদ্ধ নহে। যখন তীব্র মদিরা তাহাদের উদরস্থ হয়, ধর্মনিমধ্যে শোণিতপ্রবাহ উষ্ণ হইয়া উঠে, তখন তাহারা ভীষণ দানবের ন্যায় ইতস্ততঃ পরিলম্বন করিতে থাকে। নিরীহ পথিক তাহাদিগকে দেখিয়া ভীত হয়, নির্দোষ গৃহবাসী তাহাদের আগমনে গৃহদ্বার রুদ্ধ করে। নিঃসহায় পণ্যজীবী তাহাদের জন্ত সর্বদা সন্ত্রস্ত হইয়া থাকে। তাহারা স্বধর্মাবলম্বী বিপক্ষের সহিত আশ্রয়সাধনে যুদ্ধে প্রবৃত্ত হইলেও, দানবপ্রকৃতির পরিচয় দিতে বিমুগ্ধ হয় না। কেহ আপনার সম্পত্তি, আপনার গৃহ বা আপনার স্বাধীনতারক্ষার জন্ত, তাহাদের বিরুদ্ধে দণ্ডায়মান হইলেই, তাহারা অত্যাচারের পরাকাষ্ঠা দেখাইয়া থাকে। তাহারা এ সময়ে দয়াধর্ম বিসর্জন দেয়। কোনও পাপকাণ্ড তাহাদের সমক্ষে অসম্পন্ন থাকে না। স্ত্রী, পুরুষ কেহই তাহাদের নিকটে নিকৃতিলাভ করে না। সেনাপতি হাবেলকের ইউরোপীয় সৈনিকেরাও এইরূপ কঠোর পাশবপ্রকৃতির বশীভূত হইয়াছিল। এ সময় কাণপুরে তাহাদের গভীর উত্তেজনাজনক বিষয়সমূহ নবীনভাবে রহিয়াছিল। তাহাদের স্বপক্ষীয়দিগের অবরোধস্থানের অনূচ্চ মৃৎপ্রাচীর বর্তমান ছিল। তাহাদের বিদগ্ধ সৈনিকনিবাসের ভস্মস্তুপ রহিয়াছিল। তাহাদের ইষ্টক-নির্মিত গৃহপ্রাচীরে প্রচণ্ড গোলাবর্ষণ আঘাতচিহ্ন স্পষ্ট ছিল। তাহাদের মহিলা ও বালকবালিকাদিগের শোণিতপ্রবাহে বিবিধরঙ্গ গৃহতল কদমিত হইয়াছিল। উহার স্থানে স্থানে কুলকামিনীদিগের কেশগুচ্ছসমূহ বিক্ষিপ্ত রহিয়াছিল, শিশুদিগের খেলনা, জুতা, টুপিপ্রভৃতি শোণিতস্রোতে রঞ্জিত ছিল। এক পার্শ্বে প্রাত্যহিক উপাসনার একখানি ক্ষুদ্র গ্রন্থ হতভাগ্য অবরুদ্ধদিগের অন্তিমে অন্তর্ধামী ভগবানের নিকটে কাতরতাপ্রকাশের পরিচয় দিতেছিল। সমাগত সৈনিকেরা অবরোধস্থানে গমন করিল, তথায় তাহারা বিস্ময়ে অভিভূত ও অনুশোচনার অধীর হইয়া উঠিল; তাহারা

* কাণপুরের মাজিষ্ট্রেট সেরার সাহেব এই বিষয়ের উল্লেখ করিয়াছেন।—*Kaye, Sepoy War. Vol. II. p. 390, note.*

বিবিধের উপনীত হইল, তথায় তীব্র যাতনানলে তাহাদের হৃদয়ের প্রতি স্তর দক্ষীভূত হইল, প্রতিশিরায় শোণিতপ্রবাহ খরবেগে প্রবাহিত হইতে লাগিল এবং প্রতিহিংসাবহির জালাময়ী শিখায় সমগ্র দেহ পরিব্যাপ্ত হইল। তাহারা একেই মদিরাপানে উন্নত ও বিবেচনাশূন্য ছিল, এখন এইরূপ উদ্ভেজনাজনক বিষয়ে অধিকতর উত্তেজিত হইয়া, কাণপুরে কৃষ্ণবর্ণের অস্তিত্ববিлоপে উদ্যত হইল।

উন্নত ইউরোপীয় সৈনিকগণ এই সময়ে কাণপুরে যেরূপ বিধ্বংসব্যাপার সম্পাদন করিয়াছে, তাহাদের দল আর কোন স্থলে, কোন সময়ে তাদৃশ ভীষণ কার্যসাধন করে নাই। ইতিহাসে তাহাদের যে সমস্ত অমানুষিক কার্যের বর্ণনা রহিয়াছে, কাণপুরের ঘটনা তৎসমুদয়কেই অতিক্রম করিয়াছে। এ সময়ে সৈনিকনিবাসে বা সহরে তাহাদের কোনও শত্রু ছিল না। নানা সাহেবের সৈন্য পরস্পর বিচ্ছিন্ন হইয়া, ইতস্ততঃ পলায়ন করিয়া ছিল। তাহারা কোন্ দিকে কোন্ স্থানে গিয়াছিল, তাহা কেহই জানিত না। কিন্তু নির্দয়প্রকৃতি ইউরোপীয় সৈনিকেরা উপস্থিত সময়ে ভারতবর্ষের সকলেই আপনাদের শত্রুর শ্রেণিতে নিবিষ্ট ও ভারতের সমগ্র নগরকেই কাণপুরের স্থায় আপনাদের স্বদেশীয়দিগের শোণিতে রঞ্জিত মনে করিয়াছিল। তাহারা কাণপুরে বা উহার পার্শ্ববর্তী স্থানে যাহাকে দেখিতে পাইল, তাহাকেই নানা সাহেবের অহুচর বলিয়া মনে করিতে লাগিল। কোনও বিষয়ের সত্যতানিরূপণে তাহাদের প্রয়ত্তি রহিল না; কাহারও নির্দোষত্ব বা অপরাধের নির্ণয়ে তাহাদের মনোযোগ থাকিল না। তাহারা যাহাকে দেখিতে পাইল, অবলীলাক্রমে তাহারই শোণিতপাত করিতে লাগিল। জী পুরুষ, বালকবালিকা, কেহই তাহাদের কঠোর হস্ত হইতে নিষ্কৃতিলাভ করিল না। এই সময়ে বিভিন্ন স্থানের সংবাদপত্রে প্রকাশিত হইয়াছিল যে, উত্তেজিত ইউরোপীয় সৈনিকেরা কাণপুরে দশ হাজার অধিবাসিহত্যা করিয়াছিল*। এক জন ঈগরেজ ঐতিহাসিক ইহা অতিশয়োক্তিদূষিত

* *Martin, Indian Empire. Vol. II. p., 384.*

বলিয়াছেন * । জীপুরুষ বালকবালিকা সমেত দশহাজার অধিবাসিহত্যা অতিশয়োক্তিদূষিত হইতে পারে, কিন্তু হাবেলকের প্রমত্তসৈন্য যে, অবাধে সংহারকার্য্যসম্পাদন করিয়াছিল, তদ্বিষয়ে সন্দেহ নাই । এই সময়ে ইঙ্গরেজের শিবিরে কাণপুরের অতি অল্প লোকেই খাদ্য দ্রব্য লইয়া আসিত । অধিকাংশ অধিবাসীই ইঙ্গরেজ সৈনিকদিগের ভয়ে নিকটবর্ত্তী পল্লীসমূহে আশ্রয়গোপন করিয়াছিল, অনেকে গঙ্গা উত্তীর্ণ হইয়া, অযোধ্যার দিকে গিয়াছিল । এক জনের অপরাধে তদ্দেশীয় সমুদয় ব্যক্তির দণ্ডবিধান অবশ্য গ্রাহ্যসম্ভব নহে । পশু প্রকৃতির বিনিময়ে, পশু প্রকৃতির পরিচয় দিলে, মনুষ্যত্ব রক্ষিত হয় না । ইঙ্গরেজ সৈন্য নিঃসন্দেহ গভীর উত্তেজনার অধীর হইয়াছিল, যে হেতু তাহারা তাহাদের স্বদেশের কুলকামিনী ও শিশু সন্তানগণের শোণিতপ্রবাহ দেখিয়াছিল । তাহারা যাহাদের রক্ষার জন্ত, অসহনীয় কষ্টভোগ করিয়া আসিয়াছিল, তাহারা নিষ্ঠুরপ্রকৃতি লোকের হস্তে নিহত হইয়াছিল । যে দেশের লোকের হস্তে তাহাদের নিরীহ কুলকথা ও বালকবালিকাদিগের এইরূপ শোচনীয় পরিণাম ঘটয়াছিল, জাতিবর্ণনির্কশেবে সেই দেশের সকলেরই শোণিতপাত করা তাহারা পরম পুরুষার্থ বলিয়া মনে করিয়াছিল । দয়াধর্ম্মে তাহাদের প্রকৃতি উন্নত হয় নাই । গ্রায়সত্তা তাহাদিগকে সংপথ দেখাইয়া দেয় নাই । স্তবরাং এইরূপ সর্বসংহারকার্য্যে তাহারা লজ্জিত হয় নাই । কিন্তু যে সেনাপতি তাহাদের পরিচালনভারগ্রহণ করিয়াছিলেন, অধীন সৈনিকদলের ঈদৃশ পাশব ব্যবহার, ইতিহাসে অবশ্য তাহার লজ্জার কারণ বলিয়া পরিগণিত হইবে । তিনি সর্বপ্রথম সুনিয়ম ও সৃষ্টিলায় মর্যাদারক্ষার জন্ত কঠোর আদেশপ্রচার করিলে, তদীয় সৈন্য উন্নতভাবে সকলের প্রাণনাশ করিতে পারিত না । হাবেলক শেষে সৈনিকপুরুষদিগকে সৃষ্টিলায় রাখিতে সচেষ্ট হইয়াছিলেন । সৈনিকেরা সর্ববিশ্ববাসের গ্রায় সর্বস্ববিলুপ্তন করিতেছিল । কাণপুরে কাহারও জীবন ও সম্পত্তি নিরাপদ ছিল না । যেখানে যাহা পরিদৃষ্ট হইত, উন্নত সৈনিকেরা তাহাই লুপ্তি লইত । এদিকে তাহারা নিরন্তর মদ্যপানে আসক্ত হইয়াছিল । উগ্র

* *Kaye, Sepoy War. Vol. II. p., 388, note.*

মদিরায় তাহাদের সমস্ত কুপ্রবৃত্তি অধিকতর তেজস্বিনী হইয়া উঠিয়াছিল। সেনাপতি হাবেলক সৈনিকদিগের পানদোষনিবারণ জন্ত কাণপুরের সমস্ত মদ্য রসদবিভাগের জন্ত ক্রয় করিতে আদেশ দিলেন। আর তাহাদের উচ্ছৃঙ্খলতানিবারণ জন্ত এক জন সামরিক বিচারক নিযুক্ত করিলেন। বিচারকের প্রতি এই আদেশ থাকিল যে, ব্রিটিশ সৈন্যের যে কেহ, লুণ্ঠরাজ করিবে, তাহাকেই সামরিক পরিচ্ছদসহ ফাঁসিকাঠে বিলম্বিত করিতে হইবে। ভিন্ন ভিন্ন দলের সেনানায়কেরাও স্ব স্ব দলের সৈনিকদিগের ঔদ্ধত্য ও নিষ্ঠুরতার নিবারণ জন্ত মনোযোগী হইলেন।

সেনাপতি হাবেলক অতঃপর সৈনিকনিবাসের উত্তরপশ্চিমদিকে, নবাবগঞ্জের নিকটে, দিল্লীগামী প্রশস্ত রাজপথরক্ষার জন্ত, একদল সৈন্য-সন্নিবেশ করিলেন। তিনি ভাবিয়াছিলেন যে, বিপক্ষেরা দলবদ্ধ হইয়া ঐ পথে তাঁহার বিরুদ্ধে উপস্থিত হইবে, কিন্তু সে সময়ে বিপক্ষসৈন্য উপস্থিত হয় নাই। যাহা হউক, তাঁহার সৈন্য স্থানান্তরে অপসারিত হওয়াতে অণু বিষয়ে সফল হইয়াছিল। এ স্থান হইতে তাহাদের মদের দোকানে মদ্যপানের সুবিধা ছিল না। এজন্ত তাহারা পূর্বাপেক্ষা স্মৃষ্কলভাবে অবগতি করিতে-ছিল। সেনাপতি হাবেলক যখন সৈনিকদলের শৃঙ্খলাবিধান করিতেছিলেন, তখন সেরার সাহেব কাণপুরের মাজিষ্ট্রেটের কার্যভারগ্রহণ পূর্বক সাধারণের মধ্যে শান্তিরক্ষায় মনোযোগী হইলেন। ১৮ই জুলাই মাজিষ্ট্রেট সাহেব কাণপুরে ইঙ্গরেজের আধিপত্য পুনঃস্থাপিত ও ইঙ্গরেজের আইন পুনঃপ্রতিষ্ঠিত হইল বলিয়া ঘোষণা করিলেন। কোতোয়ালীতে আবার অনেকে মাজিষ্ট্রেট সেরার সাহেবের নিকটে উপস্থিত হইয়া, তাঁহার আদেশানুসারে কার্য করিতে লাগিল।

পরদিন বিঠুরে একদল সৈন্য প্রেরিত হইল। হাবেলক ইতঃপূর্বে চরমুখে যে সংবাদ শুনিয়াছিলেন, তাহাতে তিনি অধিক সৈন্য প্রেরণ আবশ্যক বোধ করিলেন না। নানা সাহেব পলায়ন করিয়াছিলেন, তাঁহার অহুচরেরা আত্মগোপন করিয়াছিল। কেবল স্ববাদার রামচন্দ্রপুত্রের পুত্র নানা নারায়ণরাও বিঠুরে অবস্থিতি করিতেছিলেন। নানা ধুন্দুপুত্র এই অহুচর স্বীয় প্রভুর প্রিয়পাত্র ছিলেন না। ধুন্দুপুত্র ইহাকে অবরুদ্ধ করিয়া রাখিয়াছিলেন। শেষে নানা সাহেব পলায়ন করিলে নানা নারায়ণরাও

ব্রিটিশ সেনাপতির অনেক সহায়্য করেন ।* হাবেলক, নানা সাহেব ও তদীয় অতুচরবর্গের পলায়নসংবাদ ইহার নিকট হইতেই প্রাপ্ত হইলেন । যাহা হউক, বিঠুরের প্রাসাদ ও নানা সাহেবের ঐশ্বর্য্য এখন ব্রিটিশ সৈন্তের পদানত হইল । সৈনিকেরা বিঠুরের বহুমূল্য সম্পত্তিবিলুপ্তন করিল । প্রাসাদের নিকটবর্তী কুপসমূহে নানা সাহেবের স্বর্ণ বাসন, রৌপ্য ঘড়া প্রভৃতি পাওয়া গেল । শিখেরা পেশবা বাজীরাওর তিন লক্ষ টাকা মূল্যের মণিমুক্তাখচিত তরবারি প্রাপ্ত হইল ।† নানা সাহেবের বিস্তৃত প্রাসাদ বিধ্বস্ত হইয়া গেল । এইরূপে কাণপুরের পেশবার প্রাধান্তের পরিসমাপ্তির সহিত তাঁহার সমস্ত আশার অবসান হইল । ইঙ্গরেজ আবার কাণপুরে আধিপত্য প্রতিষ্ঠিত করিলেন । তাঁহাদের উচ্ছৃঙ্খল সৈন্তের হস্তে কাণপুর-বাসিগণ দলে দলে নিহত হইল । এই সময়ে আর একজন কঠোরহৃদয় ব্রিটিশ বীরপুরুষ পূর্ণাপেক্ষা অধিকতর কঠোরতা দেখাইবার জন্ত, ঘটনাস্থলে আবির্ভূত হইলেন ।

সেনাপতি নীল হাবেলকের গমনের পর, এলাহাবাদরক্ষার বন্দোবস্ত ও কাণপুরে যাইবার জন্ত সৈন্তসংগ্রহ করিতে প্রবৃত্ত হইলেন । তিনি বারাগনী হইতে কোনও সৈন্ত প্রাপ্ত হইলেন নাই । যে হেতু, তদ্রত্য সৈনিক কর্মচারী স্বীয় বলের অন্নতাপ্রযুক্ত, কাহাকেও পাঠাইতে পারেন নাই । যাহা হউক, নীল এলাহাবাদরক্ষার জন্ত যাহা যাহা করিতে হইবে, তৎসমুদয় লিপিবদ্ধ করেন, এবং ঐ উপদেশলিপি, তাহার পরবর্ত্তী পদাধিকারীকে দিবার জন্ত

* নানকচাঁদ নানা নারায়ণরাওকে ব্রিটিশ গবর্ণমেন্টের বিপক্ষ বলিয়া প্রতিপন্ন করিতে অনেক চেষ্টা করিয়াছেন । তিনি লিখিয়াছেন নানা নারায়ণ রাও নানা ধুনুপত্নকে গঙ্গার ঐপার তটে লইয়া গিয়াছিলেন । শেষে তিনি বিঠুরে প্রত্যাগত হইলেন । * * * লোকে কহিয়াছে, নারায়ণরাও যদি প্রকৃত পক্ষে ব্রিটিশ গবর্ণমেন্টের অনুরক্ত থাকিতেন, তাহা হইলে তিনি অনায়াসে নানা ধুনুপত্নকে ধরিতে পারিতেন ।" এইরূপ নারায়ণরাওর বিপক্ষে আরও অনেক কথা লিখিত হইয়াছে । কিন্তু নানক চাঁদের কথা সকল স্থলে বিশ্বাসযোগ্য নহে । নানক চাঁদ লিখিয়াছেন, তিনি ১৭ই জুলাই কাণপুরের কোতোয়ালীর নিকটে সেনাপতি হাবেলক ও সেনাপতি নীলকে দেখিয়াছেন । কিন্তু সেনাপতি নীল ইহার তিন দিন পরে কাণপুরে উপনীত হইলেন ।—*Kaye, Sepoy War. Vol. II. p. 393, note.*

† *Martin, Indian Empire. Vol. II., p. 384.* কথিত আছে, নানা সাহেব স্বায়ত্বতার জন্ত একটি বৃহৎ “কবি” লইয়া পলায়ন করেন । পরে তিনি উহা দশ হাজার টাকায় বিক্রয় করিয়াছিলেন ।—*Story of Cawnpur, pp. 49, 50.*

কাপ্তেন হে সাহেবের নিকটে রাখেন। ১৫ই জুলাই প্রধান সেনাপতি তাঁহার নিকট তারে এইরূপ আদেশ প্রেরণ করেন “হাবেলকের শরীর তাদৃশ স্নহ নহে। * * যদি হাবেলক কার্যে অসমর্থ হয়েন, তাহা হইলে আপনি ঐ কার্যভার গ্রহণ করিবেন। আপনাকে ঐ স্থলে নিযুক্ত করা হইল। অতএব আপনি আপনার পরবর্তী সৈনিক কর্মচারীর হস্তে এলাহাবাদের ভারসমর্পণ করিয়া, অবিলম্বে হাবেলকের সহিত মিলিত হইবেন।” প্রধান সেনাপতির এইরূপ আদেশ প্রাপ্ত হইয়া, নীল ঐ দিন অপরাহ্নে কাণপুরে যাত্রা করেন। তিনি ২০শে জুলাই প্রাতঃকালে কাণপুরে হাবেলকের সহিত সম্মিলিত হয়েন।

সেনাপতি হাবেলক নীলের উর্দ্ধতন কর্মচারী ছিলেন। এই সময়ে, লক্ষ্যে উবেজিত সিপাহীদলে পরিবৃত্ত হইয়াছিল; আশ্রা অবরুদ্ধ হইয়াছিল; দিল্লী সিপাহীদিগের প্রধান আশ্রয়স্থান হইয়া উঠিয়াছিল। হাবেলক কালবিলম্ব না করিয়া লক্ষ্যে যাইতে উদ্যত হইলেন। তিনি যখন গঙ্গা পার হইবার বন্দোবস্ত করিতে লাগিলেন, তখন নীল কাণপুরের কার্যভার গ্রহণ করিলেন।

কাণপুরের হত্যাকাণ্ডে অপরাধীদিগের অনুসন্ধান ও তাহাদের সমুচিত দণ্ডবিধান এখন নীলের সর্বপ্রধান ও সর্বপ্রথম কার্য হইল। তিনি এলাহাবাদের অধিবাসিদিগকে কেবল ফাঁসিকাষ্ঠে বিলম্বিত করিয়াই নিরস্ত হইয়াছিলেন। কাণপুরে ফাঁসির সহিত আর এক অভিনব কঠোর দণ্ড সংযোজিত হইল। বিবিধরের নিকটবর্তী যে কূপে শবরাশি নিক্ষিপ্ত হইয়াছিল, নীলের আদেশে সৈনিকেরা তাহা মাটিতে পূর্ণ করিয়া, সমাধিস্থানের জায় করিল। কিন্তু নীল বিবিধর পরিত্যক্ত করিবার আদেশ দিলেন না। বিবিধরের শোণিতপরিষ্কারের ভার অপরাধীদিগের প্রতি সমর্পিত হইল। নীল শোণিতময় গৃহতল ভিন্ন ভিন্ন অংশে বিভক্ত করিয়া দিলেন। ফাঁসির পূর্বে হতভাগ্য অপরাধীরা নির্দিষ্ট অংশ পরিত্যক্ত করিতে আদিষ্ট হইল। নীল এবিষয়ে জাতিবর্ণবিচার করিলেন না। সর্বপ্রথম ষষ্ঠ-পদাতিদলের একজন স্খলারব সুবাদারের হস্তে সম্মাজ্জনী দেওয়া হইল। সুবাদার উচ্চ শ্রেণীর ব্রাহ্মণ ছিল; সুতরাং ফিরিকীর শোণিতপরিষ্কারে

সহজে সম্মত হইল না, অমনি তাহার পৃষ্ঠে পুনঃ পুনঃ গোত্রাঘাত হইতে লাগিল। সুবাদার যাতনায় চীৎকার করিতে করিতে স্বহস্তে নির্দিষ্ট অংশ পরিত্যক্ত করিল। অনন্তর তাহার ফাঁসির পর, তদীয় শব প্রকাশ্য পথের পার্শ্বে প্রোথিত হইল। কয়েক দিবস পরে আর কতিপয় ব্যক্তি অপরাধী বলিয়া আনীত হইল। ইহাদের মধ্যে ইঙ্গরেজের দেওয়ানী আদালতের একজন মুসলমান কর্মচারী ছিল। এ ব্যক্তিও আপত্তি প্রকাশ করিল। পুনঃ পুনঃ কশাঘাতে শেষে এই হতভাগ্য মুসলমান জিহ্বাদ্বারা নির্দিষ্ট অংশের রক্ত চাটিয়া ফেলিল।

কঠোরহৃদয় ইঙ্গরেজ বীরপুরুষ এইরূপ কঠোরতার পরিচয় দিয়াছিলেন। তিনি এ সম্বন্ধে এই ভাবে আপনায় অভিপ্রায় প্রকাশ করিয়াছিলেন—
“দুই শতের অধিক কুলকন্না ও শিশুসন্তান এই গৃহে (বিবিঘরে) আশ্রীত হইয়াছিল। অনেকে নৌকায় নিহত হইয়াছিল। অনেকে অবরোধ-সময়ে প্রাণত্যাগ করিয়াছিল। যাহারা জর, আমাশয় ও অতিসার হইতে বিমুক্ত ছিল, তাহারা এই স্থানে নিহত হয়। * * তাহাদিগকে প্রথমে অপকৃষ্ট খাদ্য দেওয়া হইত, এবং তাহাদের সহিত নিকৃষ্টভাবে ব্যবহার করা হইত। শেষে তাহাদিগকে পরিত্যক্ত পরিচ্ছদ দেওয়া হইত। তাহাদের কার্ঘ্যের জন্ত ভূত্যাগণও নিযুক্ত হইয়াছিল। শেষ দিন সন্ধ্যার প্রাক্কালে তাহাদিগকে খাদ্যদ্রব্য দেওয়া হইয়াছিল, পরক্ষণে ছরাচার দানবেরা তাহাদের দেহ ছিন্নবিচ্ছিন্ন করে। যাহারা ঐ স্থানে রোগে দেহত্যাগ করিয়াছিল, তাহাদের দেহ নিকটবর্তী কূপে নিক্ষিপ্ত হইয়াছিল। ছরাচারেরা যাহাদের হত্যা করিয়াছিল, তাহাদের শবও ঐ কূপে নিক্ষেপ করে। আমি এই স্থানে আসিয়াই উক্ত গৃহ দেখিয়াছি। উহার স্থানে স্থানে মহিলা ও বালকবালিকাদিগের শোণিতরঞ্জিত ছিন্ন পরিচ্ছদ ও পাছকা রহিয়াছে। মৃত্যুর বিচ্ছিন্ন কেশগুচ্ছ সমূহ ইতস্ততঃ বিক্ষিপ্ত আছে। যে গৃহে তাহাদিগকে টানিয়া আনিয়া, হত্যা করা হইয়াছিল, তাহার মেজে শোণিতে পরিলিপ্ত হইয়াছে*। ইহাতে কেহই আপনায় হৃদয়গত বেদনা সংযত

* সেনাপতি হাভেলকের সমভিব্যাহারী মেজর নর্থও উক্ত স্থানের এইরূপ বর্ণনা করিয়াছেন।

করিতে পারে না। যাহারা এক্রপ কার্য্য করিয়াছে, কেইবা তাহাদের প্রতি দয়াপ্রদর্শন করিতে পারে? * * * যে দণ্ডে ভারতবর্ষীয়দিগের হৃদয়ে নিরতিশয় বেদনা অনুভূত হয়, আমি এই কার্য্যে তাহাদের সমক্ষে সেইরূপ দণ্ডবিধান করিতে ইচ্ছা করি *। এই দণ্ড হিন্দুধর্ম্মাবলম্বীদিগের আপত্তি-জনক হইলেও বর্ত্তমান বিপদাপন্ন সময়ের সবিশেষ উপযোগী” *।

নীল যখন কাণপুরে উপনীত হইলেন, তখন উত্তেজিত শিখ ও ইউরোপীয় সৈনিকেরা অবোধে অপরের সম্পত্তিলুণ্ঠন করে। তাঁহার কঠোর আদেশে সৈনিকেরা শেষে ইহাতে নিবৃত্ত হয়। তিনি এই সময়ে, বিলুপ্ত ও পূর্বেদিত দণ্ডবিধান সম্বন্ধে তাঁহার একজন আত্মীয়কে লিখিয়াছিলেন, “এই স্থানে যে দিন আসিয়াছি, সেই দিন হইতেই আমাকে শান্তি ও শৃঙ্খলার স্থাপন জ্ঞাত গুরুতর পরিশ্রম করিতে হইতেছে। আমার উপস্থিতি-সময়ে সর্ব্বস্ব বিলুপ্ত হইতেছিল, আমি শান্তিরক্ষক নিযুক্ত করিয়া উহা নিবারণ করিয়াছি। * * * সৈনিক কর্ম্মচারীদিগের ভৃত্যেরা সাতিশয় নির্লজ্জভাবে ব্যবহার করিয়াছে। তাহারা এই ষড়যন্ত্রের মধ্যে ছিল। তাহাদের সকলেই নিম্নজাতির লোক। তাহারা আপনাদের প্রভুদিগকে পরিত্যাগ করিয়া, তাঁহাদের সম্পত্তিলুণ্ঠন করিয়াছে। যখনই কোন বিদ্রোহী ধৃত হইয়াছে, তখনই তাহার বিচার হইয়াছে। সে আত্মরক্ষার জন্ত কোন প্রমাণ দিতে না পারিলে, অমনি তাহাকে ফাঁসি দেওয়া হইয়াছে। যে গৃহে কুলকামিনী ও শিশুসন্তানেরা নিহত হইয়াছিল, সেই গৃহের রক্ত এখনও ছই ইঞ্চি গভীর রহিয়াছে। আমি এই রক্তময় স্থানের নির্দিষ্ট অংশ প্রধান বিদ্রোহীদিগের দ্বারা পরিকৃত করাইয়াছি। রক্তস্পর্শ করা উচ্চশ্রেণীর ভারতবর্ষীয়দিগের পক্ষে সাতিশয় জুগুপ্সিত কার্য্য। তাহাদের মতে এ কার্য্যে, তাহাদের আত্মা অনন্তকাল কষ্টভোগ করিয়া থাকে। তাহারা যাহাই

তাঁহারা যে প্রতিহিংসায় উদ্ভূত হইয়াছিলেন, তাহা এই বর্ণনার পরিফুট হয়।—*Kaye, Sepoy War. Vol. II. p., 398, note,*

* *Ibid, p. 398-399*

মনে করুক, এরূপ অপকার্যে এইরূপ শাস্তি দিয়া, ঐ বিদ্রোহীদিগকে আশঙ্কাগ্রস্ত করাই আমার উদ্দেশ্য”। * * * *

সেনাপতি নীল এতদেচ্ছীয় ভৃত্যদিগের বিশ্বাসঘাতকতাসম্বন্ধে যাহা লিখিয়াছেন, তাহার প্রমাণ কোথা হইতে সংগৃহীত হইয়াছে, জানা যায় নাই। এই সকল ভৃত্য অবরোধের স্থানে আপনাদের প্রভুদিগের পার্শ্বে থাকিয়া কষ্টের একশেষ ভোগ করিয়াছিল। তাহারা সেই স্থানে অকাতরে দেহত্যাগ করিয়াছে, তথাপি প্রভুদিগকে পরিত্যাগ করে নাই। বিশ্বস্ত আয়ারা আপনাদের জীবন সঙ্কটাপন্ন করিয়াও শিশুদিগের পালন জন্ত প্রভুপত্নীর পার্শ্বে অবস্থিতি করিয়াছে। অনেকের বিশ্বাস যে, তাহারাও ঐ সকল হতভাগ্য নিহত জীবের সহিত পুনোক্ত কুপে নিক্ষিপ্ত হইয়াছে *। ফলতঃ, সেনাপতি নীল সবিশেষ না জানিয়া, এই সকল বিশ্বস্ত পরিচারকদিগকে অবিশ্বস্ত বলিয়া নির্দেশ করিয়াছেন। যাহারা ষৎসামান্য বেতনের বিনিময়ে প্রভুর জন্ত অকাতরে আত্মবিসর্জনে উদ্যত হয়, তাহাদের তুল্য হিতৈষী ও বিশ্বস্ত ব্যক্তি আর নাই। ভারতবর্ষীয় ভৃত্যেরা উপস্থিত সময়ে এরূপ হিতৈষিতা ও বিশ্বস্ততার পরিচয় দিয়াছিল। ইংরেজ সেনাপতি এ সময়ে গভীর উত্তেজনায় অবীর হইয়াছিলেন, উত্তেজনার আবেগে তিনি হিন্দু ও মুসলমান, উভয়ের হৃদয়েই নিদারুণ আঘাত দিতেও ক্রটি করেন নাই। স্বহস্তে বিধর্মীর শোণিতপরিমার্জন ও শোণিতপরিলেহন নিরতিশয় বীভৎস ব্যাপার। সুসভ্য দেশের সুসভ্য সেনাপতি এই বীভৎস ব্যাপারের অমুষ্ঠানপূর্বক নিঃসন্দেহ হিন্দু ও মুসলমানের ধর্ম্মাহুগত সংস্কারের বিরুদ্ধে কার্য্য করিয়াছিলেন। তিনি যাহাদিগকে বিপক্ষ বলিয়া মনে করিয়াছিলেন, তাহাদের কাঁসিতেও তাহার হৃদয় শাস্ত হয় নাই। তিনি তাহাদিগকে নিরতিশয় নিন্দনীয়কার্যে প্রবর্তিত করিয়া, দুর্দ্দমনীয় প্রতিহিংসার পরিচয় দিয়াছিলেন। উপস্থিত সময়ে লোকে জাতিনাশ ও ধর্ম্মনাশের আশঙ্কাতেই বিচলিত হইয়াছিল। সেনাপতি নীল এই আশঙ্কা দূরীভূত না করিয়া বর্দ্ধিত

করিতেই সচেষ্ট হইয়াছিলেন। সবিশেষ বিচারবিতর্ক না করিয়া, তিনি সমগ্র ভারতবাসীকে উৎসর্গ করিতে প্রতিজ্ঞাবদ্ধ হইয়াছিলেন। তিনি আপনার এই কার্য্য বর্ত্তমান সময়ের উপযোগী বলিয়া মনে করিয়াছিলেন। ইহাতে কোন সময়ে, তাঁহার হৃদয় বিচলিত হয় নাই। কোনরূপে তাঁহার সঙ্কল্প বিফল হয় নাই, বা কোন অংশে তাঁহার জিহা-সা, জায়পরতা ও ধীরতার সংঘত হইয়া উঠে নাই।

এদিকে নীলের উপস্থিতির পূর্বেই কাণপুরের সৈন্যসম্মিলনের স্থান সুরক্ষিত করিবার আয়োজন হইয়াছিল। খেয়াঘাটের অনতিদূরে, প্রায় ২০০ গজ দীর্ঘ ও প্রায় ১০০ গজ বিস্তৃত একটি উন্নত ভূখণ্ড মৃৎ প্রাচীরে পরিবেষ্টিত হইতেছিল। সেনাপতি নীল উপস্থিত হইয়া দেখিলেন, বহুসংখ্য শ্রমজীবী প্রাচীরনিৰ্ম্মাণকার্য্যে নিয়োজিত রহিয়াছে। স্ত্রী, পুরুষ, বালক, বালিকা, সকলেই আপনাদের সামর্থ্যানুসারে কার্য্য করিতেছে। হাবেলকের নিরস্ত্রীকৃত অঝারোহী সৈনিকেরাও এই কার্য্যে নিযুক্ত রহিয়াছে। নীল হাবেলকের নির্দিষ্ট স্থান উৎকৃষ্ট ও আশ্চর্য্যরূপ সবিশেষ উপযোগী বোধ করিলেন। প্রাচীরনিৰ্ম্মাণে কোনরূপ বিলম্ব ঘটিল না। শ্রমজীবীরা প্রতিদিন সূর্য্যোদয় হইতে সূর্যাস্ত পর্য্যন্ত কার্য্য করিতে লাগিল। প্রতিদিনই প্রত্যেকের নির্দিষ্ট পারিশ্রমিক প্রদত্ত হইতে লাগিল। ইহারা এইরূপে এক মাসেরও কম সময়ে, সাত ফীট উচ্চ, আঠার ফীট বেধবিশিষ্ট ও অর্দ্ধ মাইল বিস্তৃত প্রাচীর প্রস্তুত করিল। এই অভিনব প্রাচীরের যথাযোগ্য স্থানে কামানসমূহ স্থাপিত হইল। সেনাপতি হাবেলকের সৈন্য অধিক ছিল না। তিনি কাণপুরের জন্ত আপনার দল হইতে কোন সৈনিক পুরুষ রাখিয়া যাইতে অসম্মত হইলেন। শেষে আকস্মিক বিপদের নিবারণের জন্ত অনিচ্ছাসহকারে আপন দলের তিন শত সৈন্য রাখিয়া লক্ষ্যের অভিমুখে প্রস্থান করিলেন।

এইরূপে ইঙ্গরেজের বলবতী প্রতিহিংসার তৃপ্তিসাধন ও শোণিতরঞ্জিত কাণপুরের রক্ষার উপায়বিধান হইল। ইঙ্গরেজ দীর্ঘকাল কাণপুরের নামে বিচলিত হইবেন। দীর্ঘকাল কাণপুর ইঙ্গরেজের হৃদয়ে ভয় ও ক্রোধ, অমুশোচনা ও বিদ্বেষের বিকাশ করিবে। কিন্তু পৃথিবীর ইতিহাসে কেবল কাণপুরই হত্যাকাণ্ডের জন্ত চিরপ্রসিদ্ধিলাভ করিবে না। যাহাদের

বদেদীয়েরা কাণপুরে নিহত হইয়াছে, তাঁহারা মনে করিতে পারেন যে, পৃথিবীতে এরূপ ভয়াবহ পাপকাণ্ড কখনও অনুষ্ঠিত হয় নাই। কিন্তু ইতিহাস অল্পরূপ নির্দেশ করিবে। পূর্বেও অসহায় সৈনিকদল আত্মসমর্পণ করিয়া, বিপক্ষের হস্তে নিহত হইয়াছে। স্ত্রী, পুরুষ, বালক বালিকারা পূর্বেও তাহাদের শত্রুগণের তরবারির আঘাতে প্রাণত্যাগ করিয়াছে*। যেখানে বিপ্লবের আবির্ভাব হইয়াছে, সেইখানেই এইরূপ নিদারুণ ব্যাপার ঘটয়াছে। ১৬৪১ খ্রীঃ অব্দে আয়ারলণ্ডে প্রোটেষ্ট্যান্ট ধর্মাবলম্বী অধিবাসীরা, ক্যাথলিক ধর্মাবলম্বীদিগের হস্তে এইরূপ নিহত হইয়াছিল। ফ্রান্সে সেন্টবার্থলমিউ পর্বে ওগুইনট নামক প্রসিদ্ধ ধর্মসম্প্রদায়ের ব্যক্তির বিপক্ষদিগের হস্তে এইরূপে প্রাণত্যাগ করিয়াছিল। সিসিলির রাজধানীতে সায়ন্তন উপাসনাসময়ে বসন্তোৎসব ফরাসী স্ত্রীপুরুষ, বালকবালিকাও উত্তেজিত লোকের তরবারির আঘাতে এইরূপে ছিন্নবিচ্ছিন্ন হইয়া গিয়াছিল†। মধ্যযুগে ইউরোপের ইতিহাসে এইরূপ অনেক ঘটনার বিবরণ রহিয়াছে। বর্তমান সময়ে জুডায়া জাতির ইতিহাসেও এরূপ ঘটনা বিরল নহে‡। ইশ্রাজ যাহাদের

*Russell, Diary in India, Vol. II p, 163-164.

† খ্রীঃ সপ্তদশ শতাব্দীতে ফ্রান্সের অনেকে প্রচলিত ক্যাথলিক ধর্মমত পরিত্যাগপূর্বক সংস্কৃত ধর্মগ্রন্থাঙ্গনগণগ্রহ করিয়া ওগুইনট নামে প্রসিদ্ধ হইলেন। ইহার ১৫৭২ খ্রীঃ অব্দের আগষ্টমাসে প্রোটেষ্ট্যান্ট ধর্মাবলম্বীদিগের অধিনায়ক হেনরির বিবাহ উপলক্ষে ফ্রান্সের রাজধানী প্যারী নগরীতে উপনীত হইলেন। ফ্রান্সের ভূপতি, তাঁহার মাতা ও ভ্রাতার উত্তেজনায ২৩ শে আগষ্ট ইহাদের ২ ভ্রাতায় সম্মতিপ্রকাশ করেন। ২৪ শে ও ২৫ শে আগষ্ট বসন্তোৎসব ওগুইনট নিহত হইলেন। এইরূপে ছয় সপ্তাহে অল্পমান ৫০০০ ওগুইনট ফ্রান্সে হত হইয়াছিলেন।

‡ ফ্রান্সের অন্তর্গত আঁনোনাক জনপদবাসী চার্লস ১২৬৬ খ্রীঃ অব্দে সিসিলির শাসনভার গ্রহণ করেন। ইহার আধিপত্যসময়ে সিসিলির অধিবাসীরা নিরতিশয় অসন্তুষ্ট হইল। স্পেনের অন্তঃপাতি আরাগন নামক স্থানবাসী শিখোকে রাজা করিবার জন্ত সিসিলির অধিবাসীরা চার্লসের বিপক্ষে যড়যন্ত্র করে। একদা একজন ফরাসী সৈনিক সিসিলির একটি বধূকে, অপমানিত করাতে অধিবাসীরা প্রকাশভাবে তত্ক্ষণে ফরাসীদিগের বিরুদ্ধে সম্মুখিত হয়। ১২৮২ অব্দের ৩০ শে মার্চ সিসিলির রাজধানী পলব্রোতে যখন সায়ন্তন উপাসনাকালীন সমাগম হয়, তখন উন্নত সিসিলিবাসীদিগের তরবারির আঘাতে ৮০০০ ফরাসী স্ত্রীপুরুষ ও বালকবালিকা প্রাণত্যাগ করে।

‡ Russell, Diary in India, Vol. II p, 164

উপর আধিপত্যস্থাপন করিয়াছিলেন, তাহারা ইঙ্গরেজের সর্বনাশে উদ্যত হইয়াছিল। পরাধীন, পরধর্মাক্রান্ত, কৃষবর্ণ জাতির হস্তে, আপনাদের কুলকল্যাণ শিশুসন্তানপ্রভৃতি নিপীড়িত, নিগৃহীত ও নিহত হওয়াতেই ইঙ্গরেজের মর্মান্তিক ক্রোধের সঞ্চার হইয়াছিল। তাহারা নিগর বলিয়া যাহাদের প্রতি অবজ্ঞাপ্রদর্শন করিতেন, তাহারা যে, তাহাদের স্বদেশীয়-গণের শোণিতপাতে অগ্রসর হইবে, ইহা তাহারা স্বপ্নেও ভাবেন নাই। কিন্তু শেষে এই অবজ্ঞার পাত্রেরাই দলে দলে অসি হস্তে করিয়া, তাহাদের বিপক্ষে দণ্ডায়মান হইয়াছিল। এই অচিন্তনীয় ব্যাপারের জন্ত ইঙ্গরেজ কাণপুরকে অসাধারণ ঘটনার রঙ্গভূমি বলিয়া নির্দেশ করিতে পারেন। কিন্তু এক সময়ে এই নিগরদিগের সাহায্যেই ইঙ্গরেজ ভারতের রঙ্গসিংহাসন অধিকার করিয়াছিলেন। ইতিহাস দেখাইয়া দিতেছে যে, তাহাদের অবজ্ঞার পাত্র নিগরেরা সহায় না হইলে, তাহারা সহজে এই বহুসম্পত্তিপূর্ণ, বহুলোকাকীর্ণ ও বহুবিস্তৃত ভূখণ্ডের সর্বাধিপতি বলিয়া সম্পূজিত হইতে পারিতেন না। যাহারা এইরূপ সর্বাধিপত্যস্থাপনে ইঙ্গরেজের সহায় হইয়াছিল, তাহাদের চিরপ্রচলিত অহুশাসন, চিরন্তন রীতিনীতি ও চিরাগত স্বত্বের মর্যাদারক্ষা হইলে ইঙ্গরেজ বোধ হয়, কাণপুরেও অক্ষত-শরীরে থাকিতেন।

আর নানা সাহেব ? ইঙ্গরেজ হয়ত চিরকাল নানা সাহেবকে নরাকারে ভীষণ স্বাপদ বা ক্রুরপ্রকৃতি নরদানব বলিয়া নির্দেশ করিবেন। কিন্তু এই নরস্বাপদ বা নরদানবই অনেক সময়ে তাহাদের স্বদেশীয়দিগের প্রতি যথোচিত মৌজ্ঞপ্রদর্শন ও করুণাপ্রকাশে উদ্যত হইয়াছিলেন। আজিম উল্লা প্রভৃতি বিরোধী না হইলে কাণপুরের ইউরোপীয়েরা নিরাপদে ও অক্ষতদেহে এলাহাবাদে যাইতে পারিতেন। উদ্ভেজিত সিপাহীরা যখন ইউরোপীয় সৈনিকদিগের কোন অনিষ্ট না করিয়া, দিল্লীর অভিমুখে ধাবিত হয়, তখন আজিমউল্লার মন্ত্রণায় তাহারা কাণপুরে প্রত্যাবর্তন করে। আজিমউল্লা সতীচাঁর ঘাটে হত্যার উপায় উদ্ভাবিত করেন*। এবিষয়ে নানা সাহেবের

* Trevelian, Cawnpur. p. 226.

সম্মতি ছিল না। স্বীয় প্রতিশ্রুতি ভঙ্গ হইল বলিয়া, তিনি সান্তিশয় চুঃখ প্রকাশ করিয়াছিলেন। কিন্তু আজিমউল্লা প্রভৃতি তাঁহার কথায় কর্ণপাত করেন নাই, বা তাঁহার হৃদয়গত বেদনায় বিচলিত হয়েন নাই*। আজিমুল্লা, কাণপুরের সমুদয় কার্যের অস্থতীতা। আজিমুল্লার মন্ত্রণায় পবিত্রসলিলা জাহুবী ইউরোপীয়দিগের শোণিতে রঞ্জিত এবং বিবিঘ্নর অসহায় কুলকামিনী ও শিশুসম্প্রদায়ের বিচ্ছিন্ন দেহনিঃসৃত রক্তধারায় পরিলিপ্ত হয়। নানা সাহেব পারিষদবর্গের একান্ত বশীভূত ছিলেন। এক দিকে উত্তেজিত সিপাহীরা, আপনাদের অভিপ্রায়ানুসারে কার্য না হইলে, তাঁহার শোণিতপাত করিবে বলিয়া ভয়প্রদর্শন করিতেছিল, অপর দিকে পারিষদেরা তাঁহার কোনও কথা না শুনিয়া, তাঁহার নামে আপনাই ভয়ঙ্কর কার্যের অস্থতীতা করিতেছিলেন। নানা সাহেব, দুই দিকে দুইটি প্রবলদলের মধ্যে পড়িয়া, সর্বোংশে ক্ষমতাশূন্য হইয়াছিলেন। যে স্থানে তিনি কাহারও প্রতি দয়াপ্রদর্শনে উন্মুখ হইতেন, সেই স্থানেই তাঁহার কোন পারিষদ আসিয়া বাধা দিতেন। যে স্থানে কেহ কোন ইউরোপীয়কে অবরুদ্ধ করিয়া, তাঁহার শিবিরে লইয়া আসিত, সেই স্থানেই তাঁহার পরিবর্তে দানীয় কোন সভাসদ আসিয়া, অবরুদ্ধ হতভাগ্যের হত্যার বন্দোবস্ত করিতেন। এইরূপে কাণপুরে

* যখন ঘাটে হত্যাভাণ্ড সম্পাদিত হয়, তখন নানা সাহেব আপনাব শিবিরে ছিলেন। তিনি এই কার্যের অহমোদন করেন নাই, বরং বলিয়াছিলেন “আমি ইঙ্গবেজদিগকে নিবাপদে এস্থান হইতে পাঠাইয়া দিতে ধর্ম্মতঃ প্রতিজ্ঞা করিয়াছি। হতরাং তাহাদের হত্যার কখনও সম্মত হইতে পারি না।” কিন্তু বাল সাহেব, আজিমুল্লা গাঁও দ্বিতীয় অম্বারৌহীদলের মুসলমানেরা তাঁহার মতের বিরুদ্ধে কার্য্য কবে। তাহার বলিয়াছিল, “আমরা কোনরূপ প্রতিশ্রুতিতে আবদ্ধ হই নাই, হতরাং আমাদের ইচ্ছানুসারে কার্য্য করিব।—*Shephard, Cawnpur, Massacre, p. 107.*

† *Thomson, Story of Cawnpur, p. 213. Comp. Russell, Diary in India Vol. II. p. 167.*

‡ উপস্থিত গ্রন্থের ২২২ পৃষ্ঠা দেখ।—২৯ শে জুন প্রাতঃকালে কয়েকটি বালক কাণপুরের গঙ্গার অপর তটে ক্রীড়া করিতেছিল। সহসা তাহারা একটি ইউরোপীয় কপ্তচারীকে নিকটবর্ত্তী গর্ত্তে লুকাইত দেখে। বালকেরা তাঁহাকে নিকটবর্ত্তী পদ্মীর কৃষকদিগের নিকটে লইয়া যায়। কৃষকেরা আবার তাঁহাকে সঙ্গে করিয়া গ্রামেব প্রধানের নিকটে গমন করে। তিনি ভারতবর্ষের কোন ভাষা জানিতেন না; এক্ষণ কেবল লক্ষ্যেব দিকে অঙ্গুলিপ্রসারণ করিয়া,

ইউরোপীয়দিগের শোণিতস্রোত প্রবাহিত হইয়াছিল। কথিত আছে, নানা সাহেব কোন কোন সময়ে হত্যাশ্রমে উপস্থিত ছিলেন এবং কোন কোন স্থলে স্বয়ং হত্যার আদেশ দিয়াছিলেন*। কিন্তু যে স্থলে তাঁহার উপস্থিতির বিষয় উল্লিখিত হইয়াছে, সেই স্থলে ঘটনাব দর্শক, তাঁহার অল্পপস্থিতির উল্লেখ করিয়াছেন। তিনি কোন হত্যাশ্রমে উপস্থিত থাকিলে বা কোন সময়ে হত্যার আদেশ দিলেও তাঁহার তদানীন্তন অবস্থার বিষয় ভাষিয়া দেখা উচিত। মানুষ যখন অবস্থাচক্রেণ আবর্তনে বিপক্ষের সম্মুখে সর্বাংশে অসহায় ও অরক্ষণীয় হইয়া উঠে এবং যখন বিপক্ষের আক্রমণে তাহার সর্বনাশের সূত্রপাত হয়, তখন সে উভেজনা অধীর ও নৈরাশ্রে উন্নত হইয়া, বিপক্ষ-সংক্রান্ত সকলকেই সমূলে উৎসন্ন করিতে উদ্যত হইয়া থাকে। হতভাগ্য নানা সাহেবেরও শেষে এই অবস্থা ঘটিয়াছিল। ইতিহাসেও হত্যাশ্রমের এই রূপ গভীর উভেজনার নিদর্শন বিরল নহে। যাহা হউক, নানা সাহেব,

আপনার গল্প বা স্থান জ্ঞাপন করেন। পল্লীসীমার তাহাকে তিনি খাইতে দেয়। সাতিশয় সূদার্ত হওয়াতে তিনি উহা ছই হস্তে ভোজন করেন। সদাশয়্যাকেরা তাঁহাব ভুববস্থায় ছুঃখিত হইরা, তদীয় জীবনরক্ষার চেষ্টা করে। কিন্তু এই সময়ে নিকটবর্তী স্থানের কতিপয় ভূস্বামী অনেকগুলি সশস্ত্র অশ্বচর আসিয়া উক্ত ইউরোপীয়কে অপরাক্ত করে। তাহারা ইউরোপীয়কে লইয়া কাণপুরে উপস্থিত হয়। তাহাদের কতিপয় ব্যক্তি নানা সাহেবকে আনিতে গমন করে। কিন্তু নানা সাহেবের পবিত্রতা বাস্তবিক আসিয়া নানা সাহেবের নামে ঐ সকল সশস্ত্র ব্যক্তিকে অপরাক্ত ইউরোপীয়ের প্রাণসংগ্রাম কবিত্তে বলেন। তাহারা কহে—“এই ব্যক্তির হস্তে অন্তঃসমর্পণ করান, এবং ইহাকে আমাদের প্রতি অস্বাধাত করিতে বলুন; তাহা হইলেই আমরা আধাতে বিনিময়ে ইহাকে আবার কবিত্ত। এ ভাবে হত্যা কবিত্তে পারিব না।” এই সময়ে দ্বিতীয় অধারোহিদলের কতিপয় সিপাহী ঘটনা-ক্রমে এই স্থলে আসিয়া বাবাজির আদেশপালন করে।—*Trevelian, Cawnpur, p. 276-277.*

* কথিত আছে, নানাসাহেবের বিঠরের প্রাসাদে বিবি কার্টার নামে একটি গর্ভবতী ইউরোপীয় মহিলা অবস্থিত ছিল। উক্ত মহিলা ঐ স্থানে একটি সন্তানপ্রসব করে। পেশবা বাজী রাওর বিধবা পত্নীগণ ইহার সহিত সদয়ব্যবহার করিতে ক্রটি করেন নাই। নানাসাহেব যখন বিঠর হইতে পলায়ন করেন, তখন এই মহিলা ও তদীয় শিশুসন্তানের প্রাণসংহারের আদেশ দিয়াছিলেন। প্রাসাদরক্ষকেরা এই আদেশপালনে পরাঙ্মুখ হয় নাই।—*Kaye, Sepoy War. Vol. II. p., 391, note.*

† উপস্থিত গল্পের ২২২ পৃষ্ঠা দেখ।

তাঁহার মুসলমান সচিবের মন্ত্রণায় পরিচালিত ও অনিবার্য ঘটনায় বাধ্য হইয়া আপনাদের প্রনষ্ট গৌরবের পুনঃপ্রতিষ্ঠার আশায়, ইন্দুরেজের বিপক্ষদিগের সহিত সম্মিলিত হইয়াছিলেন। ইন্দুরেজ ইহা গুরুতর অপরাধ বলিয়া নির্দেশ করিতে পারেন। কিন্তু অপরাধ গুরুতর হইলেও অপরাধীর শাস্তি লঘুতর হয় নাই। হতভাগ্য নানা সাহেব কঠোরতম শাস্তিই ভোগ করিয়াছেন। তাঁহার বহুমূল্য সম্পত্তি পরহস্তগত হইয়াছে, তাঁহার বিস্তৃত প্রাসাদ বিচূর্ণিত ও বিধ্বস্ত হইয়া গিয়াছে, তাঁহার সম্মান ও ক্ষমতা, এই বিনশ্বর জগতে নলিনীদলগত জলবিন্দুর চায় চঞ্চলভাবের পরিচয় দিয়াছে; আর তিনি সক্ষমতা হইতে পরিভ্রষ্ট, সর্বসম্পত্তি হইতে বিচ্যুত ও আত্মীয়স্বজন হইতে বিচ্ছিন্ন হইয়া, হয় ত, খাপদসঙ্কুল বিজন বিপিনে বা বিপত্তিময় ছুরারোহ পর্তেতে দেহত্যাগ করিয়াছেন। তাঁহার প্রতি এখন শান্তিসলিল প্রক্ষিপ্ত হউক ; তিনি এখন কঠোরহৃদয় ঐতিহাসিকের কঠোর আক্রমণ হইতে নিষ্কৃতিলাভ করুন। তাঁহার শোচনীয় অবস্থা—তাঁহার জীবনের শোচনীয় পরিণামচিন্তাপূর্বক এখন বিরুদ্ধবাদিগণ সমদর্শিতা ও উদারতারপরিচয় দিয়া, সহৃদয়দিগের বরণীয় হউন।

পরিশিষ্ট ।

[যুদ্ধপন্থ নানা সাহেবের নামে, ইস্তরেজদিগের প্রতি জনসাধারণের বিদ্বেষ ও তাহাদের সাহস বর্দ্ধিত করিবার জন্ত, যে সকল ঘোষণাপত্র ও আদেশপত্র প্রচারিত হয়, নানা নারায়ণ রাও তৎসমুদয় সেনাপতি নীলের হস্তে সমর্পণ করেন। কে সাহেব স্বপ্রণীত ইতিহাসে ঘোষণাপত্র ও আদেশপত্রগুলি প্রকাশ করিয়াছেন। উহার ভাবমাত্র এই স্থলে সঙ্কলিত হইল।]

৬ই জুলাই তারিখের ঘোষণাপত্র ।

“কলিকাতা হইতে কাণপুরে এই মাত্র একজন পথিক উপস্থিত হইয়াছে। সে শুনিয়াছে, টোটাবিতরণের পূর্বে হিন্দুস্থানীদিগের ধর্ম্মনাশের জন্ত একটি সমিতির অধিবেশন হইয়াছিল। সমিতিতে এই প্রস্তাব নিদ্ধারিত হইয়াছে যে, সাত আট হাজার ইউরোপীয় সৈন্ত দ্বারা পঞ্চাশ হাজার হিন্দুস্থানী বিনাশ করা হইবে, এবং অবশিষ্ট খ্রীষ্টীয়ধর্ম্মে দীক্ষিত হইবে। এই প্রস্তাব মহারাণী বিক্টোরিয়ার নিকটে প্রেরিত হইয়াছে। মহারাণীও ইহার অনুমোদন করিয়াছেন। পুনর্বার আর এক সভার অধিবেশন হইয়াছে। ইস্তরেজ বণিকেরা এবিষয়ে সাহায্য করিয়াছে। সভায় স্থির হইয়াছে যে, হিন্দুস্থানী ও ইউরোপীয় সৈন্তের সংখ্যা সমান করিতে হইবে। ইহাতে যুদ্ধ উপস্থিত হইলে কোনরূপ আশঙ্কা থাকিবে না। ইস্তলেণ্ডের লোকে এই মত জানিয়া, তাড়াতাড়ি ৩৫ হাজার সৈন্ত ভারতবর্ষে পাঠাইয়া দিয়াছে। তাহাদের যাত্রার সংবাদ কলিকাতায় পহঁ ছিয়াছে। এতদ্দেশের সৈনিকদিগকে খ্রীষ্টীয়ধর্ম্মে প্রবর্তিত করিবার জন্ত, কলিকাতার সাহেবেরা টোটাবিতরণের আদেশ দিয়াছে। সৈনিকগণ খ্রীষ্টীয়ধর্ম্মে দীক্ষিত হইলে, রাইয়তদিগকে উক্ত ধর্ম্মে প্রবর্তিত করিতে বিলম্ব হইবে না। ঐ সকল টোটার শূকর ও গাভীর বসা মিশ্রিত রহিয়াছে। যে কারখানায় উক্ত টোটা প্রস্তুত হয়, তথাকার বাঙ্গালীরা ইহা অবগত আছে। তাহাদের মধ্যে যাহারা এবিষয় প্রকাশ করিয়াছে, তাহাদের এক জনের কাঁদী হইয়াছে ও অবশিষ্ট কারাগারে অবরুদ্ধ রহিয়াছে। সাহেবেরা এখানকার আয়োজন করিয়াছে। ইউরোপের সংবাদ এই, তুরুস্কে দূত লণ্ডন হইতে সুলতানকে লিখিয়া জানাইয়াছেন যে, পঁয়ত্রিশ হাজার লোক হিন্দুস্থানীদিগকে খ্রীষ্টীয়ধর্ম্মে প্রবর্তিত করিবার উদ্দেশে হিন্দু-

স্থানে প্রেরিত হইয়াছে। কুমের সুলতান—ঈশ্বর তাঁহার রাজত্ব অক্ষয় করুন—মিশরের শাহের নিকটে এই মর্মে ফরমান পাঠাইয়াছেন, “আপনি মহারাজি বিষ্টোরিয়ার মিত্র। কিন্তু এখন মিত্রতারক্ষার সময় নহে। আমার দূত লিখিয়াছেন যে, পঁয়ত্রিশ হাজার সৈন্ত হিন্দুস্থানের রাইয়ত ও সৈনিকদিগকে খ্রীষ্টীয়ধর্মে প্রবর্তিত করিবার উদ্দেশ্যে প্রেরিত হইয়াছে। অতএব এ সময়ে আমার যাহা কর্তব্য, তাহাতে উদাদীন হইলে আমি কি করিয়া, ঈশ্বরকে মুখ দেখাইব। আমাকেও হয়ত এক সময়ে এইরূপ দশাগ্রস্ত হইতে হইবে। কারণ ইঙ্গরেজেরা যখন হিন্দুস্থানীদিগকে খ্রীষ্টীয় ধর্মে প্রবর্তিত করিতেছে, তখন আমার রাজ্যেও ঐরূপ চেষ্টা করিবে।”

“মিশরের অধিপতি এই ফরমান পাইয়া ইঙ্গরেজসৈন্তের উপস্থিতির পূর্বেই ভারতবর্ষের পথে আলাক্জান্দ্রিয়া নগরীতে সৈন্তসন্নিবেশিত করিয়াছিলেন। ইঙ্গরেজসৈন্ত যে মুহূর্ত্তে দৃষ্টিগোচর হইয়াছে সেই মুহূর্ত্তেই শাহের সৈন্ত সকল দিক হইতেই কামানের গোলা চালাইয়া, তাহাদিগকে বিনষ্ট ও তাহাদের জাহাজ নিমজ্জিত করিয়াছে। তাহাদের এক জন সৈনিকও পলাইতে পারে নাই।

“কলিকাতার ইঙ্গরেজেরা টোটারবিতরণের আদেশপ্রচার করিতে যখন গোলযোগ উপস্থিত হইয়াছে, তখন তাহারা লণ্ডন হইতে আগ্রহসহকারে আপনাদের সাহায্যকারী সৈন্তের আগমনপ্রতীক্ষা করিয়াছে, কিন্তু সর্বশক্তিমানের অনন্ত শক্তিতে তাহারা অগ্রেই বিধ্বস্ত হইয়াছে। ঐ সকল সৈন্তের বিনাশসংবাদ পাইয়া গবর্ণর জেনারেল সাতিশয় ছুঃখিত হইয়াছেন, এবং হতাশ হৃদয়ে শিরে করাঘাত করিয়াছেন।

‘রজনীপ্রারম্ভে যেই ছিল অতিশয়

শক্তিমান্ ধনবান্ প্রভু সৰ্ব্বময়।

প্রভাতে হইল তার শিরোহীন দেহ,

মন্তকে মুকুট তার না দেখিল কেহ।

তপনের আবর্তনে মাত্র একবার,

নাদির শা না রহিল কোন চিহ্ন তার।’

পেশবার রঞ্জিতোদ্যান হইতে প্রকাশিত।”

“কাণপুরের কোতোয়াল ছলাশ সিংহ সমীপে।

এতদ্বারা আপনার প্রতি এই আদেশ দেওয়া যাইতেছে যে, আপনি আপ-

নার বিভাগের অধিবাসীদিগকে এই বিষয় জানাইবেন যে, যদি কেহ ইঙ্গরেজ-দিগের চৌকি, টেবিল, টান বা ধাতুময় বাসন, অস্ত্র, বগীচাভী, ডাক্তারের সরঞ্জাম, ঘোড়া অথবা রেলওয়ে কর্মচারীদিগের লোহা, তার, কোট, জামা প্রভৃতি বিলুপ্তন করিয়া আপনার অধিকারে রাখে, তাহা হইলে সে, সেই সকল দ্রব্য বাহির করিয়া দিবে। যদি কেহ এই সকল দ্রব্যগোপন করে, এবং পরে তাহার বাটীতে অনুসন্ধান করিলে উহা প্রাপ্ত হওয়া যায়, তাহা হইলে তাহার যথোচিত শাস্তি হইবে। কাহারও গৃহে কোন ইঙ্গবেজ বা তাহাদের শিশুসন্তান থাকিলে সে ব্যক্তি বিনা জিজ্ঞাসার তাহাদিগকে আনিয়া দিবে। যদি কেহ এ বিষয় গোপনে রাখে, তাহা হইলে তাহাকে তোপে উড়াইয়া দেওয়া হইবে।

৪ঠা জিকদ, অথবা ২৪শে জুন, ১৮৫৭ খ্রীঃ অবঃ ।”

“রঘুনাথ সিংহ, ভবানী সিংহ প্রভৃতি সমীপে ।

সীতাপুরের দৈনিকদলেব (একচাবিংশ পদাতিদল) অধিনায়কগণ এবং সেকন্ডার প্রথম অখারোহিদদের নায়ের রেসেলদার ওয়াজিদ আলিখাঁ ।

সাদর সম্ভাবণ—আপনারা মীর পুনা আলির সঙ্গে যে আবেদনপত্র পাঠাইয়াছেন, তাহা পছন্দিয়াছে। আবেদনপত্রের বিষয় আমার গোচর হইয়াছে। আপনাদের সাহস ও পরাক্রমের সংবাদে আমি সান্তিশয় সন্তুষ্ট হইয়াছি। আপনারা নিরতিশয় প্রশংসার পাত্র। আপনারা এইরূপ কার্য করুন। লোকেও এইরূপ করিতে থাকুক। এখানে অদ্য (২৭শে জুন) শ্বেতপুরুষেরা আমাদের সহিত যুদ্ধ করিয়াছে। দীর্ঘরের অল্পগৃহে এবং সর্বসংহারকের সংহারিণী শক্তিতে তাহারা সকলেই নরকে প্রবেশ করিয়াছে। এই ঘটনার সম্মান জ্ঞাত্য তোপধ্বনি হইয়াছে। আপনারাও এই বিজয়-ব্যাপারে তোপধ্বনি করিয়া আহ্লাদপ্রকাশ করিবেন। অধিকন্তু, আপনারা অবিশ্বাসীদিগের সহিত যুদ্ধ করিবার জ্ঞাত্য আমার অমুমতি প্রার্থনা করাত্ত আমি সান্তিশয় সন্তুষ্ট হইয়াছি। কয়েক দিনের মধ্যে যখন এই বিভাগে শান্তি স্থাপিত হইবে, তখন যে সকল বিজয়ী সৈন্য এখন একটি বৃহৎ সৈনিক-দলে পরিণত হইতেছে, এবং প্রত্যাহ বাহাদের দলবৃদ্ধি হইতেছে, তাহারা গঙ্গাপার হইয়া, যাবৎ আমি উপস্থিত না হইব, তাবৎ ঐসকল অবিশ্বাসীকে নিরুদ্ধ করিয়া রাখিবে। শীঘ্রই এইরূপ ঘটবে। আপনারা ঐসময়ে সাহস-প্রদর্শন করিবেন। মনে রাখিবেন, লোকের উভয় ধর্ম্মই শ্রদ্ধা আছে ।

ইহাদের যেন কখনও কোনরূপে ক্ষতি ও অনিষ্ট না হয়। ইহাদের রক্ষার জন্ত যত্নশীল হইবেন এবং অভিযানের দ্রব্যাদি সংগ্রহ করিয়া রাখিবেন।

৪ঠা জিকদ, ২৭শে জুন, ১৮৫৭।”

“কোতোয়াল ছাশ সিংহ সমীপে।

“ঈশ্বরের প্রসাদে এবং মহারাজের সৌভাগ্যে পুনা ও পান্নার সমস্ত ইঙ্গরেজ নিহত ও নরকে প্রেরিত হইয়াছে। দিল্লীর পাঁচ হাজার ইঙ্গরেজ, সত্রাটের সৈন্যের তরবারির আঘাতে দেহত্যাগ করিয়াছে। মহারাজ এখন সর্বত্রই জয়ী হইতেছেন। অতএব আপনাকে আদেশ দেওয়া যাইতেছে যে, আপনি এই আনন্দসংবাদ সমস্ত সহরে সমস্ত পল্লীতে টেঁটরা পিটাইয়া ঘোষণা করিবেন, যেন সকলেই ইহা শুনিয়া আমোদ করিতে পারে। এখন আশঙ্কার সমস্ত কারণ তিরোহিত হইয়াছে।”

৮ই জিকদ, ১লা জুলাই ১৮৫৭।

“অযোধ্যার অন্তর্গত ধুন্দিয়াখোরার তালুকদার

বাবু রামবক্স সমীপে।

সাদর সম্ভাষণ—আপনার ৬ই জিকদ (২৯শে জুন) তারিখের আবেদন-পত্র পাঠ করিয়াছি। এইপত্রে ইঙ্গরেজদিগের হত্যা ও ছইজন কর্মচারীর সহিত আপনার ভ্রাতা স্মধানন সিংহের মৃত্যুসংবাদ আছে, এবং আপনি আপনার প্রগাঢ় কার্যতৎপরতার পুরস্কার স্বরূপ আমার অমুগ্রহপ্রার্থনা করিয়াছেন। আপনাকে এতদ্বারা জানান যাইতেছে যে, আমি আপনার এই ক্ষতিতে হুঃখিত হইয়াছি। কিন্তু ঈশ্বরের ইচ্ছার নিকট মন্তক অবনত করা উচিত। অধিকন্তু, এই ঘটনা (আপনার ভ্রাতার মৃত্যু) আমার রাজত্বের কারণ সজ্জাটিত হইয়াছে। অতএব আপনি আমার চিরকাল রক্ষণীয় থাকিবেন। আপনার কোন বিষয়ে ভয় নাই। আমার রাজত্বে আপনি অবশুই বদ্ধ বলিয়া পরিগণিত হইবেন।

১০ই জিকদ, ৩রা জুলাই, ১৮৫৭।”

“কোতোয়াল ছাশ সিংহ সমীপে।

এলাহাবাদ হইতে ইউরোপীয় সৈন্য আসিতেছে শুনিয়া, সহরের কতিপয় ব্যক্তি আপনাদের গৃহপরিত্যাগপূর্ব্বক পল্লীসমূহে আশ্রয়স্থানের অনুসন্ধান

করিতেছে। আপনাকে আদেশ দেওয়া যাইতেছে, আপনি সহরে ঘোষণা করিবেন যে, ইঙ্গরেজদিগকে তাড়িত করিবার জ্ঞাপদাতি, অস্বারোহী ও গোলন্দাজ সৈন্য অগ্রসর হইয়াছে। তাহারা ফতেহপুর, এলাহাবাদ যেখানেই হটক, ইঙ্গরেজসৈন্য দেখিলেই তাহাদিগকে সমুচিত শাস্তি দিবে। সকলেই যেন নিঃশঙ্কচিত্তে গৃহে থাকিয়া আপনাদের কার্য্য করে।

১২ই জিকদ, ৫ই জুলাই ১৮৫৭।”

“সৈনিকদের অধিনায়কগণ সমীপে।

আমি আপনাদের উৎসাহ, সাহস, ও রাজভক্তিতে সাতিশয় সন্তুষ্ট হইয়াছি। আপনাদের পরিশ্রম নিরতিশয় প্রশংসার যোগ্য। এখানে বেতন ও পারিতোষিকের যে হার অবধারিত হইয়াছে, আপনাদের জ্ঞাও সেই হার অবধারিত হইবে। আপনারা নিশ্চিত হউন। যেক্রপ প্রতিশ্রুতি হইয়াছে, তাহা পূর্ণ হইবে। অন্য সকল শ্রেণীর সৈন্য লক্ষ্যে যাইবার জ্ঞা গঙ্গা পার হইবে। কাকেরদিগের হত্যা ও তাহাদিগকে নরকে প্রেরণের জ্ঞা আপনাদিগকে সর্ব্বপ্রকারে সাহায্য করা হইবে। জয়লাভের জ্ঞা আপনাদের উদ্যম ও সাহসের উপরই এখন সর্ব্বতোভাবে নির্ভর করা যাইতেছে। এই আদেশপ্রাপ্তির পর আপনারা আপনাদের হস্তাক্ষর ও সিলমোহরযুক্ত পত্র দ্বারা আমাকে জানাইবেন যে, এই আদেশপত্রের সমস্ত বিষয় আপনাদের গোচর হইয়াছে, এবং আপনারা অবিশ্বাসীদিগের ধ্বংসসাধন জ্ঞা আমার সহকারী হইতে প্রস্তুত রহিয়াছেন। অত্ৰাদিত্য জ্ঞা আপনাদের কোন ভয় নাই। গোলা, গুলি, বারুদ ও বৃহৎ বৃহৎ কামান, যাহা আবশ্যক হইবে, পাওয়া যাইবে। লক্ষ্যের কোতোয়াল সরফউদ্দৌলা ও আলি বেগ এই সকল দ্রব্য যোগাইতে আদিষ্ট হইয়াছেন। তাঁহারা আদেশানুরূপে কার্য্য করিবেন। যদি তাঁহারা কর্তব্যসম্পাদন না করেন তবে আমায় জানাইবেন তাঁহাদের গুরুতর শাস্তিবিধান হইবে। আপনারা সকলেই সাহস ও দৃঢ়তার পরিচয় দিবেন। আপনাদের জয়লাভ হউক। আপনাদের বা আমার সন্দেহদোলায়মান হইবার কোন প্রয়োজন নাই। এইরূপে তাড়াতাড়ি জয়লাভের পর এলাহাবাদে যাইয়া জয়লাভ করিতে হইবে। ১৪ই জিকদ, ৭ই জুলাই, ১৮৫৭।”

“কাননগুই কক্ষাপ্রসাদ সমীপে।

সাদর সম্ভাষণ—আপনার আবেদনপত্র পঁছিয়াছে। ইহাতে আপনি

কর্তৃত্বভাবের পরিচয় দেন, দৈনিক বিভাগের মেজর হল্‌মেসও সেইরূপ উগ্রভাবে প্রদর্শন করেন। টেলর সাহেব পাটনার সমগ্র মুসলমান অধিবাসীকে গবর্ণমেন্টের শত্রু মনে করিয়া, তাহাদের নিপাতে বন্ধপরিষ্কার হইয়াছিলেন। সেনানায়ক হল্‌মেস বিহারের অধিকাংশ স্থান আপনাদের বিপক্ষগণের আরামস্থল মনে করিয়া, ঐ সকল স্থানে সামরিক আইন প্রচার করিতে উত্তত হইলেন। তিনি ব্রিহত, ছাপরা, চম্পারণ এবং আজিমগড় ও গোরক্ষপুর, এই কয়েকটি বিভাগ, উক্ত আইনের আমলে আনিবার জন্য ঘোষণা প্রচার করিলেন যে, যাহারা গবর্ণমেন্টের বিরুদ্ধে অস্ত্র ধারণ করিবে, গবর্ণমেন্টের বিরুদ্ধে অপর লোককে উত্তেজিত করিতে সচেষ্ট হইবে, গবর্ণমেন্টের বিরুদ্ধে বস্তৃত্ব ইত্যাদি করিবে, গবর্ণমেন্টের বিরুদ্ধাচারী, উত্তেজিত সিপাহীদিগকে লুকাইয়া রাখিবে, এবং চারি দিকে লুণ্ঠরাজ করিবে, তাহাদের প্রাণদণ্ড হইবে। অধিকন্তু যাহারা উত্তেজিত সিপাহীদিগকে ধরিয়া দিতে পারিবে, তাহাদিগকে ৫০ টাকা পারিতোষিক দেওয়া যাইবে। মেজর হল্‌মেস বিভিন্ন বিভাগের মাজিষ্ট্রেটদিগকে এই নিয়মানুসারে কার্য্য করিতে অনুরোধ করিলেন। মাজিষ্ট্রেটগণ অনুরোধধরক্ষার সম্মত হইলেন না। তাঁহারা লেফ্টেনেন্ট-গবর্ণর হালিডে সাহেবকে এই বিষয় জানাইলেন। হালিডে সাহেব সিগোলির সেনানায়কের কার্য্য আইনবিরুদ্ধ ও গবর্ণমেন্টের অননুমোদিত বলিয়া নির্দেশ করিলেন। কমিশনার টেলর সাহেব এবিষয় গবর্ণমেন্টের গোচর করেন নাই কেন, তদ্বিষয়ে তাঁহার নিকটে কৈফিয়ৎ চাওয়া হইল। কমিশনার লিখিলেন যে, যদিও তিনি জানিতেন, মেজর হল্‌মেস আইনবিরুদ্ধ কার্য্য করিয়াছেন, তথাপি তিনি উহা গবর্ণমেন্টের গোচর করা আবশ্যক বোধ করেন নাই; যেহেতু তাঁহার বিশ্বাস যে, সামরিক আইন দ্বারা লোকের জীবন, সম্পত্তি ও সামাজিক শৃঙ্খলা সম্পূর্ণরূপে অব্যাহত থাকিবে। গবর্ণমেন্ট এই কৈফিয়তে বোধ হয়, সন্তুষ্ট হইলেন না। এদিকে মেজর হল্‌মেসও নিরাপদে রহিলেন না। টেলর সাহেব এবং সেনানায়ক হল্‌মেস, উভয়েই এতদ্বৈশীদিগের শোণিতসিপাশ্র হইয়াছিলেন। ইউরোপীয় নীলকরেরাও তাঁহাদের জায় স্বাধীনপ্রকৃতির পরিচয় দিতেছিলেন। যাহারা অবিরত নরশোণিতপাতে সচেষ্ট থাকেন, তাঁহারা যে, সাধারণের মধ্যে শান্তি ও শৃঙ্খলা অব্যাহত রাখিতে পারেন না, তাহা সহজেই বুঝা যাইতে পারে।

লোকে অবিরত এইরূপ হিংসার কার্য দর্শনে আপনারা প্রতিহিংসাপর হইয়া উঠে । সেনানায়ক হল্মেসের অদৃষ্টে এইরূপ প্রতিহিংসার ফল ঘটিল । ৩০শে জুলাই অপরাহ্নকালে সেনানায়ক ও তাঁহার সহধর্মিণী শকটারোহণে ঘাইগত হইয়াছেন, এমন সময় ১২গণিত দলের ৬ জন অঝারোহী অশ্বের বলগা ধরিল এবং দেখিতে দেখিতে নিক্ষেপিত তরবারির আঘাতে সেনানায়ক ও তাঁহার স্ত্রীর মস্তক বিচ্ছিন্ন করিয়া ফেলিল । ইহার পর উত্তেজিত সওয়ারগণ সিগোলির অপরাপর ইউরোপীয়কেও নিহত করিল । এক জন এতদেশীয়ের অসীম দয়ার কেবল একটি অন্নবয়স্ক বালিকার জীবন রক্ষা হইল । সওয়ারদিগের অধিকাংশই উত্তেজিত হইয়া উঠিয়াছিল । তাহারা লুণ্ঠরাজ আরম্ভ করিল, ইউরোপীয়দিগের আবাসগৃহ ভস্মীভূত করিয়া ফেলিল, এবং দলবদ্ধ হইয়া, বিজয়োল্লাসে হানাস্তরে প্রস্থান করিল । কতিপয় সওয়ার এই সঙ্কটকালে ব্রিটিশ গবর্ণমেন্টের অধুরক্ত ছিল । ইহারা বিশ্বস্ততা হইতে বিচ্যুত হয় নাই । ইহাদের কেহ কেহ অযোধ্যার যুদ্ধে ব্রিটিশ গবর্ণমেন্টের পক্ষে থাকিয়া, যথোচিত প্রভুত্বতির পরিচয় দিয়াছিল ।

সিপাহীযুদ্ধের ইতিহাসের যে অংশ দেখা যায়, সেই অংশেই পর্য্যায়ক্রমে দুইটি পরস্পরবিপরীত বিষয়ের নিদর্শন লক্ষিত হইয়া থাকে । এক বার যে স্থল সমুজ্জল আলোকে উদ্ভাসিত হইল, পরক্ষণে সেই স্থল তমোময়ী ছায়ার সমাবৃত হইয়া উঠিল । পটিনাতে পর্য্যায়ক্রমে আলোক ও অন্ধকারের আবির্ভাব হইয়াছিল । কমিশনের টেলর সাহেব যখন মুসলমানদিগকে অবরুদ্ধ করেন, কাঁসিকাঠে যখন মুসলমানদিগের দেহ বিলম্বিত হইতে দেখেন, তখন তিনি ভাবিয়াছিলেন যে, তাঁহার এইরূপ দৃঢ়তা ও কঠোরতায় সমগ্র বিহার নিরাপদ হইবে । শ্বেতপুরুষের প্রভাবদর্শনে লোকে আর উত্তেজনার পরিচয় না দিয়া, শাস্ততাব অবলম্বন করিবে । তিনি এইরূপ মনে করিয়া, আশ্বস্ত হইয়াছিলেন । গভীর বিশ্বাসে তাঁহার হৃদয়ে অনির্কচনীয়া আত্মাদের সঞ্চার হইয়াছিল । কিন্তু তাঁহার এই প্রসন্নতা দীর্ঘকালস্থায়ী হইল না । যে আলোকে তাঁহার মুখমণ্ডল উদ্ভাসিত হইয়াছিল, তাহা শীঘ্র অস্তহিত হইল । আলোকেয় পরিবর্তে গভীর অন্ধকারে তাঁহার মুখের মালিন্য ঘটিল । সেনানায়ক ডানবার যখন আরার সিপাহীদিগের ক্ষমতানাশে অসমর্থ হইলেন ; কুমার সিংহের প্রাধান্য যখন সমস্ত

আরার স্থাপিত হইল ; তখন টেলর সাহেব হুশিয়ার অবসর হইলেন ; ভীষণ বিপ্লবে আপনাদের প্রাধান্য বিনষ্টপ্রায় দেখিয়া, তিনি আতঙ্কগ্রস্ত হইয়া পড়িলেন । এখন পাটনা রক্ষা করাই তাঁহার প্রধান চিন্তনীয় বিষয় হইল । তিনি জুলাই মাসে মজঃফরপুর, ছাপরা, গয়া প্রভৃতি ভিন্ন ভিন্ন জেলার রাজপুরুষদিগকে আপনাদের রক্ষণীয় স্থান পরিত্যাগ করিয়া, পাটনায় আসিতে আদেশ দিলেন । কমিশনের সাহেব ভাবিয়াছিলেন যে, আরার উদ্ধারসাধন অসম্ভব । কুমার সিংহের পরাজয়সাধনও অসাধ্য । এখন বিভিন্ন বিভিন্ন স্থানের ইউরোপীয়দিগকে পাটনা ও দানাপুরে একত্র করাই সঙ্গত । ইহাতে ইউরোপীয়দিগের বলবৃদ্ধি হইবে, এবং ঐ স্থানে গবর্ণমেন্টের প্রাধান্যও অব্যাহত থাকিবে । যিনি এক সময়ে রাজপুরুষদিগকে আপনাদের নির্দিষ্ট স্থানে থাকিয়া, যেকোনরূপে হউক, প্রতিপক্ষের ক্ষমতা নাশ করিতে উৎসাহ দিয়াছিলেন, তিনিই এক্ষণে ভয়াবহ বিপ্লবের করাল ছায়ায় দিশাহারা হইয়া, আপনার অধীন প্রধান কর্মচারীদিগকে গবর্ণমেন্টের বহু অর্থ, প্রয়োজনীয় কাগজপত্র, হুশিয়ার কয়েদীগণে পরিবৃত্ত কারাগারসমূহ ফেলিয়া আসিতে আদেশ দিলেন ।

কমিশনের আদেশলিপি যখন মজঃফরপুরে উপস্থিত হয়, তখন ত্রিহতের ইউরোপীয়গণ, দানাপুর ও সিগোলির সংবাদে অতিশয় উদ্ভিগ্ন হইয়াছিলেন । তাঁহাদের দৃঢ় বিশ্বাস জন্মিয়াছিল যে, অবিলম্বে সমগ্র বিভাগের লোকে কোম্পানির বিরুদ্ধে অস্ত্র ধারণ করিবে । এই বিশ্বাসপ্রযুক্ত তাঁহারা দানাপুরের সেনাপতির নিকটে কতিপয় ইউরোপীয় সৈন্য পাঠাইয়া দিবার জন্য প্রার্থনা করেন । এই উদ্দেশ্যের সময়ে মজঃফরপুরের ইউরোপীয়গণ যখন কমিশনের সাহেবের পত্র পাইলেন, তখন অবিলম্বে মজঃফরপুর পরিত্যাগ করাই তাঁহাদের সিদ্ধান্ত হইল । মজঃফরপুরের মাজিস্ট্রেট তাঁহাদিগকে রক্ষণীয় স্থান পরিত্যাগ করিতে নিষেধ করিলেন । কিন্তু তাঁহার নিষেধবাক্যে কোন ফল হইল না । মাজিস্ট্রেট সাহেব টেলর সাহেবকে আপনার উদ্দেশ্য বুঝাইয়া দিবার জন্য পাটনায় গমন করিলেন । মজঃফরপুর রাজপুরুষদিগের শাসনও হইতে কিছুকালের জন্য বিচ্যুত হইল । কিন্তু রাজপুরুষদিগের অস্থিতিতে কোনরূপ বিপ্লবের আবির্ভাব হইল না । লোকে কোনরূপ উত্তেজনার নিদর্শন দেখাইল না । ধনাগার বিলুপ্ত হইল না । কারাগারের কয়েদীগণ মুক্তিলাভ করিল

না। ইউরোপীয়দিগের আবাসগৃহ ভস্মীভূত হইল না। সেনানায়ক হুমায়ুনের অধীন কতকগুলি সওয়ার মজঃফরপুরে অবস্থিতি করিতেছিল। ইউরোপীয়দিগের গমনের অব্যবহিত পরে ইহার গবর্ণমেন্টের বিরুদ্ধে সমুথিত হইল। কিন্তু এই সময়ে নজীবগণ আপনাদের কর্তব্যপালনে উদাসীন হইল না। তাহারা সওয়ারদিগের আক্রমণে বাধা দিয়া, ধনাগার প্রভৃতি রক্ষা করিল। যদি নজীবগণ সওয়ারদিগের পক্ষ অবলম্বন করিত, তাহা হইলে নিঃসন্দেহ ধনাগার বিলুপ্ত হইত। কয়েদীগণও মুক্তিলাভ করিয়া, সমগ্র স্থানের শৃঙ্খলা ও শান্তি নষ্ট করিয়া ফেলিত। কিন্তু নজীবগণ সওয়ারদিগের সহিত সম্মিলিত না হইয়া, দৃঢ়তার সহিত তাহাদের আক্রমণ পরাভূত করে। সওয়ারেরা ধনাগার হস্তগত করিতে না পারিয়া, কতিপয় ইউরোপীয়ের গৃহ লুণ্ঠনপূর্বক স্থানান্তরে চলিয়া যায়। এদিকে মাজিষ্ট্রেট সাহেব কমিশনের সাহেবকে ব্রাইতে না পারিয়া, তাঁহার আদেশের বিরুদ্ধে তাড়াতাড়ি মজঃফরপুরে প্রত্যগত হইয়া দেখেন যে, নজীবদিগের অসীম প্রভুক্তিতে ও বিশ্বস্তাশুণে ধনাগারের প্রায় নয় লক্ষ টাকা সুরক্ষিত আছে। কারাগারে কয়েদীগণ পূর্ববৎ অবস্থিতি করিতেছে। নগরেও পূর্বের ন্যায় শান্তি ও শৃঙ্খলা রহিয়াছে।

মজঃফরপুরের ন্যায় ছাপরাও বিপত্তিপূর্ণ বোধ হইয়াছিল। কিন্তু এই বিপদের নিবারণের জন্য সাহায্যকারী সৈনিকের অসম্ভাব ছিল না। নিকটে ৪৫ জন ইউরোপীয় এবং ১০০ জন শিখসৈনিক অবস্থিতি করিতেছিল। এই সকল সৈনিকপুরুষ থাকিলেও, ছাপরার রাজপুরুষগণ কমিশনের টেলর সাহেবের আদেশানুসারে নগর পরিত্যাগ করিলেন। এই সময়ে ঘটনাস্থলে এক জন রাজভক্ত, তেঁজস্বী মুসলমানের আবির্ভাব হইল। রাজকীয় কর্মচারীগণ যখন স্থানান্তরে পলায়ন করিলেন; ধনাগার, কারাগার, কাছারি প্রভৃতি যখন অরক্ষিত অবস্থায় থাকিল; স্থানীয় লোকে যখন রাজপুরুষদিগের আতঙ্ক দেখিয়া বিচলিত হইয়া উঠিল; তখন কাজী রমজান আলিনামক এক জন সম্ভ্রান্ত মুসলমান নির্ভীকচিত্তে, কর্মক্ষেত্রে প্রবেশ করিলেন। তিনি আপনার ইচ্ছায় ছাপরার শাসনভার গ্রহণ করিলেন। তাঁহার সাহস ও উত্তম কোনরূপে ব্যাহত হইল না। তিনি নিয়মিতরূপে কাছারি করিতে লাগিলেন, ধনাগার প্রভৃতি রক্ষণীয় স্থান রক্ষা করিতে লাগিলেন এবং উপস্থিত উত্তেজনার সময়ে সর্বত্র শান্তি

অব্যাহত রাখিলেন। ইংরেজেরা পলায়ন করিলেও, কাজী সাহেবের এইরূপ সাহসসহকৃত উত্তমে ছাপরায় কোনরূপ গোলযোগ ঘটিল না। ইংরেজেরা যখন ফিরিয়া আসিলেন, তখন রমজান আলি তাঁহাদের হস্তে পূর্বের জায় শুল্লা-সম্পন্ন কাছারি, ধনাগার, কারাগার প্রভৃতি সমর্পণ করিলেন।* কমিশনার টেলর সাহেব যখন পাটনার মুসলমানদিগকে নিপীড়িত বা নিহত করিতে ছিলেন, তখন ছাপরার এক জন সদাশয় মুসলমান আপনার রাজভক্তি ও বিশ্বস্ততার একশেষ দেখাইলেন। উপস্থিত সময়ে ইংরেজ রাজপুরুষগণ, অনেক স্থলে এতদ্দেশীয়দিগের এইরূপ বিশ্বস্ততার পরিচয় পাইতেছিলেন। তথাপি তাঁহাদের মধ্যে কেহ কেহ আপনাদের বিপত্তিময় জ্ঞানাভিমান পরিত্যাগ করেন নাই। তাঁহাদের এইরূপ অহম্মুখতার জন্তই অনেক স্থলে লোকের উত্তেজনার বৃদ্ধির সহিত ঘোরতর অশান্তির উৎপত্তি হয়।

সাহসী নজীবদিগের রাজভক্তিতে মজঃফরপুরে কোনরূপ গোলযোগ ঘটিল না। এক জন বিশ্বস্ত মুসলমানের অপূর্ব তেজস্বিতায় ছাপরায় শান্তি-ভঙ্গ হইল না। এই দুই স্থানের ইংরেজ রাজপুরুষেরা যখন আপনাদের জন্ত ব্যস্ত হইয়াছিলেন, তখন এতদ্দেশীয়গণ পরের জন্ত অসীম কার্যতৎপরতা প্রদর্শন করেন। গয়াতেও এইরূপ রাজভক্তির নিদর্শন লক্ষিত হয়। অধিকন্তু গয়ার এক প্রধান রাজপুরুষ ভয়ে উদ্ভ্রান্ত না হইয়া, ধনাগারের রাশীকৃত অর্থ রক্ষা করেন। গয়া, পাটনা হইতে ৫৫ মাইল এবং কলিকাতা হইতে ২৬৫ মাইল অন্তরে অবস্থিত। এই স্থান অতি প্রাচীন কাল হইতে ইতিহাসে প্রসিদ্ধিলাভ করিয়াছে। অতি প্রাচীন কাল হইতেই এই স্থান হিন্দু ও বৌদ্ধদিগের মধ্যে একটি প্রধান পুণ্যভূমি বলিয়া সম্মানিত হইতেছে। যে স্থানের অন্তঃসলিলবাহিনীর তটদেশে পিণ্ড দিলে পূর্বপুরুষদিগের উদ্ধারসাধন হয়, যে স্থানের পবিত্র বৃক্ষতলে, গভীর সাধনাবলে শাক্যসিংহের সিদ্ধিলাভ ঘটে, সে স্থানের প্রতি হিন্দু ও বৌদ্ধ, উভয় সম্প্রদায়ই অপরিসীম শ্রদ্ধা ও ভক্তি প্রকাশ করে। এই তীর্থস্থানে সময়ে সময়ে অনেক হিন্দুর সমাগম হয়। অনেক সম্পত্তিশালী জমীদার এই স্থানে অবস্থিতি করেন। নানা দেশের

* Martin, Indian Empire. Vol. II. p. 407. Comp. Patna Crisis. p. 87.

নান্দা ভাবের লোক উপস্থিত হওয়াতে, এই স্থানে নানারূপ অসুস্থ গদ্য প্রচলিত হইয়া থাকে। উপস্থিত সময়ে এই স্থানে ৮৪গণিত পদাতিরদের ৪০জন দৈনিক পুষ্ক এবং ১১৬ জন শিশু অবস্থিত করিতেছিল। মণি সাহেব এই স্থানের মাজিষ্ট্রেট ছিলেন। তিনি দানাপুরের সংবাদ পাইয়া, গয়া রক্ষা করিবার বন্দোবস্ত করিতে উত্তত হইলেন। দানাপুরের সিপাহীদিগের উত্তেজনার সংবাদে গয়ার লোকের মধ্যে অনেকের উত্তেজনার নিদর্শন লক্ষিত হয়। গয়ার অবস্থা যখন এইরূপ, তখন আরার সংবাদ পাটনার উপস্থিত হওয়াতে টেলর সাহেব পূর্বোক্ত আদেশ প্রচার করেন। মাজিষ্ট্রেট মণি সাহেবের বিশ্বাস জন্মিয়াছিল যে, যদি কুমার সিংহ ব্রিটিশ গবর্ণমেন্টের বিরুদ্ধে সম্মুখিত হইলেন, তাহা হইলে সমগ্র বিহারের অর্দ্ধাংশ গবর্ণমেন্টের বিরোধী হইবে। এখন মাজিষ্ট্রেট সাহেব কুমার সিংহের অভ্যুত্থান এবং ডানবারের পরাজয়ের সংবাদে নিতান্ত উদ্বিগ্ন হইলেন। তিনি আপনার আবাসগৃহে বসিয়া, নজীবদিগের সুবাদারের সহিত কথা কহিতেছিলেন, এমন সময়ে কমিশনরের পত্র তাঁহার নিকটে পহছিল। কমিশনর কি লিখিয়াছেন, সুবাদার জানিতে চাহিলেন, 'মাজিষ্ট্রেট তাঁহাকে কিছু না বলিয়া, কার্যাস্তরে পাঠাইয়া দিলেন। এদিকে সহরের ইউরোপীয়দিগের নিকটে সংবাদ প্রেরিত হইল। এক ঘণ্টার মধ্যে ইউরোপীয়গণ মাজিষ্ট্রেটের নিকটে উপস্থিত হইলেন। কমিশনরের আদেশানুসারে তাঁহাদের পাটনাই যাওয়া সিদ্ধান্ত হইল। তাঁহারা কালবিলম্ব না করিয়া, ধনাগারের প্রায় সাত আট লক্ষ টাকা, হস্তরিখ কয়েদীগণে পরিপূর্ণ কারাগার প্রভৃতি ফেলিয়া, পাটনার অভিমুখে প্রস্থান করিলেন। দারোগা এবং নজীবদিগের সুবাদারের উপর সহরের রক্ষার ভার রহিল।

ইউরোপীয়গণ অস্বারোহণে দুই তিন মাইল পথ অতিক্রম করিয়াছেন, এমন সময়ে হোলিংস্ নামক এক জন ইউরোপীয় কর্মচারীর মানসিকভাব পরিবর্তিত হইল। ইনি অহিংসনবিভাগে কর্ম করিতেন। হোলিংস্ সাহেব আপনার কাপুরুষতার নিরতিশয় লজ্জিত হইলেন। গয়ারক্ষার ভার ইঁহার উপর না থাকিলেও, ইনি এইরূপ ভীষণজনোচিত কার্যে একান্ত অসুস্থ হইলেন। ইঁহার ভাবান্তরদর্শনে মাজিষ্ট্রেট মণি সাহেবেরও ভাবান্তর ঘটিল। এই দুইটি সাহসী পুরুষ গয়া প্রত্যাবর্তন করিয়া, গবর্ণমেন্টের সম্পত্তিরক্ষায়

কৃতসম্মত হইলেন । যখন অপরায়িত ইউরোপীয় গম্মার দিকে দৃকপাত না করিয়া, পাটনার অভিমুখে অগ্রসর হইলেন, তখন মণি এবং হোলিংস্ সাহেব গম্মার কিরিয়্যা আসিলেন । গম্মা পূর্ববৎ অশৃঙ্খল ছিল । ধনাগারের অর্থরাশি পূর্ববৎ অসুরক্ষিত ছিল । কয়েদীগণ পূর্ববৎ কারাগারে আবদ্ধ ছিল । অল্পধারী নজীব এবং অল্পভুক্ত অধিবাসিগণ পূর্ববৎ রাজভক্তির পরিচয় দিতেছিল । মাজিষ্ট্রেট সাহেব গম্মার এইরূপ শৃঙ্খলা দেখিয়া সন্তুষ্ট হইলেন, এবং সন্তুষ্টচিত্তে গবর্ণমেন্টের অর্থ স্থানান্তরে লইয়া যাইবার জন্য চেষ্টা করিতে লাগিলেন । এই সময়ে পাটনার পথ নিরাপদ ছিল না । এদিকে সাধারণের মধ্যে সংবাদ প্রচারিত হইয়াছিল যে, কুমার সিংহ সৈনিকদল লইয়া, গম্মার অভিমুখে আসিতেছেন । এই সংবাদে সাধারণে অধিকতর উত্তেজিত হইয়াছিল । মাজিষ্ট্রেট সাহেব টাকা লইয়া, পাটনার পরিবর্তে কলিকাতায় যাইবার সঙ্কল্প করিলেন । কলিকাতা অধিকতর দূরবর্তী হইলেও, বিষয়বস্তির সম্ভাবনা না থাকাতে, ঐ দীর্ঘতর পথই মাজিষ্ট্রেটের অবলম্বনীয় হইল । মাজিষ্ট্রেট, গাড়িপ্রভৃতি সংগ্রহ করিবার আদেশ দিলেন । গম্মার নিকটবর্তী হাজারীবাগের সিপাহীরা গবর্ণমেন্টের বিরুদ্ধে সম্মুখিত হইয়াছিল । মাজিষ্ট্রেট সাহেব এজন্য সাতিশয় উষ্ণিগ্র হইয়া, মহারাজার ৬৪গণিত দলের কতিপয় ইউরোপীয় সৈনিকপুরুষ সংগ্রহ করিলেন । ৪ঠা আগষ্ট সকলে কলিকাতায় যাত্রা করিতে প্রস্তুত হইল । এদিকে নজীবেরা গবর্ণমেন্টের বিপক্ষ হইয়া উঠিল । কয়েদীগণ কারাগার ভগ্ন করিয়া বহির্গত হইল । মাজিষ্ট্রেট মুহূর্ত্তমাত্র বিলম্ব না করিয়া, অস্বারোহণে কোম্পানির অর্থ-সংরক্ষক ইউরোপীয় সৈনিকদিগের সহগামী হইলেন । ঐ দিন রাত্রিকালে নজীব এবং কারাগারবিশুক্ত কয়েদীগণ, অর্থাৎহরণমানসে ঔষাদিগকে আক্রমণ করিল, কিন্তু অভীষ্ট বিষয়লাভে কৃতব্যর্থ হইতে পারিল না । আগষ্ট মাসের মধ্যভাগে মাজিষ্ট্রেট সাহেব কোম্পানির অর্থ লইয়া, কলিকাতায় উপনীত হইলেন । গবর্ণর-জেনারেল ঠাহার এবং হোলিংস্ সাহেবের সাতিশয় স্খ্যাত্তি করিলেন । এইরূপ সঙ্কটকালে, এইরূপ সাহসিকতা ও ক্ষিপ্ৰকাদিতার সহিত বহু অর্থ রক্ষা করাতে, ইঁহারা উভয়েই গবর্ণমেন্টের নিকটে সম্মানিত হইলেন ।

অক্টোবরের আদ্যভাগে গম্মার মাজিষ্ট্রেট, যখন প্রধানতম শাসনকর্তার একান্ত অঙ্গগ্রহভাজন হইলেন, তখন পাটনার টেলর সাহেবের অধঃপতন হইল ।

বিহারে সামরিক আইনপ্রচার এবং পাটনার মুসলমানগণের কান্না হওয়াতে কর্তৃপক্ষ কমিশনর সাহেবের প্রতি সন্তোষ প্রকাশ করেন নাই। ইহার পর কমিশনর সাহেব, যখন আপনার অধীন বিভাগের রাজপুরুষদিগকে পাটনার উপস্থিত হইতে আদেশ দিলেন, তখন কর্তৃপক্ষের অসন্তোষ অধিকতর বর্দ্ধিত হইল। টেলর সাহেব আগষ্ট মাসে কমিশনরের পদ হইতে নিষ্কাশিত হইলেন। টেলর সাহেবের ক্ষিপ্রকারিতা ছিল; কর্মক্ষমতা, উৎসাহ ও সাহস ছিল। তিনি এক সময়ে রাজপুরুষদিগকে স্ব স্ব স্থানে থাকিয়া, আত্মরক্ষা করিতে আদেশ দেন। কিন্তু শেষে আরার ঘটনায় তাঁহার হৃদয়ে সাতিশয় ভয়ের সঞ্চার হয়। তিনি বিভিন্ন স্থানের ইউরোপীয়দিগকে এক কেন্দ্রে একীভূত করিয়া, আত্মরক্ষায় উদ্যত করেন। তাঁহার এই উদ্যম অসময়ে অভিযুক্ত হওয়াতে প্রশংসনীয় হয় নাই। পূর্বে উক্ত হইয়াছে যে, মজঃফরপুর ও ছাপরাতে কোন গোলযোগ ঘটে নাই। ইংরেজদিগের অভাবেও, এক জন কর্মনিষ্ঠ মুসলমান ছাপরায় শাস্তি রক্ষা করিয়াছিলেন। কমিশনর সাহেবের বিবেচনাদোষে কুমার সিংহ গবর্ণ-মেন্টের বিরুদ্ধ পক্ষ অবলম্বন করেন। কুমার সিংহ বিরোধী না হইলে, বোধ হয়, টেলর সাহেব আতঙ্কগ্রস্ত হইয়া, বিভাগীয় রাজপুরুষদিগকে তাঁহাদের রক্ষণীয় স্থান পরিত্যাগ করিতে আদেশ দিতেন না। যাহা হউক, টেলর সাহেবের ধীরতার অভাবেই তাঁহার অধঃপতন ঘটয়াছে। ধীরতার অভাব প্রযুক্ত তিনি কর্তৃপক্ষের নিকটে নিন্দিত ও উচ্চপদ হইতে নিষ্কাশিত হইয়াছেন। ইহার পর দীর্ঘকাল চেষ্টা করিয়াও, তিনি পূর্বতন সোভাগ্যের অধিকারী হইতে পারেন নাই।

টেলর সাহেব পদচ্যুত হইলে, সামুয়েলস্ সাহেব পাটনার কমিশনর হয়েন। যাবৎ তিনি উপস্থিত না হয়েন, তাবৎ পাটনার অজ কারুকুহরসন সাহেবের হস্তে কমিশনরের কার্যভার সমর্পিত হয়। টেলর সাহেবের ব্যবহারে পাটনার লোকে সাতিশয় উত্তেজিত হইয়াছিল। সম্ভ্রান্ত অধিবাসিগণ অবশ্রম্ভাবী বিপদের আশঙ্কায় একান্ত উদ্বিগ্ন হইয়াছিলেন। এখন টেলর সাহেব পদচ্যুত হওয়াতে, তাঁহারা নিরুদ্বেগ হইলেন। এদিকে সাধারণকে শান্তভাবে রাখিবার জন্য যথোচিত উপায় অবলম্বিত হইতে লাগিল। কাওরাজের ক্ষেত্র হইতে কান্দি কাঠ সকল অপসারিত হইতে লাগিল। যে সকল নিরীহ

মুসলমান অবরুদ্ধ হইয়াছিল, তাহারা মুক্তি লাভ করিল। লোকে গবর্ণমেন্টের বিরুদ্ধে ষড়যন্ত্র করিতে না পারে; মুসলমানেরা উত্তেজিত না হইয়া, প্রশান্তভাবে থাকিতে পারে, এজন্ত লেফটেনেন্ট-গবর্ণর মুন্সী আমীর আলি নামক এক জন কর্মদক্ষ মুসলমান উকীলকে কমিশনর সামুয়েলসের সহকারী করিলেন। এইরূপ উচ্চতর পদে এক জন ভারতবাসীর নিয়োগ হওয়াতে কসিকাতার ইউরোপীয়সম্প্রদায় আবার চীৎকার আরম্ভ করিলেন। কিন্তু তাহাদের এই অসম্মত চীৎকারে কোন ফল হইল না। মুসলমানের পবিত্র পর্ল মহরম সমাগত হইল। মুন্সী আমীর আলির কার্য্যনৈপুণ্যে এই উৎসবে শান্তিভঙ্গ হইল না। পাটনার মুসলমানগণ আপনাদের ধর্ম্মানুমোদিত কর্ম্ম সম্পন্ন করিল। তাহাদের মধ্যে উত্তেজনা পরিদৃষ্ট হইল না। এ সময়ে তাহারা উন্নতভাবে কাফেরের শোণিতপাতে অগ্রসর হইল না। এইরূপ উত্তেজনার সময়ে পাটনার এইরূপ প্রশান্তভাবে বিবরণ শুনিয়া, উদ্ধত ইউরোপীয়গণ আপনাদের অবস্থা চীৎকারে আপনানাই লজ্জিত হইলেন।

বাক্সালার লেফটেনেন্ট-গবর্ণরের শাসনাধীন প্রদেশের আরও কোন কোন স্থানে সিপাহীদিগের মধ্যে উত্তেজনার নিদর্শন পরিদৃষ্ট হয়। কিন্তু এই উত্তেজনায় প্রকৃতপ্রস্তাবে যুদ্ধ সজ্জিত হয় নাই। গবর্ণমেন্টকেও এই উত্তেজনাগ্রবৃত্ত তাদৃশ বিপদগ্রস্ত হইতে হয় নাই। ইহার বিবরণ এই স্থলে সংক্ষেপে লিখিত হইতেছে। সাঁওতাল পরগণার মধ্যে দেবঘর হিন্দুদিগের একটি প্রধান তীর্থস্থান বলিয়া পরিগণিত। অনেক তীর্থযাত্রী এই স্থানে সমাগত হইয়া, মহাদেবের আরাধনার অভিনিবিষ্ট হইয়া থাকে। গম্বা প্রভৃতি তীর্থস্থানে জীনসাধারণের মধ্যে ঘেরূপ উত্তেজনা ঘটয়াছিল, সেরূপ উত্তেজনার নিদর্শন দেবঘরে পরিদৃষ্ট হয় নাই। এই স্থানের অধিবাসিগণ প্রশান্তভাবে ছিল। এই স্থানের তীর্থযাত্রিগণ পুণ্যসঞ্চয়ের মানসে ধীরভাবে আরাধ্য দেবের পূজায় ব্যাপৃত ছিল। এই স্থানের রাজপুরুষগণ কোনরূপ বিশ্লেষের সূচনা না দেখিয়া, নিরুদ্ধেগে কালযাপন করিতেছিলেন। দেবঘরের নিকটবর্ত্তী রোহিণীতে এগণিত অনিয়মিত অখ্য-রোহিদল অবস্থিতি করিতেছিল। ইহাদের মধ্যে কোনরূপ অসন্তোষের চিহ্ন দেখা যায় নাই। ইহার কোন সময়ে অধিনায়কের আদেশের বিরুদ্ধাচরণে

উদ্যত হয় নাই। ইহাদিগকে কোন সময়ে কোনরূপে সামরিক শাসনা-
নাশের জন্য উত্তেজিতভাবে দগবদ্ধ হইতে হয় নাই। ইহারা শাস্ত্রভাবে
আপনাদের কর্মে ব্যাপ্ত ছিল। ইহাদের অধিনায়কগণ নিশ্চিন্তমনে আপনা-
দের সৈনিকদলের মধ্যে বাস করিতেছিলেন। ১২ই জুন সন্ধ্যাকালে এই
অখারোহিদলের অধিনায়ক মাক্‌ডোনাল্ড, আপনার বাঙ্গালার বারেন্দার,
অন্ততর সেনানায়ক শ্রীর নরমান্‌ লেসলি এবং ডাক্তার সাহেবের সহিত বসিয়া,
নিরুদ্বেগে নানারূপ গল্প করিতে করিতে চা পান করিতেছিলেন, এমন
সময়ে তিনটি অস্ত্রধারী পুরুষ বিদ্যাবেগে তাঁহাদের নিকটে আসিল। নিমেষের
মধ্যে এক ব্যক্তি অধিনায়কের মস্তকে অস্ত্রাঘাত করিল। ডাক্তার
সাহেবও আহত হইলেন। অস্ত্রাঘাতে লেসলি সাহেবের পৃষ্ঠদেশ হইতে
বল্কোদেশ পর্যন্ত ছিন্ন হইল, এই হতভাগ্য সৈনিকপুরুষ দীর্ঘকাল জীবিত
থাকিতে পারিলেন না। অর্ধঘণ্টার মধ্যে তাঁহার দেহভাগ হইল।
অধিনায়ক ও ডাক্তার সাহেব এই আকস্মিক অস্ত্রাঘাত হইতে কোনরূপে
নিষ্কৃতিলাভ করিলেন। ইহারা আক্রমণকারীদিগকে চিনিতে পারিলেন না।
গণিত অখারোহিদলের সওয়ারেরা যে, এই কার্য করিয়াছে, তদ্বিবয়ে ডাক্তার
সাহেব সন্দেহ প্রকাশ করিতে লাগিলেন। আক্রমণকারীরা যেরূপ স্বরিতবেগে
উপস্থিত হইয়াছে, সেইরূপ নিমেষমধ্যে আপনাদের কার্যসাধন করিয়াছে।
তাহাদের দেহে সামরিক পরিচ্ছদ ছিল না। সুরতঃ আক্রান্তগণ তাহা-
দিগকে সওয়ার বসিয়া চিনিতে পারিলেন না। এতদেশীয় আফিসারগণ
অপরাদীদিগকে ধরিবার চেষ্টা করিতে লাগিলেন। সন্দেহক্রমে তিন ব্যক্তি
ধৃত হইল। ইহাদের দুই জনের পরিধেয় বস্ত্র শৌণিতরঞ্জিত ছিল। এক
জন স্বীকার করিল যে, তাহার অস্ত্রাঘাতে লেসলি সাহেবের প্রাণবিসোগ
হইয়াছে। এইমাত্র প্রমাণের উপর নির্ভর করিয়া, অধিনায়ক মাক্‌ডোনাল্ড
তাহাদিগকে ফাঁসি দিতে উদ্যত হইলেন। অবিলম্বে তিনি অভীষ্ট কার্য-
সম্পাদনের আয়োজন করিলেন। তিন জনকে হাতীর উপর চড়াইয়া
ফাঁসিকাঠের নিকটে লইয়া যাওয়া হইল। জল্লাদেরা পর্যায়ক্রমে এক এক
জনের গলদেশ রজ্জুবদ্ধ করিল। ইহার পর পর্যায়ক্রমে এক একবার হাতী
চালাইয়া দেওয়া হইল। তিন বারে তিনটি শোচনীয়দশাগ্রস্ত ব্যক্তির দেহ

কাসিকার্ঠে বিলম্বিত হইল। তিন জন সওয়ারের জীবননাশ করিলেও, মেজর মাক্‌ডোনাল্ড্ অপরাপর সওয়ারকে সাতিশয় বিশ্বস্ত বলিয়া মনে করিতে লাগিলেন। তাঁহার এই ধারণা অমূলক হয় নাই। সওয়ারগণ আহত ও অরক্ষিত ইউরোপীয়দিগের শোণিতে আপনাদের হস্ত কলঙ্কিত করে নাই। এই সময়ে তাহাদের অধিনায়ক আহত হইয়াছিলেন। আঘাতজনিত প্রচণ্ড জ্বরে তাঁহার দেহ অবসন্ন হইয়াছিল। ডাক্তার সাহেবও গুরুতর আঘাত প্রাপ্ত হইয়াছিলেন। সওয়ারগণ বিদ্রোহভাবে পরিচালিত হইলে অনায়াসে ইহাদের ক্ষমতা নাশ করিতে পারিত। কিন্তু তাহারা আপনাদের প্রশান্তভাবে ও প্রভুভক্তিতে বিসর্জন দেয় নাই। তাহাদের অধিনায়ক আক্রান্ত ও আহত হইলে, তাহারা সমস্ত রাত্রি আহতদিগের গৃহদ্বারে বসিয়া প্রহরীর কার্য্য করে। ইহার পর তাহারা তিন মাস কাল এইরূপ প্রগাঢ় বিশ্বস্ততার পরিচয় দেয়। তাহাদের অধিনায়ক এইরূপ বিশ্বস্তভাবে এরূপ বিমুগ্ধ হইয়াছিলেন যে, তিনি স্পষ্টাক্ষরে কহিয়াছিলেন, আঘাতজনিত জ্বরে তাঁহার দেহত্যাগ হয়, তাহাও ভাল, তথাপি তিনি এই বিশ্বস্ত সৈনিকদলের পরিচালনার জন্য অপর কাহাকেও স্বকীয় পদে প্রতিষ্ঠিত হইতে দিবেন না। তাঁহার প্রস্তাব-ক্রমে সদর সৈনিকনিবাস রোহিণী হইতে ভাগলপুরে স্থানান্তরিত হয়। জুলাই মাস পর্য্যন্ত সওয়ারেরা ভাগলপুরে শান্তভাবে আপনাদের কর্তব্য পালন করে। শেষে আগষ্ট মাসে ইহাদের ভাবান্তর ঘটে। এই সময়ে দানাপুর ও আরার সংবাদ চারি দিকে প্রচারিত হইয়াছিল। চারি দিকের সিপাহীগণ দানাপুরের দানবপ্রকৃতি ইউরোপীয় সৈনিকদিগের নিষ্ঠুরতার বিবরণ শুনিয়া, আতঙ্কগ্রস্ত হইয়াছিল। এই সর্বব্যাপী আতঙ্কের সময়ে যেখানে যে সিপাহীদল, ইংরেজ সৈনিকপুরুষদিগকে সমাগত হইতে দেখিত, সেইখানেই তাহারা সর্ববিশ্বাসের আশঙ্কায় বিচলিত হইয়া উঠিত। ১৫ই আগষ্ট একখানি জাহাজ ভাগলপুরের নিকটে আসিয়া নোঙ্গর করে। এই জাহাজে সেনাপতি আউট্রাম ছিলেন। এই সময়ে দুই জন উদ্ভেজিত সওয়ার ভাগলপুরের গণিত সওয়ারদলকে কহে যে, রাত্রিতে তাহারা আক্রান্ত ও নিরস্ত্রীকৃত হইবে। এই কথায় সওয়ারগণ হির ধাক্কিতে না পারিয়া, আপনাদের দ্রব্যাদি পরিত্যাগপূর্ব্বক অঝারোহণে ইতস্ততঃ ধাবিত হয়। এইরূপে একদল বিশ্বস্ত সৈন্য ইংরেজের পক্ষ পরিত্যাগ করে।

কথিত আছে, রোহিণীতে যে তিন জনের কাঁসি হয়, তাহাদের এক জনের পিতা আপন দলের বিশ্বস্ততা দেখাইবার জন্য, স্বকীয় পুত্রকে কাঁসিকাঠে বিলম্বিত করিতেও বিমুখ হয় নাই।*

কর্তৃপক্ষ যখন উপস্থিত বিপ্লবের শাস্তির জন্ত যথোপযুক্ত ইউরোপীয় সৈন্য সংগ্রহে একান্ত অসমর্থ ছিলেন, তখন বিভিন্ন স্থানের সিপাহীদল ইউরোপীয় সৈন্যকর্তৃক নিরস্ত্রীকৃত ও নিহত হইবার আশঙ্কায় বিচলিত হইয়া উঠে। গবর্ণমেন্ট স্থানান্তর হইতে পর্যাপ্তপরিমাণে ইউরোপীয় সৈন্য আনিতে পারেন নাই। অথচ সিপাহীগণ প্রতিমুহূর্তে ইউরোপীয় সৈন্যের সমাগমে আপনাদের অবমাননা বা নিধনের আশঙ্কা করে। উপস্থিত যুদ্ধের ইতিহাসে এই বিচিত্র ব্যাপার একটি প্রধান উল্লেখযোগ্য বিষয়। গবর্ণমেন্ট যখন বিভিন্ন স্থানের ইউরোপীয় সৈন্য একত্র করিয়া, উত্তেজিত সিপাহীদিগকে অস্ত্রশস্ত্র হইতে বিচ্যুত ও সৈনিকশ্রেণী হইতে নিষ্কাশিত করেন, তখন সিপাহীদিগের হৃদয়ে গভীর আশঙ্কার সঞ্চার হয়। ইউরোপীয় সৈন্য আগমন করুক বা নাই করুক, সিপাহীগণ আশঙ্কা হইতে নিষ্কলিতাব করিতে পারেন নাই। এসময়ে তাহাদের উত্তেজনাবৃদ্ধির জন্ত লোকের অভাব ছিল না। চক্রান্তকারী ব্যক্তিগণ নানা বেশে উপস্থিত হইয়া, নানাবিধ আতঙ্কজনক কথায় তাহাদিগকে অধিকতর ভয়গ্রস্ত করিত। ইহাদের কুমন্ত্রণা সর্বত্রই নিফল হয় নাই। কোন কোন স্থলে উহা হইতে বিষময় ফলের উৎপত্তি হইয়াছিল। কিন্তু এক স্থলে একটি বিশেষ কারণে মন্ত্রণাদাতাদিগের চেষ্টা ব্যর্থ হয়। কটকে মাদ্রাজ প্রেসিডেন্সির একদল সিপাহী অবস্থিত করিতেছিল। মাদ্রাজের সিপাহীগণ সৈনিকনিবাসে আপনাদের জীপুত্র লইয়া বাস করে। এক সৈনিকনিবাস হইতে অল্প সৈনিকনিবাসে যাইবার সময়ে ইহারাদ্বী ও সন্তানদিগকে সঙ্গে লইয়া যায়। মাদ্রাজের সিপাহীগণ কটকে আপনাদের পরিবারবর্গে পরিবৃত ছিল। উত্তেজিত মুসলমানগণ ইহাদিগকে কহে যে, ইহাদের নিরস্ত্রীকরণের জন্ত ইউরোপীয় সৈন্য আসিতেছে। ইহারাদ্বী ও সন্তানদিগকে দ্রুততর স্থানে লইয়া যাওয়া হইবে। উত্তেজনা-

* *Martin, Indian Empire. Vol. II. p. 415.*

পর মুসলমানদিগের কথায় মাদ্রাজের সিপাহীগণ শক্তিত হইল বটে, কিন্তু কোম্পানির বিরুদ্ধে অন্ত্রপরিগ্রহে উত্তত হইল না। লোকে গভীর আশঙ্কা ও অমূলক উত্তেজনায় অধীর হইলেও, যখন আপনাদের পরিবারবর্গকে নিরাপদে রাখিবার জ্ঞাত দুঃসাহসিক কার্যসাধনে নিরস্ত থাকে, তখন তাহাদের ঐরূপ পারিবারিক চিন্তায় রাজ্যের মঙ্গল সাধিত হয়। মাদ্রাজী সিপাহীগণ নিঃসন্দেহ আশঙ্কাগ্রস্ত হইয়াছিল। বিনা কারণে তাহারা সৈনিকশ্রেণী হইতে বিচ্যুত হইবে, বিনা কারণে তাহাদিগকে অপরিচিত দূরতর স্থানে বাইতে হইবে, বিনা কারণে তাহাদের অবমাননার একশেষ ঘটবে, ইহা ভাবিয়া, তাহারা নিঃসন্দেহ উত্তেজিত হইয়া উঠিয়াছিল। এই উত্তেজনায় সময়ে স্ত্রীপুত্রাদির ভাবনা তাহাদিগকে শাস্তভাবে রাখিয়াছিল। তাহারা পরিজনবর্গকে বিপত্তি-জালে পরিবেষ্টিত করিয়া, মস্ত্রণাদাদিগের মস্ত্রণা অনুসারে কার্য্য করিতে আগ্রহ প্রকাশ করে নাই। তাহাদের কেহ কেহ মুসলমানদিগের কথায় উত্তর করিয়াছিল যে, তাহাদের দুই হস্ত আবদ্ধ রহিয়াছে। তাহারা এক হস্তে পত্নীদিগকে রক্ষা করিতেছে, অপর হস্তে সন্তানদিগের রক্ষায় ব্যাপ্ত রহিয়াছে। তাহাদের পরিজন তাহাদের বিশ্বস্ততার প্রতিভূস্বরূপ রহিয়াছে। উত্তেজিত মুসলমানদিগের চেষ্টা বিফল হইল। কটকে শান্তিভঙ্গ হইল না। সিপাহীগণ পরিজনবর্গের সহিত প্রশান্তভাবে অবস্থিতি করিতে লাগিল। বাক্সালার সিপাহীগণ যদি মাদ্রাজী সিপাহীর ত্রায় সৈনিকনিবাসে আপনাদের পরিবারবর্গ লইয়া থাকিত, তাহা হইলে বোধ হয়, তাহারা সহসা ব্রিটিশ গবর্ণ-মেন্টকে বিপন্ন করিতে সাহসী হইত না।

কটকে যেরূপ শান্তিভঙ্গ হইল না, জলপাইগুড়িতেও সেইরূপ কোন গোলা-যোগ ঘটিল না। এস্থলের সেনানায়কের উদারতা ও সমদর্শিতাই শান্তিরক্ষার প্রধান কারণ হইয়াছিল। জলপাইগুড়িতে ৭৩গণিত সিপাহীদল ছিল। কর্ণেল সিয়্যার এই দলের অধ্যক্ষ ছিলেন। আপনাদের অধীন দলের প্রতি তাঁহার প্রগাঢ় বিশ্বাস ছিল। তিনি কার্য্যতঃ সিপাহীদিগকে এই বিশ্বস্তভাবে দেখাইতে যত্ন-শীল ছিলেন। তাঁহার এইরূপ ধারণা হইয়াছিল যে, অনেক স্থলে অমূলক আশঙ্কায়, অলীক সন্দেহে, সিপাহীগণ গবর্ণমেন্টের বিরুদ্ধ পক্ষ অবলম্বন করিয়াছে।

ইহাদের আশঙ্কা ও সন্দেহ অপসারিত হইলে, গবর্ণমেন্টের বিপদ নিরাকৃত হইতে পারে। জুন মাসে কটকের হায় জলপাইগুড়িতে প্রচারিত হইল যে, ইউরোপীয় সৈন্য ঐ স্থানের সিপাহীদিগকে নিরস্ত্র করিবার জন্য আসিতেছে। উক্ত সিপাহীগণ শীঘ্র ইউরোপীয় সৈন্তের আক্রমণে সমুলে বিধ্বস্ত হইয়া যাইবে। এইরূপ নানাবিধ আতঙ্কময় জনরব জলপাইগুড়ির সৈনিকনিবাসে প্রচারিত হইতে লাগিল। এ সময়ে সিপাহীদিগের নিরস্ত্রীকরণ যেন, ইউরোপীয়-রাজপুরুষদিগের মধ্যে একটি চিরাচরিত প্রথা বলিয়া পরিগণিত ছিল। যেখানে কোন বিষয়ে কোনরূপ আশঙ্কা জন্মিত, সেইখানে কর্তৃপক্ষ সিপাহীদিগের নিরস্ত্রীকরণে উদ্যত হইতেন। আপনাদিগকে নিরাপদ করিবার জন্য তাঁহারা নিরস্ত্রীকরণ ব্যতীত আর কোন উপায়ই প্রশস্ততর বলিয়া মনে করিতেন না। সেনানায়ক সিয়ারারের বিশ্বাস জন্মিয়াছিল যে, তিনিও এই প্রথা অমুসারে কার্য্য করিতে আদিষ্ট হইবেন। কিন্তু সেনানায়ক এই প্রথার প্রতি নিরতিশয় বিরক্ত ও হতশ্রদ্ধ ছিলেন। তিনি আপনার অধীন সিপাহীদিগকে বিশ্বস্ত ও অমুরক্ত বলিয়া মনে করিতেন। ৭৩গণিত দলের কতকগুলি সিপাহী ঢাকায় ছিল। ইহারা সেই স্থানে উত্তেজনার পরিচয় দিতে বিমুগ্ধ হয় নাই। সেনানায়ক সিয়ারার নির্দেশ করিয়ছিলেন যে, অনিয়মিত অশ্ব-রোহিদলের যে সকল সওয়ার জলপাইগুড়িতে ছিল, তাহারা এই সংবাদে স্নাতিশয় বিরক্ত হইয়া, ঐ উত্তেজিত সিপাহীদিগকে সমুচিত শাস্তি দিবার জন্য আপনাদের তরবারি ধারাল করিয়াছিল।* এইরূপ বিশ্বাসপ্রযুক্ত সেনানায়ক সিপাহীদিগের নিরস্ত্রীকরণে একান্ত অসম্মত ছিলেন। একদা তাঁহার সমক্ষে ডাকের কতকগুলি কাগজপত্র থোলা হইল। উহার মধ্যে গবর্ণমেন্টের আদেশলিপি ছিল। সেনানায়ক ঐ আদেশলিপি হস্তে লইয়া, তাঁহার অব্যবহিত অধস্তন সহযোগীকে কহিলেন,—“আমার সন্দেহ হইতেছে, এই লিপিতে আমাদের লোকের নিরস্ত্রীকরণের আদেশ রহিয়াছে। আমি কণ্ঠ পরিত্যাগ করিব, তথাপি কিছুতেই এই আদেশপালনে সন্মত হইব না।” সেনানায়ক আপনার অধীন সৈনিকদলের সম্মানরক্ষায় এইরূপ দৃঢ়প্রতিজ্ঞ

* *Kaye, Sepoy War. Vol. III. p. 14, note*

হইয়াছিলেন। কিন্তু তাঁহার এইরূপ স্থিরতার তদীয় সহযোগিগণ স্বহির ইচ্ছা নাই। তাঁহারা সেনানায়ককে সমুদয় বন্দুক একত্র করিয়া, নৌকাযোগে কোন নিরাপদ স্থানে পাঠাইতে কহেন। এই সকল নৌকা, উপস্থিত সময়ে তিস্তা নদীতে প্রস্তুত ছিল।

ক্রমে জুন মাস অতীতপ্রায় হইল। জলপাইগুড়ির সিপাহীদিগের উত্তেজনার হাস হইল না। কথিত আছে, এই সময়ে মিরাত ও লক্কা হইতে বড়যন্ত্রকারিগণ ভ্রমণশীল ফকীরের বেশে জলপাইগুড়ির সৈনিকনিবাসে উপস্থিত হইয়া ছিল। ইহারা সিপাহীদিগের প্রশান্তভাব বিনষ্ট ও হৃদয় কলুষিত করিতে নিরন্তর থাকে নাই। এদিকে এই দলের যে সকল সিপাহী ঢাকায় উত্তেজনার পরিচয় দিয়াছিল, তাহাদের কেহ কেহ জলপাইগুড়ির সহযোগীদিগকে নানারূপ আতঙ্কজনক কথায় উত্তেজিত করিতে বিমুখ হয় নাই। এইরূপে জুন মাসের শেষভাগে সিপাহীদলে সাতিশর উত্তেজনার নিদর্শন লক্ষিত হয়। সিপাহীদিগের বিশ্বাস ভঙ্গিল যে, কলিকাতা হইতে বহুসংখ্য ইউরোপীয় সৈন্য তাহাদিগকে নিরস্ত্র করিতে আসিতেছে। তাহারা নিরস্ত্রীকরণে বাধা দিতে দৃঢ়প্রতিজ্ঞ হয়; কেহ কেহ অবিলম্বে কোম্পানির বিরুদ্ধে অস্ত্রপরিগ্রহ করিতে উৎসুক হইয়া উঠে। সেনানায়ক সিয়ারার আপন দলের এইরূপ উত্তেজনা দেখিলেন, কিন্তু আপনার অবলম্বিত পথ হইতে অণুমাত্র বিচলিত হইলেন না। তিনি উত্তেজনার সংবাদপ্রাপ্তিমাত্র কালবিলম্ব না করিয়া, পর দিন কাওয়াজের বিস্তৃত ক্ষেত্রে সকলকে সমবেত হইতে আদেশ দিলেন। আদেশ দিয়াই, সেনানায়ক স্বয়ং অস্বারোহণে সৈনিকনিবাসের দিকে অগ্রসর হইলেন। এই সময়ে অনেকের অসন্তোষ পরিব্যক্ত হইল। অনেকে নানারূপ বিরক্তজনক কথায় আপনাদের গভীর উত্তেজনার পরিচয় দিতে লাগিল। সেনানায়ক তাহাদিগকে শাস্তভাবে রাখিতে চেষ্টা করিলেন। পর দিন নির্দিষ্ট সময়ে কাওয়াজ হইল। সিপাহীগণ আপনাদের অস্ত্রাদি লইয়া, কাওয়াজের ক্ষেত্রে গমন করিল। গুলিভরা বন্দুক তাহাদের হস্তে ছিল, কিন্তু কেহই সৈনিকজનોচিত শৃঙ্খলা হইতে বিচ্যুত বা শাস্তিনাশে উদ্ভত হইল না। সিপাহীগণ কাওয়াজের সময়ে শাস্ত্রভাৱে অধিনায়কের আদেশ পালন করিল।

আপাততঃ কোন গোলযোগ ঘটিল না বটে, কিন্তু সিপাহীদিগের দৃষ্টি

অন্তর্হিত হইল না। যখন নানারূপ আশঙ্কায় লোকের হৃদয় বিচলিত হয়, লোকে যখন প্রতিশ্রুতি আপনাদের অধঃপতনের বিষয় ভাবিতে থাকে, তখন প্রত্যেক বিষয়েই তাহাদের মনে গভীর আতঙ্কের সঞ্চার হয়। তাহারা উহার সত্যতানিরূপণে চেষ্টা করে 'না, উহার উদ্দেশ্যের অবধারণে যত্নশীল হয় না। ঘটনা অনিষ্টজনক না হইলেও, অপরে আপনাদের অপূর্ণ কল্পনায় উহাকে নানারূপ ভয়ঙ্করভাবে রঞ্জিত করিয়া, তাহাদিগকে অধিকতর আতঙ্কিত ও সমুত্তেজিত করে। জলপাইগুড়িতেও এইরূপ ঘটনা ও তজ্জন্য এইরূপ কল্পনাময়, ভয়াবহ জনরবের আবির্ভাব হয়। সৈন্যাদ্যক্ষ সিয়ারার লেফটেনেন্ট-গবর্নরের সবাদী ও সরকারী কাগজপত্র আনিবার জন্ত দার্জিলিং কতকগুলি হাতী পাঠাইয়া দেন। ইহার সহিত সিপাহীদিগের ইষ্টানিষ্টের কোন সংশ্রব নাই। কিন্তু উত্তেজিত লোকের কল্পনা এই সামান্য বিষয় নিরতিশয় ভয়ঙ্করভাবে পরিণত করে। সিপাহীদিগের মধ্যে এই জনরব প্রচারিত হয় যে, সৈন্যাদ্যক্ষ ইউরোপীয় সৈন্য আনিবার জন্ত বাহন পাঠাইয়াছেন। এই অলীক জনরবে আবার তাহাদের মধ্যে শান্তিভঙ্গ হয়। তাহাদের কেহ কেহ উত্তেজনার অধীর হইয়া, কোম্পানির বিরুদ্ধে সমুত্তেজিত হইবার চেষ্টা করিতে থাকে। এ সময়েও সেনানায়ক নিরস্ত্রীকরণে উদ্বৃত্ত হইলেন না। এতদ্ব্যতীত আফিসারগণের চেষ্টায় ষড়যন্ত্রকারিগণ ধৃত হইল। সেনানায়ক ষড়যন্ত্রকারীদিগকে সমুচিত শাস্তি দিলেন এবং বিশ্বস্ত ও অম্লরক্ত সিপাহীদিগকে পারিতোষিকস্বরূপ অর্থ দ্বারা পরিতোষিত করিলেন। অপরাধিগণ শৃঙ্খলাবদ্ধ হইয়া, কলিকাতায় প্রেরিত হইল। বাহারা গুলিপূর্ণ বন্দুক হস্তে লইয়া, ইউরোপীয়দিগকে আক্রমণ করিবার সুযোগপ্রতীক্ষা করিতেছিল, তাহারা আপনাদের আবাসগৃহে আপনান্নই আক্রান্ত হইল। এক জন গুলির আঘাতে দেহত্যাগ করিল, আর এক জন উদ্ভ্রান্তভাবে নদীতে গিয়া নিমজ্জিত হইল। কিন্তু সমগ্র সৈনিকদলের অদৃষ্টে এইরূপ দশাবিপর্যায় ঘটিল না। মাসের পর মাস অতিবাহিত হইল। সেনানায়ক সিয়ারারের সৌজন্তে জলপাইগুড়ির সিপাহীগণ পূর্বের জায় বিশ্বস্ত ও পূর্বের মত প্রভুতত্ত্ব রহিল। হৃৎকের বিষয়, অজ্ঞাত স্থানে অপরাপার সৈনিকদলের প্রতি এইরূপ সৌজন্তও সমদর্শিতা প্রদর্শিত হয় নাই।

বাসার পশ্চিম প্রান্তভাগে বাহা ঘটাইয়াছিল, দক্ষিণপূর্ব প্রান্তভাগে

তাহা ঘটে নাই। এক স্থানের বিপরীত ঘটনা অল্প স্থানে সম্ভবতঃ হইয়া, রাজপুরুষদিগকে গোলযোগে বিব্রত, ভয়ে বিচলিত ও নানারূপ আশঙ্কার অস্থির করিয়া তুলে। চট্টগ্রামে ৩৪গণিত সিপাহীদল ছিল। ইহারা ১৮ই নবেম্বর প্রাত্ৰিকাগে সহসা গবর্ণমেণ্টের বিরোধী হয়। ইহাদের অধিনায়ক ইহাদিগকে শাস্তভাবে রাখিবার জন্ত এক জন সহযোগীর সহিত কাওয়াজের ক্ষেত্রে গমন করেন। কিন্তু ইহারা শাস্ত হয় নাই। ইহাদের কেহ কেহ অধিনায়ককে গুলি করিতে চাহে, কেহ কেহ ঐ কবচের উপর হস্তক্ষেপ করিয়া নষ্ট করিয়া যাইতে অনুরোধ করে।* ঘটনার পরিকল্পনা ইহারা অধিনায়কের শোণিতপান করিয়া না দেখিয়া, ইউরোপীয়দিগকে ক্রোধিত করিয়া তাহাদের উপস্থিতির পূর্বেই কেহ কেহ অতঃপর সিপাহীদলের কাণ্ডে গমন করিয়া পলায়ন করেন। কলেজের সাহেব

এদিকে উত্তেজিত সিপাহীদিগের দল হইল, কাওয়াজের কয়েদীদিগকে ছাড়া করিয়া ফেলিল, অত্রাগার উত্তেজিত হইয়া ছুই একটি অর্থে আপনাদের বিপক্ষে প্রতিক্রিয়া প্রদর্শিত হইল। রাজব আলি চান্দনভার গ্রহণ করিল। তাহা হইতে

নাই। কোন ইউরোপীয় তাহাদের জেলখানার এক জন বরকন্দাজ তাহাদিগকে বাধা দিইয়া হয়। এদিকে চট্টগ্রামের কমিশনার সাহেব ত্রিপুরা উত্তেজিত সিপাহীদের গতিরোধ বা ধ্বংসসাধন করিতে পার্কর্তব্য প্রদেশের দুই জন প্রধান জমীদারের নিকট হয়। সিপাহীগণের পরিতাপে উপস্থিত হইয়া, ব্রিটিশ স্বাধীন ত্রিপুরার অস্তিত্বে ক্ষতি হইয়াছে। কিন্তু ত্রিপুরা

এসময়ে অনেক ভূমামী গবর্ণমেন্টের যথোচিত সাহায্য করিতে অগ্রসর হইয়াছিলেন। গবর্ণমেন্ট উপস্থিত সঙ্কটকালে ইহাদের সাহায্যে অনেক স্থলে ষোড়শ বিপদ হইতে নিষ্কৃতিলাভ করিয়াছিলেন। এইরূপ সাহায্য না পাইলে, গবর্ণমেন্টকে সাতিশর বিপদ হইতে হইত। এই সকল হিতৈষী, সম্ভ্রান্ত পুরুষের বিদ্য ইতঃপূর্বে অনেক বার বর্ণিত হইয়াছে। ত্রিপুরার অধিপতিও এইরূপ হিতৈষিতা প্রদর্শনে বিমুগ্ধ হইলেন না। সিপাহীদিগের আগমনসংবাদ পাইয়াই, তিনি বহুসংখ্য সৈন্য লোক তাহাদের বিরুদ্ধে পাঠাইয়া দিলেন। ইহারা অবিলম্বে অগ্রসর হইয়া ১৫ ডিসেম্বর সিপাহীদিগের গতিরোধ করিল। সিপাহীগণ এতদুপেক্ষা পুনরায় ব্রিটিশ রাজ্যে প্রবেশ পূর্বক কমিলার অদূরবর্তী পর্বতের দিকে বাইতে লাগিল। এই পার্শ্বত্যাগে অতিক্রমসময়ে তাহাদের কণ্ঠের একশেষ হইল। তাহাদের তিনটি হস্তী অধিকারচ্যুত হইল। তাহাদের প্রায় ১০ হাজার টাকা হস্তচ্যুত হইয়া গেল। তাহারা যে সকল কয়েদীকে বিমুক্ত করিয়াছিল, তৎসমূহের মধ্যে অনেকে ধৃত হইল। ত্রিপুরারাজ ও সম্ভ্রান্ত জমীদারগণ তাহাদিগকে পুনঃ পুনঃ নিপীড়িত করিতে লাগিলেন। স্বতরাং তাহারা কোন উপায় না দেখিয়া, মগিপুরের অভিমুখে অগ্রসর হইতে লাগিল। পথে তাহাদিগকর্তৃক একটি পুলিশস্টেশন আক্রান্ত ও বিলুপ্ত হইল। এই সময়ে ঘটনাস্থলে একটি কৰ্মকুল ব্রিটিশ পুরুষ আবিভূত হইলেন। ক্রীহট্টের প্রধান রাজকীয় কৰ্মচারী এলেন সাহেব:ভাবিলেন যে, উদ্বেজিত সিপাহীদিগকে বাধা দিবার জন্য উত্তরোত্তর সৈন্য অনেক বিলম্বে উপস্থিত হইবে। এইরূপ বিলম্ব করা অসম্ভব মনে করিয়া, তিনি ১৫ই ডিসেম্বর ক্রীহট্টের একজনীয় পদাতিদলের অধিনায়ক মেজর বাইঙকে সিপাহীদিগের পিছু হাইতে হইলেন। অধিনায়ক আপনার সৈনিকদল লইয়া ক্রীহট্টের পিছু হাইতে লাগিলেন। তিনি ক্রীহট্টের ৮০ মাইল দূরবর্তী প্রদেশে উপস্থিত হইয়া গুলিলেন যে, সিপাহীগণ শীঘ্র লাভুনামক প্রদেশে প্রত্যাগমন করিতে হইতে বাধ্য হইল। যুরে অবস্থিত। সিপাহীগণ অতিক্রম করিয়া, প্রত্যাগমনে নিযুক্ত হইলেন। সিপাহীগণ পুনরায় লাভুতে ফিরিয়া আসিতে উদ্যত হইলেন। পুনরায় সিপাহীগণের পিছু হাইতে হইল। সৈনিকগণ পুনরায় সিপাহীগণের পিছু হাইতে হইল। এই দুর্গম প্রদেশে সিপাহীগণের পিছু হাইতে হইল।

তথাপি তাহারা সন্তোষন্বহকারে ফিরিয়া যাইতে সম্মত হইল। অধিনায়ক সৈনিকদল লইয়া, লাভুতে প্রত্যাবর্তন করিলেন। চট্টগ্রামের উত্তেজিত সিপাহীগণ শ্রীহট্টের সিপাহীদিগকে আপনাদের পক্ষে আনিবার জন্ত সবিশেষ চেষ্টা করিল। কিন্তু তাহাদের চেষ্টা ফলপ্রসূ হইল না। শ্রীহট্টের বিখ্যাত সৈনিকদল তাহাদের কথায় কর্ণপাত নকরিয়া পলায়ন করিয়া উঠাইল। লাভুর যুদ্ধক্ষেত্রে শ্রীহট্টের পদাধিপতি সেনানায়ক পতন হইল। কিন্তু ইহাতে ঐ দলের সৈনিকদিগের ক্রোধ আরও বৃদ্ধি পাইল। তাহারা প্রবলপরাক্রমে চট্টগ্রামের সিপাহীদিগকে আক্রমণ করিল। এই আক্রমণে স্থির থাকিতে না পারিয়া, লাভু এবং মণিপুরের সৈনিকদল অরণ্যে আশ্রয়গোপন করিল।

এই অরণ্যময় বিভাগে তাহাদের অহুগমন করা সুসাধ্য ছিল না। শ্রীহট্টের সিপাহীদিগের এক দল তাহাদের কার্যপরিষেবাক্ষণের জন্ত প্রেরিত হইল। অবশিষ্ট দল শ্রীহটে ফিরিয়া গেল। চট্টগ্রাম ও ঢাকার সংবাদ পাইয়া, গার্মেন্টে যে, ৫৪গণিত ইউরোপীয় সৈনিকদল পাঠাইয়াছিলেন, তাহারা প্রথমে ঢাকা, পরে কলিকাতায় প্রত্যাবর্তন করিল। এদিকে চট্টগ্রামের পলায়িত সিপাহীগণ মণিপুররাজ্যে প্রবেশ করিল। কিন্তু এখানে তাহারা নিরাপদে থাকিতে পারিল না। ৯ই জানুয়ারি (১৮৫৮) শ্রীহট্টের সিপাহীগণ তাহাদিগকে আক্রমণ করিল। দুই ঘণ্টা কাল যুদ্ধের পর তাহারা আবার পার্শ্বত্যাগ প্রদেশে আশ্রয় গ্রহণ করিল। ইহার আট দিন পরে শ্রীহট্টের সিপাহীদিগের সহিত তাহাদের আর একটি যুদ্ধ হয়। ইহাই চট্টগ্রামের সিপাহীদিগের শেষ যুদ্ধ। কোন ইংরেজ সেনানায়ক এই যুদ্ধে উপস্থিত ছিলেন নাই। শ্রীহট্টের দলের জমাদার অগধীর সিংহ সিপাহীদিগের অধ্যক্ষ ছিলেন। এই শেষ যুদ্ধে চট্টগ্রামের সিপাহীদিগের বলক্ষয় হয়। উপর্যুপরি কয়েক যুদ্ধে তাহাদের অনেকে দেহত্যাগ করিয়াছিল। তাহারা ক্লীবিত ছিল, তাহাদের নিকৃষ্টিলাভের আর কোন উপায় রহিল না। তাহাদের নির্গমনপথ অবরুদ্ধ হইল। তাহারা সেই দুর্গম পার্শ্বত্যাগ প্রদেশে নিরতিশয় শোচনীয়ভাবে অবস্থিতি করিতে লাগিল।

চট্টগ্রামের সিপাহীগণ গার্মেন্টের বিরুদ্ধে সমুখিত হইরাছে। তাহারা

কারাগার ভয় করিয়াছে, কয়েকদিগকে বিমুক্তি দিয়াছে, ধনাগারের অবস্থান নির্দিষ্ট লইয়াছে। এই সংবাদ যখন চারি দিকে প্রচারিত হয়, তখন পূর্ববঙ্গালায় একটি প্রধান নগরে কিছু গোলযোগ ঘটে। ঢাকা বহুকাল হইতে বঙ্গালায় ইতিহাসে প্রসিদ্ধ রহিয়াছে। এক সময়ে উহা রাজধানীর সম্মানিত পদে প্রতিষ্ঠিত ছিল। মোগল সম্রাট জাহাঙ্গীরের সম্মানিত নামে এক সময়ে উহা অভিহিত হইত। বঙ্গালায় নবাব এক সময়ে এই স্থানে থাকিয়া, সমগ্র বঙ্গালা, বিহার, উড়িষ্যা শাসনদণ্ডের পরিচালনা করিতেন। শিরচাতুরীতে এক সময়ে এই স্থান এরূপ প্রতিপত্তি লাভ করিয়াছিল যে, আজ পর্যন্ত ঐতিহাসিকগণ আফ্রাদ ও প্রীতির সহিত তাহার বর্ণনা করিয়া থাকেন। যখন ভারতবর্ষে ইংরেজদিগের প্রাধান্যলাভ হয় নাই, যখন ইংরেজ বণিকগণ আপনাদের ক্ষুদ্র দ্বীপে সামান্যভাবে অবস্থিতি করিতেন, তখন বাণিজ্য-লক্ষীর রূপায় ঢাকা ইউরোপীয় সভা জনপদে সাতিশর খ্যাতি লাভ করে, এবং বিপুল সম্পত্তিতে অপরাপর সম্পত্তিশালী নগরের গৌরবস্পর্শী হইয়া উঠে। ঢাকার মসলিন একটি চিরস্মরণীয় পদার্থের মধ্যে পরিগণিত রহিয়াছে। অবিদ্যুত সাম্রাজ্যের অধীশ্বরগণ যাহার আদর করিতেন, তাহার গৌরব ও খ্যাতির কথা বিলুপ্ত হইবার নহে। মুসলমানের আধিপত্যকাল হইতে ঢাকা একটি প্রধান নগর বলিয়া পরিচিত হইয়া থাকে। উপস্থিত সময়ে ঢাকা ইংরেজ রাজপুরুষগণ প্রশান্তভাবে বিভিন্ন বিভাগের কার্যে নিয়োজিত ছিলেন ইউরোপীয় ও আর্ম্যানিগণ প্রসন্নভাবে বিষয়কর্মে ব্যাপৃত ছিলেন। জলপাইগুড়ি স্থিত ৭৩ গণিত সিপাহীদলের কিয়দংশ এবং এতদেশীয় কতিপয় গোলন্দাজ সমুদয়ে প্রায় ২৫০ শত সিপাহী কোম্পানির ধনাগার প্রভৃতির রক্ষায় নিয়োজিত ছিল।

ক্রমিক দিন পরে চট্টগ্রামের সংবাদ ঢাকায় উপস্থিত হয়। সংবাদ পাইয়া কর্তৃপক্ষ ঢাকার সিপাহীদিগের নিরস্ত্রীকরণের আয়োজন করেন। ২৬ নবেম্বর প্রভাতকালে নৌসেনাবিভাগের লেফটেনেন্ট লিউইস কতকগুলি জাহাজী গোরা এবং দুইটি কামান লইয়া, এই কার্যসাধনে উদ্ভূত হইলে প্রথমে তিনি ধনাগারে গমন করেন। এই স্থানের সিপাহীগণ নিরস্ত্রীকৃত হইয়া ইহার পর কতিপয় গোরা ঘাইয়া, প্রধান ইঞ্জিনিয়ারের কার্যালয়রক্ষ

সিপাহীদিগকে নিরস্ত্র করে। লেফটেনেন্ট গিউইন্স অভঃপর সৈনিকবিভাগের মালশুদ্ধামের সিপাহীদিগকে অস্ত্রশস্ত্র হইতে বিচ্যুত করেন। এইরূপে সিপাহীগণ বিনা গোলযোগে নিরস্ত্রীকৃত হয়। কিন্তু ইংরেজ সেনানায়কগণ যখন সিপাহীদিগের আবাসস্থান লালবাগে উপস্থিত হইলেন, তখন তত্রতা সিপাহীগণ উত্তেজিত হইয়া উঠে। জলপাইগুড়ির সৈন্যধ্যক্ষ সিরারার উদারতার সহিত দৃঢ়তা ও কার্যাতৎপরতা দেখাইয়া, তত্রতা ৭৩গণিত দলের সিপাহীদিগকে প্রশান্তভাবে রাখিয়াছিলেন। তাঁহার সমদর্শিতাশুণে ঐ স্থানের সিপাহীগণ নিরস্ত্রীকৃত হয় নাই। কিন্তু ঢাকায় এইরূপ সমদর্শিতা বা উদারতা প্রদর্শিত হইল না। ঢাকার ৭৩গণিত সিপাহীদলের অধিনায়ক অপরাপর ইংরেজ সেনানায়কের সহিত সম্মিলিত হইয়া, লালবাগ অবরুদ্ধ করিলেন। সিপাহীগণ বাধা দিল। অবিলম্বে ইংরেজপক্ষ হইতে তাহাদের উপর গুলিবৃষ্টি হইতে লাগিল। সিপাহীগণ অস্ত্রাগার ও সৈনিকনিবাস হইতে গুলি চালাইতে প্রবৃত্ত হইল। এই গোলযোগে তাহাদের পক্ষের ৪০ জন নিহত হইল। কেহ কেহ গুরুতর আঘাত পাইল। কেহ কেহ নদী পার হইবার সময় নিমজ্জিত হইল। ইংরেজপক্ষের এক জন নিহত, কয়েক জন গুরুতর আঘাতে অবসর হইল। অর্দ্ধঘণ্টারও অধিক কাল গুলিবৃষ্টি করিলে, অবশিষ্ট সিপাহীগণ ঢাকা পরিত্যাগ পূর্বক তাহাদের সদর স্থান জলপাইগুড়ির অভিমুখে ধাবিত হইল; কিন্তু গম্ভব্য পথে বাধা পাইয়া, কিয়ৎ কালের জন্য ভূটানের পার্শ্বত্যাগে আশ্রয় লইল।

চট্টগ্রাম-ও ঢাকার সংবাদ পাইয়া, কলিকাতার কর্তৃপক্ষ ৫৫গণিত রেজিমেন্টের তিন দল সৈনিক, এক শত জাহাজী গোরা নদীপথে পাঠাইয়া দেন। গবর্ণমেন্টের উদ্দেশ্য ছিল যে, এই সাহায্যকারী সৈনিকদল প্রথমে ঢাকা, পরে চট্টগ্রামে যাইয়া, পলায়িত সিপাহীদিগের গতিরোধ করিবে। স্থানীয় রাজপুরুষের চেষ্টায় চট্টগ্রামের হতাবশিষ্ট সিপাহীগণ তাড়িত হইয়া, পার্শ্বত্যাগপ্রদেশে আশ্রয়গোপন করে। স্থানীয় রাজপুরুষদিগের যত্নে ঢাকার পলায়িত সিপাহীদিগের জলপাইগুড়িতে যাইবার চেষ্টা বিফল হয়। এই যুদ্ধের ইতিহাসে স্পষ্ট দেখা যায় যে, ব্রিটিশ রাজপুরুষগণ উত্তেজিত সিপাহীদিগকে দূরীভূত করিবার জন্য সাহস, উদ্যম ও কার্যপটুতা দেখাইতে বিমুখ হইলেন নাই। বাহ্যিক

দেওয়ানীবিভাগের কার্যে ব্যাপৃত থাকিয়া, সৈনিকবিভাগ হইতে পৃথক হইয়াছেন, তাহারা এই সময়ে যুদ্ধকুশল সৈনিকদিগের পার্শ্বে দণ্ডায়মান হইয়া, আপনাদের যুদ্ধকৌশলের পরিচয় দিয়াছেন। সময়ক্ষেত্রে লোহিতপরিচ্ছদের পার্শ্বে কৃষ্ণপরিচ্ছদেরও সমাবেশ দেখা গিয়াছে। উপস্থিত সময়ে দেওয়ানী ও সৈনিকবিভাগ এক সূত্রে সম্বন্ধ ও এক উদ্দেশ্যসাধনে উদ্যত না হইলে, বোধ হয়, গবর্ণমেন্টকে অধিকতর বিপন্ন হইতে হইত। ক্রীহট্টের দেওয়ানী কর্মচারী, চট্টগ্রামের সিপাহীদিগের গতিরোধের আয়োজন করিয়াছিলেন। ভাগলপুর প্রভৃতি স্থানের দেওয়ানী কর্মচারিগণও গবর্ণমেন্টের প্রাধান্যরক্ষার অগ্রসর হইলেন। এবিষয়ে ভাগলপুরের কমিশনর ইউল্ সাহেবের অধিকতর কার্যপটুতা পরিস্ফুট হইল।

পূর্বে লিখিত হইয়াছে যে, দানাপুরের ঘটনার পরে গণিত অনিয়মিত অথারোহিদল গবর্ণমেন্টের পক্ষ পরিত্যাগপূর্বক ভাগলপুর হইতে প্রস্থান করে। এদিকে ঢাকার সিপাহীগণ জলপাইগুড়ির অভিমুখে অগ্রসর হয়। ভাগলপুরের কমিশনর সাহেব কালবিলম্ব না করিয়া, জলপাইগুড়িতে যাত্রা করেন। এই সময়ে একদল ইউরোপীয় সৈন্য মুন্সেরে অবস্থিতি করিতেছিল, কমিশনর সাহেব উহাদিগকে সঙ্গে লইয়া, ২৯শে নবেম্বর ভাগলপুর পরিত্যাগ করেন। যখন তিনি জলপাইগুড়িতে যাইতেছিলেন, তখন মাদারিগঞ্জের এবং জলপাইগুড়ির ১১গণিত রেজিমেন্টের দুই দল সওয়ার গবর্ণমেন্টের বিরুদ্ধে সম্মুখিত হইয়া, দিনাজপুরের অভিমুখে যাত্রা করে (৪ঠা এবং ৫ই ডিসেম্বর)। রঙ্গপুরের কলেক্টর সাহেব এই সংবাদে গবর্ণমেন্টের টাকা নিরাপদ স্থানে পাঠাইয়া দেন। দিনাজপুরের কলেক্টর সাহেবও ঐ স্থানরক্ষার সুবন্দোবস্ত করেন। এদিকে ভাগলপুরের কমিশনর সাহেব ইউরোপীয় সৈনিক লইয়া, সওয়ারদিগকে বাধা দিবার জন্য অগ্রসর হইতে থাকেন। সওয়ারগণ যখন জানিতে পারিল যে, তাহাদের পশ্চাতে ইউরোপীয় সৈন্য আসিতেছে, তখন তাহারা দিনাজপুরে না যাইয়া, পূর্ণিয়ার যাইবার পথ অবলম্বন করিল। এই সংবাদ পাইয়াই, ইউল্ সাহেব অবিলম্বে পূর্ণিয়ার দিকে যাইতে লাগিলেন। তিনি যথাসময়ে ঐ স্থানে উপস্থিত হইলেন। সিপাহীগণ পূর্ণিয়ার আক্রমণ ও বিলুপ্তন করিবার উদ্যোগ করিয়াছিল, কিন্তু ইউল্ সাহেব উপস্থিত হওয়াতে তাহারা তাড়িত হইল। যুদ্ধ

তাহাদের কয়েক ব্যক্তি দেহভ্যাগ করিল। অতঃপর তাহারা উত্তর দিকে ধাবিত হইল, কিন্তু ইউল্ সাহেব দ্রুতগতিতে নাথপুরনামক স্থানে উপস্থিত হইয়া, তাহাদের প্রতিরোধ করিলেন। তাহারা ঐ দিকে আর অগ্রসর হইতে না পারিয়া, নেপালের পার্বত্যপ্রদেশে আশ্রয় গ্রহণ করিল। কমিশনার সাহেব যখন নাথপুরে অবস্থিতি করিতেছিলেন, তখন তিনি ঢাকার সিপাহীদিগের সংবাদ পাইলেন। সুতরাং তাঁহাকে অবিলম্বে জলপাইগুড়িতে যাত্রা করিতে হইল। ঢাকার সিপাহীগণ তিস্তা পার হইতে না হইতেই, ইউল্ সাহেব উপস্থিত হইয়া তাহাদিগকে আক্রমণ করিলেন। কিন্তু সিপাহীদিগের গতিরোধ হইল না। তাহারা অল্প দিক দিয়া নদী পার হইল। ইউল্ সাহেব অবিলম্বে ঐদিকে অগ্রসর হইলেন। সিপাহীগণ ব্রিটিশ রাজ্য হইতে নিষ্কাশিত হইয়া, নেপালে গমন করিল। কিন্তু এই স্থানে তাহারা স্থিরভাবে থাকিতে পারিল না। ইউল্ সাহেব নেপালের জঙ্গ বাহাদুরের নিকটে সাহায্য প্রার্থনা করিলেন। জঙ্গ বাহাদুর রত্নমণি সিংহনামক এক জন সেনানায়ককে ইংরেজদিগের সাহায্য করিতে আদেশ দিলেন, কিন্তু এই সাহায্যে ইউল্ সাহেবের মনোরথ সিদ্ধ হইল না। সিপাহীগণ নেপালের অরণ্যময়, পার্বত্য পথ দিয়া, এক্রপ স্নকোশলে অযোধ্যার উত্তরপশ্চিমাংশে পলায়ন করিল যে, ইংরেজ ও নেপালীগণ তাহাদিগকে ধরিতে পারিলে না। এ বিষয়ে ইংরেজ ও নেপালী সৈন্যের একীভূত উত্তম সর্ক্যাংশে ব্যর্থ হইল।

এই সময়ে উত্তেজিত সিপাহীদিগের কার্যপ্রণালী স্মৃশ্রুত ছিল না। তাহারা দৃষ্টিভ্রান্তর আবেগেই ইউক, বা অপরের প্ররোচনাতেই ইউক, গবর্ণমেন্টের বিরুদ্ধ পক্ষ অবলম্বন করিয়াছিল, কিন্তু গবর্ণমেন্টের শক্তি পর্য্যুদন্ত করিবার জন্য শৃঙ্খলাসহকারে কার্যভংগরতা দেখায় নাই। এগণিত দলের সন্তোষজনক অপরের কথায় উদ্ভ্রান্ত হইয়া, ভাগলপুর পরিত্যাগ করিলেও, তাহারা অপরাপর সিপাহীদিগের সহিত একত্র হইয়া, সহসা গবর্ণমেন্টের বিরুদ্ধে অস্ত্রধারণ করে নাই। তাহাদের উত্তম ও উৎসাহ থাকিলেও, আরার ষটনা জানিবার জন্য তাহারা দীর্ঘকাল নিশ্চেষ্টভাবে রহিল। ১৪ই আগষ্ট তাহার সংবাদ পাইল যে, ইংরেজ সেনাপতি আরা পুনরধিকার করিয়াছেন। এই সংবাদে তাহাদের বিশ্বাস হইল না। তাহারা উহা ইংরেজের কল্পনামূলক বলিয়া

মনে করিতে লাগিল। যদি তাহারা নিশ্চেষ্টভাবে না থাকিয়া, কুমার সিংহের সহিত সম্মিলিত হইত, তাহা হইলে গবর্ণমেন্টকে বিহারে শান্তি স্থাপন করিতে অধিকতর প্রয়াস স্বীকার করিতে হইত। বাহা হউক, এই অখ্যারোহিদল আরার সংবাদ পাইয়াই, বিহারের পূর্বভাগে একটি সৈনিকনিবাসের দিকে যাত্রা করিল। এই স্থানে ৩২গণিত সিপাহীদল অবস্থিত করিতেছিল। সওয়ার-দিগের আশা ছিল যে, এই সৈনিকদল তাহাদের সহিত সম্মিলিত হইবে, কিন্তু তাহাদের আশা ফলবতী হইল না। ৩২গণিত দলের সিপাহীগণ গবর্ণমেন্টের পক্ষ পরিত্যাগ করিল না। ১৬ই আগষ্ট যখন সওয়ারগণ তাহাদের সমক্ষে উপস্থিত হইল, তখন তাহারা বন্দুক ও সঙ্গীন দ্বারা আগন্তুক অখ্যারোহীদিগের অভ্যর্থনা করিল। আগন্তুক সৈনিকগণ ইহাতে হতাশাস হইয়া, আরার অভিমুখে যাত্রা করিল।

এইরূপে বিহারের পূর্বাংশের গোলযোগ দূর হইল। কিন্তু বিহারের দক্ষিণ দিকবর্তী পার্বত্য প্রদেশে গোলযোগ ঘটিল। ছোটনাগপুর সাধারণতঃ ছোটনাগপুর নামে কথিত হইয়া থাকে। এই ভূখণ্ড পর্বত ও অরণ্যে পরিবৃত্ত। প্রধানতঃ কোল প্রভৃতি আদিম জাতির লোক এই অরণ্য প্রদেশে অবস্থিতি করে। কতিপয় করদ রাজা ইহার ভিন্ন ভিন্ন অংশে আধিপত্য করেন। নাগপুরের ভূপতিদিগের বাসস্থানের নাম ছুটিয়া; উহা রাঁচীর নিকটবর্তী। এই ছুটিয়া হইতে বোধ হয়, ছোটনাগপুর নামের উৎপত্তি হইয়াছে। বাহা হউক, ছোটনাগপুরের হাজারীবাগ, রাঁচী, চাঁইবাসা এবং পুরুলিয়ায় প্রধান সৈনিকনিবাস ছিল। এই সকল সৈনিকনিবাসে ভিন্ন ভিন্ন দলের এতদ্বেশীয় পদাতি ও কামানপরিচালক সৈনিকগণ অবস্থিতি করিত।

৩০শে জুলাই দানাপুর ও আরার সংবাদ হাজারীবাগে উপস্থিত হয়। এই সংবাদে তত্রত্য ৮গণিত সিপাহীদল সাতিশর উত্তেজিত হইয়া উঠে। তাহাদের উত্তেজনাদর্শনে হাজারীবাগের রাজপুরুষগণ আপনাদের বন্ধনীয় স্থান পরিত্যাগ করিতে বাধ্য হইলেন।

হাজারীবাগের সংবাদ পাইয়াই নিকটবর্তী স্থানের ইংরেজ সেনানায়ক কতিপয় সৈন্য লইয়া, ঐ স্থানের অভিমুখে যাত্রা করিলেন। পথে আর এক জন

অধিনায়ক আসিরা, তাঁহাকে সংবাদ দিলেন যে, ৮গণিত রেজিমেন্টের এক হল সৈন্য গবর্ণমেন্টের বিরোধী হইয়াছে। তাঁহার দলের সিপাহীগণও উত্তেজিত হইয়া, যাবতীয় কামান, গুলি, বারুদ এবং ছোটনাগপুরের কমিশনার কাপ্তেন ডান্টনের চারিটি হস্তী অধিকার করিয়াছে। বাহা হউক, এই উত্তেজনার সময়ে অঝারোহী সৈনিকগণ প্রশান্তভাবে ছিল। ইহার উত্তেজিত সিপাহীদিগের সহিত সম্মিলিত হইয়া, গবর্ণমেন্টের ক্ষমতানাশের চেষ্টা করে নাই। কমিশনার কাপ্তেন ডান্টন এই সময়ে কতিপয় ইউরোপীয় কৰ্মচাীর সহিত রাঁচীতে অবস্থিত করিতেছিলেন। উত্তেজিত সিপাহীগণ হাজারীবাগ পরিত্যাগ করিলে, তিনি ঐ স্থানে প্রত্যাবৃত্ত হইয়া, যথারীতি কাছারি করিতে লাগিলেন। ইতিপূর্বে পূৰ্বোক্ত ইংরেজ সেনানায়ক স্বকীয় সৈনিকদল হইয়া, ঐ স্থানে উপস্থিত হইয়াছিলেন। কিন্তু তিনি উত্তেজিত সিপাহীদিগকে প্রশান্তভাবে রাখিতে পারেন নাই। রাঁচী এবং উহার নিকটবর্তী একটি নগর সিপাহীদিগের হস্তগত হয়। সিপাহীদিগের উত্তেজনাপ্রযুক্ত অন্যান্য স্থানে বাহা ঘটনাছিল, রাঁচীতেও তাহাই সম্ভটিত হয়। কারাগারের কয়েদীগণ মুক্তিলাভ করে, লোকের সম্পত্তি বিনষ্ট এবং ধনাগারের অর্থ বিলুপ্তিত হয়।

কাপ্তেন ডান্টন উপস্থিত গোলযোগের নিবারণে নিশ্চেষ্ট থাকেন নাই। এই সময়ে রামগড়ের রাজা তাঁহার যথোচিত সাহায্য করেন। রাঁচী এবং হাজারীবাগের ঘটনায় পুরুলিরা, চাইবাসা এবং অন্যান্য স্থানের সিপাহীগণও গবর্ণমেন্টের বিরুদ্ধে সম্মুখিত হয়। ঐ সকল স্থানেরও ধনাগার বিলুপ্তিত হয়, কয়েদীগণ মুক্তি লাভ করে, ইউরোপীয়দিগের গৃহ ও সম্পত্তি বিনষ্ট হইয়া যায়। কিন্তু সমগ্র ছোটনাগপুরের সিপাহীগণ এইরূপ বিপ্লবে উদ্বীকিত হয় নাই। এই সময়ে অনেকেই আপনাদের বিশ্বস্ততা প্রদর্শন করে। অনেকে কাপ্তেন ডান্টনের সহযোগী হইয়া, তাহাদের স্বদেশীয়দিগের বিরুদ্ধে অগ্রসর হয়। ইহাতে ডান্টন সাহেবের বলবৃদ্ধি হয়। এদিকে ডান্টন সাহেব গবর্ণমেন্টের নিকটেও সাহায্য প্রার্থনা করেন। গবর্ণমেন্ট ভারতবর্ষের উত্তর-পশ্চিমাংশের বিপ্লবনিবারণেই বিভ্রত ছিলেন। অন্যান্য স্থানে সৈনিকদল প্রেরণ করা গবর্ণমেন্টের সম্ভাধ্য ছিল না। কিন্তু এই সময়ে গবর্ণমেন্টের সাহায্যার্থে হানান্তর হইতে সৈনিকদল উপস্থিত হয়। রাজ্যজের সিপাহীগণ

বাহাদুর সিপাহীদিগের ন্যায় উত্তেজিত হয় নাই। তাহার বাহাদুর সিপাহীদিগের দ্বার সর্বত্র বিপ্লবের প্রসারণে, সম্পত্তির বিধ্বংসসাধনে, ইংরেজের শোণিতপাতে দৃঢ়প্রতিজ্ঞ হইয়া উঠে নাই। বাহাদুর এক সময়ে দক্ষিণপথে করাসী সেনাপতি লালির ক্ষমতানাশে, এবং হায়দর আলির পরাজয়সাধনে ইংরেজের সহায় হইয়াছিল, তাহার এই সময়েও উত্তেজিত সিপাহীদিগের পরাক্রম পর্য্যাপ্ত করিবার জন্য ইংরেজের পার্শ্বে দণ্ডায়মান হইতে আগ্রহযুক্ত হয়। তাহাদের মধ্যে কেবল চণ্ডিগড় সিপাহীদল বিপ্লবচারণে উদ্বুদ্ধ হইয়া ছিল; তত্ত্বি অস্ত্রাস্ত্র দল আপনাদের প্রশান্তভাব, আপনাদের প্রভুত্ব এবং আপনাদের বিশ্বস্ততা হইতে বিচ্যুত হয় নাই। লর্ড কানিং এই প্রভুত্ব সৈনিকদলের সাহায্যগ্রহণে অসম্মতি প্রকাশ করেন নাই। ঠাহার আদেশে এই আগষ্ট মাসের কয়েকদিন সিপাহী কলিকাতায় পদার্পণ করে। ক্রমে অস্ত্রাস্ত্র সৈনিকদলও উপস্থিত হয়। মাদ্রাজী দলের কতকগুলি সিপাহী ক্যাপ্টেন ডান্টনের সাহায্যার্থে ছোটনাগপুরে যাত্রা করে।

২রা অক্টোবর চাত্রানামক স্থানে ছোটনাগপুরের সিপাহীদিগের সহিত ইংরেজদিগের যুদ্ধ হয়। এই যুদ্ধে ইংরেজপক্ষে অধিক সৈন্য ছিল না। কিন্তু বিপ্লবদল বহুসংখ্য সৈনিকে পরিপুষ্ট ছিল। উভয় পক্ষে এক ঘণ্টার অধিক কাল যুদ্ধ হয়। সিপাহীগণ পরাজিত হইয়া, ইতস্ততঃ পলায়ন করে। ইংরেজপক্ষের ৪২ জন সৈনিক হত ও আহত হয়। এই যুদ্ধে সিপাহীদিগের বলহাস হইল বটে, কিন্তু ছোটনাগপুরে শান্তি স্থাপিত হইল না। পালামৌ, মহলপুর, সিংহভূম প্রভৃতি স্থানে গোলযোগ ঘটতে লাগিল। এই গোলযোগ শীঘ্র শেষ হইয়া যায় নাই। ব্রিটিশ রাজপুরুষগণ শীঘ্র গুরুতর দায়িত্ব হইতে নিষ্কৃতিলাভ করিতে পারেন নাই। এক দিকে সিপাহীগণ উত্তেজনার অধীর হইয়া, ভয়াবহ কার্যের অনুষ্ঠানে তৎপর হয়। অন্য দিকে আদিম নিবাসী কোলগণ উচ্ছ্রাব্দ হইয়া, তাহাদের চিরাত্মক যত্নরূপ ধারণ করে। যে সকল রাজার অধিকারে এই আদিম অধিবাসিগণ ক্ষতিগ্রস্ত হইয়াছিল, এবং যে সকল রাজা কোনরূপে তাহাদের অসন্তোষ জন্মাইয়াছিলেন, এই সময়ে তাহারা সেই সকল রাজাকে পদচ্যুত এবং তাহাদের স্বর্গে আপনাদের মনোমত ব্যক্তিদিগকে প্রতিষ্ঠিত করিবার জন্য

দলবদ্ধ হইল। এইরূপে সর্বত্র অশান্তির আবির্ভাব হইল। ইংরেজ সৈনিকগণ গোলযোগ নিবারণের জন্য এক স্থান হইতে আর এক স্থানে বাইতে লাগিল। ইংরেজ রাজপুরুষগণ এক স্থানের পর আর এক স্থানে শান্তিহাপনের জন্য নিরতিশয় বিব্রত হইয়া পড়িতে লাগিলেন। পার্শ্বতঃ ভূভাগ নিবিড় জঙ্গলে পরিবৃত থাকতে সকল স্থানে গমনাগমনের পথ স্তম্ভ ছিল না। পার্শ্বতঃ ভূখণ্ড ঘেরাপ ভূগম, গভীর অরণ্য-সেইরূপে ছদ্মবেশ ছিল। সুতরাং উত্তেজিত লোকে সহজেই নানা স্থানের শান্তিনাশে কৃতকার্য হইল। দেখিতে দেখিতে সমগ্র জনপদ যেন অরাজক হইয়া উঠিল। একদা তিন চারি হাজার কোল দলবদ্ধ হইয়া, গবর্ণমেন্টের শিখসৈনিকদিগকে পরিবেষ্টিত করে। শিখগণ ইহাদিগকে তাড়াইয়া দেয়। কিন্তু ইহাদের নিকৃষ্ট তীর অকার্যকর হয় নাই। কয়েক জন শিখ আহত ও এক জন নিহত হয়। ইংরেজ সেনানায়কদিগের দেহ তীরের আঘাতে ক্ষতবিক্ষত হইয়া যায়। কর্তৃপক্ষ এই অরাজকতার নিবারণ জন্ত নানা উপায় অবলম্বন করিতে লাগিলেন। একদা তাঁহারা একটি মাত্র বিভাগের ভিন্ন ভিন্ন স্থানে পাঁচটি ভিন্ন ভিন্ন সৈনিকদল পাঠাইলেন। শেষে অনেক চেষ্টার পর অরাজকতাস্রোত অবরুদ্ধ হইল। ১৮৫৮ অব্দের প্রারম্ভে ছোটনাগপুরে শান্তির চিহ্ন লক্ষিত হইতে লাগিল। কর্তৃপক্ষ অনেক গ্রাম ভস্মীভূত করিয়া ফেলিলেন, অনেকের গবাদি পশু ও শতসম্পত্তি আটক করিলেন, এবং যাহারা সাক্ষাৎসম্বন্ধে গোলযোগ ঘটাইয়াছিল, তাহাদের প্রাণদণ্ডের আদেশ দিলেন। অস্তান্ত স্থানের ছোটনাগপুরেও দণ্ডদেশ কার্যে পরিণত করিবার সময়ে যথেষ্টাচার প্রকাশ; পাইল। অনেক নিরপরাধ ব্যক্তি দণ্ডিত হইল। কাহারও কাহারও জীবননাশ পর্য্যন্ত হইয়া গেল।* এইরূপ কঠোরতায় ছোটনাগপুরের গোলযোগ দূর হয়। কিন্তু সমগ্র স্থানে সম্পূর্ণরূপে শান্তি স্থাপিত হইতে ১৮৫৮ অব্দ প্রায় শেষ হইয়াছিল।

বঙ্গদেশে যখন পূর্ববর্ণিত ঘটনাপরম্পরার আবির্ভাব হয়, তখন উত্তর-পশ্চিমাঞ্চল, অযোধ্যা ও মধ্যভারতবর্ষ করাল অনলশিখায় পরিব্যপ্ত হইয়া উঠে। উত্তরপশ্চিমাঞ্চলের লেফটেনেন্ট-গবর্ণর আগ্রায় অবরুদ্ধভাবে থাকেন;

অনেক স্থলে তাঁহার প্রকৃত অস্বাস্থ্য হইয়াছিল। দিল্লী সিপাহীদিগের প্রধান স্বীকার করে। অবোধার ও মধ্যভারতবর্ষে বিপ্লবের পূর্ববিকাশ হয়। এখন এই বিপ্লবময়ী ঘটনা উপস্থিত ইতিহাসের বর্ণনীয় হইতেছে। এখানে একটি বিষয়ের উল্লেখ করা কর্তব্য। কলিকাতার ইউরোপীয়গণ যেরূপ উদ্বেজনাতরঙ্গে আলোচিত হইয়াছিলেন, সমগ্র ভারতবাসীকে নরখাপদ মনে করিয়া, তাহাদের শাস্তিবিধানে যেরূপ চেষ্টা করিয়াছিলেন, লর্ড কানিংগের জন্ত তাঁহাদের চেষ্টা সফল না হওয়াতে, তাঁহারা তৎপ্রতি যেরূপ আক্রোশ প্রকাশ করিয়াছিলেন, তাহা পূর্বে বর্ণিত হইয়াছে। এই আন্দোলনের তরঙ্গ ইংলণ্ডের উপকূলে অভিমুখিত আরম্ভ করে। ইংলণ্ডের লোকে ইহাতে অধীর হইয়া, ভারতবর্ষকে নরখাপদের আবাসভূমি বলিয়া নির্দেশ করিতে থাকে। ইংলণ্ডের প্রধান সংবাদপত্র টাইমস এই নরখাপদদিগের বিশ্বংসাদানে বন্ধপরিকর হয়। রাজনীতিক্ত সম্রাজ্ঞ ব্যক্তিগণও ইহাদের প্রতিকূলে দণ্ডায়মান হয়েন। এই শ্রেণীর এক ব্যক্তি (লর্ড লাক্‌টসবারি) ১৮৫৭ অব্দের অক্টোবর মাসে কোন প্রকাশ্য সভায় কহিয়াছিলেন যে, তিনি বিশ্বস্তস্বত্রে অবগত হইয়াছেন, তাঁহাদের যে সকল মহিলা কলিকাতায় উপস্থিত হইতেছেন, তাঁহাদের নাসাকর্ণ ছিন্ন এবং চক্ষু উৎপাটিত হইয়াছে। শিশু সন্তানদিগকে নিরতিশয় যাতনার সহিত মৃত্যুমুখে পাতিত করিবার জন্ত রাখা হইয়াছে। কিন্তু শেষে প্রকাশ হইল যে, লর্ড মহোদয়ের এই বিশ্বস্ত স্বত্রে কোন মূল্য নাই। বিধবা ও অনাথ বালকেরা যখন অন্ধতরঙ্গীরে স্বদেশে উপস্থিত হইতে লাগিল, এবং একখানি জাহাজে যখন ৪৩টি মহিলা এই দুঃসময়েও ভারতবর্ষের অভিমুখে যাত্রা করিল, তখন ইংলণ্ডের লোকে বিস্মিত হইয়া, ভারতবাসীদিগের আচরণসম্বন্ধে বিতর্ক করিতে লাগিল। সৌভাগ্যের বিষয় যে, এসময়ে কয়েক জন উদারপ্রকৃতি রাজনীতিক্ত আপনাদের উদারতার পরিচয় দিয়াছিলেন। তাঁহাদের এক জন (স্যার জন পাকিংটন) কহিয়াছিলেন,—“সিপাহীদিগের ব্যবহার যে ভাবে বর্ণিত হইয়াছে, যদি সিপাহীগণ তদনুরূপ কার্যের অনুষ্ঠান করিয়া থাকে, তাহা হইলে আমাদের হস্তও পরিষ্কারভাবে থাকে নাই। ভারতবর্ষে সুশাসনের অভাব রহিয়াছে।” ভারতবাসীদিগের প্রতি টাইমসের বিদ্বেষভাব দেখিয়া, ডিস্মেলিও (ইংলণ্ডের প্রধান মন্ত্রী লর্ড বিকসফীল্ড) স্থির থাকিতে পারেন নাই। নির্দিষ্ট

ব্যবহারের পরিবর্তে নির্দয় ব্যবহার করা তাঁহাদের মতে অসম্ভব বোধ হইয়াছিল। ব্রিটিশ সৈনিকগণকে যে কষ্টক্ষেত্রে নানা সাহেবকে আদর্শরূপ করিয়াছে, তিনি উহার সমর্থন করিতে পারেন নাই।*

এইরূপে ইংলণ্ডে যখন ভারতবাসীদিগের বিরুদ্ধে উগ্রবহ আন্দোলন হইতেছিল, তখন কেহ কেহ তাহাদের পক্ষসমর্থনে অগ্রসর হইয়াছিলেন। ইহাদের ভ্রাতৃনিষ্ঠতা, উপস্থিত ইতিহাসে প্রভূত সম্মানলাভ করিয়াছে, এবং ইহাদের কথা ঐতিহাসিকগণের সমক্ষে প্রকৃত বলিয়া আদৃত হইয়াছে। সিপাহীগণ উত্তেজনায় অধীর হইয়াছিল বটে, কিন্তু ইংরেজও এসময়ে ধীরতার সীমা রক্ষা করিতে পারেন নাই। এক দিকে উত্তেজিত সিপাহীগণ ও ইতর লোকে যেমন হৃদয় দানবের ভ্রাতৃ নির্দয়ভাবে দোরাঙ্গা করিতেছিল, অপর দিকে অনেক ইংরেজও সেইরূপ কঠোরপ্রকৃতি ষাতকের ভ্রাতৃ ভারতবর্ষের বহু লোকের শোণিতপাতে আপনাদের হস্ত কলঙ্কিত করিতেছিলেন। ইংরেজ উত্তেজনায় অধীর হইয়া সাহাই বলুন, এসময়ে সমগ্র ভারতবর্ষ তাঁহাদের বিরুদ্ধে সমুথিত হয় নাই। সমগ্র ভারতবাসী তাঁহাদিগকে উৎসন্ন করিতে চেষ্টা করে নাই। তাঁহারা এসময়ে ভারতবাসীর দম্মাতেই ঘোরতর বিপ্লব হইতে রক্ষা পাইয়াছিলেন। তাঁহাদের শিশুসন্তানগণ এসময়ে ভারতবাসীর অনুরূপ স্নেহেই অকৃতশরীরে ছিল। ভারতবর্ষের সম্ভ্রান্ত শ্রেণী হইতে নিম্ন শ্রেণীর লোক পর্যন্ত এই দুঃসময়ে তাঁহাদের সাহায্য করিয়াছিল। ইহারা স্বদেশীয়দিগের বিরুদ্ধাচরণ করিয়াছিল, স্বদেশীয়দিগের অস্বাধাতে ক্ষতবিক্ষত হইয়াছিল, কেহ কেহ আত্মজীবনে বিসর্জন দিয়াছিল, তথাপি বিদেশীয়দিগের জীবনরক্ষায় কাতর হয় নাই। ইহাদের কীৰ্ত্তিকাহিনী উপস্থিত যুদ্ধের ইতিহাসে অক্ষয় হইয়া রহিয়াছে। উত্তেজনাপর হৃদয় ইংরেজের সর্বপ্রকার আপত্তির মধ্যেও ইহাদের দয়া, ইহাদের স্নেহ, ইহাদের স্বার্থত্যাগ, ইহাদের রাজভক্তি ইতিহাসে গৌরবান্বিত হইয়া রহিয়াছে। কষ্টক্ষেত্রে এইরূপ গৌরবান্বিত বিষয়ের আবির্ভাব না হইলে, এই যুদ্ধের ইতিহাস বোধ হয়, রূপান্তর পরিগ্রহ করিত।

উপস্থিত ইতিহাসে এতবিষয়ক দৃষ্টান্তের অভাব নাই। যখন শালকোটের

সিপাহীগণ গবর্ণমেন্টের বিরোধী হয়, তখন শাস্ত্রীদিগের সুবাদার উত্তেজিত সিপাহীগণের সহিত সম্মিলিত হইবার জন্য অতীব্রত করেন। কিন্তু তিনি এই অসুযোগে সন্তুষ্ট হইয়াছেন নাই। ইহার পর সিপাহীগণ গবর্ণমেন্টের বিরুদ্ধে দলবদ্ধ হওয়াতে শাস্ত্রীগণ চলিয়া যায়। কেবল তিলক পাণ্ডে নামক এক জন সিপাহী কোনরূপ ছল করিয়া, নির্দিষ্ট স্থানে অবস্থিত করে। অপরাহ্ন-কালে দুই জন সিপাহী এবং এক জন খালাসী আসিয়া, অস্ত্রাগার উড়াইয়া দিতে চাহে। তিলক পাণ্ডে তাহাদিগকে কহে যে, সে নিজেই ঐ কার্যের জন্য রহিয়াছে। সমাগত সিপাহীগণ তাহার কথায় বিশ্বাসস্থাপন পূর্বক কামানরক্ষাগারে বাইয়া, উহা উড়াইয়া দেয়। পর দিন প্রাতঃকালে ইউরোপীয়-গণ দুর্গ হইতে সৈনিকনিবাসে উপস্থিত হইয়া দেখেন যে, বিখ্যাত তিলক পাণ্ডে নির্দিষ্ট স্থানে থাকিয়া, অস্ত্রাগারের ৮০,০০০ টোটা, প্রায় ঐ পরিমাণের ক্যাপ, এবং সৈনিকদিগের বস্ত্রাদি রক্ষা করিয়াছে।* একটি ইউরোপীয় বালক বারানসীর টেলিগ্রাফ বিভাগে কর্ম করিত। যে দিন সিপাহীগণ গবর্ণমেন্টের বিপক্ষতাচরণে উত্তত হয়, সেই দিন ঐ বালক প্রকৃত ঘটনা জানিয়া, এক জন সাহেবের বাটীর বহির্ভাগে আইসে, অমনি সাহেবের সহিস তাহাকে ধরিয়া অশ্বশালার মলস্তূপের অন্তরালে ফেলিয়া দেয়, এবং উত্তেজিত সিপাহীদিগকে কহে যে, সাহেব লোক এস্থান হইতে চলিয়া গিয়াছে। কতেহ-গড়ের এক জন সাহেব সিবিలిয়ানের আয়া, তরবারির আঘাতে ক্ষতবিক্ষত হইয়াছিল, তথাপি উক্ত সিবিలిয়ানের শিশু সন্তানকে উত্তেজিত সিপাহীদিগের হস্তে সমর্পণ করে নাই।† পাটনার মুসলমানদিগের প্রতি কর্তৃপক্ষ যখন সন্দেহ হইয়া উঠে, তখন পাটনার নিকটবর্তী স্থানের শাহ কুতবউদ্দীন নামক এক জন সম্ভ্রান্ত মুসলমান গবর্ণমেন্টের পক্ষসমর্থনে উদাসীন থাকেন নাই। ইনি আপনাকে এক দল অস্বারোহী সৈন্য গবর্ণমেন্টের অধীনে রাখিবার প্রস্তাব করিয়া ছিলেন।‡ মানভূমে গোলঘোগ ঘটিলে পঞ্চকোটের জমীদার ঐ স্থানে শান্তি-

* *Bombay Telegraph and Courier*, quoted in the *Statements of Native fidelity exhibited during the outbreak of 1857-58*, p. 146-147.

† *Statements of Native fidelity &c.* p. 53.

‡ *Englishman*, August 29, 1857, quoted in the *Statements &c.* p. 32.

ছাপনের জন্ত ১০ জন সওয়ার ও কতিপয় সিপাহী দিয়া, গবর্ণমেন্টের সাহায্য করেন।* অত্র এক জন রাজা আপনার লোক দ্বারা সিংহভূমের ধনাগার রক্ষা করেন। এই সময়ে ছোটনাগপুরবিভাগের এক জন রাজা যে কার্য করেন, তাহাতে তদীয় অপূৰ্ণ রাজভক্তি পরিব্যক্ত হয়। ইনি চৌদ্দ বৎসর কাল হাজারীবাগে কার্যরত ছিলেন। উত্তেজিত সিপাহীগণ যখন হাজারীবাগের কয়েদীদিগকে বিমুক্ত করে, তখন ইনিও সেই সঙ্গে মুক্তিলাভ করেন। কিন্তু মুক্তিদাতাদিগের পক্ষসমর্থনে ইঁহার আগ্রহ হয় নাই। ইনি আবাসবাটাতে যাইয়া, ৮০০ লোক সংগ্রহ করেন, এবং সিপাহীগণ যখন পুরুলিয়ার ধনাগারলুঠনে উত্তত হয়, তখন তাহাদিগকে নিরস্ত করিয়া, উক্ত ধনাগারের ১ লক্ষ ৮ হাজার টাকা রক্ষা করেন।† বাঙ্গালার পূর্বাংশে সিপাহীগণ গবর্ণমেন্টের বিরুদ্ধে যুদ্ধে উত্তত হইলে, অনেক বাঙ্গালী ইংরেজদিগের প্রতি এইরূপ সমবেদনার পরিচয় দেন। ত্রিপুরায় যখন গোলাঘাণ ঘটে, তখন তত্রত্য জজ ও অপরাধের জীষ্ট ধর্মাবলম্বীর পরিবারবর্গ বংশীলোচন মিত্র নামক এক জন সম্ভ্রান্ত বাঙ্গালীর আশ্রয় গ্রহণ করেন। আশ্রয়দাতা আহাৰ্য্য দিয়া, ইঁহাদের তৃপ্তি সাধন করেন। তাঁহার যত্নে চল্লিশ জন বরকন্দাজ ইঁহাদের রক্ষক হয়। তিনি শেষে ইঁহাদিগকে ঢাকায় পাঠাইয়া দেন।‡ চট্টগ্রামের গোলঘোগের সংবাদ নোয়াখালিতে পহঁছিলে তত্রত্য মাজিষ্ট্রেট সাহেব পাইকপাড়ার রাজা প্রতাপচন্দ্র সিংহ ও ঈশ্বরচন্দ্র সিংহের ভুলুয়াপরণার কাছারিতে যাইয়া, তত্রত্য নায়েব যশোদাকুমার পাইনকে লাঠিয়াল সংগ্রহ করিতে আদেশ দেন। নায়েব এক দিনে পাঁচ শত লাঠিয়াল সংগ্রহ করিয়া দিয়াছিলেন।§ এতদ্ব্যতীত মৈমনসিংহের আনন্দকিশোর রায়, ঢাকার আবহুল গণি প্রভৃতি পূর্ববাঙ্গালার অনেক জমীদার এই বিপত্তিকালে গবর্ণমেন্টের যথোচিত সাহায্য করিয়াছেন। এক জন কুকসিদ্দার গবর্ণমেন্টের পক্ষ অবলম্বনপূর্বক সিপাহীদিগকে কাছাড়ের জঙ্গলে আক্রমণ করিতেও ক্রটি করে নাই।§ বঙ্গদেশের

* *Statements of Native Fidelity &c. p. 32.*

† *Englishman, August 11, 1857, quoted in the Statements &c. p. 32.*

‡ *Hurkaru, December 7, 1858, quoted in the Statements of Native Fidelity &c. p. 143.*

§ *Ibid, p. 149.*

§ *Englishman, February 2, 1858, quoted in the Statements &c. p. 161.*

অঙ্গগণিত পদাতিদলের অধিনায়ক লেফটেনেন্ট রেগি কেবল এতদেশীয়দিগের অপারিসীম দরায় ও সৌজন্তে উপস্থিত সঙ্কট হইতে মুক্তিকার্তা করেন। তাঁহার দলের দুইজন হাবিলদার দরিয়্য সিংহ ও ঠাকুর দোবে একখানি ডুলী ভাড়া করিয়া আনে, এবং উহাতে তাহাদের চলৎশক্তিরহিত, অবলম্ব্য অধিনায়ককে স্থাপন করিয়া, নিরাপদ স্থানে লইয়া যায়। ভাগলপুরের অধিবাসিগণ আপনাদের মধ্যে চাঁদা করিয়া এই দুই জন বিখ্যস্ত হাবিলদারকে পারি-
তোষিক স্বরূপ ৮০০ শতটাকা দান করেন।

জর্জ গ্রাণ্ট নামক এক জন ইংরেজ দুই দিন অনাহারে ছিলেন। তৃতীয় দিনে তিনি একটি পল্লীতে উপস্থিত হইলেন। পল্লীবাসিগণ ঠে, মুড়ি ও জুয় দিয়া, তাঁহার ক্ষুধাশান্তি করে। তিনি ঐ পল্লীতে আপনার খিদমৎগারের সন্ধান পাইয়া, তাহাকে আনয়ন করেন। খিদমৎগার কাশবিলম্ব না করিয়া, একখানি ডুলী লইয়া আইসে। গ্রাণ্টের চলিবার শক্তি ছিল না। তাঁহার পদতল হইতে একখণ্ড মাংস উঠিয়া গিয়াছিল। তাঁহার পরিচ্ছদ, পাহুকা প্রভৃতি ভস্মীভূত হইয়া গিয়াছিল। তাঁহার উৎকৃষ্ট বাহন—অশ্ব ও হস্তী অধিকারচ্যুত হইয়াছিল। কেবল রাত্রিকালীন অঙ্গচ্ছদমাত্র তাঁহার সঞ্চল ছিল। তিনি এই অবস্থায় খিদমৎগারের সাহায্যপ্রার্থী হইলেন। বিখ্যস্ত খিদমৎগার তাঁহাকে বস্ত্রাচ্ছাদিত ডুলীতে স্থাপন করে, এবং লোকের নিকটে আপনার স্ত্রীকে লইয়া বাইতেছে, এইরূপ ভাণ করিয়া, নিরাপদ স্থানে উপনীত হয়।* বাঙ্গালার এক জন বহুদর্শী হিন্দু এইরূপ অনেক দৃষ্টান্ত সংগ্রহ করিয়া গিয়াছেন।† সে সময়ে ভারতবাসিগণ গবর্ণমেন্টের বিপত্তিনিবারণে যথাসম্মতি চেষ্টা করিয়াছে। ইংরেজ ভারতবর্ষের যেখানে বিপন্ন হইয়াছেন, সেই স্থানেই সদাশয় ভারতবর্ষীয়গণ তাঁহাদের উদ্ধারসাধনে অগ্রসর হইয়াছে। সেই সময়ের ইংরেজী সংবাদপত্রসমূহ ভারতবাসীদিগের এইরূপ সদাশয়তার কথার পরিপূর্ণ রহিয়াছে। ফলতঃ উপস্থিত বিপ্লব সিপাহীদেরই আবদ্ধ রহিয়াছিল। উক্ত

* *Englishman*, October 23, 1857, quoted in the *Statements of Native Fidelity &c.* p. 44-45.

† *Mutinies and the People or Statements of Native Fidelity &c.* By a Hindu.

শ্রেণীর যে সকল ব্যক্তি গবর্ণমেন্টের বিচারে আপনাদিগকে ক্ষতিগ্রস্ত মনে করিয়াছিলেন, তাঁহাদের কেহ কেহ সিপাহীদিগের সহায় হইয়াছিলেন। ঘটনাচক্রে বাধ্য হইয়াও, কেহ কেহ গবর্ণমেন্টের বিপক্ষতাচরণ করিয়াছিলেন। নিম্নশ্রেণীর যে সকল লোক অর্থকামুক, বিলুপ্তনপ্রিয় ও পরস্বাপহরক, তাহারা বিপ্লবের বিস্তার করা আপনাদের সুবিধাজনক মনে করিয়াছিল। কিন্তু সমগ্র ভারতবাসী বিপ্লবে উন্মত্ত হয় নাই; বিশেষতঃ অশিক্ষিত ভারতবাসী কোন অংশে উহার সংশ্বে থাকেন নাই। এক জন সদাশয় ইংরেজ (ক্রীযুত এ.ও. হিউম সাহেব) এই বিপ্লবের পূর্বে ও পরে উত্তরপশ্চিমপ্রদেশে রাজকীয় কর্ষে নিয়োজিত ছিলেন। তিনি এ সম্বন্ধে সবিশেষ অনুসন্ধানের পর নির্দেশ করিয়াছেন যে, কসাই প্রভৃতি নিম্নশ্রেণীর মুসলমান দিল্লীর ভূপতির আধিপত্য পুনঃপ্রতিষ্ঠিত হইল মনে করিয়া, নিঃসন্দেহ ঐ প্রাচীন মুসলমানরাজধানীর অতিমুখে ধাবিত হইয়াছিল; যে সকল জাতি গবাদির অপহরণে ব্যাপৃত থাকে, তৎসমুদয়ের মধ্যে কেহ কেহ নিঃসন্দেহ আমাদের বিরোধী হইয়া উঠিয়াছিল; যে সকল ভূস্বামী গবর্ণমেন্টের বিচারে ক্ষতিগ্রস্ত হইয়াছিলেন, অথবা তাঁহাদের বিষয়ে অত্যাচার বিচার হইয়াছে বলিয়া মনে করিয়াছিলেন, তাঁহাদের কেহ কেহ নিঃসন্দেহ আমাদের বিপক্ষতাচরণ করিয়াছিলেন; কিন্তু সমগ্র ভারতবর্ষের অধিবাসীদিগের শতকরা এক জনও নিরতিশয় বিপত্তির সময়ে ব্রিটিশ শাসনের বা ইউরোপীয়দিগের বিরোধী হয় নাই।* * * ভারতের অধিবাসীর হিসাবে ইহা কেবল সৈনিকদলের সমুখানমাত্র বলিতে হয়। যে সকল ভূপতি মিত্র রাজা এবং সম্ভ্রান্ত ভূস্বামিগণ আমাদের হস্তে অত্যাচাররূপে ক্ষতিগ্রস্ত হইয়াছিলেন, বিপ্লব উপস্থিত হইলে, তাহারা আমাদের বিরোধী হইয়াছিলেন বটে, কিন্তু নিতান্ত দুর্ঘটনার সময়েও জনসাধারণ সাক্ষাৎ বা পরস্পরাসম্বন্ধে আমাদের পক্ষে ছিল। ইংলণ্ডের যে বিপদ এবং দুর্গতি তাঁহার নিজের অজ্ঞানতা এবং অত্যায়ে ঘটয়াছিল, সেই বিপদ ও দুর্গতির সময়ে ভারতবাসীগণ ইংলণ্ডের পার্শ্বে দণ্ডায়মান রহিয়াছিল। ইংলণ্ড যে, ভারতবর্ষের অধিবাসীদিগের নিকটে অপরিমিত রক্তস্রবত্যাগে আবদ্ধ আছেন, ইহা তাঁহার মনে রাখা উচিত।*

* Inaia, quoted in the Indian Nation, April 27, 1896.

এক জন দূরদর্শী ইংরেজ (রাসেল সাহেব) উপস্থিত যুদ্ধের স্থল হইতে যে সকল পত্র বিলাতের টাইম্‌স্‌নামক প্রসিদ্ধ সংবাদপত্রে প্রেরণ করেন, তৎসমুদয়ের এক খানিতে উল্লেখ করিয়াছিলেন যে, সেকন্দর শাহ যেমন তাঁহার ভারতবাসী সহযোগীদিগের সাহায্যে মহারাজ পুরুকে পরাজিত করিয়াছিলেন, ব্রিটিশ গবর্ণ-মেন্টও সেইরূপ হিন্দু ও মুসলমানদিগের সাহায্যে হিন্দু ও মুসলমানদিগের সহিত যুদ্ধ করিতেছিলেন । কোন ইউরোপীয় বা অন্ত গবর্ণমেন্ট ভারতবাসী-দিগের সহকারিতা ও সাহায্য ব্যতিরেকে ভারতবর্ষ শাসন করিতে পারেন না ।* যাহারা অপক্ষপাতে উপস্থিত যুদ্ধের ইতিহাসপর্যালোচনা করিয়াছেন, তাঁহারা নিঃসন্দেহ এই সকল উক্তির যথার্থ্য স্বীকার করিবেন ।

এই প্রসঙ্গে আর একটি কথা বলা আবশ্যক । যাহারা এই সময়ের ভারতের ইতিহাস মনোযোগসহকারে পাঠ করিবেন, তাঁহারা বুঝিতে পারিবেন যে, লর্ড কানিংগ্‌ কুরুপ গোলযোগে পড়িয়াছিলেন । এক দিকে উন্নত সিপাহীগণ গবর্ণ-মেন্টের বিরুদ্ধে অস্ত্রধারণ করিয়াছিল, অপর দিকে উত্তেজিত ইউরোপীয়গণ ভারতবাসীর শোণিতপাতে দৃঢ়প্রতিজ্ঞ হইয়াছিল । এইরূপ সম্বন্ধকালে মাহুদ প্রায়ই দিশাহারা হইয়া পড়ে, এবং হয় ত অপরের উত্তেজনায় অধীর হইয়া, জ্ঞানান্ধমোদিত পথ পরিত্যাগ করে । কিন্তু লর্ড কানিংগের প্রকৃতি কোনরূপ অধীরতা বা কোনরূপ অন্তায় আচরণে কলুষিত হয় নাই । লর্ড কানিংগ্‌ ধর্ম্মাশ্র-সারে যাহাদের পালনকার্য্যে নিয়োজিত হইয়াছিলেন, হিংসাপর লোকের হস্ত হইতে তাহাদিগকে রক্ষা করাই তাঁহার প্রধান উদ্দেশ্য ছিল । তিনি স্বদেশীয়দিগের নিকটে তিরস্কৃত হইয়াছিলেন, কিন্তু ইহাতে তাঁহার ধীরতা বিচলিত হয় নাই । তিনি স্বদেশীয়গণের বিচারের পাত্র হইয়া উঠিয়াছিলেন, কিন্তু ইহাতেও তাঁহার প্রশান্তভাবে ব্যতায় হয় নাই । তিনি স্বদেশীয়দিগের নিন্দা ও বিক্রপের বিষয়ীভূত হইয়াছিলেন, কিন্তু ইহাতেও তাঁহার প্রসন্নতার হানি দেখা যায় নাই । তিনি সর্বদা প্রশান্তভাবে, ধীরতা ও প্রসন্নতাসহকারে আপনার কর্তব্যপালন করিয়াছেন । তিনি যখন মুদ্রণশাসনী ব্যবস্থা বিধিবদ্ধ করেন, তখন ইংরেজী সংবাদপত্রসমূহকে ঐ ব্যবস্থার বহির্ভূত করেন নাই । এজন্য অসমদর্শী

* *Statements of Native fidelity &c. p. 28.*

স্বদেশীয়গণ তাঁহার প্রতি নিরতিশয় বিরুদ্ধ হয়েন। এক জন ইংরেজ ঐতিহাসিক এ সম্বন্ধে লিখিয়াছেন—“ইউরোপীয় সংবাদপত্রসমূহের মুখ বন্ধ করিয়া, গবর্ণমেন্ট নিঃসন্দেহ ভ্রমে পতিত হইয়াছিলেন।”* এই ঐতিহাসিক কেবল এতদেশীয় সংবাদপত্রের উপর জাতক্ৰোধ হইয়াছিলেন। স্ততরাং কেবল এতদেশীয় সংবাদপত্রের বাকরোধ করাই তাঁহার মতে সঙ্গত ছিল। তিনি এক স্থলে এই ভাবে উল্লেখ করিয়াছেন,—“এতদেশীয় সংবাদপত্রের মধ্যে বাঙ্গালার সংবাদপত্র সুশিক্ষিত ব্যক্তিদিগের প্রতিনিধিত্ব করে। এই সকল ব্যক্তি অল্পব্যবহারে অনভিজ্ঞ। যদি রাজ্য স্বপ্রধান হয়, তাহা হইলে ইহারা ই কেবল আপনাদের দেশ শাসন করিতে সমর্থ। সম্ভবতঃ বাঙ্গালীরই বিশ্বাস জন্মিয়াছিল যে, ইংরেজের রাজত্ব অপসারিত হইলে, তাহাদের অবস্থার সবিশেষ উন্নতি হইবে। আমরা যে, শেষে এই বিপ্লবের নিবারণে কৃতকার্য হইব, তৎসম্বন্ধে ইহাদের অনেকে সন্দিহান হইয়াছিল। কারণ যাহাই হউক না কেন, ইহা স্বীকার করিতে হইবে যে, মিরাতের বিপ্লবের সংবাদ যে সময়ে কলিকাতায় উপস্থিত হয়, সেই সময় হইতেই এতদেশীয় সংবাদপত্রের স্র পরিবর্তিত হইয়া উঠে। এই সময় হইতে উক্ত সংবাদপত্রসমূহ গবর্ণমেন্টের বিরুদ্ধ পক্ষ অবলম্বন করে। বিপ্লবকারীদিগের প্রতি যে, ইহাদের সমবেদনা আছে, তাহার নিদর্শন স্পষ্টতঃ লক্ষিত হয়।”† সমদর্শী ব্যক্তিগণ এই উক্তির সত্যতাসম্বন্ধে সন্দিহান হইবেন। যাহার লেখনীমুখ হইতে এইরূপ বিদ্বেষময় কথা বহির্গত হইয়াছে, তিনিও দৃষ্টান্ত বা প্রমাণ দ্বারা আপনার উক্তির সমর্থন করেন নাই। বাঙ্গালী নিঃসন্দেহ সুশিক্ষিত এবং রাজ্যশাসনসংক্রান্ত বিষয়ে অভিজ্ঞ। কিন্তু বাঙ্গালী কখনও রাজতন্ত্রিশূন্য নহে। সুশিক্ষিত বাঙ্গালী উপস্থিত যুদ্ধে ব্রিটিশ সৈন্তের জয়লাভে নিরতিশয় সন্তোষ প্রকাশ করিয়াছে। দিল্লী যখন পুনরধিকৃত হয়, তখন বাঙ্গালার অধিবাসিগণ প্রকাশ্য সভায় সমবেত হইয়া, উল্লাস প্রকাশ করিতে বিমুখ হয় নাই। লর্ড কানিংগের সমদর্শিনী নীতিতে পুলকিত হইয়া, বাঙ্গালী, বিহার ও উড়িষ্যার বহুসংখ্য অধিবাসী প্রকাশ্য সভায় গবর্ণমেন্টের

* Malletson, Indian Mutiny. Vol. I. p. 21.

† Ibid. Vol I. p. 18.

ঐতি আপনাদের কৃতজ্ঞতা প্রকাশ করিতে ক্রটি করে নাই।* স্মৃশিকিত, সজ্ঞাত ও প্রভূতসম্পত্তিশালী বাঙ্গালীর বহু এইরূপ সত্য অধিবেশন হইয়াছিল। ফলতঃ বাঙ্গালী কখনও আপনাদের রাজভক্তি কলঙ্কিত করিতে উদ্যত হয় নাই। বাঙ্গালীর সংবাদপত্রও উপস্থিত বিপ্লবে গবর্ণমেন্টের বিরুদ্ধাচরণ করে নাই। ইংরেজের রাজত্ব বিপর্য্যস্ত হয়, বাঙ্গালীর সংবাদপত্রে কখনও এরূপ ভাব পরিব্যক্ত হয় নাই। বাঙ্গালী সম্পাদক এসময়ে গবর্ণমেন্টের তত্বাহুধারী ছিলেন। নিরীহ ভারতবাসীর শোণিতে ভারতবর্ষ কলঙ্কিত না হয়, ইহা বাঙ্গালী সম্পাদকের একান্ত ইচ্ছা ছিল। এক জন তেজস্বী বাঙ্গালী সম্পাদক হিংসানীল ইংরেজের নরহত্যার বিপক্ষে লেখনী চালনা করিয়া, গবর্ণমেন্টকে সহুদেশ দিতে বিমুগ্ধ করেন নাই। বাঙ্গালীর হিন্দুপ্রোট্রিট হইতে গবর্ণমেন্ট এসময়ে বেক্রপ উপকার পাইয়াছেন, বোধ হয়, কোন ইংরেজী সংবাদপত্র হইতে সেক্রপ উপকার প্রাপ্ত করেন নাই। হরিশচন্দ্র মুখোপাধ্যায়ের রাজভক্তি ও সংসাহদের পরিচয় পাইয়া, লর্ড কানিং এরূপ সন্তুষ্ট হইয়াছিলেন যে, তিনি ঔৎসুক্যসহকারে তাঁহার সম্পাদিত সংবাদপত্র পাঠ করিতেন। যখন ইংরেজী সংবাদপত্র হৃদমনীয় প্রতিহিংসার তৃপ্তিসাধন করিতে না পারিয়া, তারস্বরে গবর্ণমেন্টের নিন্দাঘোষণা করিতেছিল, তখন বাঙ্গালীর সংবাদপত্রই গবর্ণমেন্টের পক্ষসমর্থনে অগ্রসর হইয়াছিল। বাঙ্গালার সম্পাদককুল উত্তেজিত ইংরেজের অল্পচিত হিংসার গতিরোধে উগ্ধত থাকাতেই বোধ হয়, পূর্বোক্ত ঐতিহাসিকের নিকটে নিম্নিত হইয়াছেন। কিন্তু অল্প এক জন দূরদর্শী ইংরেজ ঐতিহাসিক বাঙ্গালী সম্পাদকদিগকে ধীরপ্রকৃতি ও দূরদর্শী বলিয়া, উল্লেখ করিয়া গিয়াছেন।† যিনি এইরূপ ধীরতাসম্পন্ন, এইরূপ রাজভক্তি, এইরূপ স্মৃশিকিত ব্যক্তিদিগকে কলঙ্কিত করিতে চেষ্টা করেন, তাঁহার প্রকৃতি কিরূপ বিবেচ্যভাবে কলুণিত, এবং সহৃদয়তা ও সমবেদনার অভাবে কিরূপ বিকৃত, তাহা সহৃদয়গণ বিবেচনা করিবেন।

লর্ড কানিং যে, মুদ্রণশাসনীব্যবস্থার প্রচার কালে, ইংরেজী ও এতদেশীয়

* পরিশিষ্টে মূল নিবেদনপত্র ও গবর্ণমেন্টের উত্তর মুদ্রিত হইল।

† উপস্থিত গ্রন্থের ১৫৫ পৃষ্ঠা দেখ।

ভাষার সংবাদপত্রের মধ্যে কোনরূপ পার্থক্য করেন নাই, তাহাতে তদীয় প্রগাঢ় সমদর্শিতাই পরিচয় পাওয়া যায়। তিনি মন্ত্রণাগৃহে উক্ত ব্যবস্থা বিধিবদ্ধ করিবার সময়ে এই ভাবে বলিয়াছিলেন,—“আমি ভারতবর্ষীয় ভাষার সংবাদপত্র সম্বন্ধে যাহা বলিলাম, ইউরোপীয় ভাষার সংবাদপত্রের প্রতি তাহার প্রয়োগ করিতেছি না। কিন্তু উপস্থিত বিপ্লবের ন্যায় বিপদের সময়ে যখন অনিষ্টকর বিষয়ের নিবারণ করা যাইতেছে, তখন আমি একটির সহিত অপরের পার্থক্য-সাধনের কোন যুক্তিসিদ্ধ কারণ দেখিতে পাই না। রাজভক্তি ও তীক্ষ্ণ বুদ্ধির জ্ঞাত আমি সন্তোষসহকারে ইউরোপীয় ভাষায় সংবাদপত্রপরিচালকদিগের প্রশংসা করিতেছি। কিন্তু সরলভাবে বাধ্য হইয়া, আমি ইহাও বলিতেছি যে, তাঁহাদের পরিচালিত কোন কোন সংবাদপত্রে একরূপ রচনা আমার দৃষ্টি-পথবর্তী হইয়াছে যে, ইউরোপীয় পাঠকদিগের হিসাবে উহা হইতে কোনও রূপে অনিষ্টের উৎপত্তি না হইলেও, উহা ভারতবাসীদিগের প্রতিপ্রবিষ্ট হইলে, ঘোরতর অনিষ্ট ঘটতে পারে। আমি জায়াতুসারে ইউরোপীয় এবং এতদেশীয়দিগের প্রচারিত সংবাদপত্রাদির মধ্যে কোনরূপ পার্থক্যবিধানের কারণ দেখিতে পাই না।” * এইরূপ যুক্তির বশবর্তী হইয়া, মহামতি লর্ড কানিং এতদেশীয় ও ইউরোপীয়দিগকে একবিধ নিয়মে আবদ্ধ করিয়াছিলেন। এজ্ঞাত তাঁহার অসমদর্শী স্বদেশীয়গণ তাঁহাকে যাহাই বলুন না কেন, জায়ের দ্বারে তিনি উদারপ্রকৃতি মহাপুরুষ বলিয়া সম্মানিত হইবেন। উপস্থিত বিপ্লবের সময়ে ইংরেজী সংবাদপত্র সংঘতভাবে থাকিলে, গবর্ণমেন্ট প্রথমেই ফ্রেণ্ড্ অব ইণ্ডিয়াকে মুদ্রণশাসনী ব্যবস্থার অধীন করিতে চাহিতেন না। ফলতঃ, ভারতবর্ষীয়দিগের অনিষ্টসাধনে উত্তেজনাপর স্বদেশীয়দিগকে প্রশ্রয় না দেওয়াতেই, লর্ড কানিং তাঁহাদের নিন্দা ও ধিকারের পাত্র হইয়াছিলেন। এইরূপ নিন্দা ও ধিকারের মধ্যেও তিনি যে, শান্তভাবে ও সমীচীনতাসহকারে কার্য্য করিয়াছিলেন, ইহাই তাঁহার যথোচিত প্রশংসার বিষয়। এইরূপ প্রশংসনীয় মহাপুরুষ ঈদৃশ সঙ্কটকালে ভারতবর্ষের শাসনকার্য্যে নিয়োজিত না হইলেও বোধ হয়, সিপাহীযুদ্ধের ইতিহাস রূপান্তরিত হইয়া যাইত।

* Malleon, Indian Mutiny. Vol. I. p. 19-20, note.

পরিশিষ্ট ।

THE BENGALEE'S ADDRESS.

To

THE RIGHT HON'BLE CHARLES JOHN VISCOUNT CANNING,

Governor-General of India, &c. &c.

● MY LORD—We, the undersigned Rajahs, Zemindars, Talookdars, Merchants, and other Natives of the province of Bengal, take the earliest opportunity, on the retaking of Delhi, to offer your Lordship, in Council our warmest congratulations on the signal success which has attended the British arms, under circumstances unparalleled in the annals of British India.

The establishment of British supremacy was considered to have been completely effected a century ago, when Clive led a few ill-trained battalions against the preponderating and well-equipped force which represented the Mogul power on the plains of Plassey. But whether the inadequacy of the means or the magnitude of that achievement, were more deserving of admiration, has not yet been determined by history.

No difference of opinion, however, can exist, as to the recapture of Delhi, the details of which have recently been published for general information. Though no one capable of forming a judgment on the subject ever doubted for a moment of the speedy reduction of Delhi, yet some little misgiving might have been felt by those who knew how well furnished was the place with the munitions of war, and occupied by what an immense number of men, whose fiendish animosity was excited to the utmost by that resolution, discipline and acquaintance with the art of war, which they had acquired by long training in the ranks from which they had basely revolted. But there can be no question of the admiration with which the world will learn by what a handful of men the arduous work has been achieved.

—in a brief period,—with the limited resources, a most unlooked for exigency afforded,—and amid discouragements arising from the unhealthiness of the season, that were all but overwhelming.

Such a result under such circumstances, never could have been hoped for, but from the well grounded confidence of brave hearts, heroically devoted to the service of their country and sustained by a sense of hereditary and indomitable prowess.

Happily remote from the scene of the outrages, which have darkened the aspect of the land, and tarnished that reputation for fidelity for which the native soldiery were once pre-eminent, we have derived sincere consolation from the reflection that in Bengal Proper there has been no disturbance, not even a symptom of disaffection; but that, on the contrary, the people have maintained that loyalty and devotion to the British Government, which led their ancestors to hail, and as far as they could to facilitate, the rising ascendancy of that power.

Under the fostering influence of that Government, the population of the country has increased, its agriculture has extended, security has been given to life and property, and the value of land, both at the Presidency and in the interior, has been very considerably enhanced.

Such, indeed, has been the confidence of the people throughout Bengal in the security of the British rule, that these benefits have gone on progressively, even during the height of the disturbances and alarms that have prevailed in the North-Western Provinces.

Sensible of the benefits they have enjoyed under British administration, the people could not but cordially sympathise with the embarrassing position in which their Rulers had suddenly been placed, and sincerely long for the speedy and entire re-establishment of British supremacy in the disturbed districts. So entirely have they identified their interests with those of their Rulers, that the natives of Bengal, men, women, and children, have in every part of the scene of the mutinies, been exposed to the same rancour, and treated with the same cruelty, which the mutineers and their misguided countrymen have displayed towards the British within their reach.

While we review with exultation the benefits our countrymen at

large have derived from their connection with and steadfast adherence to the British power, and while we congratulate your Lordship in Council on the success of the British arms against the mutinous soldiery, and on the happy prospect before us of the early restoration of tranquillity, we cannot fail to advert, and with no less satisfaction, to the administrative abilities which have conspicuously marked this part of your Lordship's career, and which have indeed been fully equal to the crisis. No sooner had the disloyalty of the sepoys been distinctly exhibited, than your Lordship took measures, with equal foresight and energy, to obtain reinforcements of British troops, as well from the neighbouring Presidencies and dependencies of the British Crown, as from the expedition then known to be on its way to a wholly different sphere of operations, and to hasten them to the disturbed districts.

Such measures at once assured the public of the speedy restoration of tranquillity throughout these territories. But not satisfied with these prospective advantages, your Lordship made such prompt use of the means that were within your immediate reach at the moment, as to ensure the reduction of the stronghold and rallying point of the mutineers, long ere the arrival of any considerable portion of the succours which Her Majesty's Government were prepared to send out to India, for the restoration of this empire to its former condition.

In your anxiety to dispel those clouds which have troubled the political horizon, your Lordship has not been inattentive to measures which would have appeared as of subordinate importance to minds of less perspicacity, foresight, and comprehension. It has been a prominent object with your Lordship both effectually to crush the disaffected and rebellious, and to protect and re-assure the loyal and obedient. Accordingly, the extensive powers of legislation vested in your hands have been employed to punish crimes of every form and magnitude against the state with promptitude and rigour ; to check vigorously the progress of sedition and disloyalty ; and to give a guarantee to the people at large that those powers would be wielded with justice and discrimination, so as to guard as far as possible against faithful and innocent subjects being confounded with the dissemina-

tors of sedition and the perpetrators of open mutiny or secret treachery.

Permit us to hope that your Lordship in Council will receive our heartfelt congratulations on the eminent success which has crowned the British Arms, and the warmest expression of our confidence from the opportune display of those signal talents which have distinguished your administration in times of unexampled difficulty, and have largely contributed to the safety of the British empire in these regions and the re-assurance of the peaceful and loyal.

We have the honour to be,

MY LORD,

Your most obedient and faithful servants, ০

(Sd.) MAHARAJAH MAHATAB CHUND BAHADOOR, *of Burdwan,*

RAJAH RADHAKANT BAHADOOR,

RAJAH KALI KRISNA BAHADOOR,

And others, inhabitants of Bengal, upwards of Two Thousand Five Hundred.

REPLY.

No. 2699.

FROM CECIL BEADON, Esq.,

Secretary to the Government of India,

TO MAHARAJAH MAHATAB CHUND BAHADOOR, *of Burdwan,*
RAJAH RADHAKANT BAHADOOR, RAJAH KALIKRISNA
BAHADOOR *and others.*

Dated the 17th December, 1857.

GENTLEMEN,—I am directed by the Right Hon'ble the Governor-General in Council to thank you for your address of congratulation upon the success of the British Arms in the North-Western provinces.

The honour which you give to the brave men who recaptured Delhi, is richly deserved. The Governor-General in Council agrees with you in believing that when the difficulties and discouragement by which Major-General Wilson and his troops were beset, shall be fully known, their achievement will call forth the admiration of the world.

It is a pleasure to the Governor-General in Council to be able to confirm the praise for unbroken loyalty, which you have claimed for the province of Bengal Proper. Excepting places where the inhabitants have suffered violence from a mutinous soldiery beyond the reach of English troops, there has been no disturbance in that province; the wealthiest, the most richly cultivated, and the most thickly peopled, of India, and yet the one which for many years past has had least share of protection from European troops.

The Governor-General in Council receives with great satisfaction the expression of your confidence in the Government. No man living has a deeper stake in its measures and its policy than yourselves. If peace, order, and security are valuable to any, they are so to those who, like the foremost amongst you, hold high rank, large hereditary possessions, accumulated wealth, and respected social positions. You do rightly regard your interests, as bound up with those of your rulers, and you may be certain that your rulers, will do nothing to sever them. Justice, policy, and the duty of England to India forbid it.

In conclusion, the Governor-General in Council desires me to thank you for the spirit of attachment and loyalty to the British Government which has dictated your address.

I have the honour to be, &c.,

(Sd.) CECIL BEADON,

Secy. to the Govt. of India.

FORT WILLIAM, }
The 17th Dec. 1857. }

TO
THE RIGHT HON'BLE CHARLES JOHN VISCOUNT CANNING,
Governor-General of India in Council.

MY LORD,—We, the undersigned Rajahs, Zemindars, Talookdars, Merchants, Tradesmen, Agriculturists and other natives of the provinces of Bengal, Behar and Orissa, beg leave to approach your Lordship in Council with this address expressive of our deep sense of gratitude for the several measures of security adopted by your Lordship in Council since disturbances have broken out in the Upper and Central

Provinces of British India, and of our admiration for the wisdom, justice and foresight which characterize those measures.

The difficulties which beset the Government of an empire so peculiarly constituted as that of British India, must, under any circumstances, be great and calculated to task the most practised statesmanship. But at a time like this, when the most momentous crisis that can occur in the history of a country is passing over ours, the successful conduct of affairs ought to entitle those entrusted with the public safety to the most unbounded praise, and to inspire the utmost confidence in their measures.

We, the undersigned, on our part and on the part of our countrymen generally, beg leave most respectfully to affirm that such praise is emphatically due to the administration of which your Lordship is the head, and such confidence is most worthily reposed by your countrymen in its justice, capacity and wisdom.

Such an expression of opinion as we intend this address to be, might, under ordinary circumstances, be liable to be considered as uncalled for, and even, perhaps, presumptuous. But under existing circumstances we feel it a duty to our countrymen to adopt the course we have done. It has become notorious throughout this land that your Lordship's administration has been assailed by faction, and assailed because your Lordship in Council has refused compliance with capricious demands, and to treat the loyal portion of the Indian population as rebels, because your Lordship has directed that punishment for offences against the State should be dealt out with discrimination, because your Lordship having regard for the future has not pursued a policy of universal irritation and unreasoning violence, and finally because your Lordship has confined coercion and punishment within necessary and politic limits.

Whatever may be the motives that influenced those who have joined in these proceedings, we entertain no apprehensions whatever of their representations having the effect which they desire to produce. We have observed with pain, but without misgiving, the incessant, though happily harmless, endeavours made by them to thwart the action of authority, to impeach its views and to embarrass its councils. But now that, My Lord, they have ventured to carry their

misstatements to the foot of the Throne, it is time,—and justice to ourselves and to our countrymen demands,—that a national protest against these most unjustifiable proceedings should be thus placed upon record.

We beg permission to subscribe ourselves,

MY LORD,

Your Lordships most obedient and faithful servants,
(Sd.) MAHARAJAH SREESH CHUNDER ROY,

And more than 5,000 natives of the provinces of Bengal, Behar and Orissa.

REPLY.

No. 2700.

FROM CECIL BEADON, Esq.,

Secretary to the Government of India,

TO MAHARAJAH SREESH CHUNDER BAHADOOR, *of Nuddeah,*
RAJAH PERTAUB CHUNDER SINGH BAHADOOR,
RAJAH PRASONONATH ROY BAHADOOR,
BABOO JOYKISSEN MUKERJEE, *and others.*

Dated the 17th December 1857.

GENTLEMEN,—The Right Hon'ble the Governor-General in Council directs me to thank you for the address which he has received at your hands.

The Governor-General in Council sees amongst the numerous signatures to that address the names of men of ancient lineage, of vast possessions, and of great wealth ; of men of cultivated intelligence, who have been foremost in measures of beneficence in the encouragement of education, and in works of material public improvement ; men whose influence with their fellow-countrymen is deservedly great, and whose interest in the peace and well being of India, it would be difficult to exaggerate.

No person will hold chiefly the opinions of such a body, and the possession of its confidence and good will would be a source of strength to any Government.

Therefore the Governor-General in Council desires me, in thanking you for your address, to add emphatically that he receives it with much satisfaction.

The motives which have induced the presentation of the address are stated by you. Upon these the Governor-General in Council desires me to say a few words.

In times of heat and violence, when the hearts of individual have been torn, and the feelings of classes inflamed, the judgments which men pass upon each other and upon events around them are seldom dispassionate; especially their judgments upon those whose high and solemn duty it is, whilst repressing crime and averting danger, to guide the measures of the State in the straight path of justice.

In such times there lies upon every loyal man the obligation so to govern his acts and words so as to prevent or allay irritation; not to excite or heighten it. The Governor-General in Council calls upon you, each in your sphere, to be mindful of this duty.

The Governor-General in Council wishes you to rest assured that the Government of India will not forget, that England will not forget that if unhappily the mutineers and rebels of India are to be reckoned by thousands, the peaceful and loyal subjects of the Queen in India are numbered by millions. You may be sure that by no act of the Government, by no general proscriptions or sweeping condemnations of race or creed, shall these last men be classed with the first.

The course of the Government of India has been, and will continue to simple and clear; to strike down resistance without mercy; but when resistance ends to allow deliberate justice to resume its sway; justice stern and inflexible, but patient and discriminating.

I have the honour to be,

GENTLEMEN,

Your most obedient servant,

(Sd.) CECIL BEADON,

Secy. to the Govt. of India.

FORT WILLIAM,

The 17th December, 1857.

সুন্দর হই খানি নিবেদনপত্র সবন্ধে বিলাতের টাইমস্ পত্রে একটি প্রবন্ধ প্রকাশিত হয়। ঐ প্রবন্ধে বাক্সালা এবং উহার পার্শ্ববর্তী প্রদেশের জমীদার, মহাজন ও সম্ভ্রান্ত ব্যক্তিদিগের বধোচিত প্রশংসা করা হইয়াছিল। টাইমসের উক্ত প্রবন্ধে উল্লেখ ছিল যে, বাক্সালা এবং উহার নিকটবর্তী প্রদেশের সম্ভ্রান্ত-সম্প্রদায় এবং জমীদার ও মহাজন লর্ড কানিংগের অপক্ষপাত ব্যবহারের বিষয়ে অনবরান্ধতা প্রকাশ করেন নাই। তাঁহারা হুই খানি স্থলিখিত নিবেদনপত্রে, ভারতবাসীদিগের বিরুদ্ধে নানারূপ গোলযোগে বাধা দিবার জন্ত, লর্ড কানিংকে ধন্যবাদ দিয়াছেন, এবং দিল্লী পুনরধিকারের জন্ত আহ্লাদ প্রকাশ করিয়াছেন।

* * * গবর্ণমেন্টের কলিকাতাস্থিত বিরুদ্ধবাদিগণ সম্ভবতঃ বলিবেন যে, তাঁহাদের আকাঙ্ক্ষা ও অভিমতের সহিত সন্দেহযুক্ত, বিদেশীয় ভারতবাসীদিগের অভিমত ও আকাঙ্ক্ষার প্রতিযোগিতা করিতে দেওয়া উচিত নয়। কিন্তু গবর্ণমেন্টের মনে রাখা উচিত যে, তাঁহার প্রজাগণ প্রধানতঃ ভারতবর্ষীয়। রাজা, জমীদার, তালুকদার, বাণিজ্যব্যবসায়িগণ অবিখ্যস্ত হইতে পারেন। তাঁহারা যে, সাধারণমতের বিরুদ্ধবাদী, তদ্বিষয়ে সন্দেহ নাই। কিন্তু স্বদেশীয়দিগের উপর তাঁহাদের যে ক্ষমতা আছে, সেই ক্ষমতাপ্রযুক্ত গবর্ণমেন্ট যদি গোলযোগে পতিত হুয়েন, তাহা হইলে অসুবিধা ঘটিতে পারে। সম্মান ও মর্যাদার হিসাবে নিবেদনকারিগণ অসৌজন্ত ও উপেক্ষার পাত্র নহেন। নিবেদনপত্রে ঐহাদের স্বাক্ষর আছে, তাঁহাদের এক জন অতি প্রাচীন হিন্দুরাজবংশীয়। মুসলমান অধিকারের পূর্বে বাক্সালার দক্ষিণাংশে এই রাজবংশের আধিপত্য ছিল। বর্ধমানের মহারাজ প্রতি বৎসর অর্দ্ধ কোটিরও অধিক টাকা রাজস্ব দিয়া থাকেন। এক জন রাজা ভারতবর্ষীয়দিগের জন্ত চিকিৎসালয়স্থাপনের নিমিত্ত এক সময়ে পাঁচ লক্ষ টাকা চাঁদা দিয়াছেন। অত্র এক জন ৪০।৫০টি ঐছালয় স্থাপন করিয়াছেন। ইহা বলিলেই শ্রামাচরণ মল্লিকের রাজভক্তির অংশতঃ পরিচয় পাওয়া যাইবে যে, বাক্সালার মধ্যে তিনিই অধিক টাকার কোম্পানির কাগজের অধিকারী। হুন্দদনী রাজনীতিজ্ঞগণ স্বীকার করিবেন যে, হুসভা সমাজের ধনী পরিচালকগণের সহিত সম্ভাব রাণা উচিত। বিশেষতঃ, ইঁহারা যখন কেবল আপনাদের

* Times, February 4, 1858, quoted in the statements &c. p. 145-147.

প্রতি জ্ঞানপরাপ্রকাশ এবং আপনাদিগকে রক্ষা করিতে, তখন এই রক্ষণীয় এবং জ্ঞানস্বারে সুবিচারিত উৎপাদন করা কখনও বিধেয় নহে।

বাক্সাগীর্ণ যে, রাজভক্তিপূত্র নহে এবং জাহারা যে, রোপীয়দিগের জ্ঞানব্যবহারের বিষয়ভূত নহে, তাহা টাই পরিব্যক্ত হইতেছে। বস্তুতঃ, উক্ত ইউরোপীয়গণ, সে বাসীদিগের অনিষ্টসাধনে ক্রতসঙ্কল্প হইয়া, গবর্ণমেন্টের জ্ঞান ও অসঙ্গত প্রার্থনা করিয়াছিলেন। সুধের বিষয়, ম তাঁহাদের অবস্থা চীৎকারে কর্ণপাত করেন নাই।


উপস্থিত গ্রন্থের ১৮৬-১৮৭ পৃষ্ঠে পাটনার বিবরণ প্রসঙ্গে, কাওরাজের বিস্তৃত ক্ষেত্রে ফাঁদী কাঠ স্থাপিত হইয়াছিল। নার অধিবাসীদিগকে রাত্রি ৯টার পর আপনাদের গৃহে থাকি দিয়াছিলেন। এখানে বক্তব্য যে, কেবল পাটনাতেই এই হয় নাই। পাটনার জায় অত্র নগরেও প্রকাশ স্থানে হইয়াছিল। অধিবাসিগণ রাত্রি ৯টার পর গৃহপরিভ্রমণে যাইতে পারিতেন না। সে সময়ে কর্তৃপক্ষ উত্তেজনাপর লো ইতস্ততঃ গমনাগমনের নিবারণের জন্ত, এইরূপ নিয়ম করিয়া


পাঠান্তর।

২৪ পৃষ্ঠের ২৪ পঙ্ক্তিতে—“অসামান্য আত্মতাগ ও বীর স্বরূপ।” স্থলে “অসামান্য আত্মতাগ ও বীরত্বকীর্তির নি পাঠ হইবে।

২৩২ পৃষ্ঠের ১৫ পঙ্ক্তিতে—“আয়ার বক্সারের আটা স্থলে “আয়ার বক্সারের আটাশ মাইল দূরবর্তী” পাঠ হইবে।

এতদ্ব্যতীত এই গ্রন্থের যে যে স্থলে “হিন্দুস্থান” ও “মুলক আছে, সেই সেই স্থলে “হিন্দুস্থান” পরিবর্তে “হিন্দুস্তান” পরিবর্তে “মুলক” পড়িতে হইবে।





954.05/GUP/R/4



21314

